

R. L. L. ^mRemitaru Samalduken Alonij Legy prope Panavia ^m

THEOLOGIA
SPIRITUALIS
FUNDAMENTALIS.

SEU
VERA, CHRISTIANA,
DIVINA SAPIENTIA.

Quæ est
ARS ARTIUM;
GEMMA, FRUCTUS, AC FINIS
SCIENTIARUM;
SCIENTIA SALUTIS,
Benè Beateque vivendi in Tempore,
ac Æternitate.

Omni ex parte compendiosè absoluta:
Magistris, (Asceticis, Mysticis, Concionatoribus,
Confessariis, Catechistis) & Discipulis Christianæ
Sapientiæ, eximiè utilis ac necessaria.
Missionariis quoque & aliis Viris Apostolicis multum proficua.
Tum ad usum ac praxim omnis Status Ecclesiasticorum,
Religiosorum, atque Sæcularium
accommodata.

AUTHORE R. P. FELICE SIMPLICI LACKI,
S. Theologiae Professore, & Priore Monasterii B. MARIE V. de Oliya, S. O. Cisterciensis.

Typis MONASTERII OLIVENSIS Sacri Ordinis Cisterciensis,
imprimebat JOANNES JACOBUS TEXTOR, Anno M. DC. LXXXVII.

THEOLOGIA
SPIRITUALIS

VERA, CHRISTIANA

DIVINA SENTENTIA

ARTIS

GRATIA FRUCTUS ACTUS

C. VII. 24

Beati B. de quibus vivendi in Tempore

de Religione

Omni ex parte compendiose absolutus

Magnus Alexius Mithras Concomitantibus

Capitulum de Religione

de Religione

Mithras Concomitantibus & Alex. Mithras Concomitantibus

de Religione

Religionis

de Religione

AUTHOR

de Religione

de Religione

de Religione

DEO
UNI TRINO,
PATRI, FILIO, SPIRITUI
SANCTO,
VOTUM.

Redit in conspectum Divinae
Majestatis Tuæ Theologia nostra Spi-
ritualis: seu redit in suum Principium.
Illa enim est à Te DEO datum optimum,
& donum perfectum, descendens à PATRE Luminum:
Illa est verbum DEI, & sapientia participata a
VERBO æterno, & SAPIENTIA imparticipata;
dulciter lucens, & reducens sedentes ex um-
bra mortis, in æternum gloriæ lumen: Illa est
Amor ab AMORE PATRIS, & FILII, SPIRITU
SANCTO emanans, rapiens ignis ad instar ex in-
fimis, illic hærentem hominem, & sursum levans
in suum centrum DEUM. Sed vereor Domine,
nè radiantissima hæc flamma cælestis, transiens
nubilum teporemquè spiritus mei, ecclipsim
quampiam patiat: nisi forsan clariùs elucescant
opposita sibi, licèt tanquam minùs & magis per-
fectum, ut vitrum & gemma, æs & aurum, stella
& sol comparata, illa istis amplius pretium pa-
rant: Ita quoquè ignitum eloquium tuum per
ora Sanctorum tuorum sparsum, languente ser-

Jac. c. I.

mone meo aspersum, ferventius rutilantiusq; comparebit. Ut ut est, Tu immensa Bonitas, non despicias unius vermiculi seu pulvisculi terræ Votum, quo, unà hoc cum Opere Tuo honori & gloriæ totum me perenniter Dono, Dedico. *Psalm. 67.* Quin *Apoc. 4.* potius ineffabili Pietate tuâ respiciens, & suscipiens; da supplex precor, *Voci tuæ vocem Virtutis,* quatenus hoc Opus ante Thronum (de quo procedunt fulgura, & voces, & tonitrua) Majestatis tuæ depositum, cieat fulgura coruscæ veritatis in agnitionem Tui, & Tuæ Voluntatis; intonet timore judiciorum tuorum; demittat ignem amoris Tui in terram, ut vehementer accendat corda mortalium. Inspira (ut facis gratiosè pluribus, sic & reliquis) Prælati Ecclesiæ ardentiorum Zelum gloriæ Tuæ, & salutis animarum; in qua promovenda, hoc Opere positas Industrias, Tuo Spiritu Divino adinventas, Tuorumquè fidelium Servorum usu practicas, sed heu! heu! incipiente *frigescere charitate, & abundare iniquitate,* cum plurimorum de Christianis populis perenni exitio neglectas, adhibeant. Quem fructum, dum sub auspiciis gratiæ Tuæ spero, ille erit unicum votum & merces mea, nempe in Tempore, & Æternitate, Tuus, & Tuorum, Major Honor & Gloria.

Matth. 24.
INFINITÆ MAJESTATIS TUÆ

*Infima Creatura,
Tibi æternum devotissima
Felix Simplex.*

PRÆFATIO

Ad Magistros, & Discipulos Christianæ
Sapientiæ.



Academiam, in qua docetur & discitur
Divina Sapientia, esse Sanctam, Catholi-
cam, Apostolicam Ecclesiam, patet. Ipsa
enim increata & incarnata Sapientia hu-
jus Academiae Præses, quid aliud ageret,
quàm lucidissimos Cælestis mysterii radios quaqu-
versum spargeret? quippe vel duodennis confidens in
medio Doctorum, in admirationem rapuit omnes super
sua prudentia. Deinde suis discipulis omnia quæcunque au-
divit à Patre suo, nota fecit eis: potens denique in opere & ser-
mone coram DEO & omni populo. Et licet juxta S. Bernar-
dum per suam Ascensionem rediens ad regionem sapientiæ
Sapientia DEI, ubi bonum omnes intelligunt & requirunt, in-
tellectu perspicacissimi, affectu paratissimi ad audiendam vocem Domini,
sermonum ejus, pauperem suam Scholam (Novellam discipu-
lorum Ecclesiam) relinqueret, promisit se tamen cum ea,
quantum invisibiliter, mansurum omnibus diebus usq; ad
consummationem sæculi: Et per Spiritum veritatis docturum
omnem veritatem: ut jure merito sit ipse Magister unus, qui
in cælis est Christus Dominus. Unus, inquam, supremâ au-
thoritate; Etenim participatâ ratione Magisterii sunt
quoque Apostoli, quorum unus titulo Doctoris gentium
seipsum appellat: sunt Apostolorum Successores Epi-
scopi, à S. Abbate Claravallensi Magistri Ecclesiarum, S. Bernardus
nominati; sunt denique Prælati Religiosarum Com-
munitatum, & alii Curati animarum; quibus vel per
Summum Pontificem, vel Episcopos communicata est
potestas

Luc. c. 2

Joan. c. 15.

Luc. c. 24.

Serm. 2. in Asc.

Domini.

Matth. c. 28.

Joan. c. 16.

Matth. c. 23.

I. Tim. c. 2.

in Convers. S.

Paul. Serm. 1.

PRÆFATIO.

potestas & munus Divini Magisterii. Juxta quod de his
DEUS per Prophetam dicit: *Et dabo vobis Pastores*
Jerem. c. 3. *juxta cor meum, & pascant vos scientiâ & doctrinâ.*

Discipuli in Academia Christi, omnes sunt Fide-
les in Sancta Catholica Ecclesia. De illis quippe Va-
tes prædixerat: *Ponam universos filios tuos doctos à Domi-*
Isai c. 44.
Joan. c. 6. *no.* Seu ut Christus ait: *Est scriptum in Prophetis: Et erunt*
omnes docibiles DEI. Classēs hujus Academiæ disponun-
tur Infimâ seu Incipientium, Mediâ seu Proficientium,
Supremâ seu Perfectorum.

Objectum Sapientiæ Divinæ, quod in Academia
Sanctæ Christi Ecclesiæ maximè proponitur, est illud,
De hoc Obje- quod insinuat Apostolus dicens: *Verbum crucis pereun-*
to vide infra *tibus quidem stultitia est: iis autem qui salvi fiunt, id est no-*
part 2. 2. 5. 7. *bis; DEI virtus est. Scriptum est enim: Perdam sapien-*
1. Cor. 1. *tiam sapientium: & prudentiam prudentium reprobabo. Ubi*
sapiens? ubi scriba? ubi conquistor hujus sæculi? Nonne stul-
tiam fecit DEUS sapientiam hujus mundi? Nam, quia in DEI
Sapientia non cognovit mundus per sapientiam DEUM; pla-
cuit DEO per stulticiam prædicationis salvos facere credentes.
Quoniam & Judæi signa petunt, & Græci sapientiam querunt:
nos autem prædicamus Christum Crucifixum: Judæis quidem
scandalum, Gentibus autem stulticiam: ipsis autem vocatis Ju-
dæis atq; Græcis Christum, DEI Virtutem, & DEI Sapientiam.
Serm. 43. in Et D. Bernardus inquit: *Hæc mea subitior interiorq; Philo-*
Cant. *sophia, scire JESUM, & hunc Crucifixum. Crucifixus ergo*
Christus Causa, Materia, Forma, Exemplar, Finis, Cen-
trum Christianæ Sapientiæ. Et paulò post idem Apo-
1. Cor. 2. *stolus ait: Sermo meus & prædicatio mea non in persuasibilibus*
humanæ sapientiæ verbis, sed in ostensione Spiritûs & Virtu-
tis: ut fides vestra non sit in sapientia hominum, sed in Virtute

DEI

PRAEFATIO.

DEI Sapientiam autem loquimur inter perfectos. Sapientiam verò non huius sæculi, neq; Principum huius sæculi, qui destruuntur: sed loquimur DEI Sapientiam in mysterio, quæ abscondita est, quam prædestinavit DEUS ante sæcula in gloriam nostram, quam nemo Principum huius sæculi cognovit: si enim cognovissent, nunquam Dominum gloriæ crucifixissent. Sed sicut scriptum est, quod oculus non vidit, nec auris audivit, nec in cor hominis ascendit, quæ præparavit DEUS iis, qui diligunt illum, nobis autem revelavit DEUS per Spiritum suum. Ex quibus verbis colligitur Mystica Theologia, quæ non tam verbo, quàm ipsa beatà experientià discitur. Porro mellifluus Doctor ita differit: Gaudeo vos esse de hac schola, de schola videlicet Spiritus, ubi bonitatem, & disciplinam, & scientiam discatis, & dicatis cum Sancto: super omnes docentes me intellexi. Quare? inquam. Nunquid, quia purpurâ & bysso me indui, & quia lautioribus epulis abundavi? Nunquid, quia Platonis argutias, Aristotelis versutias intellexi, aut ut intelligerem laboravi? Absit inquam, sed quia testimonia tua exquisivi. Idem alibi: Quid autem illo (id est S. Petro) sapientius, cui non caro & sanguis revelavit? Libentissimè Paulum sequor, qui & sapientiam & medullam sacram sensuum, non à primo, vel secundo, sed à tertio Cælo largiter asportavit. Hi sunt Magistri nostri, qui à Magistro med. omnium vias vitæ plenius didicerunt, & docent nos usque in hodiernum diem. Quid ergo docuerunt, vel docent Apostoli Sancti? Non piscatoriam artem, non scenofactoriam, vel quicquid huiusmodi est: non Platonem legere, non Aristotelis versutias in versare, non semper discere, & nunquam ad veritatis scientiam pervenire. Docuerunt me vivere. Putas parva res est scire vivere? Magnum aliquid, imò maximum est. (Et post pauca: Bonam autem vitam ego puto, & mala pari, & bona facere, & sic perseverare usq; ad mortem.

S. Bernardus
Serm. 3. Pent.
circa medium.

S. Bernardus
in festo SS. Petri
& Pauli
Serm. circa

Igitur

PREFATIO.

Igitur ex his colligitur *Objectum Theologiæ Spiritualis esse Media Scatūs vitæ supernaturalis, seu Actus Virtutis Christianæ ad Finem supernaturalem.* Sive restrictiùs & ad propositum loquendo: *Esse supernaturaliter & moraliter Bonar. 6. 1. & 2. nam ac Beatam vitam hominis ex JESU Crucifixo, per JESUM Crucifixum, in JESU Crucifixo.* Ex JESU Crucifixo, tanquam *Causa Efficiente* tum valoris causarum moralium creatarum, tum essentiæ & virtutis causarum supernaturalium, productivarum Bonæ ac Beatæ vitæ supernaturalis seu Christianæ. Quòd enim Causæ morales v. g. Merita & Orationes Sanctorum habeant vim obtinendi gratiam benè beatequè vivendi supernaturaliter Christianis, hanc vim ex fonte vulnere JESU Crucifixi profluere satis notum perspectumquè est. Omnia enim principaliter vi meritorum Christi nobis donantur, salutariaquè sunt. *Per JESUM Crucifixum,* sicut per Medium ad Finem supernaturalem vitæ Christianæ. Quod medium spectatum in ratione *Causæ Materialis,* an non proponit Christiano omne genus altissimæ perfectionis virtutum? In ratione verò *Causæ Formalis seu Exemplaris* consideratum, an non Christianus potissimùm ex motivo imitandi Christum suam vitam agere tenetur? Ille enim est Liber vitæ, secundùm quem judicandi sumus, an ei conformiter vixerimus. Imitatio ergo in Christum maximè Crucifixum transformativa, seu *Transformatio in Christum, lumen, & amorem Crucifixum, pauperem, contemptum, dolorosum, est* medium principale statūs vitæ moralis supernaturalis, ad finem supernaturalem perfectionis, sanctitatis, beatitudinis tuæ, & proximi, ad Gloriam DEI, Christi, DEiparæ, & Cæli-
tum. *In JESU Crucifixo.* Etenim *Causa Finalis* vitæ Christianæ, nempe DEUS, ubi magis cognoscitur, amatur,

Vide de hac
Transform. l. 2.
tract. I. c. 1.
sect. 2. §. 5. Et
sect. 4. Et 2.
§. 7. Et part.
3. tract. I. c. 2.
sec. 3.

PRÆFATIO

amatur, glorificatur quoad suam Potentiam, Sapientiam, Bonitatem aliisque attributa Divina, quam in JESU Crucifixo? Porro ex majori Cognitione ardentiorique Amore DEI, & eum consequenti Gaudio Spiritus, consurgit major Perfectio, Sanctitas, Beatitudo Vitæ præsentis, quæ sunt quoque dispositiones ad æternam Felicitatem. Mystica quoque Theologia non infunditur nisi perfecte Transformatis in Crucifixum. Denique signum Crucis in Universali Judicio coram omnibus Angelis, hominibus, dæmonibus erigetur in Trophæum Virtutis & Gloriæ DEI-HOMINIS. Imo in Patria, Vulnera Crucifixi tum formaliter ad oculum corporeum, tum occasionativè ad cognitionem & amorem summæ DEI Bonitatis, erunt & ipsa speciale objectum æternæ Beatitudinis. Appositè Magnus Magister Spiritualis inquit: *In Cruce salus, in Cruce vita, in Cruce protectio ab hostibus, in Cruce infusio supernæ suavitatis, in Cruce robur mentis, in Cruce gaudium Spiritus, in Cruce summa virtutis, in Cruce perfectio Sanctitatis.* Porro JESUS Crucifixus, ut est Objectum veræ Sapientiæ, non solum intelligitur dum fuit externè & corporaliter Cruci affixus, verum etiam ipsius *Tota vita*; quæ juxta Magistrum Spiritualem *Cruce* fuit & Martyrium. Et B. Angela de Fulginio ait: *In illo momento, quo fuit anima Christi humano corpori & Divinitati unita, statim fuit repleta summâ sapientiâ: & ideo Christus statim fuit viator & comprehensor: & statim in utero Virginis Matris suæ incepit sentire summum dolorem, sciendo, videndo, & considerando, & intelligendo universaliter & singulariter omnes pœnas, & quamlibet per se, quas ipsa anima cum sua carne experiri debebat, & pro nobis tolerare.*

);(

Et si-

Thom. Kemp-
lib. 2. cap. 12.
§ 2.

ibidem.
Joan. Bollandus in vita B.
Angel. Fulg. c.
16.

PRÆFATIO.

Cap. 13.

Et sicut propinquus morti factus fuit in agonia, & in tanta
eristia, quod corpus sudorem sanguineum usque ad terram
emisit, propter hoc, quod acerbicatem mortis prævidebat: ita
anima Christi prævidendo ista tormenta sibi affutura, sum-
mo dolore dolebat, quamvis corpus non experiretur tantum, si-
cut quando passioni fuit Christus propinquus. Item: Anima
in raptu intelligit acutum dolorem fuisse in anima Christi dum
erat in utero Matris, sicut postea habuit in Cruce. Ibidem:
Regis Regum tota vita sua Crux indicibilis fuit propter ines-
cabilem dolorem continuum, quem in se portavit. Ex quo
discursu patet JESUM ab ipso instanti quoad animam
fuisse tota vitâ suâ Crucifixum, donec & corpore Cru-
ci affigeretur; adeoque quos virtutum actus exercuit
in Cruce, eosdem exercuit & totâ vitâ suâ, quamvis non
ita patenter & expressivè in corpore suo, & quoad
humanum aspectum & sensum nostrum. Unde in hoc
Opere dum virtutes Vitæ Christi & Passionis ad imi-
tationem &c. proponimus, proponimus maximè ut
Virtutes JESU Crucifixi; quia ita illas exerce-
bat ac si esset Cruci affixus. Concludimus ergo,
benè esse pro Objecto hujus Theologiæ Spiritualis sta-
tutum, JESUM Crucifixum ut Causam, Materiam,
Formam, & Finem vitæ Christianæ supernaturaliter
Bonæ ac Beatæ. Cum JESUS quoque Crucifixus
quâ DEUS, sit Ens summum verum bonum, idem cum
Patre & Spiritu Sancto, per eum ut causam altissi-
mam ad ejus Divinorum contemplationem, amorem,
fruitionem ascendimus. Sapientiæ quippe est,
altissima per altissimam causam considerare. Et
quanquam hoc in Opere contenta partis primæ, ad pri-
mam Personam Sanctissimæ Trinitatis DEUM Patrem,
partis secundæ ad secundam Personam Filium DEI,
par tis

P R Æ F A T I O

partis tertiæ ad tertiam Personam Spiritum Sanctum, tanquam ad primam, altissimam, & universalissimam principiam reduxerimus; Medio tamen Crucifixo IESU, (qui est *Mediator DEI & hominum*) juxta rationes supra allatas & cæteras reducta esse volumus, & debemus.

His suppositis, jam cum stupore, simul & ingenti dolore licet quærere: Cur ergo *stultorum infinitus est numerus*? Cur *dilatauit infernus animam suam, & aperuit os suum absque ullo termino* propter eos, qui in dies pleno agmine intereunt propter suam insipientiam? Cur Abyssus illa horrendo remugit gemitu & lamentis? Ergo erravimus à via veritatis, & justitiæ lumen non luxit nobis, & sol intelligentiæ non est ortus nobis. Quæ principalis causa & origo tantæ cladis animarum? Magistri, Magistri nonnulli Ecclesiarum; vestra incuria Curati animarum, occasio ejusmodi spiritualium ruinarum. Plerumque enim ex sententia Magni Gregorii, *Culmen Prælationis accipiunt, qui in Charitate DEI & proximi perfecti non sunt.* Unde languidi, frigidi, cæcifacti duces cæcorum, pariter in foveam ignis æterni cadunt. Quippe, dum non sapiunt, nec intelligunt, ac novissima minime provident; sequitur, ut nec principium Sapientiæ Timorem Domini ipsimet noverint vel custodiant: nec in subjectis suis promoveant. Unde absque timore ullo filii hominum perpetrant mala; & in puncto ad inferna descendunt. Neque dicatis venisse ea tempora, quibus abundavit iniquitas, refrinxit Charitas multorum. Quibus authoribus? nonne vobis, qui finitis populum quasi aquam bibere iniquitatem? Nec accenditis ignem illum sancti amoris, quem venit Dominus mittere in terram, ut ardeat. Cerrè in deteriore multò statu sancti Apostoli reperere Mundum, quem tamen ipsorum personæ duodecim subegerunt Legibus & disciplinæ

):(2

Christi:

1. Tim. 2.

Eccl. c. 1.

Isai. c. 5.

Bar. c. 3.

Sap. c. 5.

S. Greg. l. 4.

cap. 5. in 1.

Reg. 10.

Matth. 15.

Deut. 52.

Prov. 1.

Eccles. 8.

Job. 21.

Matth. 24.

Job. 15.

Luc. 12.

P A E F A T I O

Christi: Nunc Mundus plenus Sacerdotibus, & tamen in maligno positus est. Quid memorem Fundatores & Promotores Religionum? S. Basilius magnus verè magna Columna Ecclesiæ, nonne cum sua sacra familia ut Atlas quidam sustentavit olim Orbem Orientalis Ecclesiæ? Quid S. Augustinus? nonne sicut sol meridianus, super Africam suam levatus, & anagogicâ doctrinâ & clarissimis filiis, per Evangelium Christi genitis, lætificat & ædificat Civitatem Ecclesiæ DEI? Quot à S. Benedicto per suam Benedictam familiam fidei & sanctitatis in toto Occidente diffusus splendor! Quot agmina Beatorum, Rectore S. Bernardo, vel ex unica Clara-valle sua & tota penè Europa, ipso adhuc vivente & docente, in Cælum præmissa! Quot sydera Cælo, è suo Carmelo invexit igneus Helias! Numera si potes. Quantum zelus, prædicationis fervor, animarum fructus, incendente Orbem terræ illa cælesti faculâ S. Dominico! Quot Seraphinis instauratum Cælum ab uno paupere Francisco! Quàm notabilis reparatio murorum Cælestis Jerusalem ex conversione gentium, & probè educata Juventute à Societate JESU fundatore S. Ignatio! (Idem & aliis Sanctarum Religionum Institutoribus & Propagatoribus sit congruus Honor) Ut proinde rectè S. Philippus Neriuss asseruerit: *Decem personæ mundanis extricatae lucris ac commodis, totum converterent mundum.* Non enim abbreviata est etiam nunc manus Domini, parata succurrere in tempore opportuno, modò quisque non desit officio suo. Sibi igitur imputent quidam Ecclesiastici, tum Religiosi Prælati, & Curati quòd *sua quærentes, non quæ JESU Christi; & se, & sua, & quæ JESU Christi, perdunt.* Hinc mellissimus Doctor inquit: Non

S. Philip. Neri.
in sent. &
Doct.

Epist. ad Philip.
c. 2.

PRÆFATIO

Non omnes sunt amici Sponsi, quos hodie Sponsa (Ecclesiæ S. Bernardus Christi) assistere cernis. Pauci admodum sunt, qui non quæ *Serm. 76. sua sunt querant ex omnibus Charis ejus.* Et paulo infra: *per Cant.*

Parum est nostris vigilibus, quod non servant nos, nisi & perdant. Alto quippe demersi oblivionis somno, ad nullum Dominicæ comminationis tonitruum expergiscuntur, vel ut suum ipsorum periculum expavescant. Inde est, ut non parcant suis, qui non parcant sibi, perimentes, pariter & pereuntes.

Quid tamen agimus? quare è tantis malis Nos, Proximosquæ eripere non eluctamur? quare novas Industrias salvandi animas non adinvenimus? Equidem hac in parte filiis lucis prudentiores sunt filii tenebrarum, qui mille artes excogitant perituras divitias comparandi, quàm nos pro nobis, & proximis nostris, cælestes thesauros aggregandi. Quidsi & vobis Magistri Ecclesiarum, aliquod novum (si non ad rem, certè ad modum) porrigatur Medium, quo, addita exigua operà vestra, immensos tamen fructus in Ecclesia DEI facere possitis? Nonne id summæ felicitati vestræ deputaretis? Ecce ejusmodi Medium est. Deputetur in Academiis, Gymnasiis, Scholis; Alumnatibus, Seminariis Clericorum; Monasteriis, Conventibus, Collegiis Religiosorum, Magister Spiritualis, qui electis animabus certo tempore prælegat Theologiam Spiritualem, ejusquæ difficiliora explicet, & ad Praxim ipsius potenter excitet: Deinde tempore determinato Discipuli Theologiæ Spirituales, loco Circularum seu Conferentiarum instituant colloquia spiritualia in materiis præfate scientiæ: per modum autem dubiorum inquirant Magistrum suum spiritualem de pertinentibus ad suum profectum in virtutibus; eiquæ planè aperiant

*Vide de Collat
spirit. 1. 2. tra.
1. c. 1. sect. 4.
subf. I. § 2.*

PRÆFATIO

ant cor suum, & juxta ipsius directionem faciant praxes & exercitia virtutum. Ad quæ omnia præstanda, omni possibili modo, Magister suos Theologos Spirituales conabitur adducere, tanquam ad finem ab hac Divina scientia unicè intentum: sine quo, aliàs esset parùm utilis. Porro Rectores Scholarum, & Superiores Domorum Spiritualium, subinde experimentum faciant in Theologis Spiritualibus de sua scientia; quid didicerint quæ speculative, quæ practice; & in qualibus, ac quomodò, sese quisquè exerceat virtutibus. Optima nota profectùs in hac Sapientia Divina, est vita innocens & proba. Modus verò ad instar Defendæ ex dicta scientia non alter assignari posse videtur, quàm ut Oppugnans proponat quæsitæ in materia spirituali, quæ Defendens resolvat & explicet, tum propter ædificationem Auditorum, tum ut Defendens in posterum erubescat contrarium suæ scientiæ salutarè actitare. Defenda verò ex universa Theologia Spiritualis fiet post mortem, ubi futurus acer oppugnator sathanas, Auditorium ipse Christus & Curia Cælestis, à quibus Defendens vel æternâ gloriâ & laureâ coronandus, vel cum opprobrio perenniter manet reprobandus.

Qualitates autem Spiritualis Magistri, ac ejus Discipulorum, & quomodo Divinam sapientiam ille proficere, hi discere debeant, infra sub Causalitate morali Magistri Spiritualis &c. describimus.

Par. 1. c. 1. sec.
2. subf. 6.

Hanc verò scientiam Theologiæ Spiritualis ad prima principia, scilicet ad quadruplex genus Causæ Efficientis, Materialis, Formalis, Finalis, & earum Effectum seu Productum reduximus. Felix enim eris, qui adeo sublimis rei poteris cognoscere Causas (juxta vulgatum

P R Æ F A T I O

gatum axioma) ut quidquid ferè in spirituali materia dici cogitarivè queat, adeoque omnes penè Bibliothecæ librorum spiritualium ad hoc Opus nostrum videntur esse reducibiles; ut penè infinitis possit ampliari Tomis: Nos tamen nec nimietati, nec brevitati, ipsi verò mediocritati studuimus. Porro ex dictis patet, rectè hanc Theologiam Spiritualem titulo Fundamentalis appellari, quæ ad prima principia Causarum & Effectum, quæ sunt rerum Fundamenta, reducta, illis superinstructa firma hæret. Cæterum nostra tenuitas exiguum quid hic se præstitisse existimat, cum vix aliquid suum, omnia aliena scilicet Sanctorum Patrum, & clarissimorum Doctorum Ecclesiæ, celebriumque Magistrorum Spiritualium ex selectioribus selectissima nititur proponere. Tui gratiâ id factum candide Lector; spero enim hoc Opus ore, stylo, sensu, spiritu Magnorum in militante & triumphante Ecclesia virorum concinnatum, uberius posse in te fructificare, quàm si mei ignoti cujusdam homuncionis phrasas, aliorum sensibus suffuratis superindutas, & spiritu vacuas, cum tædio revolueres. Nolo mea fatuæ corniculæ adinstar plumis non suis tumidæ mentiri, & venditare quasi propria: sua cuiquè reddo, mihi ut pauperi spiritu propè Nihil. Prævivere mihi ad exemplum hâc methodo & alii, cum primis illa Lucerna ardens & lucens Seraphicus Doctor S. Bonaventura, tum pietate & doctrinâ præstantes Ludovicus Blosius, P. Rosignolius, P. Eusebius Nierembergus, P. Nicolaus Lancicius, tum cæteri, qui plura Opuscula penè meris sacre Scripturæ & sanctorum Patrum, piorumque virorum auctoritatibus conscripta ediderunt. Mihi suffecerit hoc

Prov. 9.

Opere

PRÆFATIO

Opere dare occasionem sapienti ad sapientiam, & tales sunt Perfecti: nam Incipientes, & Proficientes, opinor hic reperturos ad sui statum inæstimabiles thesauros. Denique unice hic intenderim cuncta Sacrae Scripturae eloquiis exornare, quibus Actus virtutum supernaturalizentur, fiantque *prout oportet ad salutem*.

Quanta verò sit Necessitas, supraspecificatâ Methodo, & infra fusiùs specificandâ, tradere doctrinam practicam Sapientiæ Divinæ, seu principia bene beateque vivendi Christianè, patet: quia licet eadem in Theologia Speculativa, Morali, vel Scripturali insinuentur, remotè tamen, obscurè, nec servato ordine, ut plerumque in Oceano intranabili Sententiarum tanquam fluctuum contrariis ventis concitatorum, & sese collidentium, intellectus, quo se vertere debeat, ignoret. Deinde quanquam ibidem voluntati aliqua practicanda proponantur, eis tamen minimè afficitur appetitus, utpote propositis sine allektivis, imò sine iisdem proposita horret & refugit tanquam dura & ardua. In Communitatibus autem Clericorum, tum Asceteriis Religiosorum, clariùs quidem & particulariùs doctrina, motiva, praxes virtutum traduntur, & Rudimenta plerumque vitæ spiritualis ostenduntur, cætera quisquis pro se quærere in libris opus habet: Unde evolvens Bibliothecam (qui illam habet) nunquid omnia in uno libro reperiet? aliqua in isto, aliqua in illo, vel etiam eadem mutatâ phrasi & methodo; hinc modò ista, modò illa exercitia virtutis, & istius, & illius arripens, tandem cuncta deserit: confusus enim in imaginatione, nescit quid priùs incipere, quid proseguere debeat. Sicut ille, qui sine duce opacam sylvam ingressus, ignarus

PREFATIO

ignarus viarum hinc inde tendentium, à cœpto itinere desistere cogitur, nè à recto tramite longissimè aberret in mille pericula.

Nequè dicas deficere tempus in Scholis pro scientia tradenda Theologiæ Spiritualis. Ad quod ego : Tollantur plures inutiles Quæstiones de possibilibus, Objectionum minùs necessariarum nubes abigantur, fusiores scripto Explicationes magis implicationes cohibeantur &c. Superabundabit tempus fructuosioribus Subtilitatibus Theologiæ Spiritualis. Deniquè audi magnum Indiarum Apostolum S. Franciscum Xaverium dicentem : *Mihi verò persæpè venit in mentem, circum Europæ Academias cursare, ac insani ritu passim vociferari, eosquè, qui doctrinæ plus habent, quàm Charitatis, his compellere verbis : Heu! quàm ingens animarum numerus vestro vitio exclusus Cælo, deturbatur ad inferos!*

*Nierembergiæ
doctrinæ asceticæ
lib. 6. cap. 792*

Igitur Venerandi Magistri Ecclesiarum, ostensam arripite novam Methodum docendi Divinam Sapientiam animas vestræ curæ consignatas : Nimirum curate Magistros Spirituales, qui suppleant vices vestras, docendo Theologiam Spiritualem in Scholis, & Contuberniis Clericorum, ac Religiosorum. Hi enim per tale medium illuminati cælesti scientia, igniti charitate, probati omni virtute, quid nisi Ecclesiam DEI tot Sanctis de novo quot Doctis lætabundam incrementum facient? quid, nisi populos vestros æternis splendoribus copiosè irradiare, Divinis ardoribus accendere, ad omne virtutis genus commovere, potentes opere & sermone valebunt? quid, nisi digni Operarii missi, messem multarum animarum Cælo inferent? Obsecro per futurum severissimum. Judicium vestri ante Tribunal Domini nostri JESU Christi, minimè ducite negligendum adeò facile & efficax medium sublevandi Onus vestrum Angelicis

PRÆFATIO

quoque humeris tremendum. Quid facilius quàm dicere ;
Fiat: id inquam ut fiat in Communitatibus vestrorum Sub-
 jectorum ? Ut instituantur Magistri & Discipuli Theolo-
 giæ Spiritualis : O quanta felicitas vestra ! sine ullo sum-
 ptu, modicâ operâ, aliquot verbis, per hoc medium tanta
 facere animarû lucra ! videte, nè adeò beatam occasionem
 omittatis. Sed jam mihi convertendus sermo ad vos Spi-
 rituales Magistri, & Discipuli Divinæ sapientiæ. Absit, ab-
 sit, permittere vos superari (ut taceam à Mechanicis) ab
 aliis quoque scientiis Philosophicis vel Theologicis ni-
 miùm speculativis : quæ absque Vestra Theologia Spi-
 rituali sunt obnoxie grandi periculo profundioris da-
 mnationis, sicut illa citra alias Scientias sibi sufficientis-
 sima ad salutem. Audite Apostolum : *Si linguis hominum lo-
 quar & Angelorum &c. etsi habuero prophetiam, & noverim my-
 steria omnia, & omnem scientiam : Charitatem autem non habue-
 ro, nihil sum. Et : Scientia inflat, Charitas verò ædificat.* Absit
 inquam superari diligentiam vestram ab aliis Scientiis. Si
 enim parem infumatis laborem conatumquè ad benè be-
 ateq; vivendum, ut illi ad suum caput torquendum, uber-
 rimis in tempore & æternitate veræ felicitatis fructibus
 fatiabimini ; illis, in suis tormentis, relictis. Accommodè
 hic S. Bernardus. *Multi querunt Scientiam, pauci verò Consci-
 entiam: si verò tanto studio & sollicitudine quæreretur Conscientia,
 quanto quæritur secularis & vana Scientia; & citius apprehendere-
 tur, & utilius retineretur. Cogitare namque de Conscientia, sen-
 sus est consummatus : & qui custodit illam, semper erit securus: sal-
 vâ reverentiâ Sapientia, utilius est currere ad Conscientiam quàm
 ad sapientiam ; nisi Sapientia illa sit, quæ ædificat Conscientiam.*

Ita precor agite, & prodibit tandem ex Academia

Divinæ Sapientiæ Doctum, non va-
 num, Sanctum, Beatum, Aure-
 um Sæculum.

F I A T.

F A.

1. Cor. 13

1. Cor. 8.

FACULTAS ORDINIS.

Nos Fr. JOANNES de ROKSZYCE ZAPOLSKI, Divinâ Vocatione Abbas B. M. V. de Landa, Prothonotarius Apostolicus, per utramque Poloniam, Prussiam, & M. D. Lithvaniæ Commissarius & Vicarius Generalis S. O. Cisterc. J. U. Doctor, S. R. Majestatis Exhibitum Nobis Opus Theologiæ Spiritualis Fundamentalis, Authore Reverendo Pr. Felice Simplici Lacki, Professo & Priore Conventûs Olivenfis, Sacri Ordinis Nostri, ejusdemque Sacræ Theologiæ Professore; à Theologis Sacri Ordinis Nostri, & aliarum Religionum revîsum & approbatum; cùm fundamentis Orthodoxis S. Fidei innitatur, omniqûe Statui ad omne genus virtutis & probitatis manuductionem præferat, ideo luce publicâ dignum censeo. Datum in Residencia Nostra Abbatiali Landensi, cum Nostri & Secretarii subscriptionibus die 31. Aprilis Anno 1687.

Fr. JOANNES ZAPOLSKI,
Abbas Landensis, Commissarius & Vicarius Generalis, Secretarius S. R. Majestatis.

(L.S.)

Fr. BENEDICTUS CASIMIRUS LEZENSKI,
*Provinciarum Polonia Secretarius
S. O. C. P. V.*

FACVLTA REVERENDISSIMI DOMINI ABBATIS OLIVENSIS.

Nos FR. MICHAEL ANTONIUS HACKI DIVINA PATIENTIA ABBAS MONASTERII B. MARIE V. DE OLIVA S. O. CISTERC. S. T. DOCTOR PROTHONOTARIUS APOSTOLICUS S. R. MAJESTATIS INTIMUS CAMERÆ SECRETARIUS, ET GENERALIS PORTORIORUM PRUSSIÆ COMMISSARIUS.

Opus Theologiæ Spiritualis Fundamentalis à R. P. Felice Simplici Lacki, Professo ac Professore S. Theologiæ in Monasterio Nostro Olivenfi & Priore compositum; à pluribus Theologis tam Ordinis Nostri quàm etiam aliarum Religionum perfectum ac revîsum, à Per. illustr. ac Reverend. Dn. Commissario & Vicario Generali Provinciæ Nostre S. O. Cisterc. per Regnum Poloniæ, M. D. Lithvaniæ & Prussiam, nec non ab Ordinario Censore facultate imprimendi donatum; & Nos præfatum Opus tanquam pietate, devotione, & eruditione referatam ut lucem publicam videat, concedimus. Datum in Monasterio Nostro Olivenfi die 17. Maji in pervigilio S. Pentecostes 1687.

(L.S.)

Fr. MICHAEL ANTONIUS HACKI,
Abbas Olivenf. m. propr.

APPROBATIO ORDINARII CENSORIS.

Theologiam Spiritualem in Summam & tres Partes distributam, Authore Admodum Reverendo Pr. Felice Simplici Lacki, Priore & Professore S. Theologiæ in Conventu Olivenfi S. O. C. ab aliquot Theologis lectam revisamque, utpote ipsam Epitomen & Summam Christianæ Sapientiæ, tam speculativè, quàm practicè complectentem, ac proinde omnium hominum Statui apprime necessariam, atque utilem, approbandam, atque luce publicâ dignam censeo. Dabam Gedani 12. Aprilis. 1683.

BALTHASAR ALEX. GISSA,
Gnesnensis, Vladislaviensis, Varsoviensis Canonicus, Decanus
Voboroviensis, Officialis Generalis
Vladislaviensis m. propr.

APPROBATIO

ADMODUM REVERENDI
PATRIS THOMÆ SCHULC,

S. Theologiæ Doctoris, olim in Almo Studio Generali Cracoviensi Proregentis & Baccalaurei, nunc verò Prioris Gedanensis Ordinis Prædicatorum.

Aceuratè, & non sine magno animi solatio perlegi Opus hoc Theologiæ Spirituales Fundamentalis, in Summam & tres Partes per tria Volumina distinctum, à Venerabili in Christo Patre ac Admodum Reverendo Domino Felice Simplicio Lacki, Theologo, & Priore Olivenfi, S. O. C. Felici; quia beata doctrinæ simplicitate ex sana doctrina Orthodoxæ Fidei, & ex Doctorum Auctorum, Sanctorumque Patrum, & potissimum S. Thomæ Doctoris Angelici, solidis ac securis fundamentis compositum. Edidit sanè hoc Opus Felix Simpliciter, Illustrissima Cisterciensium, ac Speciosa in campis Oliva, ut semper fructifera in Domo DEI. Exinde non jam una Noctica Columba unum ramum virentis Olivæ portabit; sed plurimæ Columbinæ Simplicitatis Animæ, plures virentes Spirituales profectus feliciter continuabunt referre ramorum fasciculos. Sapientissimus Salomon fecit in ingressu Oraculi duo Osiola. ----- Et in Oraculo duos Cherubim de lignis Olivarum. 3. Reg. 6. Nec nostrum mentietur Opus Olivæ. Abac. 3. pandet enim feliciter Cunctis pro & simpliciter in lectione ejus ambulantibus, non duo, ast multiplicata ostia ad securum confidentemque ingressum Oraculi salutis æternæ. Imò felicius dabit fructum suum, dum amantes sui non solum lucidos sapientiæ Cherubim, verum etiam ardentissimos Amore DEI efficiet Seraphim. Quare illud

Prælo

Prælo publico pro utilitate publica, eaque Felici, simpliciter dignum iudico, ac subscribe
in Conventu Gedansni Ordinis Prædicatorum die 21. Decembris 1686.

Fr. THOMAS SZULC,
Ordinis Prædicatorum, manu propria.

APPROBATIO EX ORDINE PP. CARMELITARUM STRI- CTIORIS OBSERVANTIÆ.

Fr. Thelesphorus à S. Tereſia Ordinis Fratrum Beatiffimæ DEI
Genitricis ſemperquæ Virginis MARIÆ de Monte Carmelo, Sac.
Theol. Magiſter, & Actualis Regens, ac Definitor Provinciæ
Poloniæ ejusdem Ordinis.

EX Commiſſione A. R. P. Florentii à S. Henrico Commiſſarii Generalis, ac Vicarii Pro-
vincialis Conventuum Reformatorum in eadem Provincia, ſtudioſè legi & perſepi
Theologiam Spiritualem Fundamentalem, in Summam & tres Partes diſtinctis Voluminibus
diviſam, Authore Admodum Reverendo Pr. Felice Simplici Łacki, Priore Monasterii B. MARIÆ
Virginis de Oliva S. O. Ciſterciensis, nec non Sacræ Theologiæ Lectore, ex Fontibus Sacræ
Scripturæ, & Torrentibus SS. Patrum præſertim S. Mellifui Bernardi, D. Bonaventuræ, &
S. Thomæ Doctōris Angelici, ac aliorum Myſticæ Theologiæ Magiſtrorum collectam; mul-
toque labore concinnatam; nec non variis tam ſacrorum, quàm aliorum Exemplorum flo-
ribus exornatam: In qua, cū nihil Orthodoxæ Fidei diſſonam, vel ſanæ doctrinæ, ac bonis
moribus contrarium offenderim; ſed potius in Summa de Statu Vitæ Chriſtianæ, ejusque
Oppoſito, omnia cuiusque Statui ad Chriſtianam perfectionem tendenti accommodata, &
plurimum ad vitam Activam, Contemplativam, & Mixtam deſervientia reperi; Primā verò
& Secundā ejusdem Theologiæ Parte; Secundā quidem in duas diviſā Manuſcriptionem per
Media ad Finem ultimum ſupernaturalem mirā & jucundā Sententiarum varietate, Exemplo-
rum & Actuum Practicorum concinnitate refertam; totamque in Chriſti Crucifixi Imitatio-
nem Transformativam Homini in eundem, tanquam Medium Principale & Ultimum ad
Finem ſupernaturalem Perfectionis, Sanctitatis, ac Beatitudinis ordinatam ac reſolutam conſi-
deravi: & in Tertia tandem ejusdem Parte, profundam, ſanctam, puram & ſimplicem Do-
ctrinam de ipſo Fine Supernaturali ſupradictorum Mediorum ſeu Actuum Vitæ Chriſtianæ
cum animi ſatiſfactione legi & perpendi: Ideo hanc totam Theologiam Spiritualem tan-
quam veram Scientiam Salutis, & Artem Artium utpote dirigentem quemlibet bonæ volun-
tatis ad Finalem Perfectionem, Unionem ſcilicet Myſticam Animæ cum DEO, cuique Chri-
ſtiano Statui exoptandam, luce publicā digniſſimam, ac proinde legendam & practicandam
iudico. In ea enim Authorem, verè Chriſtiana Simplicitate Felicem, mentem & ſcopum
S. Scripturæ, & SS. Patrum, præſertim Mellifui Bernardi attigſſe nemini dubium erit, dum

In eadem exactissime docere conatur, quomodo quisque propriae salutis amans cum praefato Sancto & Mellifluo Doctore serm. 45. in Cantica gloriari in Christo possit dicendo: *Hec mea subtilior interiorque Philosophia, scire JESU M, et hunc Crucifixum.* Cujus Gloria- tionis, ut quisque per dictam Scientiam Salutis, inoffenso pede compos evadat, hanc approbandam censui, uti & Autoritate mihi commissa Approbo, illique Subscribo in Carmelo Ge- danensi nascentis Virginis die 7. Aprilis Anno Domini 1687.

FR. THELESPHORUS à S. TERESIA.

Idem qui supra.

APPROBATIO

EX ORDINE MINORUM S. FRANCISCI STRICTIORIS OBSERVANTIAE REFORMATURUM.

Theologiam Spiritualem Fundamentalem, seu Medullam veræ Christianæ Sapientiae, & Sci- entiam Salutis ad bene beatèque vivendum in tempore & aeternitate, ex solidis & Or- thodoxis Sanctorum Patrum, Ecclesiae Doctorum, & Virorum Asceticorum sapientiâ & sancti- tate illustrium fundamentis & doctrinis, Authore Admodum Reverendo Pr. Felice Simplicio La- cki, Sac. Theologiae Lectore, & Priore Coenobii Olivenfis S. O. Cisterciensis, multo studio & labore erutam, & in Summam ac tres Parres distributam, omnibus Christianæ Sapientiae Amatoribus apprime necessariam, non sine multo animi jubilo, ac fructu Spirituali legi. Ac proinde luce publicâ dignam censeo. Neofori in Conventu S. MARIAE in coelum as- sumptæ in Pratis Marianis die 14. Aprilis 1687.

FR. ATHANASIVS ATINSKI,

Ordinis Minorum S. Francisci strictioris Observan-
tia Reformatorum, Provinciae S. Antonii Ma-
joris Poloniae Pater, S. T. Lector, ac Guardia-
nus Conventus Neoforensis.

APPRO-

APPROBATIO
E SOCIETATE JESU PER SEQUEMTEM
EPISTOLAM.

ADMODUM REVERENDO ET RELIGIOSISSIMO IN CHRISTO
PATRI, PATRI

FELICI ŁACKI,

Olivensis Monasterii Sanctissimi Ordinis Cisterciensis Priori, do-
ctissimo Theologo, Domino Domino observandissimo.

ADMODUM REVERENDE IN CHRISTO PATER
PRIOR OLIVENSIS.

Quoddam Admodum Reverenda Paternitas Vestra sensum minimæ Societatis Nostræ super
edita à se Theologia Spirituali exquisierit, dignatio fuit & benevolentissima Nostræ esti-
matio. Certè elegantissimum id Opus Nostrum non egebat calculo; satis probatum suo;
imò & tot aliorum doctissimorum virorum judicio. Nè tamen non parcamus voluntati
Admodum Reverendæ Paternitatis Vestræ, sensum & debitam prædictæ Theologiæ estimæ-
tionem præsentibus Literis includimus ad eam relegendam destinati. Ego tres Partes seu
Tomos minores legi: legi autem cum gustu meo. In his nihil non laude & publica luce
dignum reperi: omnia Fidei, Theologiæ Scholasticæ & Mysticæ consona, omnia mira cum
eruditione, & summa Divinorum atque Asceticorum peritia; digna quæ doctissimi juxta ac
Religiosissimi legant, nova inde hausturi documenta, quæ illos altius in Spiritu & Scientia
Sanctorum provehant. Alter Revisor doctissimæ hujus Theologiæ fuit Reverendus Pr. Joan-
nes Czarnowski olim Theologiæ Professor, qui alias Partes ejusdem Theologiæ Spiritualis le-
gisse se, & omnia in illis approbare fatetur: quod etiam à me insinuari Admodum Reveren-
dæ Paternitati Vestræ voluit: nam simul Calisii habitat. Hæc ego de dignissimo Opere
Admodum Reverendæ Paternitatis Vestræ intimanda habui. Cæterum me SS. Admodum
Reverendæ Paternitatis Vestræ Sacrificiis & Orationibus humillimè commendo.

ADMODUM REVERENDÆ PATER-
NITATIS VESTRÆ.

Calisii die 2. Augusti 1687.

SERVUS IN CHRISTO
JOANNES KWIATKIEWICZ,
Soc. JESU.

ZOL-

**ZOIRORUM AMPLIUS SISTENDO CONATUS,
EX MULTIS PLACUIT HIC NONNULLAS PONERE
EPISTOLAS IN APPROBATIONEM
THEOLOGICÆ SPIRITUALIS.**

**FRAGMENTUM LITERARUM PERILLU-
STRIS ET REVERENDISSIMI DOMINI COMMISSARII ET
VICARII GENERALIS AD AUTHOREM THEOLOGICÆ
SPIRITUALIS DE ANNO 1682.**

Pergratum mihi est Opus Reverentiæ Vestræ, quod ad Gloriam DEI elaborare conatur:
pro quo gratias agere omni gratitudine sum paratus. &c.

**REVERENDÆ IN CHRISTO PATERNITATIS VE-
STRÆ SEMPER ADDICTISSIMUS**

FR. JOANNES ZAPOLSKI,

*Abbas Landensis, Commissarius & Vice-
rius Generalis m. propr.*

**FRAGMENTUM LITERARUM VENER. ET ADMOD. REVER. PAT.
SECRETARII SAC. ORD. CIST. PROVINCIARUM POLONIÆ
AD AUTHOREM THEOLOGICÆ SPIRITUALIS.**

Missi licentiam in Personas Theologorum Ordinis, qui magnæ æstimationis partum Adm.
R. P. V. perlustrare possent, nè diu sub Cimmeriis tenebris adeo dignus lateat Author.
Et ego juxta promissum verbum, aliquod peto Exemplar, ut tam magni Viri queam me con-
solari labore, & singularem legendo meam percipere contentez &c.

**ADMOD. REV. PATERN. VESTR. AD OBSEQUIA
PARATISSIMUS,**

Landæ 15. Decemb. 1686.

FR. BENEDICTUS CASIMIRUS LEZENSKI,
Secr. Provinc. Polon. S. O. C.

**COPIA LITERARUM VENERABILIS AC AD-
MODUM REVERENDI PATRIS COM-
MISSARII**

**ET REFORMATORIS GENERALIS PP. CARMELITARUM
PER REGNUM POLONIÆ.**

Tempus mihi vacans à negotiis occurrentibus, & Regularitate, impendi hæcenus lectioni
Theologicæ Spiritualis Admodum Reverendæ Paternitatis Vestræ non sine gustu, illumi-
natione, & profectu. ac admiratione tanti studii. Quod ut DEI adjutorio ad ipsius majorem
Gloriæ

Gloriam, Magistrorum Vita Spiritualis commodum, omnium Christianorum (prout intendi-
tis) præsertim Religiosorum doctrinam supernaturaliter vivendi, merendique in omnibus, possit
integrè perficere, in Aris faciens, oro, uti & pro longava utraq; incolumitate,

ADMODUM REVERENDÆ ET PERILLUSTRIS
PATERNITATIS VESTRÆ.

Datum Dantisci 26. Octobr. 1682.

HUMILLIMUS SERVUS
FR. TILMANNUS à S. ELIA,
V. P. C.

COPIA LITERARUM ADMODUM REVERENDI
PATRIS CENSORIS THEOLOGIE SPIRITUALIS EX
SERAPHICO ORDINE S. FRANCISCI
REFORMATORUM.

ADMODUM REVERENDE PATER PRIOR
OLIVENSIS.

DEtinui Admodum Reverendam Paternitatem Vestram ultra Votum & desiderium, & præter
meam intentionem in relectione Operis Excellentissimi, doctrinâ verè Theologicâ omni-
bus Personis Spiritualibus tam ad Spiritum, quàm ad Speculationem, & Praxim apprimè ne-
cessariâ refertissimi. Sed Admodum Reverenda Paternitas Vestra condonabit magnis Fun-
ctionum in Provincia mea publicarum distractionibus &c. Dignum Opus ut lucem videat, &
nè accensa hæc à Spiritu Sancto candela sub modio lateat, sed super candelabrum ponatur
propter majus Admodum Reverendæ Paternitatis Vestræ meritum: etenim quotquot attentos
habebit Lectores, tot Admodum Reverenda Paternitas Vestra lucrabitur Theophilos seu DEI
Amatores. Si accedet gratia Admodum Reverendæ Paternitatis Vestræ, quatenus Nobis ad No-
vitiatus pro Magistris Spiritualibus unum & aliud Exemplar transmittere dignetur, perennabit
memoria Admodum Reverendæ Paternitatis Vestræ, & fructus laboris sui in cordibus & Novi-
tiorum & Professorum. Censuram transmittito &c.

Neofori 14. Apr. 1687.

FR. ATHANASIUS ATTNSKI,
Ordinis Minorum S. Francisci Reformatum, Pro-
vincia Majoris Poloniae Pater, S. Theol. Le-
ctor, ac Guardianus Neoforensis. m. propr.

(((

ADVER-

ADVERTENDA

HOC IN OPERE.

1.

Crediderim malignum hujus Seculi Genium, sicut teste magno Gregorio *Mor. lib. 10.* Justorum Sanctam solere deridere Simplicitatem; ita quoque agnomen Simplicis, hujus Theologiae Authoris ludicro animo posse excipere: sed miseri hoc ipso risu an compassione dignos se ostendunt, utpotè rudes, nè dicam rudentia animalia, & fatuos in Divinissima S. Simplicitatis Scientia. *1. Cor. 2. Animalis enim homo non percipit ea, quae sunt Spiritus DEI. Stultitia enim est illi, & non potest intelligere, quia spiritualiter examinatur.* Quid namque pseudo-politice Machiavelle S. Simplicitas, nisi purus animi candor & sinceritas? nisi plenas dolo Sincerationes tuas ignominiam esse & ruinae Orbis pandens? Quid Amator mundi S. Simplicitas, nisi non habere Cor in mille multiplicitates curarum quasi arenarum lutosae carnis & terrae divisum? Quid Christiane DEO intense S. Simplicitas, nisi multiplicis Spiritualis doctrinae ad unum S. Simplicitatis radium collectio? *juxta infra dicta 1. 2. Tract. 1. C. 1. sect. 4. Subs. 4.* nisi in uno Summo Bono & Pulchro cognito, dilecto & fruendo Mentis Unitas? nisi Conformatio Supremo Numini; quod in suis infinitis Perfectionibus est Unum, Idem, & simpliciter Simplex? Ergo omnis talis Felix Simplex; Infelix Vir animo Duplex *Eccl. c. 2. Va! duplici corde, & labiis sceleratis, & manibus malefacientibus, & peccatori terram ingredienti duabus viis.*

2. Forsan arguet me quispiam Zoilus aut Criticus me esse Felicem Simplicem (sive rudem) nomine & re, quod aliunde accepta, plurima de verbo ad verbum hoc in Opere posuerim. Sit ita: Tui gratia mi bone Lector factus sum insipiens, modò inde fias ipse magis Sapiens. Fies autem ex fideliter &

Simpliciter hic posita doctrina magnorum Virorum, ac eorum fervore Spiritus: prout non fieres ex meis phaleris & phrasibus Verborum ac inopia Spiritus. Ideoque doctrinas Spirituales, & Exempla compendiata ab aliis, nolui nec debui alia phrasi Verborum immutare, nè forsàn etiam aliquid de sensu aut veritate historiarum aut doctrinae immutaretur, nè meae viliora pretiosioribus aliorum praeponebam, adeoque multo magis me irrisioni aut animadversioni aliorum exponerem. Et quod Magnus Drexelius citans Sanctum Vincentium Ferrariensem fecit & dixit in Zodiaco praedest. mihi fol. 289. col. 1. *Tanti Authoris verba mutare Religioni duximus, ea fideliter adnumerata haec sunt.* &c. Hoc ipsum in adcitatis praestantissimorum virorum dictis & historiis, per omnes rationes publici boni facere cogimur.

3. Porro cum Lipsio Politicor. infero? *Lapides & ligna ab aliis accipio, edificatio eam exstructio mea est. Architectus ego sum, sed & materiam variè undique conduxi. Nee aranearum sanè textus idèd melior, quia ex se fila gignunt: nec noster vilior, quia ex alienis libamus ut apes.*

4. Authoritates hoc Opere citatae, partim ex ipsis fontibus Sacrae Scripturae, SS. Patrum, & Doctorum Ecclesiae, partim inde è delapsis in alios Libros rivulis haustae; si fors circa eas contigit subinde aliqua mutatio in verbo calami vel typi errore, puto non in sensu.

5. Addita particula *ly Vide*, vel *litera*, *Y*, designat authoritatem raro esse citatam propriis verbis, sapissimè ipsum tantummodo sensum; ita postulante rei materià, combinatione & brevitate hujus Operis. Sicut absque dicta particula, vel *litera* praefixa, semper textus authoritatis propriis verbis, rarissimè solus sensus citatur.

6. Signum: J vel:), finem adductæ authoritatis indicat; ut plurimum tamen, ubi Collectoris, vel alicujus alterius, discursus additur, vel sequitur. Hac ratione exceptâ, raro coròndem citatæ authoritatis ostensum signum, vel particulæ v. g. *Hæc ille, Hæc S. Bernardus, Hæc D. Thomas, Hæc Suarez &c.* claudunt: nè multiplicentur entia sine manifesta necessitate.

7. Cuncta ferè quæ hoc Opere sub Cap. Sect. Subsect. §. §. dicuntur, ad tria Puncta revocantur: *Primò*, ad explicationem rei (: quæ tractatur) per Definitionem, Divisionem, &c. *Secundò*, ad Motiva: *Tertiò*, ad Praxim. Ad hæc enim principia, quidquid in materia Morali vel Spirituali necessariò & fructuosè dici potest, facile reducitur.

8. Frequens occurrit citatio in hoc Opere v. g. *Vide supra sub Statu Vitæ Christianæ. Vel: Vide infra sub Meditatione: Vel: Sub Contemplatione: Vel: Sub Humilitate: &c.* Tunc citatum locum volens reperire, recurre ad Indicem hujus Operis, vide citatum locum, & facile reperies juxta numeros in paginis signatos. Hic enim modus inveniendi citata loca faciliò & expeditior visus, quàm aliquis alter.

9. Si quispiam hoc Opere minimè contenta, alibi ad gustum & Spiritum suum congrua repererit; connotet in separato ad hoc confecto libello (: si ita placet:) vel per modum Miscellanæ, vel potius reducat titulos

ad Alphabetum. Ita enim thesaurum inventum conservabit, & eo ad harmonicam combinationem partium istius Operis proportionando, pro salute sua, & aliorum fructuosissimè utetur.

10. Nomenclatura hæc *Collector* subinde ad marginem posita, insinuat Authorem hujus Theologiæ Spiritualis, præter Collectorem Speculi Exemplorum: qui subinde hic quoque citatur.

11. Adverte in ponendo textu Authorum maximè fusiori, studio non omisisse nos eorundem Authorum citationes, quibus se referunt ad alios suos Tomos, Libros, Capita, Sectiones &c. ut citatam materiam in eisdem dum placuerit faciliò amplius in copia reperias. Authoritates S. Scripturæ & SS. Patrum à nobis citantur ad marginem: Illi verò Authores quos cito, quandoque citant eadem authoritates intra suos discursus.

12. Jam verò cum Theodoro Præf. in Cant. *Eos qui sine labore laborum Nostrorum fructum sunt percepturi rogatos volumus, ut nobis pro laboribus Nostris orationes ac preces impertiant suas. Quodsi minus accurate videbitur explicatio, laborem saltem boni consulant; & quæ defunt, ipsi doceant.*

13. Cæterum, omnia quæ hoc in Opere Theologiæ Spiritualis collegi, scripsi & composui, Sanctæ Romanæ Ecclesiæ (quæ est columna & firmamentum Veritatis) judicio & censuræ submitto & subserno.

I N D E X

PARTIUM, ET TRACTATUM, ALIORUMQUE MAGIS PRÆCIPUORUM TITULORUM THEOLOGICÆ SPIRITUALIS.

Dedicatio Operis.

Præfatio ad Magistros, & Discipulos Christianæ Sapientiæ.

Censuræ, & Approbationes.

X X X X 2

Adver-

Advertenda in hoc Opere.

Præliminaria Theologiæ Spiritualis.

SUMMA THEOLOGIAE SPIRITUALIS.

TRactat de Statu Vitæ Christianæ, ejusque Opposito, in Genere, & in Specie, nimirum: De Statu Vitæ Communis Christianorum à fol. 51. usque 73. De Statu Perfectionis assequendæ, seu Religiosorum. 75. De Statu Perfectionis exercendæ, seu Ecclesiasticorum. III. Tum de Vita Activa. 151. Contemplativa. 155. & Mixta. 162.

PARS PRIMA THEOLOGIAE SPIRITUALIS.

TRactat de Causa Efficiente Mediorum, seu Actuum salutarium in Statu Vitæ Christianæ Supernaturalis seu Spiritualis, ad Finem Supernaturalem. Et de ejusdem Causæ Opposito. Ubi multiplex hæc Causa explicatur. I. *Moralis*, nempe DEUS. 186. Christus. 193. & 195. Deipara. 196. Coelites seu Comprehensores. 199. Viatores. 201. Tum Superiores. 204. Magistri Spirituales. 236. Viri Apostolici seu Missionarii. 285. II. *Causa efficiens Naturalis*, nempe Anima cum suis viribus & potentiis superioribus & inferioribus. 300. III. *Causa Supernaturalis*; Uti est Providentia, & concursus DEI Specialis. 311. Gratia DEI externa Supernaturalis. 313. Gratia Actualis Supernaturalis. 314. Gratia DEI Habitualis. 325. Habitus Virtutum. 330. Dona Spiritus S. 344. Gratia gratis datæ prout sunt Operanti salutare. 347. IV. *Causa Naturalis instrumentaliter concurrens*. 349. Deinde agitur hic de Oppositis harum Causarum producentibus Peccatum, quæ sunt Dæmon. 352. Mundus. 369. Caro. 372. Vicia congenita & acquisita. 374.

PARS SECUNDA THEOLOGIAE SPIRITUALIS.

Agit de Mediis seu Actibus Status Vitæ Christianæ Supernaturalis ad Finem Supernaturalem: Tum de eorundem Actuum Oppositis: Nec non de Causa Objectiva, seu Materiali & Formali Actuum Vitæ Christianæ.

Dividitur hæc Pars in Primam (id est Partem) Secundæ (id est Partis) & Secundam (Partem) Secundæ (partis.)

PRIMA SECUNDÆ PARTIS THEOLOGIAE SPIRITUALIS
TRACTATU PRIMO.

Agit de præfatis Mediis seu Actibus Salutaribus, & eorum Oppositis in Genere: uti de natura, proprietatibus, conditionibus, perfectionibus & praxi Actuum Salutarium à fol. 7. usque 101. seq. Et quidem. *Primò de Antecedentibus Praxim Actuum Salutarium* perfectorum & minùs perfectorum: qualia sunt Audirio, & Lectio Verbi DEI. 106. Collatio Spiritualis 110. Meditatio seu Mentalis Oratio. 117. Contemplatio, & Mystica Theologia. 129. Cognitio DEI Supernaturalis. 181. Cognitio sui ipsius. 182. Memoria DEI & salutem concernentium. 217. Bona voluntas. 223. Intentio recta. 227. *Secundò de ipsa Praxi Actuum Salutarium, & eam Comitantibus.* *Tertiò de subsequentibus Praxim Actuum salutarium.* 265. Subnectitur Compendium practicum totius Theologiae Spiritualis, reductum ad S. Simplicitatem sitam in Transformatione hominis in Christum. 287. Porro de Oppositis Actuum salutarium hic agitur: quæ sunt Falsæ & non veræ Virtutes. 313. Imperfectiones virtutis. 317. Opposita per excessum seu Scrupuli. 319. Peccatum Actuale. 324. Habituale Originale 325. Mortale. 326. Veniale. 333.

IN PRIMA SECUNDÆ TRACTATU SECUNDO.

Agitur de Mediis sive Actibus Salutaribus Vitæ Christianæ, & eorum Oppositis in Specie. Et primò de Virtutibus Theologicis nimirum: *Cap. 1. de Fide Theologica.* 5. Et ejus Oppositis, quæ sunt: Modica Fides. 77. Dubia Fides. 77. Apostasia. 79. Infidelitas. 80. Paganismus. 80. Judaismus. 80. Hæresis. 80. Atheismus. 87. Blasphemia. 90. Fidei annectitur Donum intellectus. 93. Cujus Opposita sunt Cœcitas mentis. 96. Et Hebetudo sensus. 101. His additur Donum Scientiæ. 103. Ejus Opposita per excessum & defectum. 106.

Cap. 2. De Spe Theologica 109. *De Timore DEI* 126. Et ejus Oppositis; Præsumptione. 141. & Securitate mala. 144. De Desperatione. 147.

*Cap. 3. De Charitate Theologica seu Amore DEI. 159. Christi. 206. Deiparae. 208. Proximi. 223. Et hujus Amoris Oppositis per excessum & defectum. 236. De Gaudio Spiritus. 240. Et ei Oppositis uti Pseudo-lætitia. 253. Acedia. 253. Invidia. 268. De Pace. 273. Et ejus Oppositis, uti Pace falsa. 280. Discordia. 280. Contentione. 282. Schismate. 284. Bello. 285. Rixa & Duello. 287. Seditio-
ne. 290. De Misericordia. 291. Beneficentia. 296. Eleemosyna corporali. 297. Et Spirituali. 313. Et de horum Oppositis. 336. De Ze-
lo Gloriæ DEI & Salutis animarum. 347. Charitati annectitur Donum Sapientiæ. 363. Cui Opposita Pseudo-Sapientia Pseudo-
politia Machiavellismus. 364. Fatuitas. 378.*

IN PRIMA SECUNDÆ CONTINUATUR
TRACTATUS SECUNDUS.

DE Mediis seu Actibus Salutaribus Virtutum in Specie; scilicet de Virtutibus Fundamentalibus, Universalibus, Cardinalibus, & de Gratiis gratis datis salutariter utendis. Et quidem *primò*
Cap. 4. De Virtute Cardinali Prudentiæ. 3. Et ejus Oppositis; quæ sunt Prudentia Carnis. 15. Astutia, Dolus, Fraus. 17. Sollicitudo immoderata. 19. Indiscretio. 21. Imprudentia. 22. Temeritas. 23. Inconstantia. 25. Negligentia. 26. Prudentiæ annectitur Donum Consilii. 27.

Cap. 5. De Universalibus & Fundamentalibus Virtutibus. 29. quæ sunt Resignatio sui in DEI Voluntatem. 32. Contemptus Mundi. 40. Ubi Contemptus Honorum & Dignitatum. 54. Contemptus Divitiarum. 56. Contemptus Deliciarum. 58. Contemptus inordinati affectus Patriæ & Propinquorum. 61. De Opposito Contemptus Mundi. 67. Christiana Paupertas. 68. De falsa Paupertate. 90. De Vitio Proprietatis. 91. Humilitas, Contemptus & Odium sui. 101. De Amore sui inordinato. 104. Virtus & Sacramentum Pœnitentiæ. 109. De Oppositis Pœnitentiæ. 125. Abnegatio seu mortificatio sui ipsius. 126. De Oppositis Mortificationis. 157. De Innocentia. 158. Rectitudo Actuum indifferentium. 160. De Labore. 160.

Cap. 6. De Virtute Cardinali Justitiæ & ejus multiplici Divisione, ac suis Oppositis à fol. 164. usque 176. Commutativæ justitiæ Opposita Homicidium & mutilatio membrorum. 177. Furtum & Rapina. 178. Contumelia, Convitium, Improperium. 180. Obrectatio. 181. Sufurratio. 189. Irrisio. 190. Maledictio. 191. Fraus in vendendo & emendo. 194. Usura. 195. Actus justitiæ Judicium. 199. Injustitia Judicis, Accusatorum, Rei, Testium, Advocatorum. 204. Actus Justitiæ, qui est Restitutio. 207.

Justitiæ Virtutes potentiales. 210. Religio. 211. Ejus Actus interiores Devotio. 216. Et Oratio. 219. Exteriores, Adoratio. 234. S. Mistræ Sacrificium. 243. Communio Eucharistica. 255. ubi ex occasione additur Communio Spiritualis. 270. Oblationes. 271. Primitiæ. 272. Decimæ. 273. Votum. 274. Administratio & susceptio Sacramentorum. 279. Sacramentalia. 283. Juramentum. 284. Adjuratio. 286. Laus DEI. 287. Oppositum Religionis per excessum seu Superstitio. 295. Ejus species illegitimus Cultus DEI. 299. Idololatria. 301. Divinatio. 301. Observatio superstitiosa. 306. Opposita vitia Religioni per Defectum Irreligiositas. 308. Tentare DEUM. 308. Perjurium. 309. Sacrilegium. 312. Simonia. 313.

Pietatis Virtus. 316. Ejus Opposita. 323. Observantia. 319. Obedientia. 345. Ejus Opposita. 362. Gratitude. 364. Ejus Opposita. 370. Vindicatio. 373. Ejus Opposita. 378. Veritas. 380. Ejus Opposita uti Mendacium. 382. Simulatio & Hypocrisis. 386. Jactantia. 389. Ironia. 390. S. Simplicitas. 391. Ejus Opposita uti Temerarium judicium. 392. &c. Amicitia seu Affabilitas. 399. Ejus Opposita. 402. Liberalitas. 410. Ejus Opposita Avaritia. 414. Et Prodigalitas. 424. Epykia seu Equitas. 425. Donum Pietatis. 426.

Cap. 7. De Virtute Cardinali Fortitudinis. 427. Et ei vitiiis Oppositis. 428. De Martyrio. 441. De Magnanimitate. 456. Et ei Opposita Præsumptione. 464. Ambitione. 466. Inani Gloria. 473. Pusillanimitate. 482. De Magnificencia. 485. De Patientia. 488. Et ei oppositis vitiiis. 533. De Perseverantia. 535. Et ei opposita Pertinacia & Mollitie. 543. De Dono Fortitudinis. 546.

Cap. 8.

Cap. 8. De Virtute Cardinali Temperantiæ. 546. Partes potentiales Temperantiæ. 553. Abſtinentia. 558. Jejunium. 566. Oppoſita Abſtinentiæ. 570. Sobrietas. 577. Ebrietas. 579. Caſtitas à fol. 584. uſque 608. Pudicitia. 592. Bi multiplex immunditia oppoſita à fol. 608. uſque 638. Manſuetudo. 642. Clementia. 647. Cum ſuis oppoſitis uti Ira. 649. Modèſtia. 658. Humilitas. 659. Aliæ Species Modèſtiæ à fol. 711. uſque 775. Ejus Oppoſita vitia multiplicia ibidem.

Cap. 9. De Gratiis gratis datis in genere & ſpecie. 775. Poſſimum de Diſcretione Spirituum aureus Tractatus. 783.

SECUNDA SECUNDÆ PARTIS THEOLOGIAE SPIRITUALIS.

Agit de Cauſa objectiva; ſeu Materiali, Formali, & Exemplari Actuum Vitæ Chriſtianiæ.

PARS TERTIA THEOLOGIAE SPIRITUALIS.

Tractat de Cauſa Finali Actuum Vitæ Chriſtianiæ, & ejus Oppoſito. *Ubi Tractatu primo agit de Fine Supernaturali reſpectu ipſius Perſonæ Operantis, & ejus Proximi, in Via & Patria. 7. Is verò Finis eſt Supernaturalis Puritas animi. 10. Supernaturalis Ornatus animi. 20. Unio & Transformatio in DEUM. 29. Perfectio Chriſtiana. 41. Sanctitas. 54. Beatitudo Viæ. 58. Oppoſita hujus Beatitudinis. 75. Beatitudo Patriæ. 106. Oppoſita Beatitudinis Patriæ. 129. Judicium DEI ſeverius. 130. Purgatorium. 133. Infernus. 138. Tractatu ſecundo agit de Fine Supernaturali hominis reſpectu Coelirum, Deiparæ, DEI — Hominis: ubi in Fine Cui Excellentia JESU, MARIÆ, JOSEPH maximè explicatur à fol. 158. uſque 195.*

Tractatu ultimo agitur de Fine Ultimo Hominis reſpectu DEI. 195. Ubi in Fine Cui Eſſentia, Exiſtentia DEI & Trini, ejusque plura Attributa & Perfectiones in triplici Hierarchia Contemplativorum aſpicienda & diligenda fuſiſſimè proponuntur à fol. 195. uſque 472. Tum ſub Fine Cujus. 472. Gloria DEI deſcribitur: ad quam ultimò omnia ſunt referenda.

Paradoxa & Specialia Theologiæ Spiritualis.

Theſum Spiritualis Theologiæ Speculum

Index Rerum & Verborum.

PRÆLIMINARIA THEOLOGÆ SPIRITUALIS.

§ I.

Dico Primò: *Theologia Spiritualis, est Scientia activo-passiva, directiva hominis per media status vite moralis supernaturalis, ad finem supernaturalem.* Dicitur: scientia, tum propriè secundum donum Spiritus Sancti, quod est Scientia: tum in latiori significatione, quatenus unus habitus intellectualis ponitur pro alio. Unde sic sumpta quoad *Habitu*, est potius aggregatum quoddam habituum infusorum, quam unus habitus. Concurrit enim Primò, *Fides*; quæ de mediis, & fine, ut supernaturalia sunt, revelat. 2. *Donum Intellectus*; quo eadem revelata homo sanè capit, & subtiliter penetrat. 3. *Donum Scientiæ*; quo per causas secundas rectum format iudicium circa eadem revelata, discernendo credenda à non credendis, & agenda à non agendis. 4. Et potissimum *Donum Sapientiæ*; quæ secundum rationes & regulas Divinas intendit iisdem revelatis, & inspiciendis per contemplationem, & consulendis per praxim vel actionem. 5. *Prudentia*; quatenus media supernaturalia ad finem supernaturalem scit coordinare & adaptare in singularibus agendis, pro ratione & circumstantia personæ, loci, modi, temporis, & aliis conditionibus requisitis. 6. Denique *Sapientia*, ut est gratia gratis data; in quantum hæc eadem, de mediis & fine per fidem revelata, per Intellectum, Scientiam, Sapientiam, Prudentiamque cognita, scit ad Ecclesiæ utilitatem, dictis, scriptisque enucleare.

Dicitur item *Theologia Spiritualis Scientia*, quantum ad *Actum* seu cognitionem certam: quæ præter dictos habitus infusos, insuper ab Actualibus gratiis Spiritus S. principiata, elicitur circa media supernaturalia, & finem supernaturalem. Dicitur: *Activo-Passiva*; Activo inquam seu Activa, id est practica (quam hic nomen praxis omittimus, quæ vulgò contradistingui-

tur speculationi; jam verò Theologiæ Spirituales pars, quæ est practica, non contradistingvitur alteri parti ejusdem Theologiæ, quæ sit speculativa, sed potius quæ sit passiva, ut infra videbimus.) Quia quantum ad primam Theologiæ Spirituales partem, finis ejus est *Opus*, nempe ut per Actus practicos internos & externos, studio & activitate humanâ, cum gratia Divina, habeat se homo rectè circa finem supernaturalem, & media ad ipsum. Deinde dicitur *Passiva*; ut insinuetur altera Pars Theologiæ Spirituales, quæ vocatur *Theologia Mystica*; ubi homo non tam agit (etsi coagit) quàm agitur à Spiritu Sancto, & ineffabili quodam modo experitur Divina: Secundum quod B. Dionysius inquit: *Quod Hierotheus est perfectus in Divinis, non solum discens, sed & patiens Divina.* Dicitur: *directiva hominis per media Status vite moralis supernaturalis ad finem supernaturalem*; scilicet Perfectionis, Sanctitatis, Beatitudinis tuæ & proximi tui, in via & Patria: tum ad finem Gloriæ DEI, Christi, Deiparæ, Cœlitum. Quia objectum Theologiæ Spirituales sunt præfata media & finis; quatenus illa per eadem media ad dictum finem, ex motivo conformitatis ad Lumen rationis, Legem Dei, Beneplacitum Dei, Exemplar Dei, Christi præcipuè *Crucifixi*, (Quia ad eum & in eo omnis alia Conformitas activa ex parte hominis, passiva ex parte Crucifixi reperitur) Deiparæ, Sanctorum, ad statum gratiæ & gloriæ; ex motivo inquam Conformitatis ad horum unum, plura, vel pauciora, hominem practicè dirigit. De quibus objectis motivis vide infra 2. 2. paragr. 7. & aliis. Quod covenit non modo Theologiæ activæ, sed suo modo & passivæ seu *Mysticæ*, quæ per experimentalem notitiam DEI, & sublimem contemplationem, consequentem dictam notitiam, quasi per medium quoddam ad ardentiorē & ardentiorē effervesce facit amorem Dei, & Gloriam ejus magis magisque promovendam; qui sunt principales fines supernaturales. Adjicitur in Asserto, *Mediis & Fini Ly Supernaturale*, quatenus scilicet hæc Media & Finis cognoscuntur per fidem, ac dona Spiritus Sancti, aliæque principia cognitionis supernaturalis, atque circa ea homo habet se practicè seu activè, & passivè supernaturaliter, producendo Actus ex principiis supernaturalibus, & experiendo seu patiendo Divina; secundum quod id provenit ex mero & specialissimo dono Dei, indebito ulli naturæ creatæ, & creabili. Ex

De Divin.

Nomin. cap

2. a. 2. cit. a

D. Thoma

2. 2. q. 155.

Ex his differt Theologia Spiritualis à Theologia Speculativa, quod hæc sistit in speculatione, illa ulterius progreditur, nempe ad praxim. Ob quam rationem differt quoque à Theologia Controversa, quæ in cognitione veritatis dissipantis errores infidelium remanet. Specialiter autem Theologia Mystica discernitur à Speculativa ex triplici ratione (ut in Schola amoris versatissimus docet S. Franciscus Salesius Episcopus Genevensis) Quia etsi utraque habe-

De amore
Dei lib. 6.
cap. 1.

“ at DEUM pro objecto, Scholastica tamen differit de DEO, ut
“ Deus est: Mystica ut summè amabilis est. Illa de Deo loquitur
“ cum hominibus & inter homines: hæc de DEO cum eodem.
“ DEO. Illa tendit ad Dei cognitionem, facitque nos doctos &
“ Theologos: hæc tendit ad amorem, & nos arduos reddit ac
Theophilos. Hæc illo. Item differt à Theologia Morali: Quia hæc etsi dirigat hominem ad praxim, sed principaliter tantum secundum unam rationem iustitiæ universalis, quæ est Fuga mali moralis, seu offensæ Dei in actibus humanis: neque copiosius de motivis talium Actuum, neque de mediis praxis in particulari &c. nisi quid per accidens discurrit. Theologia verò Spiritualis de his omnibus ex professo agit, quamvis particulares casus Conscientiæ, & eorum minus universalia principia ad Theologiam Moralem remittat. Et licet Theologia Moralis agat quoque de faciendo bono morali positivè, præcipuus tamen ejus finis est, ostendere, ubi sit obligatio faciendi boni vel non sit, adeoque ubi incurratur delictum, pœna, vel non incurratur. Porro Theologia Spiritualis tota est in hoc, ut non modo fugiat malum, sed & faciat bonum. Differt item à Theologia Expositiva seu Scripturali, quæ principia & modos explicandi Sacram Scripturam tradit: Theologia verò Spiritualis methodum benè beatèque vivendi secundum scripturas proponit, & sequitur. Denique differt Theologia Spiritualis à Theologia naturali seu metaphisica, quæ de Deo, & à Philosophia Ethica, quæ de Beatitudine, & mediis ad ipsam, secundum rationem naturalem, non verò supernaturalem agit. Quanquam in hoc Opere & ipsa essentia Theologiæ Speculativæ, & principia Moralis, Controversiæ, Scripturalis Theologiæ, magna ex parte proponuntur. Ethica quoque hic eminenter includitur.

Ex dictis quoque patet, cur Theologia hæc, Spiritualis ap-

pellatur : quia scilicet à Spiritu Sancto habitus supernaturales (quibus principiatur hæc scientia) infunduntur, & actus (quibus perficitur eadem scientia) supernaturaliter producuntur, aliaque ope Spiritus Sancti & discuntur, & fiunt in Sanctificatione ac perfectione Electorum. Unde tanquam ab Inventore, Doctore, Promotore Spiritu Sancto, hæc Theologia Spiritualis denominatur.

§ II.

Dico Secundò : Motiva ad operam dandam Sapientie, seu Theologie Spirituali, sunt, quæ sequuntur. Primum Motivum, à summa excellentia ejus Originis desumitur. Quippe imò : Deus T. O. Max. quatenus Author donorum super-

Ecli. 1. naturalium, ipse est, à quo (juxta Ecclesiasticum) Omnis Sapientia est. Et Baruch; Disce inquit ubi sit prudentia, ubi sit virtus, ubi sit intellectus, &c. Hic est DEVS noster, & non estimabitur alius adversus eum.

Baruch. 3.
9. 14. 5. 36.

Hic adinuenit omnem viam discipline, & tradidit illam Iacob puero suo, & Israel dilecto suo. Post hæc in terra visus est, & cum hominibus conversatus est : Dum scilicet DEUS factus homo, immensâ dignatione per seipsum inter mortales eructabat abscondita à constitutione mûdi: potens in opere & sermone: homines hanc cælestem Sapientiam edocendo. Hinc 2do ejus Author est JESUS Christus, increata & incarnata DEI Sapientia. 3tio: Cultores Sapientie supernaturalis fuere in lege naturæ Adam, Noe, Abraham, & alii Sancti Patriarchæ: De quibus lib. Sap. insinuatur: Hæc, (i. e. Sapientia) illum qui primus formatus est à DEO pater Orbis terrarum, cum solus esset creatus, custodivit, & eduxit illum à delicto suo, & dedit illi virtutem continendi omnia. Ab hac, ut recessit injustus in ira sua, per iram homicidii fraternitatis deperit. Propter quod, cum aqua deleret terram, sanavit iterum sapientia, per contemptibile lignum justum gubernans &c. Eandem primus scriptis consignavit S. Iob; ut colligitur ex libro ejus hagiographo. Post hæc in lege scripta Moyses, David, Salomon, Siracides, Prophetæ: in lege autem Gratia quatuor Evangelistæ, S. Petrus, S. Paulus, S. Jacobus, S. Judas, Oracula Divinæ Sapientie literis mundo prouulerunt. Denique SS. Patres & Doctores Ecclesiæ, abstrusiora Mysteria istius Scientiæ explanando, eaque tum alia moralia

Matth. 13.
Luc. 24.

Sap. 10.

morta-

mortalibus sæpè inculcando, luculentissimis scriptis, tum propriis exemplis, ad praxim benè beateque vivendi iter tritum & inoffensum demonstravere, & ad cursum ejus incitavere.

Secundum Motivum ab inestimabilibus Bonis, quæ affert Sapiencia; & malis quæ parit stultitia, habetur. Sed primo supponendū est; Proprietates, effectus, qui à sacra Scriptura, SS. Patribus, & Magistris Spiritualibus, Sapiencia, Scientia, Intelligentia, Prudentia, attribuntur; vel sub nomine doctrinæ, disciplinæ, eruditionis, legis, mandati, consilii &c. enunciantur; (prout 2dum Cornelium à Lapide fecisse videtur Salomon, æque ac Siracides) siue hæc ut præcipi pars aliqua Theologiæ Spiritualis censeantur, siue ut Pars pro Toto ejusdem Theologiæ accipiantur, semper verum aliquid ad Spiritualem Theologiam spectaus, dicunt. Hinc Suarez de dono sapientia, (quod est essentielle Theologiæ Spirituali.) Possunt inquit beat. disp. 7 intelligi omnes laudes, quæ in scriptura de sapientia dicuntur. Et Cornel: à Lap: Sect. 2. n. 4. sapientia ait in libris sapientialibus præcipuè practicam sive ethicam significat, quæ docet nos sapietèr, id est justè sancteq; vivere, quæ proinde vocatur scientia Sanctorum, & Prudentia Iustorum. Jam ergo intentâ aure auscultem⁹ Sapienciam, quæ à Spiritu Sancto nobis repræsentatur, & ita inducitur: Sapientia foris prædicat, in plateis dat vocem suam: in capite turbarum clamat, in foribus portarum Urbis profert verba sua, dicens: Usquequid parvuli diligitis infantiam, & stulti ea, quæ sibi sunt noxia, cupient, & imprudentes odibunt scientiam? Convertimini ad correctionem meam: en proferam vobis spiritum meum, & ostendam vobis verba mea. Quia vocavi & renuistis, extendi manum meam, & non fuit, qui aspiceret: Despexistis omne consilium meum, & increpationes meas neglexistis: Ego quoq; in interitu vestro ridebo, & subsannabo, cum vobis id quod timebatis, advenerit. Cum irruerit repentina calamitas, & interitus quasi tempestas ingruerit: quando venerit super vos tribulatio & angustia. Tunc invocabunt me, & non exaudiam: manè consurgent, & non invenient me: eò quod exosam habuerint disciplinam, & timorem Domini non susceperint, nec acquieverint consilio meo, & detraxerint universæ correctioni meæ. Comedent igitur fructus viæ suæ, suisq; consiliis saturabuntur. Aversio parvulorum interficiet eos, & prosperitas stultorum perdet illos. Qui autem me audierit, absq; terrore requiescet, & abundantia perfruetur, timore malorum sublato. Et Sapient. c. 3. Sapientiam & disciplinam qui abiicit, sap. 3. infelix est, & vacua est spes illorum, & labores sine fructu, & inutilia opéra illorum

Cornel. à
Lap. Com-
ment. in

Proverb. Sa-
lom. cap. 1.

Suarez
De ult. fine
hominis

beat. disp. 7

Sect. 2. n. 4.

Cornel. à

Lap. in Com-
ment. sup.

S. Scripti-
sapient. 10

Luc. 1.

Prob. 6. 11

illorum: mulieres eorum insensatae sunt, & nequissimi filii eorum. **Prov.** cap. 3. Beatus homo qui invenit sapientiam, & qui affluit prudentia, melior est acquisitione ejus negotiatione auri & argenti, primi & purissimi fructus ejus: preciosior est cunctis opibus: & omnia quae desiderantur, huic non valent comparari. Longitudo dierum in dextera ejus, & in sinistra illius divitiae & gloria. Via ejus, via pulchrae, & omnes semitae illius pacificae: lignum vitae est **Sap.** cap. 7. his, qui apprehenderint eam: & qui tenuerint eam, beatus. **Sap.** Optavi, & datus est mihi sensus: & invocavi, & venit in me Spiritus sapientiae: & praeposui illam regnis & sedibus, & divitias nihil esse duxi in comparatione illius. Nec comparavi illi lapidem preciosum: quoniam omne aurum in comparatione illius arena est exigua, & tanquam lutum aestimabitur argentum in conspectu illius. Super salutem & speciem dilexi illam, & proposui pro luce habere illam: quoniam inextinguibile est lumen illius. Venerunt autem mihi omnia bona pariter cum illa, & innumerabilis honestas per manus illius, & letatus sum in omnibus: quoniam antecedebat me ista sapientia: & ignorabam, quoniam horum omnium mater est. Quam sine fictione didici, & sine invidia communico, & honestatem illius non abscondo. Infinitus enim thesaurus est hominibus: quo qui usi sunt, participes facti sunt amicitiae DEI, propter disciplinae dona commendati. Mihi autem dedit DEVS dicere ex sententia, & presumere digna horum, quae mihi dantur: quoniam ipse sapientiae dux est, & sapientium emendator. In manu enim illius & nos, & sermones nostri, & omnis sapientia, & operum scientiae disciplina. Et Paulo infra: Et quaecumque sunt absconsa & improvisa didici. Omnium enim artifex docuit me sapientia: est enim in illa spiritus intelligentiae. Sanctus, unicus, multiplex, subtilis, disertus, mobilis, incoinquinatus, certus, suavis, amans bonum, acutus, qui nihil vetat benefacere, humanus, benignus, stabilis, certus, securus, omnia habens virtutem, omnia prospiciens, & qui capiat omnes Spiritus: intelligibilis, mundus, subtilis. Omnibus enim mobilibus mobilior est Sapientia: attingit autem ubique, propter suam munditiam. Vapor enim est virtutis DEI, & emanatio quaedam est claritatis Omnipotentis DEI sincera: & ideo nihil inquinatum in eam incurrit. Candor est enim lucis aeternae, & speculum sine macula DEI Majestatis, & imago Bonitatis illius. Et cum sit una, omnia potest, & in se permanens, omnia innovat, & per nationes in animas Sanctas se transfert, amicos DEI & Prophetas constituit. Neminem enim diligit DEVS, nisi eum qui cum sapientia inhabitat. Est enim haec speciosior sole, & super omnem dispositionem stellarum, luci comparata invenitur prior.

prior. Illi enim succedit nox, Sapientiam autem non vincit malitia. Item: Attingit ergo à fine usq; ad finem fortitèr, & disponit omnia *Sapient. 2.* suaviter. Hanc amavi, & exquisivi eam à juventute mea, & quæsvi spem mihi eam assumere, & amator factus sum formæ illius. Generositatem illius glorificat, contubernium habens DEI: sed & omnium Dominus dilexit illam: doctrix enim est disciplinæ DEI, & electrix operum illius. Et si divitiæ appetuntur in vita: quid sapientiâ locupletias, quæ operatur omnia? Si autem sensus operatur: quis horum quæ sunt, magis quam illa est artifex? Et si justitiam quis diligit: labores hujus magnas habent virtutes: sobrietatem enim, & prudentiam docet, & justitiam, & virtutem: quibus utilius nihil est in vita hominibus. Et si multitudinem scientiæ desiderat quis: scit præterita, & de futuris æstimat: scit versutias sermonum, & dissolutiones argumentorum, signa & monstra scit antequàm fiant, & eventus temporum & seculorum. Proposui ergo hanc adducere mihi ad convivendum: sciens quoniam mecum communicabit de bonis, & erit allocutio cogitationis, & tædii mei. Habebo propter hanc claritatem ad turbas, & honorem apud seniores juvenis: & acutus inveniar in iudicio, & in conspectu potentium admirabilis ero: & facies Principum mirabuntur me: tacentem me sustinebunt, & loquentem me respicient, & sermocinantem me plura, manus ori suo imponent. Præterea habebō per hanc immortalitatem: memoriam æternam his, qui post me futuri sunt, relinquam. Et infra: Intrans in domum meam, conquiescam cum illa: non enim habet amaritudinem conversatio illius, nec tædium convictus illius, sed letitiam & gaudium. sap: Initium enim illius veris-*Sap. c. 6.* sime est disciplinæ concupiscentia. Cura ergo disciplinæ, dilectio est: dilectio, custodia legum illius est: custoditio autem legum, consummatio incorruptionis est: incorruptio autem facit esse proximum DEO. Concupiscentia itaq; sapientiæ deducit ad regnum perpetuum.

Libeat hic adnectere aliquem ex SS. Patribus. D. Gregorius *Apud Anton. in Melissa part. 2. cap. 50.* Nazianz. hunc in modum discurret. Nihil inexpugnabilius Philosophiâ, (seu amore veræ sapientiæ) nihil tranquillius: omnia prius cedunt quam Philosophus. Duo sunt invicta, DEUS, & Angelus, & tertium Philosophia. Est enim Philosophus, non materialis in materia, in corpore incircumscriptus, in terra cælestis, in affectibus imperturbatus, ubique inferior cæteris, præterquàm animi magnitudine, & cedendo vincens illos, qui se vincere putant. Vnam ego Sapientiam novi timere DEUM. Etenim sapientiæ initium

initium est timor Domini. Audi Summam sermonis: DEum time,
& mandata ejus observa. Hoc est enim omnis homo.

3^{ium} Motivum. Quia Theologia spiritualis est finis, & fructus omnium Artium, & Scientiarum. *1^{mo}.* Quatenus ex ipsis & per ipsas debet ascensus fieri in cognitionem Sapientiae DEI increatae & incarnatae, amoremque DEI: quippe omne lumen naturale & supernaturale, descendens à Patre luminum, ac representans Lumen de Lumine Sapientiam DEI Patris, ad eam tanquam Causam Idealem seu Exemplarem, tum ipsum Principium fontale omnis luminis, petit reduci; quod fieri nequit, nisi mediante Theologia Spirituali, quae quasi media inter DEUM & artes ac scientias, eas in DEUM ut ultimum Finem reducit; ad illam verò tanquam proximum finem, alia quævis referuntur. Cujus reductionis formam in artibus quibusvis, etiam mechanicis, tum scientiis quæ speculativis, quæ practicis, subtiliter ostendit Seraphicus Doctor in Opusculo de reductione artium ad Theologiam: additque pro coronide
“ inquit: Et sic patet, quomodo multiformis Sapientia DEI, quæ
“ lucidè traditur in S. Scriptura, occultatur in omni cognitione &
“ in omni natura. Et paulo post. Et hic est fructus omnium scientiarum, ut in omnibus ædificetur fides, honorificetur DEus, componantur mores, hauriantur consolationes, quæ sunt in unione
“ sponsi & sponsæ. Quæ quidem unio fit per charitatem, ad
“ quam terminatur tota intentio Sacrae Scripturae, & per consequens omnis illuminatio deorsum descendens, & sine qua omnis cognitio vana est: quia nunquam pervenitur ad Filium, nisi
“ per Spiritum Sanctum, qui docet nos omnem veritatem. *2^{do}.*
Theologiam Spiritualem, esse tanquam finem, quem intendere; & tanquam principalissimum & pretiosissimum fructum, quem ut producant, enti debent omnes artes & scientiæ, probatur. Quia sicut illa sine istis est sibi sufficientissima, cum per contemplationem & amorem possideat summum Bonum: Etenim *charitas nunquam excidit: sive Prophetiæ evacuabuntur, sive lingvæ cessabunt, sive scientia destruetur: ita istæ sine illa vanitas vanitatum sunt,* dicente Apostolo: *Si lingvis hominum loquar & Angelorum, charitatem autem non habeam, factus sum velut aes sonans, aut cymbalum tinniens. Et si habuero prophetiam & noverim mysteria omnia, & omnem scientiam.* (adeoque & Theolo-

1. Cor. 13.

1. Cor. 13.

Theologiam, seu Scientiam DEI & Divinorum, non ordinando eam ad Spiritualem Theologiam, seu ad Praxim Amoris duntaxat DEI & proximi; sed potissimum tempus in speculationibus consumendo) *charitatem autem non habuero, nihil sum.* Cæterum, scientia sine Charitate inflat; ut illum Principem Cherubim Luciferum, qui plenus Sapientiâ & perfectus decore, elevavit cor suum contra Sapientiâ æterni Patris: *Charitas vero ædificat.* Deinde, quid prodest homini, si mundum universum lucretur suis artibus & scientiis, quoad temporalem fortunam, animæ verò suæ detrimentum patiatur, ut tandem perpetuis ighibus in gehenna crucietur? patietur autem animæ detrimentum, sicut & illi, de quibus Baruch inquit: *Non hos elegit Dominus, neq. viam discipline invenerunt, propterea perierunt.* Et quoniam non habuerunt Sapientiâ, interierunt propter suam insipientiam. Denique, qui addit Scientiam, addit & laborem: quod dicto (ut cum Cornelio à Lapid. nominatissimo S. Scripturæ Commentatore concludam:) Maximè & potissimè intendit hic Ecclesiastes significare studium Sapientiæ & Scientiæ tum speculariæ, tum practicæ esse vanum, laboriosum, & afflictivum, dum in sola speculatione & cognitione rerum naturalium, & ethicarum, puta virtutum & vitiorum consistit, nec ad ipsam virtutum operationem & exercitationem transit, ut fiat practicè, practicum. Virtus enim & vera Sapiëntia ac Scientia, quæ animæ dat quietem & seriem, non in arida speculatione, sed in honesta actione & operatione sita est; quâ si careat, vana est, & mera capitis fatigatio; quia suo fine & fructu, qui est actio vitæque honesta, quæ ducit ad felicitatem, destituitur. Hoc est, quod propriè spectat hic Salomon, scilicet nudam Sapiëntiam & Scientiam ethicam, non satiare, nec honestare, nec beare hominem, sed solum timorem & amorem DEI, studiumque virtutum: cætera omnia esse vana. Vnde cap. 12. vers. 13. concludens, ait: *DEVM time, & mandata ejus observa.* Hoc est enim omnis homo. Tu ergo Studiose, ô Religiose, ô Magister, ô Doctor, qui in arida speculatione annos per plures impendisti, vitam consumpsisti, vires exhaustisti; expende quæso, quam sis à vera Sapiëntia alienus: si notitiæ rerum humanarum & Divinarum minimè virtutem jungis, & rationem disputandi sciens, viam humilitatis

Cor. 8.

Ezech. 28.

Matth. 16.

Baruch. 3.

Ecclef. 1.

Corn. à lap.

in citat. tex.

„ & perfectæ charitatis ignoras. Nam si vera Sapientia (ut dixit
 „ *Lactantius*) non potest cuiquam sine scientia & virtute contingere,
 „ re, quomodo te sapientem appellabo, quem scientia inflans, demen-
 „ tatum tenet, & charitas ædificans in sui contubernio non reti-
 „ net? Si Sapientia (ut ait *Nazian.*) ad DEI amorem subvehit, &
 „ ex servis jam amicos ac Filios efficit: quamvis ratione te Sapien-
 „ tem existimabo, quem verus DEI amor servum non novit, &
 „ Christus non amicum nec filium agnoscit? Aliâ igitur viâ ad
 „ veram Sapientiam, quæ te beet, incedendum est, nimirum viâ
 „ humilitatis, charitatis, contemptus mundi, &c. *Hæc Cornel. à Lap.*

Part. I. c. I. Quod concernit Modum & Praxim docendi & discendi Di-
sect. 2. subs. vinam Sapientiam, seu Theologiam Spiritualem, vide suis locis.

s. 6. 6.

p. I. 2. tr. I.

Et tra. 2. c.

2. sect. 3.

subs. 10.

§ III.

Dico Tertio. Theologia Spiritualis, seu à potiori divisionis
 suæ membro dicta Mystica, juxta Dionysium Carthusia-
 num dividitur In Activam, & Passivam. Quam divisionem
 idem Author videtur insinuare dum inquit: DEVS itaq; Sub-
 limis, cum viderit mentem hominis Spiritualis Zelo justitiæ penetratam,
 charitate flammigeram, puritate, ac omni virtute fulcitam, ad Divina forti-
 ter aspirantem: (Ecce Theologiam activam:) mox dignantissimè, ex-
 uberantissimè, amorosè, ac frequentissimè ei occurrit, succurrit, cooperatur,
 seq; ei communicat, manifestat, infundit, eam ad se elevat, intra se rapit, de-
 osculatur, amplectitur, atq; se ei intuendum, gustandum, fruendum offert ac
 exhibet, habetq; magnam complacentiam in ea. Ecce Theologiam passi-
 vam seu mysticam. Itaque ex his patet spiritualem activam Theo-
 logiam, esse scientiam, quæ practicè hominem dirigit per media
 seu actus supernaturales puritati animi servientes; uti sunt contem-
 ptus mundi, pœnitentia, mortificatio sui ipsius, &c. tum per actus
 justitiæ, omniumque virtutum, ferventis charitatis, ardentium ad
 DEUM aspirationum, quousque his actibus virtutum perficiat
 hominem ad earum acquisitos habitus, infusosque altioribus gra-
 dibus adaugeat. Dirigit autem hæc scientia ad finem supernatu-
 ralem, potissimum ad DEI elevationem contemplationem, ferven-
 tiorem amorem affectivum & effectivum, strictiorem unionem,
 admirandam illam DEitatis experimentativam notitiam & frui-

ONEM

onem in hac mortalitate magis vel minus pro ratione dispositionis humanæ & beneplacito Bonitatis Divinæ, in futura verò vita perfectè possidendam. Undè ulterius patet, quia sicut in ordine naturali non datur transitus à Terminò *A quo*, ad terminum *Ad quem*, nisi per medium: ita & in supernaturali ordine homo pertingere nequit ad Finis ultimi supernaturalem possessionem per accessum contemplationis & amoris, nisi adhibeat media pœnitentiæ & mortificationis removens prohibens unionem cum DEO, quale prohibens sunt tenebræ & alior peccatorum: tum deinde alia assumat media positivè conducentia, quale est lumen virtutum, ardorq; charitatis; quibus & via cœlestis panditur, & homo flammæ ad instar amore succensus rapitur ad suæ sphæræ centrū, Deum suum.

Advertendum autem hic est *primò* ad conditiones & proprietates utriusque Theologiæ activæ & passivæ; Nimirum activam per se & ordinariè pertinere ad statum Incipientium, Proficientiū; ad Perfectos verò quasi per accidens, maximè in supremo gradu perfectionis. Passiva verò habet se extraordinariè respectu Incipientiū, & Proficientium; ordinariè autem respectu Perfectorum. Ratio utriusque est: quia activa Theologia secundum dictamen practicum rationis, adjutum supernaturalibus gratiis actualibus, disponit ac dirigit hominem per exercitium habituum infusorum circa finem supernaturalem, & media ad ipsum; verum cum non modica hominis difficultate, labore, & activitate: quod ipsum evenit Proficientibus, & maximè Incipientibus, ob arduitatem virtutis. Perfectis verò qui assueverunt virtuti, & abundant gratiâ DEI, hæc difficultas contingit ex aliquo accidenti, v. g. dum propter humilitatem servandam subtracto gustu gratiæ, desolati aridiq; virtutis asperitatem experiuntur. In passiva autem Theologia contrarium accidit: quia ibi Mens specialioribus gratiis actualibus Divinis illustratur & inspiratur; tum Spiritus Sanctus immediatè per dona sua aliisque modis Cognoscitivam multipliciter & copiosè irradiat, Appetitum confovet ac ineffabiliter demulcet; atque ita suaviter movet, ciet, & agit hominem ad omnem bonitatem. Undè ejusmodi non tam agere (quanquam & ipse defacto coagat Spiritui Sancto) quàm agi dicatur, juxta illud Apostoli: *Quicumq; Spiritu DEI aguntur, ij sunt filii Dei.* Hæc autem *Rom. 8.*

omnia sunt perfectorum propria: quæ subinadè à Deo conceduntur etiam minùs perfectis, et si non in tanta ubertate & præstantia doni cælestis, ut perfectis: quatenùs allecti s'vavitate supernâ, ac probatâ facilitate virtutis, animentur ad progressum in altiora.

Advertendum secundo est, Dona Spiritus Sancti in Passiva Theologia quoad supremum gradum spectari; habent enim dona hæc gradum infimum, medium, & supremum. A deo quæ juxta infimum gradum accepta, etiam per illa Spiritus Sanctus agit & movet Incipientes in via Spiritualis, sicut & Proficientes per medios gradus eorundem donorum; non tamen tantâ energiâ & apparentiâ, ut in Perfectis contingit; unde hi à Spiritu Sancto agi antonomastice dicuntur, non verò alii.

§ IV.

Passiva seu Mystica Theologia quid, & qualis sit, concèpta difficilis, effatu ineffabilis, in experientia admodum rara. Quia tamen hæc Divinissima scientia ob sui immensam excellentiam, majestatem, gratiam, (cum ipsi propriissimè & per antonomasiam conveniant omnia encomia in laudem Sapientiæ, vel Scientiæ deprompta:) ultrò rapit animum ad sui intuitum, cietque potentèr ad ejus comparandos inæstimabiles thesauros, delibandasque delicias: tum ex quo est activæ Theologiæ finis, si non omnibus activis in terra, saltem in cælo attingendus: Igitur de ea hic quidem breviter disserere placet, infra verò paulo fufius

Via comp. sub Contemplatione.

ad DEVM

Quid itaque Mystica Theologia sit: Ejus ex *Cardinale cap. 3.* Bona definitiones ab aliis Mysticis Scriptoribus desumptas, a *Dionys.* accipe, quæ sequuntur; nempe Mystica Theologia a *Est secretis-Carthus.* s'ma mentis cun DEO locutio. Item: b *Est animi extensio in DEVM per sup. Dion. amoris desiderium.* Item: c *Est motio anagogica in Deum per purum & servi-Myst. The- dum amorem.* Item: d *Est cælestis quædam Dei notitia per unionem volunta-olog. tis DEO adherentis elicitæ, vel lumine cælitus producta.* Item: e *Est sapi-b Gerson. entia experimentalis DEI affectiva, divinitus infusa, quæ mentem ab omni de Myst. inordinatione puram, per actus supernaturales Fidei, Spei, & Charitatis Th. Spec. cum DEO intimè coniungit.* Alias alii definitiones tradunt, quæ cum

Con. 28. c *Id. Gers. ib. d Joan. à Jesu Myst. Theol. s. a. e Balb. Cord. s. f. a. ad Myst. Th. Dion. Arcop. c. 2.*

„cum prædictis coincidunt. Res enim abstrusa & difficilis, ac prorsus divina, certis finibus circumscribi nequit, & Dialecticorum regulis concludi.

„Principiū Mysticæ Theol. est ipsa Essentia bonitatis, rerumq; Card. Bona
 „omnium Causa superessentialis TRINITAS, à qua per bonitatis via comp-
 „redundantiam in nos effluxit, cum inæquali tamen participatione ad DEVM
 „ob diversam hominum aptitudinem, & multorum repugnantiam cum divinis illustrationibus. Dicimus itaq; cum Sanctissimo cap. 3.
 „Dionysio DEI principalem beatitudinem, naturam Divinitatis, principi- Dionys.
 „um Deificationis, ex quo Deificandi deificentur, Mysticam Theologiam in sa- Eccles. Hi-
 „lutem & Deificationem hominum concessisse, modo scilicet magis immateri- er arch. c. 1.
 „ato, & Spirituali, non extrinsecus ad Divina movendo, sed intelligibili rati-
 „one atq; intrinsecus purà liquidāq; illustratione Divinissimam iis voluntatem
 „irradiando. Pater itaq; cunctis imaginibus depurans intel-
 „lectum, supra rationem nos euehit; Filius verò vacuum intel- Card. Bon.
 „lectum infinità claritate perfundit: Sanctus autem Spiritus immen- Via comp.
 „so ardore inflammans voluntatem, omnes affectus nostros se- cap. 5.
 „cum conglutinat; quia nimirum id, quod mortale in nobis est, à
 „vita immortalī absorbetur.

Magister Theologiæ Mysticæ est Christus Dominus: qui bea-
 tum Paulum Apostolum eā informavit: hic verò suum discipulum
 B. Dionysium Areopagitam: à quo hanc Divinissimam hæredi-
 tatem B. Thimotheus scripto secretissimo consignatam, accepit.
 Porro alii viri Sancti & DEO pleni eandem Sapientiam caelestem
 à Spiritu Sancto edocti, scriptisque planè divinis & arcanis præ-
 fati sancti Areopagitæ adjuti, propriā experienciā didicerunt,
 ac literis sparsim in suis voluminibus exaratam reliquerunt: quo-
 rum aliqui Catalogo sanctorum inscripti, aliqui minime, vitæ tam-
 en eximiā integritate in Ecclesia DEI effulserunt. Hi magnalia
 DEI sibi comperta, nobis verò incognita & stupenda evulgarunt;
 quibus fidem dare ob auctoritatem insignis eorum virtutis ratio &
 prudentia suadet; Plato in Timæo ait: De rebus Divinis credendū est filiis
 „Dei, etiamsi nullas afferant rationes. Nec ideo tamē inutiles æstimandi Card. Bon.
 „sunt, aut prorsus abijciendi Mysticorum libri, quod sublimia Via comp.
 „tractent & mirabilia super nos; nam hoc saltem ex illis discimus cap. 5.

Guliel. in
Vita S. Ber-
nard. l. 1.
cap. 12.

„quam longè adhuc versemur à culmine Christianæ perfectionis,
„nondum digni, qui cum Moyse in caliginem ingrediamur. Nar-
„rat Gulielmus Abbas Sancti Theodorici sibi infirmo in Mona-
sterio Claravallensi S. Bernardum etiam infirmum exposuisse Can-
tica Canticorum: In quo, inquit, cum benigne & sine invidia exponeret
mibi & communicaret sententias intelligentiæ, & sensus experientiæ suæ,
& multa docere niteretur inexpertum, quæ non nisi experiendo discuntur:
etsi intelligere non poteram adhuc, quæ apponebantur mibi: plus tamen soli-
to intelligere me faciebat, quid ad ea intelligenda deesset mibi.

Verba & nomina apud Mysticos frequentia, quorum sensus
videntur contrariari veritati, non absolute sed moraliter & meta-
phoricè alioque modo accipienda sunt, & piè interpretanda. E-
jusmodi sunt v. g. *Animam liquefieri, mori, annihilari &c.* Quæ re-
aliter sumpta falsum sonant, moraliter verò intellecta, serviunt ad
exprimendum effectus mirabiles amoris Divini, qui animam qua-
si desinere in se, & in Deum transire seu transformari facit. Un-
de Philosophus ait: *Animam potius ibi esse ubi amat, quàm ubi animat.*
Similiter actum voluntatis subinde pro actu intellectus substitu-
unt, dum sensui, gustui, tactui spirituali, (quæ voluntati conveni-
unt) nomen visionis, cognitionis, notitiæ, attribuunt ad similitu-
dinem sensuum corporis, quorum aliquo quidpiam percipientes,
vidisse vel cognovisse aut nosse nos affirmamus: Cum addito ta-
men ejusmodi Termini à Mysticis usurpantur v. g. dum notitiæ
addunt *Ly experimentalis, affectiva, &c.*

Omnibus aperta est Academia hujus Mysticæ Sapientiæ;
maximè tamen Curatores animarum ad sui studium invitat, utpo-
tè qui sapientibus & insipientibus debitores facti, debent loqui sa-
pientiam inter perfectos, & ad eam disponere imperfectos. Cæ-
terum tamen delectus est faciendus Auditorum ejusdem sacratæ
Scientiæ; cum ea sint indigni homines perversi, carnales & sapi-
entiâ mundi inflati. *Animalis enim homo non percipit ea, quæ sunt Spiri-
tus Dei. Stultitia enim est illi, & non potest intelligere, quia spiritualiter
examinatur.* Et Christus Dominus prohibet dicens: *Nolite dare
Matt. c. 7. Sanctum canibus, neq. mittatis margaritas vestras ante porcos: ne fortè con-
culcent eas pedibus suis: & canes conversi dirumpant vos.* Unde S. Di-
S. Dionys. „onysius monet Thimotheum ut caveat, ne quis eorum hæc au-
diat

„diat Myſteria, qui rebus adhæſcunt, & nihil ultra naturalia
 „ſupernaturaliter eſſe imaginantur: qui materialibus rebus im-
 „merſi, nondum per ſtudioſum mortificationis & exercitium vir-
 „tutum, animi candorem acquiſiverunt: qui ambulantes in mi-
 „rabilibus ſuper ſe, arcana Dei ſuâ cognitione ſe poſſe percipere
 „arbitrantur. His meritò occinimus cum Chriſtiano Poeta:

*En adeſt DEVS, impioſ
 Hinc procul procul arceò.
 Inviſam Superis genus,
 Hinc abite profani.*

*Fumus ut fugit: obuiũ
 Cera cedit ut ignibus:
 Sic, intrante DEO, procul!
 Hinc abite profani.*

Porro optimi in hac altiſſima ſcientia diſcipuli evadunt Simples
 & Idiota utriuſq; ſexũs perſonæ. Quippè æternæ Sapientiæ cum
 „ſimplicibus ſermocinatio ejuſ. Quare talibus Idiotis, qui nihil aliud
 „quam ſalutẽ in timore & tremore curant, quã magnis & eruditis
 „Theologis conferri ſolet, niſi & ipſi toto mētis affectu ſtudeãt hu-
 „ilitati. Ita ſcribit vir eximius Bartholomæ9 de Martyrib9, Bracha-
 „renſis Archiepiſ. Comp. Doct. Spirit. par. 2. cap. 13. Et Bernardus
 „de hac re ſermonem habens, ſic exclamat: O quisquis curioſus eſ ſci-
 „re, quid ſit hoc Verbo frui, para illi non aurem, ſed mentem: non docet hoc
 „lingua, ſed gratia: abſconditur à ſapientibus & prudentibus, & revelatur Par-
 „vulis. Similia docent alii plures ſapientiſſimi viri Bonaventura,
 „Geron, Franciſcus Suarez, Victor Gelenius, Conſtantine de
 „Barbanſon. Atque idem confirmant ſcriptis ſuis & exemplo San-
 „ctæ Theodictæ Mulieres, tres Catharinæ Senenſis, Genu-
 „enſis, & Bononiſis; Angelà de Fulgineo, Gertruda, Mechtil-
 „dis, Brigida, Baptiſta Vernatia, Tereſſià à JESu, & aliæ plures.

„Libet autem hic quærere & obſtupeſcere, unde proveniat
 „tam exiguum eſſe numerum incumbentium Myſticæ Theolo-
 „giæ & Contemplationi, cum ſint tamen innumeri Viri pii & Re-
 „ligioſi, divinæ gratiæ conſortes, & donis Spiritus Sancti præditi:
 „creſcitque admiratio, expenſa ratione habitus, qui quò nobilior
 „eſt, eò maiorem confert potentiæ operandi facilitatem. Cum
 „ſit ergo in omnibus juſtis habitus ſapientiæ, quæ eſt donum Spi-
 „ritus Sancti, cur è tot millibus vix unus reperitur rerum divina-
 „rum Contemplator? profectò mirum eſt hoc, & poſſumus cum
 „Propheta plorare, & dicere: *Via ſon lugent, eò quod non ſint, qui ve-
 „niant ad ſolemnitatem.*

*Cap. 1. My-
 ſtic. Theol.
 quæ ita ex-
 plicat Car.
 Bona. Via
 Comp. ad
 Deum c. 4.
 Fran. Mōt
 morentius
 in Paraph.
 Pf. 67.*

*Proverb.
 cap. 3.*

*Card. Bona
 Via cōp. c. 4*

*S. Bernar.
 Serm. 85.
 in Cant.*

*Card. Bona
 Via Comp.
 ad Deum 6.
 10.*

Thren. 14.

Huius

Ioan. à „Hujus rei causas subtilius indagare majoris otii & volu-
 IESV Ma- „minis foret. Nonnullas breviter attingam. *Calaguritanus*, qui hoc
 ria Mysti. „dubium proponit, causam potissimam esse putat, non serio vita-
 Theol. c. 3. „retenuiores culpas, nec perennem cordis alere puritatem: si enim
 „hæc exquireretur, in cordibus puris facile Divina cerneretur
 Initio car- „imago: Hæc ille verisimè. Nam & sapientes ethnici hanc verita-
 minum Pi- „tem cognoverunt. Hierocles tunc hominem posse fieri divinum
 tag. Ari- „ait, cum exverit quidquid humanum est. Musonius apud Ari-
 stit. 6. sacr. „stidem Ejicè inquit quod est in anima mortuum, & DEum agnosces. Pla-
 ferm. tom. 1. „to mentem à corpore separandam asserit, ut Deo jungatur. Alii
 Greg. 6mo „causam rejiciunt in naturalem corporis & temperamenti dispo-
 ral. c. 17. „sitionem, ratione cujus nonnulli ad mysticas functiones inepti sunt:
 Fran: Sales „Nam teste Magno Gregorio sunt quidam ita inquieti, ut sedere cum
 de Div. A- „Maria ad pedes Christi minimè valeant. Sed ut observat Sanctæ
 mor. lib. 12. „memoriæ Episcopus Genevensis: Debent qui sunt hujusmodi, natu-
 c. 1. Ducis „ram vincere ope divinæ gratiæ, quæ omnibus invocantibus ad-
 spirit. tr. 3. „est, & volenti nihil difficile. *Ludovicus à Ponte* aliam assignat ra-
 cap. 2. „tionem, singularem DEI providentiam in Ecclesiæ gubernatio-
 Bern. „ne, in qua diversa officia & gradus sunt: Quare debet unusquis-
 Serm. de „que suam attendere vocationem, & invitantis vocem sequi,
 tripli. ca- „omnia removendo impedimenta. Præclare S. Bernardus: Omnes no-
 stodia. „bis causamur deesse gratiam, sed justius forsitan ipsa sibi queritur gratia deesse
 Richar- nonnullos. Nempe res cordis est gratia devotionis ista, quam querimus, &
 dus de præ- hoc munere ipse se fraudat, qui internam ei dissimulat receptaculum exhibere.
 parat. ad Media perveniendi ad Mysticā Theologiam hæc breviter ac-
 Contempl. cipe: plura fusiùs suis locis. 1. Richardus inquit: Absq; dubio, sine in-
 cap. 79. „genti exercitio, sine frequenti studio, sine ardenti desiderio ad perfectam sci-
 Ant. Mon. „entia hujus altitudinem mens non sublevatur. 2. Antonius Monelia Or-
 in Mysti. „dinis Minorum, Vir magnus inter Mysticos, sed ferè incognitus,
 Theol. Di- „sex esse catenas docet, quibus ligatur anima, nè ad Mysticā The-
 onys. cap. 1. „ologiam ascendat. Prima est negligentia circa Spiritualia, quia
 citatur. à „homo non vult se exercere & mortificare. 2da: Evagatio sensu-
 Card. Bona „um. 3tia: Curiositas intellectus circa scientias. 4ta: Inordinatus
 Via comp „amor erga temporalia. 5ta: Impuritas in operationibus. 6ta: Oc-
 cap. 4. „cupatio circa exteriora. 3. Joannes à JESU ait: Divina & intelligere
 Ioan. à E- „& experiri cupienti, nullum brevius viæ puritate, animiq;
 SV. Myst. „demiissione, compendium est.
 Theol. c. 1.

Summa
THEOLOGIÆ
SPIRITUALIS
FUNDAMENTALIS,
SEU
SCIENTIÆ
SALUTIS,

Bene Beatequē vivendi in Tempore,
ac Æternitate.

DE STATU VITÆ CHRISTIA-
NÆ. EJUSQUE OPPOSITO,
In Genere, & Specie.

TUM
DE VITA ACTIVA, CONTEMPLA-
TIVA, ET MISTA.

AUTHORE R. P. FELICE SIMPLICI LACKI,
*S. Theologia Professore, & Priore Monasterii B. MARIE
V. de Oliva, S. O. Cisterciensis.*

Summa

THEOLOGIAE

SPIRITUALIS

FUNDAMENTALIS

1717

SCIENTIAE

SALUTIS

Præsentatæ vivendæ Tempore

et Futuræ

STATU VITÆ CHRISTIANÆ

ET EUSQUE OPPOSITO

In Cæciliæ & Speer

DE THEOLOGIAE CONTEMPORANÆ

ET FUTURÆ

Præsentatæ vivendæ Tempore

SUMMA THEOLOGICÆ SPIRITUALIS.

§ L

Summa summarum omnium thesaurorum Sapientiae & Scientiae, ipsa æterna SAPIENTIA, suas opes, creaturæ cum in modum communicare dignatur. Tum in Angelica, tum in Ecclesiastica Hierarchia, viciniore Divinitati, vel sanctitatis & perfectionis similitudine, vel Regiminis publici participatione; clarioribus, plenioribus, universalioribusq; suæ Sapientiae irradiat splendoribus: remotiores verò minus claris & universalibus, quousq; hæc irradiatio gradatim per superiores & inferiores Ordines resolvatur in particularia lumina ad captum rudium & simplicium in Ecclesia DEI, juxta illud axioma: *Quod est collectum in superioribus, hoc dispersum in inferioribus.* Igitur sancti Doctores, & Magistri Ecclesiæ, Sapientiam, quæ desursum est à Patre luminum, participantes, eam tum in Summa seu Universali, tum in particulari scriptis suis propalarunt, sparsim tamen, & passim absq; certa Methodo; prout nimirum ferebat impetus Spiritus, qui ubi & quando vult spirat, ac inspirat. Vel si qui eandem Sapientiam cælestem in aliquam formam & ordinem digesserunt, quæ certe sufficeret pro sapientibus, quibus dedisse occasionem, ut sapientiores fiant, satis est. simplicibus tamen, pusillis, & idiotis in Divinis, nisi principaliora vitæ Spiritualis simul in uno volumine proponantur; eaque conformiter ad captum & imaginationem eorum disponantur, lectione variâ librorum Spiritualium videntur non modicè confundi; dum nunc in isto, nunc in illo libro quærunt aliquid ad intelligendum, vel practicandum, & non inveniunt nisi in generalissimis Terminis; vel si unum & aliud elucidatū repperint, pro notitia tamen aliorum requisitorum vitæ Spiritualis, ab uno ad alium Authorem

thorem recurrere coguntur. Deinde dum praxim virtutum modò hanc, modò illam arripiunt, tandem præ animi perturbati tædio & fastidio omnem vel deferunt, vel segnitè exercent: quia multotiès variatâ lectione & methodo virtutis, totiès variatur harmonia agendorum, coordinata in imaginativa & intellectu, ut ignorent denique perplexi animo, quò vadant, & quâ viâ virtutis eis incedendû, cum quævis suâ pulchritudine, & præstantiâ ad se trahat, & alliciat: prout id probè experta Seraphica Virgo Teresa, quæ allecta contemplatione Divinitatis, ad eam, ordinariam viam, nempe meditationem Christi Humanitatis, errore decepta, omisit, putans se tali meditatione impediri ad Divina intuentia, cum tamè posthæc agnoverit id ostium esse, per quod ingrediendum, & egrediendum ad pascua cælestis Sapientiæ. Quare nos secuti æternam Sapientiam, & Doctores Ecclesiæ, in normanda Scientiam salutis; eandem proponimus tum in Summa quadam & totalitate, (universaliora enim juxta Philosophum sunt priora, utpote notiora) tum in distributis Partibus: id quoq; sub singulis ferè capitibus & sectionibus &c. facimus: quando v. g. rei tractandæ essentiam, proprietates, &c. una definitione comprehendentes, eandem in particulis difficilioribus enucleamus: qui modus bonus visus, tum ad captum faciliorem, tum gratiâ juvandæ memoriæ, ac brevitatîs, & claritatîs tractandorum. Deinde nitimur, ut Discipuli Christi hic habeant, *et suum Doceri; et Moveri; et Practicare*; Delectari autem lenociniis styli, gravitas materiæ vetat; Quanquàm *Eloquia DEI dulciora sunt super; mel.* Porro ut occurramus supratactis difficultatibus; Ratio vitæ Spiritualis quidquid magis necessarium, magisque utile requisierit, hic comparatum inveniet. At, nè Opus in immensum crescat, suusque honor Authoribus Spiritualibus habeatur, sub illorum nomine libros editos hic indigitamus, ad eorum lectionem fusio-riorem in materia à nobis tacta, Lectorem invitantes. Methodum quoque & praxim procedendi in via Spirituali ita adaptare nitēbamur, prout ordinarius fert cursus Spiritualium, & ipsa rei exigentia postulat, ut nec stultus quidem erret per hanc viam atherēam, modò sequatur Manuductionem Divinæ Sapientiæ, ac Magistrorum Ecclesiæ hic à nobis propositorum; ubi excipio extraordinarium

psal. 118.

dinarium agendi modum, quem DEUS cum suis Electis subinde habet. Denique non disponimus hanc Theologiam Spiritualem more Scholastico per quaestiones, objectiones, &c. Quia hic non dubia, sed communi sensu & doctrinâ SS. Patrum vel Doctorum, Ecclesiæ conclusa, & probata, proponimus: neque speculari & disputare; sed auscultare, credere, & operari, Theologiæ Spiritualis proprium est.

§ II.

Verum quia amphibologia æquivocationis laret in his terminis: *Naturalis, Spiritualis, tum supernaturalitatis, & moralitatis*, ut clarior notitia habeatur, quandoquidē in his magna ex parte totius Operis istius structura fundetur; ideo eorum explicationem sequentibus suppositionibus præmittimus.

SVPPONO PRIMO: Statum humanæ vitæ in ratione moris, ac beatitudinis, dividi in statum puræ naturæ, & in statum elevationis. *Status puræ naturæ* ita dictus, quod importet omnia ad essentiam suam connaturalia; qualia sunt, potentiae naturales, generalis Divinae Providentiæ concursus; & excludat omne id, quod ei non debetur ratione suæ essentiae, sive illud sit bonum, ut elevatio ad finem supernaturalem per dona gratiæ; sive malum, ut peccatum, & reatus pænæ. Porro hic status nunquam extitit: quia Angeli omnes, primi Parentes, Beatissima Virgo, creati sunt in gratia; cæteri homines producti, & producendi sunt in delicto Originali. Est tamen idem status possibilis: quæ enim implicantiæ? *Status vero elevationis* in eo situs est, quod natura humana eleveur seu ordinetur tum extrinsecè nempe per decretum & providentiam DEI, tum intrinsecè nempe per dona supernaturalia gratiæ, ad finem supernaturalem gloriæ. Hic Status quantum ad extrinsecam elevationem, communis est justis & peccatoribus: quia hæc exterior gratia elevationis, cum sit denominatio extrinseca à decreto DEI solum afficiens extrinsecè peccatorem, compatitur ejus peccatum, quod est quid intrinsecum: à fortiori compatitur actus naturales moraliter bonos justorum sive peccatorum. Quantum autem ad intrinsecam elevationem, hæc vel fit in ordine ad finem supernaturalem primæ gratiæ per actus supernaturales actualium gratiarum

Vide
Becanum
Tract. de
auxilio
gratiæ
disp. 2.

Vide ibidem
quest. 4.

rum & ista quoque elevatio non disconuenit peccatoribus; quia privatio gratiæ habitualis est compatibilis cum dispositione ad formam gratiæ inducendam: Vel fit in ordine ad secundam gratiam, & gloriam æternam per actus supernaturales hominis in gratia habituali existentis: & ista elevatio est propria solis iustis; quia gratia habitualis de facto est impossibilis cum peccato lethali. Status præfatus elevationis duravit ab initio creaturæ, durabitque iu finem sæculi. Et primò in Angelis fuit extrinsecè & intrinsecè; quia fuerunt mox conditi in gratia. Secundo: Status Protoplastorum ante peccatum præter elevationem extrinsecam & intrinsecam,

Vide Becan.

ib. quest. 2.

includebat naturæ integritatem, in eo sitam; quod natura humana haberet omnia quoad suam essentiam, & ex ea facultates promanantes, cum carentia peccati quoad reatum culpæ & pænæ, ac absoluto dominio partis superioris supra inferiorem perfectè subiectam. Quæ subiectio etiam iustitia vocatur; quia faciebat hominem iustum, & apte compositum in hoc, quod subiiciebatur sine contradictione Corpus Spiritui, Spiritus Deo. Cæterum etiam pronunc existens Natura humana potest vocari integra: quia etsi sit imperfecta negativè, id est carens aliquâ perfectione naturali ipsi plurimum consentanea, scilicet interiore concordia suorum appetituum: non est tamen imperfecta privativè, quia non caret aliquâ perfectione ipsi debitâ. Deinde idem status elevationis

Vide Becan.

ib. quest. 3.

A 1. & 2.

Protoplastorum ante peccatum includebat Innocentiam Originalem, ita dictam, quod fuisset transfundenda in posteritatem originatam ab Adam, si ipse non peccasset. Porro hæc innocentia ejusmodi prærogativis ditabatur: nempe immunitate à errore seu deceptione; quia error & deceptio, imò ignorantia eorum, quæ sciri debent, pæna quædam est, consecutiva culpæ, quæ durante innocentia statu, non supponitur: Item immunitate à peccato veniali: Item immunitate ab omni molestia & afflictione: Item immunitate à morte corporis, quamdiu homo graviter non peccaret. Tertiò, status elevationis cum differentia extrinsecæ & intrinsecæ elevationis in natura lapsa (ita dicta, quod per Capitis sui nempe primi Parentis nostri inobedientiam ex felici & sublimi statu gratiæ, innocentia, & integritatis, prolapsa sit in nimis vilem & infelicem conditionem) duravit sub lege naturæ, quod tempus fuit

ab

ab Adam usque ad Moysen; Tum sub lege scripta permansit, nempe à Moysè ad Christum; Tum durat, & durabit sub Lege gratiæ, cujus tempus est à Christo usque in finem mundi.

SVPPONO SECVNDO. Ens supernaturale est id, quod est natura creata & creabili indebitū rū determinatè, sicut v. g. ex suppositione productionis animæ rationalis debetur ei potentia intellectiva: tum indeterminatè, sicut ad perfectionem totius generis humani, debetur eidem v. g. pulchritudo, sive robur eximium non omnium hominū, sed indeterminatè aliquorum. Neutro autem hoc modo Ens supernaturale debetur naturæ. Item *Entitas Supernaturalis* est, quæ existit supra omnem exigentiam, exceditq; vires omnis substantiæ seu naturæ creatæ & creabilis. Ratio est, quia id debetur naturæ, sine quo perfectio naturæ esse nequit: Atqui perfectio naturæ quā talis, potest esse sine donis supernaturalibus sive determinatè, nempe à quolibet individuo naturæ v. g. humanæ exigente; qualia sunt, gratia habitualis, habitus infusi &c. Sive indeterminatè ab aliquo individuo postulante, quale est donū unionis Hypostaticæ: Ergo naturæ non debentur hæc dona, adeoque non potest exigere ut suæ perfectioni debita Entia supernaturalia. Ens supernaturale aliud est quoad Substantiam tale v. g. unio Hypostatica, gratia habitualis, actualis, habitus infusi, actusque virtutum, characteres sacramentales, lumen gloriæ, visio beatifica. Aliud quoad modum est Supernaturale, nempe id, quod etsi absolute sit juxta exigentiam substantiæ alicujus creatæ, non tamen hic & nunc in istis circumstantiis; v. g. Illuminatio cæci. Item Ens supernaturale aliud est Theologicum, nimirum quod est ab intrinseco ordinativum creaturæ rationalis ad visionem DEI beatificam: v. g. Gratia habitualis, & actualis, aliæque supra enumerata. Aliud est Ens supernaturale Philosophicum, quatenus procedit à DEO dispensante in legibus naturæ: talis est v. g. Actio in consecratione Eucharistica, ubi DEUS dispensat in natura accidentium exigentium subjectum. Quia sicut Theologus explicat Ens supernaturale per ordinem ad Visionem beatificam tanquam finem ultimum aliorum Entium supernaturalium: ita Philosophus attendit ad ordinarium cursum naturæ, quæ positis prærequisitis omnibus, vel non producit suum effectum ob defectum concursus Divini, vel alium producit extraordinarium

ordinarium, supplente Causa prima defectum causæ secundæ: sicut contingit in igne Babylonico non urente sed rorante.

SVPPONO TERTIO.

Tim. 2.

Ex communi acceptione quidam Primo appellantur Personæ spirituales; & hæc appellatio iis cōpetit, qui sunt in statu Ecclesiastico, & Religioso, dedicato specialiter in DEI sortem, & cultum, ad Spiritualibus rebus intendendum. Unde Apostolus: *Nemo militans DEO, implicat se negotiis secularibus*: Ergo Spiritualibus, ut ei placeat, cui se probavit. Secundo: aliqui dicuntur homo, vir, aut fœmina, Spiritualis; & id convenit illis, siue Ecclesiastici, siue Religiosi, siue Sæculares sint, qui excellunt gratiâ ac donis Spiritus Sancti, & vitæ sanctimonîæ. Tertiò vocantur Spirituales, qui præstant aliqua ex gratis gratis datis, quæ ordinariè annectuntur statui personarum Spiritualium ratione alicujus officii vel ministerii in Ecclesia DEI, per accidens verò conceduntur & aliis. Taliū gratiarū una est v. g. Discretio spirituum: unde dicitur; *Spiritualis autem judicat omnia*.

1. Cor. 15. *Verumtamen Rari sunt* (ut ait B. Laurent. Justinianus) *qui spirituales re & nomine censendi sunt, vocabulum hoc debent. c. nuntiationis sortiuntur multi, effectum verò ipsius pauci.* Notandum autem, nos hoc Opere nomina ista Christianum, Spirituale, Supernaturale, frequenter pro eodem accipere, unumque aliud supponimus includere: v. g. dum dicimus status vitæ Christianæ: ubi sub Ly Christianæ intelligimus vitam Spiritualem, Supernaturalem; & e converso.

SVPPONO QVARTO.

Quamquam communiter Morales virtutes dicuntur quæ sunt in Appetitiva potentia; Tum quia ratio moris seu inclinare appetitum ad agendum, illis convenit; Tum quia Moralitatē seu honestatem in se includunt: Tamen & intellectuales virtutes possunt dici quodam modo Morales participativè. Tum propter connexionē intimam cum virtutibus appetitivæ, seu per denominationem extrinsecam à voluntate movente, sicut externus actus dicitur liber ab interno; Tum quia & ipsæ veram & propriam habent honestatem. Quod & de Theologicis dicendum. Unde in hoc Opere dum dicimus Actus vitæ Spiritualis vel Supernaturalis in ratione vel in genere moris, intelligimus ibi includi etiā rationem moralitatis: quia appetitus rationalis per quid nisi per honestatē virtutum inclinatur? Deinde intelligimus includi Actus

di Actus virtutum tum intellectus tum voluntatis. Eosdem quoque Actus in ratione moris supernaturali, frequenter in hoc Libro nominamus Actus vitæ Spiritualis; quandoquidem Actus morales supernaturales à Spiritu S. grãtia proveniant.

§ III.

PRIUSquam vero accedamus ad ipsam Materiam Theologiæ Spiritualis in Summâ seu totali suo Esse tractandam, quoniam prius est animale, quam quod spirituale: & in hac rerum providentia Deus & Natura ab imperfectioribus ad perfectiora progrediuntur: tum ut Theologus Spiritualis discernat inter pretiosum & vile, inter gemmam & vitrum, etiã in moralibus: operæpretium fuit præmittere caput primum de statu vitæ in ratione moris ac beatitudinis naturali, atq; de horum oppositis caput secundum, post hæc de supernaturali. Verum quia à naturali & ejus corruptivo ad supernaturale non potest transiri nisi per medium: quo assurgatur de scintilla rationis naturalis, aut de tenebris peccati & umbra mortis, in diem claritatis supernaturalis, vitæque perennis, capite tertio & quarto, id Medium, ejusque Oppositum statuimus. Tandem capite quinto de statu vitæ Christianæ seu supernaturalis suisque oppositis in genere, ac denique capite 6to de eodem statu in specie agimus.

CAPUT I.

De Statu vitæ humanæ in ratione moris ac beatitudinis naturali.

DICO. Hic status est permanentia in exercitio (orto ex principiis naturalibus, juxta dictamen luminis naturalis, ad finem bonum:) virtutum, tum contemplationis summi Entis veri & boni. Explicatur & probatur assertio. Dicitur; permanentia: Quia hæc est de ratione status. Dicitur; in Exercitio virtutum: Quia cum ex virtute agere sit præcipuum bonum naturæ rationalis, utpote ejus per hoc maxime distinctivum ab irrationali; & conservativum in suo Esse luminis naturalis non extinguendi saltem quoad actum

zdam: Hinc multum inclinatur (quod est de ratione Moris seu Consuetudinis) ad exercitium virtutum, qui sunt actus moraliter boni. Dicitur; *Tum contemplationis summi Entis Veri & Boni*: Quia V.D.Thom. ratio humana cum sit capax universalis Veri & Boni, tamdiu non i.2.q.2.a.8. exsatiatur, seu non quietatur; quamdiu non explet capacitatem suam illo Summo Vero & Bono: quæ exsatiatio naturali modo adeoq; non plenè acquisita, est de ratione beatitudinis naturalis. Dicitur; *ex principiis naturalibus &c.* Per quod differt hic status vitæ naturalis à supernaturali.

Ejusmodi status etsi possit extrinsecè dici supernaturalis; quia per decretum Dei elevatus est ad finem supernaturalem: intrinsecè tamen est naturalis; quia ex meris principiis naturalibus elicit actus suos.

Triplicis generis sunt homines, qui magis vel minus contingunt Statum præfatum. *Primò sunt Infideles*: Quorum opera honesta sunt naturalia, non supernaturalia; cum ex aliquo principio supernaturali minimè promanent. Nisi dum disponuntur per auxilia Dei actualia ad gratiam habituales; tum enim ad formam supernaturalem inducendam, datur quoq; dispositio supernaturalis. *Secundò sunt peccatores sed fideles*; tum *iusti sed rudes in spiritu, aut tepidi*; qui raro supernaturaliter operantur; quia aut ignorant, aut negligunt ex motivo supernaturali operari, dum operantur. *Tertiò sunt iusti ferventiores, & eruditi à DEO vel homine*, qui raro naturaliter, fere semper supernaturaliter (si tamen Deus concurrerit) operantur honestè, ob radicem nimirum supernaturalitatis in se manentem, quæ est gratia habitualis, tum ob principia actualium gratiarum, tum ob motivum fidei supernaturale, ex quo suos actus eliciunt. Sin verò ex alio motivo naturali eliciant, erunt actus naturales: quandoquidem objectum Motivum dat Esse actui. Sed de hoc infra fusiùs.

V. part. 2.
2. Theol.
Spiritus.

Quod concernit præcipuam qualitatem ejusmodi actuum; sic actus supernaturales iustorum sunt meritorii de condigno præmii supernaturalis: Peccatorum autem fidelium supernaturales actus solum sunt meritorii de congruo. Actus vero naturales moraliter boni, seu virtutum, qui ex motivo naturali honestatis fiunt,

non

non sunt meritorij præmij supernaturalis gratiæ & gloriæ: quia nulla est proportio inter meritum naturale & præmium supernaturale. Sunt tamen meritorij præmij naturalis: Siquidem DEVS ut supremus author & moderator universi, sicut nullum malum factum decrevit permittere impunitum, ita nullum bonum insolutum: hoc enim ad conveniens regimen rationalis creaturæ pertinebat. Porro Actus virtutum, qui ex mera inclinatione complexionis naturalis procedunt: sunt enim nonnulli complexione v. g. sanguineâ affabiles, sinceri, &c. Ejusmodi virtutes naturales, ne quidem præmium naturale merentur, cum non ex motivo honestatis; (quod est quid arduum adeoque laude dignum) sed ipso naturæ impulsu fiunt, planè sicut sedere, vel ambulare: sin vero ex motivo honesti processerint, verè & formaliter virtutes sunt, ac meritorij præmij proportionati. Denique Actus virtutum ex fine vano v. g. inanis gloriæ &c. exerciti; vel eandem exoptatam mercedem accipiunt juxta illud Christi effatum de similibus: Amen *Matt. cap. 6. v. 5.* dico vobis, receperunt mercedem suam. Vel si non acceperint, alia mercede digni non sunt, quin imo penâ plectendi: qui omisso solido bono honesti, naturæ rationali maximè conuenienti, apparens & falsum intenderint.

Beatitudo quoque naturalis sita in contemplatione & amore naturali summi Boni quanquam sit vera beatitudo creaturæ rationalis, & nulla alia præter ipsam; est tamen plurimum imperfecta, difficilis, & multis erroribus per respectum ad supernaturalem beatitudinem obnoxia.

Quod vero attinet doctrinam Ethnicorum Sapientum de virtute, & beatitudine; placet hic pauca asserre, ut Epicuri seu Machiavelli infausa soboles (quæ nullum eligit bonum Honestum nisi in ordine ad Utile, & Jucundum vanitatis, carnis & sanguinis; eandemque hominum cum bestiis & post fata sortem esse somniet) erubescat gentilissimum melius vidisse & sapuisse Cimmericis in tenebris, quam hi in profundissima luce Christianæ veritatis; nisi dixeris noctuas hæc diligentes magis tenebras iniquitatis quam lucem bonitatis, amisisse oculos ad repercussionem radiorum refulgentis doctrinæ celestis. Tum, ut qui sanos habent oculos, comparatione factâ doctrinæ moralis Gentilium cum supernatu-

rali sapientia Christianorum, videant quantum inter se differant ut fructus à foliis, gemma à vitro, sol à stella; quàm illa jeiuna, nubilosa, hæc omni pingvedine deliciarum spiritus referta, luminosa simul & mysteriosa. Igitur propono hic septem Græciæ Sapientum cujusque suam Ethicam, seu prudentiæ ac vitæ honestæ præcepta, quæ paucis complexa sententiis, hiscè versibus edidit Aufonius:

Ethica Biantis Prienæi.

Quenam summa boni? Mens, quæ sibi conscia recti.

Pernicies homini quæ maxima? Solus homo alter.

Quis dives? Qui nil cupiat. Quis pauper? Avarus.

Quæ dos matronæ pulcherrima? Vita pudica.

Quæ casta est? De qua mentiri fama veretur.

Quod prudentis opus? Quum possit, nolle nocere.

Quid stulti proprium? Non posse & velle nocere.

Ethica Pittaci Mitylenæi.

Loqui ignorabit, qui tacere nesciet.

Bono probari malo, quàm multis malis.

Demens superbis invidet felicibus.

Demens dolorem ridet infelicium.

Pareto legi, quisq; legem sanxeris.

Plures amicos re secundâ compara.

Paucos amicos rebus adversis proba.

Ethica Cleobuli Lindii.

Quanto plûs liceat, tam libeat minûs.

Fortune invidiæ est immeritus miser.

Felix criminibus nullus erit diu.

Ignoscas aliis multa, nihil tibi.

Par cit quisq; bonis, perdere vult malos.

Majorum meritis gloria non datur.

Turpis sæpè datur fama minoribus.

Ethica Periandri Corinthii.

Nunquam discrepat utile à decoro.

Plûs est sollicitus magis beatus.

Mortem

Mortem optare, malum; timere peius.

Faxis, ut libeat, quod est necesse.

Multis terribilis, caveto multos.

Si fortuna juvat, caveto tolli.

Si fortuna tonat, caveto mergi.

Ethica Solonis Atheniensis.

Dico tunc beatam vitam, quum peracta fata sint.

Par pari jungatur conjunx; quidquid impar, diffidet.

Non erunt honores unquam fortuiti muneris,

Clam coarguas propinquum, quem palam laudaveris.

Palcarius multò parari, quàm creari nobilem.

Certa si decreta fors est, quid cavere proderit?

Sive sint incerta cuncta, quid timere convenit?

Ethica Chilonis Lacedæmonii.

Nolo minor me timeat, despiciatq; major.

Vive memor mortis, ut sis memor & salutis.

Tristia cuncta exuperans, aut Animo aut Amico.

Tu bene si quid facias, non meminisse, fas est.

Quæ benefacta accipias, perpetuò memento.

Grata senectus homini, quæ parilis juventæ.

Illa juvena est gravior, quæ similis senectæ.

Ethica Thaletis Milesii.

Turpe quid ausurus, te sine teste time.

Vitaperit: mortis gloria non moritur.

Quod facturus eris, dicere sustuleris.

Crux est si metuas vincere, quod ne queas.

Quum verè objurgas, sic inimice juvas.

Quum falsò laudas, tunc & amice noces.

Nil nimium satis est, ne sit & hoc nimium.

Placita Gentilium Philosophorum de vera Beatitudine.

Non voluptuosæ in vitæ degendæ rationibus beata vita, sed
in virtuti consentaneis actionibus officiisq; cernitur, *Arist. l. 20.*

Ethic. c. 6.

D 3

Beata

Beata vita, sive in voluptate, sive in virtute ponenda sit, sive in utroque, iis adest potius qui summis voluntatis animique ornamentis instructi sunt, & modica adjumenta externa, & adventitia habent: quam iis, qui magnis copiis, illi quidem, abundant rerum externarum; sed his verbis bonis carent, *Arist. l. 7. de Repub. cap. I.*

Quoniam in Beata vita summum bonum est, eaque in virtutis actione usque profecto consistit: ita fit, ut quidam ejus fieri possint compotes, alii aut parum, aut nihil. *Arist. l. 7. de Repub. c. 8.*

Quod si divitias velis, rem bonum esse scias, nec omnino in te sitam. Si vero beari, id & bonum est, & penes te. Opes enim fortuna ad tempus commodato dat. Beatitudo autem à nostra voluntate procedit. *Epictetus.*

Beatus esse sine virtute nemo potest. *Cic. de nat. Deor:*

Beati sunt, quos nulli metus terrent, nullæ aggrudines excedunt, nullæ libidines cruciant, nullæ futiles lætitiæ exultantes languidis liquefaciunt voluptatibus. *Cic. 5. Tusc.*

Anaxagoras interroganti cuidam, quisnam esset beatus? Nemo, inquit, ex iis quos tu felices existimas: sed eum in eo numero reperies, qui à te ex miseriis constare creditur. Non enim ille divitiis & honoribus abundans, sed aut exigui æris, aut non ambitiosæ doctrinæ fidelis ac pertinax cultor in secessu, quam fronte beator.

Val: Max, L. 2. Bruson. L. 2. 36.

Ethnicorum Sapientum sensus de futura Beatitudine.

Nisi stabili & fixo, & permanente Bono, beatus esse nemo potest: nihil enim inveterascere, nihil extingui, nil cadere debet eorum, quæ in vita beata consistunt. Nam qui timebit, ne quid ex his deperdat, beatus esse non poterit. *Cic. 5. Tusc.*

Claud. 2. de raptu Proserpinæ.

Amissum ne crede diem: sunt altera nobis

Sidera, sunt orbes alii, lumenq; videbis

Purius: Elysiisq; magis mirabere campos,

Cultoresq; pios; illic pretiosior ætas:

*Aurea progenies habitat, semperq; tenemus,
Quod superi merere semel: nec mollia desunt
Prætatibi, Zephyris illic melioribus halant
Perpetui flores, quos nec tua protulit Ætæna.
Est etiam lucis arbor prædives opacis.
Fulgentes viridi ramos curvata metallo.
Hæc tibi sacra datur, fortunatumq; tenebis
Autumnum, & fulvis semper ditabere pennis.*

Ex his conclude ad PRAXIM: mutandum esse ejusmodi statum vitæ humanæ in ratione moris ac beatitudinis naturalem: qui ob arduitate virtutis perquam laboriosus; ob exiguitatem, & tenuitatem naturalis præmii, tum imperfectionem naturalis beatitudinis haud tantoperè æstimandus. Et festinandum Medio infra videndo, ad statum vitæ supernaturalem, in quo & virtus jucundior, & ejus præmium, nec non beatitudo Viæ & Patriæ digna omni pretio & acceptione.

CAPUT II.

De Opposito Statui vitæ humanæ in ratione moris ac beatitudinis naturali.

Dico: Id Oppositum est servitus vitiorum, & positus ultimus finis in apparenti beatitudine rerum temporalium: in quantum hæc servitus, & finis intentus, cognoscuntur esse difformia dictamini luminis naturalis. Dicitur: servitus vitiorum: qui est status quidam moraliter malus, contrariè oppositus statui moraliter bono. Quia sicut status moraliter bonus, importat in Ratione exercitium permanens suæ libertatis à dominatu passionum, per actus virtutis, quod est proprium & præcipuum bonum naturæ rationalis quæ talis: ita status moraliter malus, importat Rationis per consensum permanentem servitutem Appetitui sensitivo per actus vitiosos, quod est summum malum naturæ rationalis quæ talis. Dicitur; & positus ultimus finis &c. Quia sicut ponere ultimum finem in vera beatitudine contemplationis, amorisque summi Boni, ut est convenientissimum Naturæ rationali, cum hoc sit ejus ultimæ perfectivum: ita e contra ponere ultimum finem in appa-

apparenti beatitudine rerum temporalium; v. g. honorum, divitiarum, corporis deliciarum &c. disconvenit naturæ rationali: tum quia possessione horum bonorum, utpotè particularium non expletur, nec completur capacitas quædam infinita in animo ad summum & universale bonum: tum quia ad idem bonum assequendum homo per bona temporalia summè impeditur.

Quantum autem sit malum naturæ rationalis hæere in præfato statu servitutis vitiorum, apparentisquæ beatitudinis, inde liquet. Nam per servitutem vitiorum evertitur status naturæ rationalis, dum Ratio ipsa Domina & Regina subicitur imperio sui servi Appetitus sensitivi, ejus obsecundans passionibus, difformibus dictamini sui luminis naturalis. Hinc sequitur talem hominem, jam non præferre hominem seu animal rationale, sed potius jumentum insipiens, cum ejus more non se regat ratione, sed agatur imperii irrationali Appetitus sensitivi. Per quod insuper alia innumera mala incurrit, tum interna à perturbatione gravissima passionum, tum externa à contrarietate sibi adversantium hominum, quibus malè convivens, experitur non placentia sibi. Per apparentem quoque beatitudinem illuditur, & eluditur natura rationalis: quandoquidem hoc modo in vanum laborat assequendi suum ultimum finem veræ beatitudinis, quinimo ab eodem, obice præposteri finis retinetur. Quæ certe privatio veræ beatitudinis seu summi Boni, non potest non esse nisi summum malum naturæ rationalis: cum hæc diu noctuque inquietissima maneat, & per ferrum, per ignes magno imperiū feratur obtinendi summum Bonum, tanquam potentissima flamma suum sphaeræ centrum; sive illud bonum implicite apprehendatur, sive explicitè, quod est DEUS Ter Optimus Maximus.

Hinc Deus Author humanæ naturæ, ejus (tanquam suæ prænobilis imaginis amator) injuriam hanc gravem naturæ illatam, severissimè vindicat: ut prænominati Servi vitiorum, rebelles, illufiores, everforesque naturæ rationalis, à tanta nequitia retrahantur, aut pro ea mulcentur; per lumen rationis supremis Gubernatoribus Reipublicæ humanæ, indidit dictamen ad statuendas & exequendas leges pænales. Quin & ipse Deus per se, hæc mala naturæ in perversis ulciscitur, tum in præfati temporali-

bus

bus pænis, tum in futuro æternis. Quod cæca quoque Gentilitas discursu naturali agnovit, dum à suo Jove fulmina & ignes vindices malorum è cælo paveret.

Et Val: Flac: 3.

*Quisq; nec in ventos, nec in ultima solvitur ossa,
Ira manet, duratq; dolor.*

Claud: 2. Ruf.

*Est locus infaustus, quo conciliamur in unum
Cocytus, Phlegetonq; vadis inamænis uterq;
Alueus: hic voluit lacrymas, hic igne redundat.*

*Turris per geminos flammis vicinior annes
Porrigitur, solidoq; rigens adamante sinistram
Proluit igne latus, dextra Cocytia fundit
Æquora, triste gemens & fletu concita plangit.
Huc postemeritam mortalia secula vitam
Deveniunt, ubi nulla manent discrimina fati,
Nullus honor: vanoq; exutum nomine regem
Perturbat plebejus egens.*

Bion dicere solebat: facilem esse ad inferos viam. *Lact. lib. 4.
cap. 7.* Unde Virgil,

Facilis descensus Averni:

Noctes atq; dies patet atri janua Ditis. &c.

Ex his omnibus apud temetipsum seriò conclude; si adeò infelici statu vitiorum ac vanitatum opprimeris, & in periculo æternæ damnationis existis, conaberis exinde eluctari in beatissimum supernaturalitatis statum, Medio, quod jam sequitur.

CAPUT III.

De Medio transeundi à statu opposito statui Supernaturali aut Christiano seu Spiritualis, ad eundem.

Axioma est: *Ab uno contradictorio ad aliud contradictorium, non datur transitus nisi per medium.* Ergo & à non supernaturali statu, qui est naturalis in genere moris & beatitudinis, multò magis vitioso, ad supernaturalem statum vitæ humanæ, debet dari transitus per medium. Hoc autem medium est, tum dispositio naturalis ad dispositionem supernaturalem, tum dispositio supernaturalis ad formam supernaturalem, per cujus effectum formalem, constituitur idem status inesse formali supernaturali. Hæc itaque ut singula attingamus.

Primum Medium naturaliter disponens ad dispositionem supernaturalem & per eam ad statum supernaturalem, in hoc situm est: Quando nimirum quispiam Adultus subsidio gratiæ naturalis collatæ extrinsecè & per accidens per Christum, aliquamdiu vivit secundum legem naturalem, exercendo Actus naturales moraliter bonos, DEVS infallibiliter providebit illi auxilium gratiæ intrinsecè supernaturalis, quæ sit efficax, aut moraliter & proximè sufficiens ad salutem: Idè ex pacto inito cum Christo: attentà etiā aliquā congruitate operum naturalium honestorum.

Vide Card.
Palmarvic.
L. 2. Assert.
Theol. c. 5.

V. D. Thom.
quæst. 14.
de verit.
art. II.

„Probatur 1^{mo} auctoritate S. Thomæ docentis: Si, inquit
„ille, aliquis in sylvis enutritus, ductum naturalis rationis sequere-
„tur in appetitu boni & fuga mali, certissimè est tenendum, quòd
„ei DEVS vel per internam inspirationem revelaret ea quæ ad
„credendum sunt necessaria, vel ad eum fidei Prædicatorem diri-
„geret: Sicut misit Petrum ad Cornelium. Atque ita crederet
verum DEUM, & per illius amorem super omnia, justificaretur.
Quod idem sentiendum est & de illo, qui Barbarus vel Infidelis in-
ter infideles inculpate viveret. Ex quibus patet gratiam efficacem
fidei ordinariè dari ad præscriptum naturalis rationis viventibus.

Probatur Secundo communi axioma: *Facienti quod in se est, Deus non denegat gratiam* scilicet intrinsecè supernaturalem, conducibilem ad finem seu statum supernaturalem. Jam verò vivens aliquamdiu secundum legem naturalem, facit quod in se est: quia observantia Legis naturalis ad gratiam tum negativè disponit, removendo scilicet prohibens gratiam, quod est peccatum: tum positivè disponit, in hoc sensu, quatenus observantia Legis naturalis qualificat animum remotà quādam aptitudine & similitudine in ratione virtutis generica ad ejusdem habitus supernatu-
rales

rales suscipiendos, etsi in ratione specifica supernaturalitatis, à naturalibus virtutibus differentes. Ultra quam dispositionem alia naturaliter haberi nequit. Ergò sic facienti homini quod in se est, & secundùm quod potest, Deus non denegat gratiam.

Verùm quando gratia solùm sufficiens ejusmodi hominibus, qui videntur vivere juxta dictamen luminis naturalis, adeòque facere quod in se est, datur, utpotè cùm videntur mori in sua perfidia, quid ad hæc? *Respondetur*: Veltales homines inculpatè vivere videntur ob aliquod commodum temporale, v.g. propter vanam gloriam; & sic recipiunt mercedem suam, nec digni sunt gratiâ speciali: vel viventes innocenter, videntur tibi nocenter nempe in sua perfidia mori. Dico, *videntur*. Nam quod si Deus talem hominem in ultimo agone illuminet ad veram fidem, & ille credat, eliciatq; amorem Dei super omnia? (quæ omnia possunt fieri imperceptibiliter ab astantibus agonizanti) nunquid ejusmodi, ut infidelis coram Deo morietur?

Dicitur supra in assertione: *Idè ex pacto inito cum Christo*. Quia ex suppositione, quod Christus hunc in modum liberè voluerit redimere nos, nempe ut Adulti vitantes infernum, simul consequerentur gloriam visionis beatæ, conjunctam cum vitatione inferni: Jam vero cùm Adultis propter observantiam legis naturalis aliquo tempore, ex una parte deberetur vitatio inferni, sicut talibus deberetur idem & in pura natura; ex altera verò parte, cùm nequeat obtineri Visio beata viribus naturæ: Hinc sequitur quod CHRISTUS applicuit merita sua, iniitque cum DEO pactum, ut aliquamdiu secundùm luminis naturalis ductum viventi tribuerentur gratiæ supernaturales ad consequendam visionem beatificam. Ratio autem hujus pacti est: quia homo in reparata natura deterioris foret conditionis, quàm in pura natura. In pura quippè natura faciens quod in se est per vires naturæ, evaderet infernum, descenderetque ad limbum puerorum: Homo autem reparatus faciens quod in se est per naturam, damnaretur in infernum; quia non consequeretur visionem beatificam, conjunctam simul cum vitatione inferni.

Dicitur item in Assertione: *Attentâ etiam aliquâ congruitate operum naturalium honestorum*. Quæ congruitas operum non intelligitur se habere per modum cujusdam meriti, aut conditionis, sine

qua non, aut occasionis à nobis datæ, sed potius à DEO acceptæ: quatenus scilicet suppositâ liberalitate DEI, & pacto cum Christo dandi gratiam, non quidem omnibus, sed tamé plurimis, congruum fuit, & decebat Deum, illâ dare infallibiliter his potius, qui viribus naturæ aliquamdiu tenuerunt observantiam legis naturalis, quam aliis. Sicut volens Rex eligere rusticum in Senatorem, congruum est, ut potius eligat prudentiorem. Sicut item congruum est, ut magister discipulo potius illi proponat subtiliora artis, vel scientiæ, qui se diligenter perfecit in rudioribus, quàm illi, qui suâ negligentia vel malitiâ Rudimentorum imperitus manet: quia sicut ille primus aptum se facit ad altiora, etsi ad hæc ut promoveatur ulterior gratia magistri requiritur, ita hic secundus indignum & ineptum. Atque quòd ille promoveatur, non tam suæ aptitudini quàm Magistri gratiæ adscribere debet: ita hic quod non promoveatur, suæ indignitati & ineptitudini. Simili modo, naturali virtute pollens, etsi ob hanc remotissimâ quadam dignitate & aptitudine qualificetur adeò, ut ex sua parte vix aliquê respectû in genere habeat ad supernaturalitatem: Tamen potius congruum est vi pacti Christi, & ex parte DEI liberè eligentis, tali quali aptitudine præditum ad supernaturalia eligere, quàm alium, qui non se aptificaverit, quin potius peccatis magis vitiaverit.

Secundum Medium supernaturaliter disponens ad formam & statum supernaturalem, aliud est intrinsecum, aliud extrinsecum. Intrinsecum, sunt Actus supernaturales. Dicitur; Actus: quia Status supernaturalis, cum importet formam gratiæ habitualis: sequitur ad eandem gratiam debere hominem disponi quibusdam Actibus convenientibus. Gratiam quippè nolenti, vel negligenti, haud expedit obtrudere: sed potius eam æstimanti, exoptanti, ad eamque sese præparanti, conferre. Dicitur; Supernaturales: quia dispositio debet proportionari suæ formæ: sed gratia habitualis, utpotè fundamentum statûs supernaturalis, est forma supernaturalis: Ergò & Actus ad eam disponentes debent esse supernaturales.

Ad præfatos Actus supernaturales efficiendos, rum integrandos, concurrunt partim DEUS cum gratiis actualibus supernaturalibus, partim homo cum sua cooperatione libera. Quia Actus supernaturalis, siquidem excedit vires naturæ, juvandus est

concur-

concursu & principio supernaturali: Deinde cum sit humanus, exigit esse liber & voluntarius, quod citra consensum & cooperationem liberam hominis esse nequit.

Dicti actus supernaturales, alii negativè, alii positivè, disponunt ad statum supernaturalem. *Negativè quidem*; sed horum aliqui *remotè & insufficienter* id præstant, quales sunt v.g. Actus poenitentiae imperfectæ, uti Attritio: Aliqui *proximè*, qualis est v.g. perfecta Contritio, vel cum Sacramento Attritio, ubi ex Attrito fit Contritus. His enim & similibus Actibus ex parte peccatoris, retrahitur peccatum, & fit averſio à Creatura, & conversio ad Creatorem. Actus *positivè disponentes*, alii sunt remotè alii proximè dispositivi ad statum supernaturalem. *Remotè dispositivi*, sunt opera v.g. pietatis, misericordiae, &c. *Proximè dispositivi*, sunt Actus fidei, & maximè charitatis DEI super omnia dilecti, sive Actus charitatis sit formaliter in se spectatus prosecutionis, aut fugæ, v.g. uti est in Contritione, sive æquivalenter, prout est in Attritione cum Sacramento. Ratio horum est: quia Actus Charitatis proximè in similitudine proportionatur Gratiae DEI habituali, quæ vel ipsa est Charitas, vel radix principalissimi habitus Charitatis, Regina & Moderatrix omnium Virtutum, seu Actuum vitæ supernaturalis: quam similitudinem cum Gratia alia Virtutum opera nonnisi remotè habent, nempe in remotis prædicatis Virtutis, v.g. Qualitatis bonæ, &c. Et si sint proximè similes in prædicato supernaturalitatis. Jam verò universaliter dispositio, quod fuerit magis vel minus similis formæ, eò proximius vel remotius cooperatur ad inducendam formam in subjectum. Et hoc in physicis seu naturalibus fit necessariò; in supernaturalibus verò liberè ex decreto DEI. Unde interdum contingit, quod DEUS non attendens ad prædictas dispositiones remotas naturales vel supernaturales, pessimis peccatoribus misericorditer conferat proximas dispositiones supernaturales: Et ita salvantur compendio. Quanquam ordinariè ab inferioribus incipit, dando gratias naturales benè vivendi, quibus si probè usus fuerit homo, tum tribuit gratias supernaturales remotè disponentes: si & his fuerit cooperatum ex parte hominis, tandem dat gratias proximè dispositivas, & inductivas gratiæ sanctificantis. In tali enim

Sap. 8.

coordinatione supernaturali rerum, relucet Divina Sapiencia, attingens à fine usque ad finem fortiter, & disponens omnia suaviter.

Extrinssecum medium supernaturaliter disponens ad statum supernaturalem, sunt Sacramenta, à Christo Domino instituta. Quia et si intrinsecum medium situm in Actibus supernaturalibus internis, sufficeret ad salutem; quia tamen eandem ob certas congruentias Christus annexuit signis sensibilibus Sacramentorum, ideo illis necessario ex institutione & beneplacito Christi utendum est.

Utrumque medium intrinsecum & extrinsecum, subdividitur in medium de necessitate medii, & in medium de necessitate præcepti ad salutem. *Medium de necessitate medii* est, sine quo nullatenus salus æterna acquiri potest, etiam si interveniat ignorantia invincibilis: Tale medium est v. g. Pro infidelibus non baptizatis, Baptismus. *Medium de necessitate præcepti* est, à cuius usu, vel ignorantia invincibilis, vel impotentia, excusat, quod possit aliquis absolute consequi salutem: Ejusmodi medium est v. g. Confirmationis Sacramentum. Iterum hoc utrumque medium necessitatis subdividitur vel in Re, vel in Voto; in Re est, dum Sacramentum aliquod actualiter suscipimus: In voto est; idque aut explicitè aut implicitè. *Explicitè Votum* fit, quando infidelis v. g. elicità Contritione, vel Amore DEI super omnia, expressè desiderat Baptismum; *implicitè Votum* fit in actuali exercitio Contritionis, vel Amoris DEI super omnia.

Viso medio veniendi ad statum supernaturalem in genere & specularivè, nunc videndum est in specie, & commodandum ad praxim. Sciendum tamen cumprimis est, quod summa Bonitas Divina, cum velit omnes homines salvos fieri, providerit quoque ex parte sua omnibus sufficientia media ad æternam salutem, modo homo non desit ex parte sua. Quia alioquin hæc voluntas Dei non esset efficax ex parte subiecti seu ipsius Dei, quod falsum est, est enim semper efficax, et si ex parte Objecti seu hominis non sit semper efficax, dum scilicet homo non vult cooperari gratiæ DEI. Itaque.

Primò: pro Infantibus provisum est medium Sacramenti Baptismi, ubi in persona Ecclesiæ, vel Patrinorum disponitur Infans actibus supernaturalibus abrenunciationis Sathanz, & omnibus pompis

pompis ac operibus ejus, tum actibus fidei, &c. Tandem 2dum ipsam rei essentiam principaliter & proximè disponitur satisfacti-
one & meritis Christi, sibi per actionem Baptismi Sacramentalem applicatis: quibus positus mox infans transit de statu peccati originalis, in statum gratiae supernaturalis. Hæc verò dispositio infantis per alios facta, est conveniens: quia si infanti nocuit culpa aliena, cur ei non possit prodesse retractatio & satisfactio pro Originali peccato aliena? Etsi in alio nempe Protoplasto demeritorie perdidit gratiam, cur quoque in alio nempe Christo eandem gratiam non mereatur? Prior enim Deus ad miserendum, quam ulciscendum. Quod verò Baptismus pro omnibus natis Adæ sit necessarius necessitate mediæ salutis ad renascendum in vitam æternam, insinuat Christus dicens: *Nisi quis renatus fuerit ex aqua & Spi-* Ioan. c. 3.
ritu S. non potest introire in regnum Dei. Quoad Praxim administrandi Sacramentum Baptismi, videatur Rituale Romanum. 2dò: Informantur Obstetrices à Curatoribus animarum, quomodo in periculo vitæ infantis gratia Baptismi conferenda. 3tò: Moneantur Parentes, ne diutius differant Infantes ferre ad Baptismum. &c.

Secundò: Pro infidelibus non baptizatis uti Paganis, Judæis, &c. Medium est, 1mò: Actus eliciti Fidei Christianæ: quia ut Apostolus loquitur; *Sine Fide impossibile est placere DEO.* 2dò: est Baptismus in *Hebr. II.*
re, vel in voto, explicito, aut implicito. Ita namque Christus docet: *Qui crediderit & baptizatus fuerit, salvus erit: qui verò non crediderit, condemnabitur.* Sed Baptismus in re, ne fiat informis, debet illum præcedere Poenitentia, seu Contritio, vel Attritio, universaliter de omnibus peccatis commissis, tum propositum de non committendis: vel si Baptismus est in voto tantum, utpotè cum haberi non possit in re, tunc elicienda est Contritio, aut Amor DEI super omnia dilecti; alioquin sine horum aliquo, nullâ ratione pertinet ad salutem æternam, neque illum ulla ignorantia etiam rudissimum in hoc passu excusabit. De Fide & Poenitentia dicta confirmat Apostolus de se loquens: *Testificans ait Judæis atq; Gentilibus in De-* Act. 20.
um poenitentiam, & fidem in Dominum nostrum IESVM Christum.

Tertiò: Pro infidelibus baptizatis, quales sunt Hæretici, Athei, Theistæ, & alia Sectariorum monstra, similiter necessitate mediæ est Fides Catholica, & Poenitentia necessaria. Nam etsi hæretici aliqua

aliqua credunt, quæ & Catholici, aliqua tamen discredunt, vel aliter credunt, quàm Catholici, adeoque aliam fidem sibi formant, quàm sit Catholica. Cum tamen Apostolus dicat: *Vnus Dominus, una fides*, (nempe Catholica, ut infra videbimus de fide) *unum Baptisma*, Atheistis verò illud Apostoli potissimum servit: *Crede oportet accedentem ad Deum quia est, & inquirentibus se remunerator* *Hebr. c. II. sit.* Porro Poenitentiam similibus, quales erant in veteri lege Pharisæi, docentes & transgredientes mandatum DEI, propter traditionem suam instar hæreticorum sub nova lege; tum Saducæis non credentibus esse Resurrectionem, neq; Angelum, neq; Spiritum, adeoque proximè accedentibus ad Atheismum; ejusmodi ergò ad se accedentibus quasi conversionis gratiâ, prædicat Joannes Baptista iniqui: *Progenies viperarum, quis demonstravit vobis fugere à ventura ira?* facite ergò fructum dignum poenitentiae.

Matth. c. 3. PRAXIS autem infideles non baptizatos, baptizatosque deducendi ad suscipienda hæc prædicta sibi proportionata æternæ salutis media, est. *Primò*: Oratione, aliisque piis operibus, pro Conversione talium apud DEUM instare, qui potens est ex lapidibus istis, seu lapideis cordibus eorum, facere filios fidelis Abraham, qui est Pater moralis omnium verè credentium, sicut est Pater Judæorum secundum carnem. *2dò*: Exemplo bono virtutum præire juxta monitum Apostoli: *In omnibus teipsam præbe exemplum bonorum operum, in doctrina, in integritate, in gravitate, verbum sanum irreprehensibile: ut is qui ex adverso est, vereatur nihil habens malum dicere de nobis.* Ne scilicet prædicaret cum dixerit se nosse DEUM, factis eum neget, adeoque factis Gentilizet, aut Atheizet. *3tò*: Infidelibus, qui existentiam DEI negant, quales sunt Athei, tum Gentilibus qui unitatem veri DEI non admittunt ob pluralitatem falsorum Deorum: talibus persuadendum est naturalibus rationibus ex Metaphysica, & aliunde conquisitis, DEUM Esse, eumque unum, verum, bonum, providentiam universi gerentem, vindicem malorum, præmiatorem bonorum, omnipotentem, &c. Qui verò infideles unum DEUM confitentur; tum & istis, & Atheis, ac plurimum Deorum cultoribus proponenda sunt motiva credibilitatis seu signa evidentia veritatis fidei Catholicæ, & falsitatis infidelium. Deinde particulares errores illius perfidiæ detegendi, &

*Vide infra
par. 3 Theol.
spirit. trac.
ult. c. 1. § 2.*

& veritas Articulorum fidei ostendenda. Si secta Sacram Scripturam rejicit, (quales videntur esse Theistæ, qui opinantur DEUM coli debere secundum naturalem rationem, & nihil ultra esse credendum, & agendum) hujus autoritas Divina cumprimis probanda. Si admittit, scripturæ autoritate agendum.

Quod si scripturæ dubius locus fuerit, & tam veræ fidei, quam falsæ Sectæ assertor, uterque in suam partem sensum traxerit, tunc convincendus est primò Sectarius debere admitti universalem Regulam, seu judicem decidentem credenda à non credendis juxta scripturæ genuinum sensum. Et hanc universalem Regulam seu judicem iterum per motiva Credibilitatis &c. ostendat Catholicus non alium esse, quam Ecclesiam Dei, idque in suo supremo Capite, Summo Pontifice Romano, utpotè tenente locum DEI, & Vicario Christi. Atque ita directè, tum indirectè profliganda falsitas; defendenda, manifestandaque fidei veritas. Denique ad hæccitius amplectenda, permovendus est infidelis tum terrore, tum blanditiis quatuor Novissimorum. Sicut ille Felix Præses, D. Paulo coram se disputante de justitia, & Castitate; & de iudicio, tremefactus fuit. Et, qui timent Dominum non erunt incredibiles: id est increduli verbo illius. Tandem si infidelis manus dederit veritati; Catechizandus est, & juxta Rituale Romanum per Media superscripta sibi proportionata nempe fidei, poenitentia, & baptismi, (qui non est baptizatus) ad statum supernaturalem Gratia DEI promovendus. Sin verò in suo errore permanserit, tunc suadendum est hujusmodi. mō: Ut inculpatam & probam vitam agat juxta dictamen luminis naturalis: quia hoc pacto DEO miserante poterit venire ad cognitionem veritatis, ut supra insinuavimus. 2dō: Infidelis DEUM sæpè humili prece invocet, ut illum deducat in viam rectam. Quia scriptum est: Quod quicumq; invocaverit Nomen Domini, salvus erit. 3tiō: Saltèmanè & vesperi, ac maxime dum gravè culpam admiserit, mox conetur elicere de omnibus suis peccatis Actum Contritionis ex motivo Dei super omnia dilecti. Ita enim faciendi quod in se est, Deus non denegabit gratia Conversionis.

Quartō: Pro fidelibus sed peccatoribus seu in culpa lethali existentibus, Medium est Poenitentia quæ Virtus, & quæ Sacramentum, Poenitentia quæ virtus lapsis post Baptismum, necessaria est neces-

V. infrat. 2.
tra. 2. c. 1.
sub fide de
Regula fi-
dei.

Actor. c. 24
Eccl. c. 2.

Rom. 10.

sitate Medii, tum necessitate Præcepti, siue poenitentia requiratur
 ut pars Sacramenti poenitentia, siue extra Sacramentum, dum hoc
Luc. c. 33. haberi nequit. Quandoquidem Christus dicit: *Nisi poenitentiam*
habueritis, similiter omnes peribitis. Et Trident: ait: *Motum Contritio-*
Seff. 14. nis & doloris de peccatis semper fuisse necessarium ad salutem. Ubi par-
cap. 4. ticulæ *Ly omnes & semper* denotant necessitatem Medii: Præceptum
Matth. autem Divinum est: *Poenitentiam agite, appropinquabit enim Regnum*
cap. 4. *Cælorum.* Deinde Lex Naturæ dicat amandum esse bonum, fu-
 giendum malum; jam verò poenitentia est fuga & recessus à sum-
 mo malo peccati, & accessus ad summum Bonum, DEUM. Por-
 rò extra Sacramentum poenitentia necessaria est Contritio, qui est
 perfectus actus Poenitentia, quia imperfectus seu Attritio non est
 sufficiens medium ad salutem: siquidem non perfectè disponit
 hominem in conversione & accessu ad ultimum finem, DEUM,
 super omnia in se & propter se diligendum. Hæc autem Contri-
 tio vel debet esse formalis, id est actualis detestatio, & dolor de pec-
Proverb. catis, vel virtualis nempe inclusa in formali actu Charitatis. Quia
cap. 10. ut habetur: *Universa delicta operit Charitas.* Et Christus de Magdale-
Luc. c. 7. na dixit ad Pharisæum: *Remittuntur ei peccata multa, quoniam dilexit*
multum. Poenitentia quoque ut est Sacramentum, est necessaria
 necessitate medii ad salutem, tanquam secunda tabula post nau-
 fragium. Pro ratione stat voluntas & institutio Christi, qui pro
 materia Sacramenti poenitentia præcepit actus poenitentia, dum non
 dixit, ut solum poeniterent, sed etiam poenitentiam agerent; pro for-
 ma autem hujus Sacramenti determinavit absolutionem à pecca-
Matth. c. tis dicens Petro: *Tibi dabo claves regni cælorum; & quodcumq; ligaveris*
16. *super terram, erit ligatum & in Cælis, & quodcumq; solveris super terram,*
erit solutum & in Cælis. Hæc poenitentia quæ Sacramentum si non
 potest haberi in Re, ergo saltim in Voto explicito, cum actu Con-
 tritionis, vel Charitatis Dei super omnia conjuncto, vel implicito
 in iisdem actibus virtualiter incluso, habeatur.

Praxis convertendi peccatores à Via sua prava est, tum fer-
 vens oratio pro ipsis ad Deum, tum bonum exemplum, tum mi-
 næ, & promissiones quatuor Novissimorum.

V. infra de Modus autem eliciendi Contritionem; tum suscipiendi,
poenitentia ac administrandi Sacramentum poenitentia, obvius habetur ap-
 pud Morales Theologos.

Quin-

Quintò. Pro Fidelibus in statu quidem supernaturali gratia Sanctificantis existentibus habitualiter sed non actualiter, id est per neglectum exercitium actuum supernaturalium: dum ferè omnia bona ex usu & consuetudine faciunt sine directione intentionis ad DEUM: Pro talibus inquam fidelibus illud servit Apostoli: *Qui parè seminat*, id est actus meritorios, qui debent esse supernaturales, *parè & metet manipulos præmi cælestis*. Ejusmodi autem ignavis vel ignavis medium supernaturalizandi actus ostenditur infra.

2. Cor. 9.

1. 2. tra. 1.

c. 1. & 2. 2.

CAPUT IV.

De Medio, seu præcipitio, quo fit lapsus è statu Supernaturali Christiano seu Spirituali, ad eadem Oppositum.

Quemadmodum scire medium, quo fit ascensus ab infimis & malis naturæ rationalis, ad Sublimitatem ac felicitatem statû supernaturalis, est beata hujusmodi scientia: ita pariter nosse medium seu præcipitium, quo fit descensus Averni, magna equidem sapientia est. Hinc dicitur: *Sapientis oculi in capite ejus*, quibus videat nunc sursum vias vitæ, nunc deorsum vias perditionis: *stultus autem in tenebris ambulat*, ut nesciat quò vadat, & in foveam interitus cadat. Porro, sicut nemo repente summus ita nec infimus, nisi ascendat, vel descendat intermediis gradibus: quanquam difficilis ascensus ad Superos, facilis descensus Averni.

Eccl. c. 2.

§ I.

De primo gradu, seu præcipitio intermedio descensus Averni.

Is gradus est deliberata peccata venialia. Ratio est: quia etsi peccata materialiter venialia, imò & imperfectiones, disponant ad deliberata venialia; Etenim habitus acquisitus materialiter

veniali-

venialium, adveniente cognitione expressâ, quod sint verè peccata, difficultatem præstat eis resistendi, facilitatem consentiendi. Sicut & Imperfectiones (maximè ut si tales advertantur, non adfit conatus eas vitandi, adeoque nec cura & progressus ad maiorem perfectionem) viam parant ad deliberata venialia; quoniam in via salutis non progredi est regredi. Deindè in panam neglectæ gratiæ, quâ homo illustrabatur, & inspirabatur, ad cavendam imperfectionem, & nitendum ad perfectiora, DEUS subtracto specialiori gratiæ auxilio, quo potuisset homo præservari à peccato, tribuit nonnisi sufficiens auxilium, cui ex sua parte non cooperans homo, ruit in culpas veniales deliberatas. Verùm tamen peccata venialia indeliberata, & imperfectiones, non sunt immediatè gradus descensus Averni: quia non sunt contraria statui supernaturali, sed potius disparata, & cum eodem statu compatibilia. Jam verò peccata venialia deliberata, sunt primus gradus descensus Averni. Etenim *qui spernit modica, paulatim decidet*. Et ratio est: Quia homo per hæc peccata recedit secundum quid ab Esse status supernaturalis, eum non augendo vel conservando omnimodè: & accedit tum ad non Esse secundum quid ejusdem status, nempe in eo fervorem charitatis diminuendo, etsi forma & radix Charitatis maneat: tum accedit ad Esse contrarium secundum quid statui supernaturali, scilicet peccatum.

§ II.

De secundo gradu, seu præcipitio intermedio descensus Averni.

Ejusmodi gradus est voluntariè perpetratum peccatum mortale. (Nam de materialiter lethalibus eadem ratio subindè valere potest, quæ data supra de materialiter venalibus.) Ratio est: quia peccatum mortale absolutè privat gratiâ habituali, quæ est radix & forma status supernaturalis.

Verùm placet cernere in hoc secundo gradu peccati, triplex genus hominum. *Primi* sunt, qui ut ceciderint in mortiferam noxam, ibi diuturnam moram haud patiuntur, sed veræ poenitentia

nitentia mediis ad supernaturalem statum regrediuntur. *Secundi* sunt, qui postquam lapsi fuerint, aut diutius procrastinant poenitentiam, vel si fecerint, plerumque minimè veram & sinceram, utpotè sæpè recidivantes. *Tertii* sunt, qui usque ad periculum vel articulum mortis differunt converti ad Dominum. Quoad primos, de his bona spes affulget; plerumque enim fiunt cautiores, humiliores, ac ferventiores post lapsum, dignis fructibus poenitentia expiatum. De secundi & tertii generis peccatoribus dicendum, quòd tales ordinariè in sequentia mala labuntur; primò accumulunt peccata peccatis, & ita thesaurizant sibi iram in die iræ justi Judicii DEI; unum enim peccatum trahit post se aliud, sicut in catena annulus annulum, ut tandem sceleribus concatenati tanquam mancipia diaboli & servi peccati, vi tyrannicâ trahantur ad omnem voluntatem ejus. Secundò ejusmodi habituati peccatores, cum ex una parte nolint se à miserrima servitute peccati utpote apparente eis dulci & amabili, expedire, & ex altera parte atrocibus vermis conscientia lancinantur morsibus, quid faciunt? sopiunt illum vermem conscientia quibusdam ratiunculis v. g. promittendo sibi diutinam vitam, exaggerando Divinam misericordiam, afferendo excusationes in peccatis, illa vel esse tantum levia, vel nulla absolute peccata, sed inutiles scrupulos &c. Atque hoc pacto quietant saltem ex parte non modica illum cordis sui evisceratore carnificem, præconem tremendi judicii DEI, Conscientiam. Quæ denuò ne evigilet, refugiunt Concionatorum tubam, silentium ponunt sacris colloquiis, & sicut aspides surdæ obturant aures suas ad monita Sapientum. Ita lethargo consentientes implacabilem suæ nequitia domesticum adversarium, Eja! liberiùs jucundiùsque habenas laxant concupiscentia, & abeunt post desideria & ad inventiones cordis sui, quas ut assequantur, plerique pro medio pseudopoliticum Machiavellum, os & instrumentum Principis mundi hujus, tenebrarum harum, in Magistrum sapientia mundi & carnis, sibi adfiscunt: Omnia jura naturæ, Divina, humana, invertere studentes, modò sui Ratio status non tam publici quàm privati emineat.

Tertio tandem vis nosse, quales discipulos hæc schola Machiavelli, vera synagoga sathana producat? Similes utique in moribus

ribus patri suo diabolo, ut quemadmodum ille, ita & ipsi cum in profundum peccatorum venerint, obstinati contemnant, & absque ullo timore perpetrent mala, ejusmodi infelices hominum: *Prov: c:2.* imo, *letantur cum malè fecerint, & exultant in rebus pessimis.* Hæc tamen omnia ita moderantur, & intorquent, ut quamvis Deum ab intra videantur non timere, homines tamen saltè in aliquibus vereantur, nè absolutè pro publicanis & peccatoribus habeantur, nisi, ut Methodus fert hujus sæculi, æstimentur pro Politicis, Statistis, atque hoc turpi-specioso pallio contegant suam ignominiam, & colluviem nequitiarum, ac abominationum.

§ III.

De tertio gradu, seu præcipitio descensus Averni.

Hic gradus est *Apostasia à statu vocationis suæ Ecclesiastico, vel Religioso, & à Fide.* Quia quantum ad Spirituales; cum hi sint deputati in sortem DEI, ad cultum ejus, strictioremque mandatorum & consiliorum ipsius observantiam; quæ insuper arctiori Ecclesiasticarum legum circumscribitur sphaera; hinc laxantes fræna suæ cupiditati & nequitiae, dum non permittuntur à legibus suæ vocationis pro libitu agere, vel corde vel etiam corpore revertuntur in Ægyptum; nempe vel desiderio mundi contabescunt, & quantum fas est, conformant se huic sæculo nequam, vel actu ipso & habitum, & habitaculum, & vitam, Deo consecratam relinquentes, revertuntur ut canis ad vomitum vitæ carnalis & mundanæ. Cum verò non permittatur tam insolens status, & vitæ mutatio intra Ecclesiam DEI, prorumpunt demum extra eam, ad eas sectas, ubi quod libet, licet, viles Apostatae facti à vocatione Sancta, & à Fide. Sciendum tamen, quòd hoc tempore in maligno posito mundo, tam in Spiritualibus aliquibus personis, quàm in secularibus plerisque, Apostasia à sua vocatione, & à Fide, potius est interna, quàm externa, idque derivata ad Ethnicas sectas antiquorum Philosophorum, qualis est Theismus, imò hoc pejorem, qualis Atheismus. Ad quam perfidiam, aliaque infidelitatis monstra

strasternit viam Machiavellismus: & primò quidem in peccato-
ribus sed fidelibus, dum sopito verme conscientiae non sentiunt
Deum per eundem vermem, seu potiùs praëonem, suis iniquis o-
peribus contradicentem, & terrentem, immersi peccatis, & hujus
mundi curis, sensim obliviscuntur DEI. Et quia talibus commu-
niter res prosperè succedunt, etsi secundùm principia Machia-
velli contra omne jus & fas; incipiunt dubitare, an, & ubi sit DE-
US, tantas peccatoribus intentans minas & non exequens. Tan-
dem Atheorum & Pseudopoliticorum dementibus ratiunculis in-
fascinati, tum vehementiâ concupiscentiæ, & consuetudine pec-
catorum in profundiora mala pronissimi, obcæcantes eos crassio-
ribus Aegypti tenebris Principe tenebrarum, & subtrahente DEO
specialiora gratiarum lumina propter ipsorum grandia demerita:
incipiunt ejusmodi dicere insipientes in corde suo; *Non est DE-
US*: tum ore saltè silenti ad virtuosorum hominum perpesio-
nes quærere; *Vbi est Deus eorum?* tum movere quæstiunculas
(ad quos non pertinet, nec suo loco,) nimirum patinas inter &
pocula; an sit Deus? an providens Universo? an vindex malorum,
præmiator bonorum &c: Et quidquid veritatis tali responderis,
tamen stultus decem sapientibus plus se intelligere arbitrabitur:
unde potiùs respondendum stulto (qui non vult sapere) secun-
dum stultitiam suam, & non secundum sapientiam Divinam. Por-
rò hæretici hujus ævi, quomodo & Machiavellismo dederint occa-
sionem, & per suas sectas vergant in Atheismum bene advertit
Lessius dicens: Etsi autem complures sint hodie, qui Divinitatem
omninò negent, non tamen ita passim sunt noti. Premunt enim
silentio hoc mysterium metu legum, nec ausi evulgare, nisi a-
pud familiares. Occasionem maximam prebuere hujus ævi
hæreses, quæ ferè omnes ad Atheismum ducunt. Ubi enim
discessum est à religione Catholica, nihil invenitur solidi, in quo
animus possit acquiescere: quo animadverso, statim incidit dubi-
tatio de toto Religionis negotio, & incipit homo ambigere sit-
ne res conficta ad populum metu Numinis & prætextu pietatis,
in officio continendum. Hinc fit, ut plerique qui inter hæreti-
cos sunt prudentiores, majoreque præditi ingenio, de summa
Religionis ambigant; & vel nullum esse Numen putent, vel an-
cipites

Psal: 13.

Psal: 78.

De provi-
den. Num.
& contra
Atheos &
Polit. lib. I.
cap. I.

„cipites hæcant, parati ad quamlibet Religionem, prout ad statum suum retinendum vel abjiciendum visum fuerit opportunitus. Hos passim Politicos vocamus, quia omnem Religionem ad Politiam sive statum politicum referunt; & quatenus religio aliqua ad hunc conducibilis videtur, eatenus eam æstiment & usurpant. Ex horum numero non postremas tulit Nicolaus Machiavellus, ut ex libris, quos Italicè conscripsit & inprimis ex libro de Principe, qui multorum manibus teritur, constat.

Hunc tertium gradum esse secundò proximiorē ad interitum, & hæc probat ratio: quia etsi pessimus sit peccator, modò retineat fidem, spes tamē restat major salutis in eo, quàm in infideli. Habet enim in seipso semen DEI habitus fidei, quod rore auxilii coelestis imbutum, potest excrescere in fructum gratiæ, & gloriæ. Jam verò per infidelitatem ablatum hoc semen & radix fidei, quid restat, nisi ut homo infelix tanquam arbor inutilis succidatur, & in ignem æternum mittatur?

§ IV.

Explicatio in particulari, & Confirmatio dictorum toto hoc capite.

QUæritur; quænam sint peccata, quæ à statu supernaturali incipiunt hominem in descensum Averni præcipitem dare? Respondet Scriptura: *Initium omnis peccati est superbia;* non modò ut est generale vitium, situm in aversione à DEO, quæ includitur in omni peccato, verum etiam ut est speciale vitium, positum in appetitu inordinato propriæ excellentiæ potest esse principium omnium peccatorum. Sicut defectò plerumque contingit in perfectioribus, qui deficiunt. Nec immeritò: ab Aquilone enim panditur omne malum; quippè cum Princeps tenebrarum, & Rex super omnes filios superbiæ, elegerit latera Aquilonis ad ponendum in eo solium suum, ut foret similis Altissimo; hinc tenebrosus, turbidus, & frigidus Aquilo iste stat, inflat, & exsufflat primò fervorem & lucem Charitatis; deinde ipsam formam, inducens tenebras, algorem, ac multiplices turbines malitiæ.

Et

Eccl. c. 10.

vers. 15.

Vid. D. Tho:

2. 2. quest.

162. A. 7.

Et percurramus breviter singulos gradus incipientium, proficientium, & perfectorum in quolibet statu, an non ut plurimum fuerit initium defectus ipsorum in via spirituali Superbia, ab initio quidem modica, sed posthæc variis perpetratis sceleribus, crescens in immensum? Rex Saul initio humillimus, postea elatus, inobediens, datus est in reprobum sensum. Rex Salomon, qui amabilis Domino, sibi præsumptuosè fidens, & Divini mandati incurius circa copulam mulierum alienigenarum, ex sapientissimo fatuus idololatra effectus est. Certè Origenes, & Tertullianus luminaria Ecclesiæ Christi, viri quæ doctrinâ, quæ virtute admirandi, dum sensim despectis aliis, plus æquo suo volunt apparere ingenio, tandem miserè prolapsi sunt in hæresim. Denique quid tot viros in Ecclesia DEI præclaros, qui inter cæli sydera posuerunt nidum suum, quid inquam sensum detraxit in terram, & gehennam, nisi propria ac tumida sui ipsius complacentia & quæritio in bonis Domini? nisi appetitus inordinatus propriæ excellentiæ ex talentis DEI? quam dum incipiunt quærere, mox festinant cum Lucifero de Cælo in Orcum ruere. Incipientes quidem etsi non habeant unde intumescant de bonis Spiritualibus, nisi de temporalibus eleventur, & in Spiritualibus superbiâ ac inobedienciâ rebellizent, utique à superbia initium defectus eorum? ita Filii Israel egredi de Ægypto, gens electa, & populus acquisitionis, quia tamen duræ cervicis, in quæ non prolapsi nefanda? denique indigni facti sunt terrâ promissionis. Proficientes verò, medii inter incipientes & perfectos participare possunt superbiam utrinque, ac ita perire.

Gradualem à statu gratiæ & virtutis, per imperfectiones & venialia in mortalia idque ut plurimum per superbiam, ex eaque orta vitia, ruinam & præcipitium in profundum peccatorum, ac tandem in ima Averni, accipe delineatam calamo D. Bernardi. qui in Cant. ita differt: Non sine causa ab heri, & nudius tertius in- „ Bern. serm. vasisit me langvor animi, & mentis hebetudo, insolita quædam „ 54. Super inertia spiritus. Currebam bene: sed ecce lapis offensionis in „ Cant. post via: impegi & corruì. Superbia inventa est in me: & Dominus „ Med. declinavit in ira à servo suo. Hinc ista sterilitas animæ meæ, & „ devotionis inopia, quam patior. Quomodo ita exaruit cor me- „
G un,

Reg: 1.

Reg: 3.

„um, coagulatum est sicut lac, factum est sicut terra sine a-
 „qua, nec compungi ad lacrymas queo, tanta est duritia cordis:
 „meditationes solitas non invenio. Ubi illa inebriatio Spi-
 „ritus? ubi mentis serenitas, & pax, & gaudium in Spiritu
 „Sancto? ideo ad opus manuum piger, ad vigilias somno-
 „lentus, ad iram præceps, ad odium pertinax, lingvæ & gulæ in-
 „dulgentior, segnior & obtusior ad prædicationem. Heu
 „omnes montes in circuitu meo visitat Dominus, ad me autem
 „non appropinquat. Et *infra*: Volo vos non parcere vobis,
 „si vel ad modicum tepere gratiam, virtutem langvescere,
 „deprehenditis. Et *post*: Hoc facere hominis est, qui curi-
 „osus circumspector est sui, & scrutator viarum suarum,
 „ac studiorum, atque in omnibus semper suspectum ha-
 „bet arrogantiae vitium, ne subrepat. In veritate didici, nil æq;
 „efficax esse ad gratiam promerendam, retinendam, & recupe-
 „randam, quam in omni tempore coram DEO inveniaris non
 „altum sapere, sed timere. Beatus homo qui semper est pavidus.
 Ecce superbia Acediam adeoque imperfectiones & negligentias,
 Acedia verò quid pariat, eodem Sancto Assertore confirmatur,
 S. Bernar- „qui ait: Hoc frigus, *inquit*, si semel animam, animam quidem
 dus Serm. „(ut assolet) incuriâ Spiritus dormitantem pervaserit, ac nemine
 63. in can. „deinde (quod absit) inhibente ad interiora ejus pervenerit, de-
 „scenderit in viscera cordis & sinum mentis, concusserit affectio-
 „nes, occupaverit consilii semitas, perturbaverit iudicii lumen,
 „libertatem adduxerit Spiritus; mox (ut in corpore solet evenire
 „febricitantibus) subit quidam animi rigor, & vigor lentescit, lar-
 „guor fingitur virium, horror austeritatis intenditur, timor solli-
 „citat paupertatis, contrahitur animus, subtrahitur gratia, protra-
 „hitur longitudo vitæ, sopitur ratio, spiritus extinguitur, deserve-
 „scit novitius fervor, ingravescit tepor fastidiosus, refrigescit fra-
 „terna charitas, blanditur voluptas, fallit securitas, revocat consue-
 „tudo. Quid plura? Disimulatur lex, abdicatur jus, fas proscri-
 „bitur, derelinquitur timor Domini: dantur postremo impuden-
 „tiæ manus, præsumitur ille temerarius, ille pudendus, ille turpif-
 „simus, plenus ille ignominia & confusione saltus de excelsis in a-
 „byssum, de pavimento in sterquilinum, de folio in eloacam, de
 cœlo

cœlo in cœnum, de claustro in sæculum, de paradiso in infernum.

Vide infra fusiùs per gradus Superbiæ ejusmodi præcipitum, ubi tanquam in speculo cernere poteris, quantum corrueris, ac inde revocare gradum. *V. infra de Superbia.*

CAPUT V.

De statu vitæ Christianæ Supernaturalis seu Spiritualis, ejusque Opposito in genere.

Hujus status, ad eumque pertinentium, ut exactior notitia habeatur: ac quomodo singula suo ordine collocentur; quamve sit pulcherrima, licet diversarum materialium Spiritualium, connexio & harmonia; oculis subjicimus Schemate erecto. In quo Exercitator virtutis cernere queat penè cuncta, quæ hoc in Opere Theologiæ Spiritualis fusè tractamus, ad punctum veluti sub unum intuitum esse reducta. Ac proinde quisque studiosus profectus sui in Regia cæli via, non modo intellectu, verum & sensu externo percipere possit; Quo ei progrediendum, & Quomodo; An proficiat, vel deficiat, & similia. Quod ad evitandam confusionem imaginativæ (quæ confusio vel sola tedium, torporem, & defectum in progressu virtutis parere solet) eamque stabiliendam in ordinata dispositione, juxta ipsam quasi naturalem exigentiam constitutivorum & requisitorum status virtutum, tum gratiâ facilioris propriæ recollectionis, scilicet unde quis exciderit à tramite perfectionis, qualiterve ad eam regrediendum, in eaque proficiendum: quod inquam præfixo Schemate hujusmodi proponantur, nemo est qui ambigere possit, id factum esse causâ summi commodi fructusque Magistris ac Discipulis virtutis, omnibus denique cupidis amatoribus suæ salutis. Sed jam ad explicandum schema procedamus. Igitur Litera:

α Seu Alpha intra radios ut à Deo in ratione gratiarum de-

V. Epif: ad scendentes in Cor humanum est signum, DEUM T. O. M. esse
Rom. c. II. Principium Ex Quo (seu A Quo) omnia requisita ad statum vitæ
v. 36. Christianæ Bonæ & Beatæ proveniunt.

ω Seu Omega, denotat DEUM esse ultimum Finem, in quem
V. ibidem omnia pertinentia ad statum vitæ Christianæ referri debent. Un-
juxta in- de ponitur per transversum radiorum ut à Corde humano proce-
terpr; dentium, simul & per flammam ab eodem corde vibratam; ad in-
sinuandum teneri hominem actibus intellectus & voluntatis sem-
per ferri in DEUM, ut centrum suum, illique Uniri.

μ Est litera media Alphabeti Græci, designans Christum
Tim. 2. v. Dominum esse medium seu Mediatorem, Per Quem omnia spectan-
Epif: ad tia ad statum vitæ Christianæ condita & reparata sunt, dantur.
Rom. c: II. que nobis. Eadem litera ponitur intra radios quatenus à corde
v. 36. humano per Christum ad DEUM ascendentes: quia per Chri-
stum omnia quoque in DEUM referri debent, si velis, ut illi sint
Cor. c: 12. grata. Addito Deum esse In quo omnia; Sequitur ex dictis DEUM
c: 15. Unum & Trinum esse omnia in omnibus status vitæ Christianæ
Bonæ & Beatæ.

A. Designat statum vitæ Christianæ, ejus gradus, & divisi-
ones. De quibus hic in Summa Theologiæ Spiritualis tractatur.

B. C. D. Notæ sunt Causæ efficientis vitam Christianam. De
qua totâ primâ parte hujus Theol. Spirit: agimus.

B. Insinuat Causam moraliter efficientem in homine actus
salutares virtutum. Est verò hæc Causa I. DEUS, primum prin-
cipium omnis doni & boni. II. JESUS, MARIA, JOSEPH; qui
sunt quid moraliter unum cum JESU, per Quem, (à DEO) & ejus
Matrem dona derivantur per Hierarchiam Cælestem in Hierar-
chiam Ecclesiæ. III. Angelus Custos irradians, inflamman, & de-
fendens à jaculis tentationum. IV. Superior, tum Magister seu Pa-
ter Spiritualis, & alius quivis Minister Ecclesiæ illumans, & ac-
cendens, ac protegens animam à suis adversariis; cujus signum
est scutum defendens, & vitrum ustivum radiis Solis justi-
tiæ illustrans, & amore Dei maxime ex Crucifixo & Eucharistiâ
ac æternorum incendens. De hac multiplici causâ morali agitur in
prima parte hujus Theologiæ Spiritualis.

C. Est Causa physica seu naturalis, efficienrer concurrens
ad

ad actus salutes virtutum: quales causæ sunt Intellectus, & Voluntas; sub signo Cordis, principali parte hominis. Porro Cor humanum in Cruce figuratur; quia Christianus omnis unice curare debet Conformitatem seu Transformationem vitæ suæ in Christum maximè ut Crucifixum. Hoc autem Cor sagittis teprem peccatorum capitalium impetitur, verum multiplici defensione Divinâ, (per multiplicem gratiam, virtutes, dona:) Angelicâ, humanâ protegitur. Alioquin si pravo suo consensu ad suggestionem tentationis vulneratur, eo ipso solvitur vitalibus vinculis timoris Dei, spei, vel amoris; quibus ligabatur in Cruce, & cadit in præcipitium patentis abyssi infernalis, stagni illius ardentis igne & sulphure, cadit inquam in præsentis vitæ moraliter, in futuro seculo etiam realiter. De hac causâ 1. parte hujus Theol. Spirit. tractatur.

D. Notat causas supernaturales efficientes actus salutes: Quæ causæ sunt: Gratiæ actuales, Gratia habitualis, Habitus Virtutum, & Dona Spiritus S. Harum gratiarum & habituum præsidio protegitur Cor armaturæ fortissimæ adinstar contra tela inimici. Reducuntur huc quoque Gratiæ gratis datæ, quæ ex cooperatione præcedentium gratiarum & habituum producere possunt actus salutes etiam ipsi Operanti. Porro de præfatis causis vide 1. part: hujus Theol. Spiritual:

E. Significat Productum Causæ efficientis, tum materialis, formalis, exemplaris, finalis, scilicet Actus salutes virtutis. De quibus in genere 1. tractatum vide 1. 2. hujus Theol. Spirit: Deinde in specie sequentibus.

F. Radii prominentes à Corde, & penetrantes ad inaccessum usque Numen, duplicem habent significationem. Primo; Ex parte Dei, à quo tanquam à Sole justitiæ omne bonum supernaturale influit in corda mortalium modo Spiritualis, sicut sol sensibilis modo Physico suorum radiorum influxu omnia inferiora collustrat, calefacit, vivificat, lætificat, sibi proportionatè assimilat. Secundo; Ex parte hominis, cujus intellectus actibus habituum intellectualium, radiorum adinstar, disponitur circa ultimum Finem, aliosque fines supernaturales, tum circa Media. Ejusmodi actus dispositivi circa Finem ultimum sunt actus Fidei Theolo-

gicæ, & Donorum Spiritus S. nimirum Intellectus, Sapientiæ, Scientiæ; circa Media verò actus disponentes Intellectum sunt virtutis Prudentiæ. Porro ex horum actuum habitibus, alii actus prodeunt, uti Memoria Dei & Divinorum, (quæ recipitur in intellectu cum & ipsa potentia Memoriæ solo tantum officio distingvatur ab intellectu) deinde Lectio, Meditatio, Contemplatio: Igitur hi actus ut sunt, aptè esse locati censentur. De his omnibus, & similibus, 1. 2. *Theol. Spirit.* agitur.

Ideò verò ponitur primò Memoria Dei & Divinorum, ut quisque sit semper memor præsentiae Dei, tum practicandæ lectionis, meditationis, contemplationis Divinorum per actus fidei, intellectus, sapientiæ, scientiæ circa ultimum Finem, nec non per actus Prudentiæ, circa media ad eundem Finem.

G. Timor, tum Spes, & Charitas, quibus voluntas æstuens flammis amoris, fertur vivaci impetu, omniaque infima & suprema superans, desinit in Centrum suum, ultimum Finem DEUM, ejus tandem beatissimâ unione dulciter quieta & tranquilla. Vide infra 1. 2. *tra.* 2. c. 2. & 3. Sed quia Timor Domini est initium sapientiæ; ideòque hic primo loco ponitur, quamvis revocetur ad virtutem Spei, tanquam suus actus.

H. Fundamentales & Universales sunt Virtutes, Resignationis sui in Dei voluntatem, Obedientiæ, Contemptus mundi, Humilitatis odii & contemptus sui, Poenitentiae, & Mortificationis, Innocentiæ, Patientiæ, Rectitudinis actuum indifferentium; virtutes item Cardinales Justitiæ, Fortitudinis, Temperantiæ: Quibus disponitur voluntas in ratione Mediorum ad finem supernaturalem. His adnectuntur Gratiae gratis datæ in actu consideratæ ad rectum usum & fructum, tum Operantis, tum sui Proximi. Vide infra de his. 1. 2. *tra.* 2. *cap.* 5. 6. 7. 8. 9.

I. Ponitur Causa Objectiva seu Materialis, Formalis, & Exemplaris actuum salutarium, præcipue in formam & exemplum aliarum virtutum, tum maxime Amoris, proponitur Christus in Cruce, ac in Eucharistia, Materque ejus dolorosa; unde etiam vibrantur flammæ amoris ad incendium cordis, Christus inquam Crucifixus, Objectum Materiale & Formale hujus Theologiæ Spirituales, specialiter exponitur. De quibus infra *secunda secundæ part* hujus *Theol. Spirit.*

K. Ia-

K. Insignitur Causa Finalis, seu Finis supernaturalis Gloriæ inchoata in via respectu Operantis, & sui Proximi. V. *infra parte 3. Theol. Spirit. tract: 1.*

L. Denotatur Finis in Patria respectu Operantis & sui Proximi, respectu Cælitum, respectu JESU, MARIE, JOSEPH, & tandem ultimus Finis DEUS T. O. M. Posui verò locum Beatitudinis tuæ inter præcipuos Sanctos & Seraphinos; quia suppositâ voluntate Dei, quantum ex se operans Sibi & suo Proximo, talem ac tam altum locum in Gloria æterna intendere, & ad eam possidendam contendere debet: quandòquidem Christus jubet nos imitari (quantum homini est possibile cum gratia Dei) etiam perfectionem ipsius Patris Cælestis. Cui quò fuerimus similiores in perfectione ac sanctitate, eò quoque futuri sumus proximiores in perrenni felicitate. *Matt: c: 5.*

Porro figuram Gloriæ cælestis delineavimus pro humano modo concipiendi, habente aliquod fundamentum in SS. Scripturis, vel Patribus. *Primò* quidem DEUS Trinus & Unus, cum is Spiritus sit, sub Hieroglyphico triangulari cum inscriptione Nominis Divini efformatur. *Secundò*: Christus Dominus, qui ascendit super omnes Cælos sedetq; in gloria Dei Patris, Rex regū & Dominus dominantium. *Tertiò*: Deipara juxta illud Psal: *Astitit Regina à dextris tuis in vestitu deaurato, circumdata varietate*: *Quartò*: S. Joseph sponsus Virginis Matris ad sinistram proximus Christo, sicut ad ejusdem dexteram Beatissima Virgo obtinet sedem, prout *infra primâ parte cap: 1. sect. 2. subs: 2.* deducimus. *Quintò*: **M.** Litera M. designat septem Angelicorum Spirituum primos Principes, qui adstant ante Thronum Dei: De quibus *infra 1. par: N. c. 1. Sect: 1. Sextò*: litera N. insinuat Senatū Sāctorū Apostolorū. *Septimò*: litera O. denotat viginti quatuor Seniores (*de quibus in Apoc: c. 4. vide apud Alcazar com. 2.*) Sanctos nimirum Patriarchas & Prophetas. *Octavò*: Per circum Empyreï Coeli ab inferioribus ejus partibus ad superiores gradatim ascendendo delineantur Novem Chori Angelorum in quorum consortium Sancti & justi homines recipiuntur. *Nonò*: Infimum Cœlum, quod & decimum vocatur, habetur pro infantibus, & illis, qui nihil meruere in vita præsentī. Sic declarato Schemate, jam procedamus ad discurrendum

Psal. 44.

dum de statu vitæ Christianæ supernaturalis seu spiritualis in genere.

Igitur Ecclesia sponsa Christi tanquam Regina in vestitu deaurato gratiæ & charitatis, circumdata ornataque multiplici Statuum varietate, dupliciter accipitur. *Primò Materialiter*, seu prout habet aliquid commune cum aliis infidelium congregatio-

De virtutibus, aut rebus publicis; & sic accepta secundum Suarez: *Est te & stat. quædam hominum congregatio, in qua sunt plura temporalia regna ad naturalium finem, & commoditatem ordinata.* In qua congregatione

1. c. 2. n. 2. sunt diversi status Regum, Principum, Nobilium, Plebeiorum; tum varia officia competentia cuilibet horum statuum. Verum de his non agimus hic, nisi subinde in genere, quatenus munia horum officiorum & statuum ex intensione Christiana dirigenda sunt ad finem supernaturalem. *Secundò* Ecclesia Christi accipitur *Formaliter*, seu prout habet aliquid speciale distinctivum ab aliis communitatibus, nempe ut Christi Ecclesia est: atque ita Ec-

Suarez *ibid:* *desia dividitur in Militantem & Triumphantem. Militans, est quædam spiritualis ac supernaturalis Res publica & unum Mysticum corpus, Fide, ejusque professione ac Sacramentis munitum, sub uno capite Christo, ejusque Vicario; ad æternam felicitatem per media congruentia tendens.* In hac Ecclesia est, qui & vocatur status Viæ; de quo mox infra. Ec-

Collector *desia Triumphans, est Cætus Sanctorum & Beatorum in Patria cælesti, qui de victis animæ hostibus Mundo, Carne, Diabolo, cum ineffabili tripudio & applausu, perennem gloriâ & honore coronantur.* In hac Ecclesia est qui dicitur status Termini, nempe status Beatitudinis, qui per Antonomasiâ nomen status meretur, cum in eo perfectissimè conditiones status reperiantur. Huic opponitur status damnationis, cui quamvis competat ratio permanentiæ ob suam perpetuitatem, non tamen convenit ei ratio vitæ Christianæ, sed potius ratio alicujus vitæ naturalis, imò mortis. In purgatorio vero ut est locus pænæ non censetur esse status; quia est in transitu & ad breve tempus: ut vero ad statum salutis pertinet, propter ejus certitudinem & perpetuitatem quædam est status beatitudinis inchoatio.

Suarez *ibidem c. 1.*

SECTIO I.

De Statu vitæ Christianæ Supernaturalis seu
Spiritualis, in genere.

DE Statu vitæ Christianorum quâ viatorum, in Ecclesia Christi formaliter spectata hic nobis agendum; ad quem Statum reducemus & statum Termini, eique Oppositum, prout hi status ex intentione Christiana rationem fugæ vel prosecutionis habere debent.

§ I.

Quid Status vitæ Christianæ Supernaturalis & Spiritualis?

Respondetur: Est ratio aliqua vivendi stabilis & firma, ad salutem gratiæ in hac vita, & gloriæ in futura consequendam, ordinata & instituta. Seu: *Est Permanentia in Ecclesia Christi, quoad actuale exercitium virtutum, ortum ex libero arbitrio hominis, & gratia Dei supernaturali, per aliquod motivum fidei Divinâ propositum, ad obtinendum finem supernaturalem.* *Ita Suarez de Relig. virt. & statu l. I. c. 2. Collector.* Explicatur & probatur assertio. Dicitur; *Permanentia*, seu *Immobilitas*, quæ est de ratione Status: Jam verò hæc permanentia in vita Christiana habetur; tum ex parte Ecclesiæ Christi, in firmissima petra fundatæ, ut portæ inferi non prævaleant adversus eam; tum ex parte singularum personarum Ecclesiæ Christi, seu coetus fidelium; qui ex vi cujusdam professionis factæ in baptismo obligantur permanere in fide, & modo vivendi Christiano: vel in super vi voti alicujus obstringuntur ad perfectiorem vitæ Christianæ rationem. Deinde status exigit conditionem servitutis, vel libertatis: quæ maximè in exercitio virtutum invenitur; his enim à servitute peccati liberamur, & servi Dei efficimur, juxta illud Apostoli: *Liberati à peccato, servi facti estis justitiæ.* *Epistola ad Rom. c. 6.* Et iterum ibidem: *Liberati à peccato, servi autem facti Deo.* *Ibidem.* Dicitur: *Quoad Exercitium Virtutum, ortum ex libero arbitrio hominis, & gratia Dei supernaturali.* Quia, sicut vita Physica seu naturalis est duplex, nempe radicalis, & actualis; ita & vita Christiana supernaturalis est duplex, primò Radicalis, fundata tum

in potentia cognoscitiva & volitiva, à quibus actus virtutum accipiunt vitalitatem, &c. tum in supernaturali gratia habituali, & actuali, habitibusque infusis virtutum, & donorum Spiritus S. à quibus actus vitæ Christianæ fortiuntur supernaturalitatem, sicut & per aliquod motivum fide Divinâ propositum supernaturalizantur. Secundò Actualis vita Christiana, sita est in ipso actuali exercitio virtutum, qui sunt motus intrinseci & extrinseci, insinuantes animam vivere spiritualiter, sicut motus corporis externi manifestant ejusdem vitam internam. Dicitur; *ad obtinendum finem supernaturalem id est Viæ, & Patriæ.* Finis supernaturalis Viæ, & Patriæ, respectu ipsius Operantis, est propria Perfectio, Sanctitas, & Beatitudo, seu Gloria. Respectu Proximorum finis supernaturalis Viæ, & Patriæ, est ipsis ab Operante intenta similis Perfectio, Sanctitas, Beatitudo, seu Gloria. Respectu Cælitum finis supernaturalis Viæ, & Patriæ, est ab Operante intenta Gloria ipsorum. Respectu Dei T. O. M. finis ab Operante intentus in Via, & Patria, est Gloria ipsius. Probatur hæc descriptio status Vitæ Christianæ supernaturalis esse bona: quia datur per omnia genera causarum: Primò per causam efficientem, quæ est potentia liberi arbitrii & gratia Dei cum habitibus infusis: Secundò per causam objectivam seu materialem & formalem, nec non finalem, à quibus suum Esse, actus vitæ supernaturalis participant. *Sed de his fusiùs infrà suis locis. p. 1. & 2. 4. & 3.*

S II.

Qui Gradus Status Vitæ Christianæ Supernaturalis & Spiritualis?

Respondetur. Gradus prædicti status accipiuntur dupliciter: Primò, respectu Status, & officiorum, in Ecclesia Christi altiorum, & inferiorum. Secundò, respectu Virtutis circa media, & finem supernaturalem, prout convenire potest omni Christiano: Respectu status & officiorum Ecclesiæ Dei accepti, S. Dionysius Gradus ejusmodi ad triplicem Hierarchiam Ecclesiasticam revocat, ita dicens: *Ergo hoc à nobis conclusum est, Sancta quidem*

dem mysteria esse expiationem, illustrationem, ac perfectionem: ministros autem, Ordinem eum qui expiandi, sacerdotes qui illustrandi, divinos Pontifices qui perficiendi, vim habent: Ordinem verò qui expiatur, eum qui sancti aspectus & communionis est expertus, quod etiam expietur: Ordinem qui spectat, sanctum populum: Ordinem qui perficitur, eum qui est singularium Monachorum: Ita enim hierarchia nostra ordinibus, qui à Deo traditi sunt, sanctè digesta, celestibus hierarchiis est similis, si suas Deum imitantes quantum hominibus fas est, divinasque figuras & notas obtinet. Quia sicut in Cælesti Hierarchico statu, suprema Angelicorum Spirituum Hierarchia, immediatè ab ipso Deo perficitur summis cognitionis splendoribus, & amoris Divini ardoribus; atque facultatem alios perficiendi accipit: Media hierarchia à suprema illustratur, vimque cæteros illustrandi acquirit: Infima denique hierarchia à media purgatur ab ignorantia, potentiamque alios purgandi habet. Ita & in Ecclesiæ statu Hierarchico, Episcopi & Prælati similes Episcopis in Jurisdictione, statuuntur in perfectorum gradu supremo, ad alios perficiendos: Sacerdotes, & Religiosi, in medio gradu, ad dandum amplius lumen scientiæ salutis aliis ministris Ecclesiæ, & populo Dei: Ministri Ecclesiæ in infimo gradu, ad Catechumenos depurandos ab ignorantia fidei deputantur. Porro respectu Virtutis circa media, & finem supernaturalem, quod & hæc habeat se in mente humana proportionatè ad altiores, vel inferiores Ordines Hierarchiæ Cælestis, idem divinus Areopagita insinuat, dum inquit: Hoc quoque non immeritò possum addere, Vnamquamque & celestem & humanam mentem seorsum proprios in se continere, & primos, & medios, & ultimos ordines atque facultates, quæ eodem modo, quo superiores singularum Hierarchiarum illustrationum proprii ductus enuntiantur: quibus unaquæque mens pro suo captu quàm nitidissime purgationis, copiosissimi luminis, absolutæque perfectionis sit particeps. Nihil est enim per se absolutè perfectum, ad quod omnino perfectionis non indigeat, nisi id quod revera absolutè perfectum est, & perfectionis est principium. Sed adverte comparationem Hierarchiæ status Ecclesiastici, & Vitæ Christianæ, cum Hierarchia Cælesti, non absolutè, verum suo modo, accipiendam esse. Etenim v. g. in Ecclesiastica infima Hierarchia & qui purgant, & qui purgantur, utique non à sola ignorantia veritatis (sicut contingit Angelis

De Ecclesi.

Hierarch.

cap. 10.

S. Dionys.

fius Cælest.

Hierarch.

cap. 10

gelis in ultimo ordine Caelestis Hierarchiae) sed etiam à sordibus peccatorum ministerio sacrae Doctrinae, & Sacramentorum; quod nefas cogitare de simili purgatione Angelorum, aliquà peccati maculâ immundorum. Atque sic facito convenientem proportionem comparationis utriusque Hierarchiae & in aliis punctis. Verùm ad clariorem notitiam, & compendium memoriae, schemate proposito praedictos gradus in Hierarchias, & suos Ordines, discretos, erigimus. Ex quibus, tum aliis, constat, unde traxerit originem apud Spirituales applicata ad Vitam Spiritualem ratio denominationis Viae Purgativae, Illuminativae, & Unitivae; nempe à distinctione Hierarchica Angelorum, quorum alii purgantur, alii illuminantur, alii singularius prae aliis uniuntur Deo per amorem. Tum undè provenerit denominatio Incipientium, Proficientium, & Perfectorum, in vita Christiana; nempe per respectu ad perfectionem ejusdem Vitae Christianae, in qua perfectione alii sunt Incipientes, qui dispositiones perfectioni contrarias, uti sunt vitia & peccata, eliminant: alii Proficientes, qui dispositiones inductivas positivae ejusdem perfectionis, quales sunt Actus Charitatis & Virtutum aliarum, adhibent: denique Consummati in perfectione, qui eandem acquisierunt. Ceterum nil restat, nisi, qui culmen veri honoris quaerimus, & immensos thesauros, ac delicias, possidere gestimus, Deum utique nostrum, in quo omnia eminentissimè continentur; in Curia Caelesti adscribi festinemus, ubi quò altius inter Ordines Hierarchiarum ascenderimus, eò magis futuri participes summi Boni erimus. Sed quoniam ad mensuram ascensus Hierarchiae vitae Christianae, paratur nobis ascensus Hierarchiae Angelicae; ideo summis conatibus cum superno auxilio ad culmen delineatorum in schemate graduum vitae Christianae enitendum. Ubi tanquam in speculo quotidie in sui examine clarissimè quisque animadvertere potest, quantum profecerit, vel defecerit in Puritate, Virtute, Contemplatione & Amore Dei, & consequenter in Perfectione, Sanctitate, & Beatitudine hujus vitae, & futurae. His enim nempe Puritate, Virtute, Contemplatione & Amore Dei, Perfectio, & Sanctitas nostra subsistit, Beatitudoque acquiritur, ut *infra* videbimus.

P. 3. The-
ol: spirit:
trac: 1.

§ III.

Quæ Motiva ad vivendum convenienter
statui Christiano?

Respondetur: Primum Motivum est obligatio consurgens ex vi Professionis Christianæ, quâ homo in Baptismo abrenunciavit Sathanæ, & omnibus pompis, ac operibus ejus; suscepitque veram Fidem; tum per ipsum Baptismum subdidit se Legi Evangelicæ, secundum quam viveret, & Authorem ejus nempe Christum imitaretur, unde nomine Christiani voluit appellari. Hinc probatur: Quia qui dicit se in Christo manere, debet scire 1. Ioan. c. 2. cut ille ambulavit, & ipse ambulare. Et: Non vocavit nos DEVS in munditiam, sed in Sanctificationem. Et: Ut abnegantes impietatem & 4. secularia desideria, sobriè, & justè, & piè vivamus in hoc seculo, expectantes beatam spem, & adventum gloriæ magni DEI, & Salvatoris Nostri Tit. cap. 2. JESV Christi. Confirmatur: S. Cyprianus inquit; Christianismus est mors criminum, & vita virtutum. Nyssenus quærit, quid sibi velit nomen, & professio Christiani? ubi inter cætera hæc ait: Christianismus est imitatio Divinæ Naturæ; Christianismi professio est, ut homo ad Donatū Tract: de mo reducatur ad pristinam & antiquam felicitatem: Christianismus est eodem. participatio Christi: cum ergo Christus sit justitia, puritas, & veritas; Christianus esse nequit, qui illorum communionem & societatem in se non ostendit. Et Cornelius à Lap. inquit: Christianismus non est aliud quam Professio Sanctitatis. Ad hoc enim venit Christus, ut nostrorum liberati, serviamus illi in Sanctitate & justitia omnibus diebus nostris, ut canit Zacharias. Unde & Apostolus, Paulus in suis Epistolis Christianos toties vocat Sanctos. Com. in Ep. ad Cor. c. 1.

Confirmatur: Quia juxta Apostolum: Quicumque sine lege peccaverunt, sine lege peribunt; & quicumque in lege peccaverunt, per legem judicabuntur. Ergo & Christiani sub lege Evangelica constituti, secundum eam judicabuntur, an ei conformiter aut difformiter vixerint, ut subleventur in Regnum Cælorum, vel detrudantur in profundissima Inferni. Unde patet obligatio Christianorum vitam suam regendi ad normam Legis Evangelicæ.

Secundum Motivum est ab Exemplis. Etenim si in Lege Naturæ illa obscurissima nocte lucis Divinæ, Noe, Abraham, Haac, Jacob, Joseph, Job, virtute præcellentes coram DEO fuere: unde ad Abraham DEUS inquit: Ambula coram me & esto perfectus: Tum, Gen. c. 17. si in Lege scripta, Moyses, Rex David in mediis Regni curis & bellis, aliique Patriarchæ & Prophetæ, uxorati licet, liberis, & opibus aliqui abundi; tamen in omni virtutum genere perfecti esse valere: imò & toti Israelitico populo mandavit DEUS: Perfectus eris, & absq; macula cum Domino DEO tuo: Quantò magis sub Lege gratiæ, Lege rutilantis simuluminis & amoris cælestis, in affluentia illa gratiarum Divinarum, Sacramentorum, occasionis ad bonum, &c. Christianos gentem Sanctam, populum acquisitionis, Iacobi c. 1. vocatos vocatione Sanctâ DEI, necessarium est, ut sint perfecti & Epist. 1. integri, in nullo deficientes? Et juxta Principem Apostolorum: In omni conversatione Sancti sint, quoniam scriptum est: Sancti eritis, quoniam ego Sanctus sum? Quæ Christiana Sanctitas in ipso Exemplari omnis perfectionis DEO - Homine, Deipara, Apostolis, ac Primitiva Christianorum Ecclesia mirè emicthit, singulisque seculis Ecclesia, quæ ex Spiritualibus, quæ ex Secularibus personis Sanctos protulit, adeo ut inexcusabiles sint omnes Christiani tepidi & inertes, quantò magis omni nequitia pleni, thesaurizantes sibi iram in die iræ justî Judicii DEI, qui exclusos à Regno beatitudinis, mittet in ignem æternum. Alia Motiva allectica ad Christianè Vitam instituendam, passim hoc in toto Opere invenies, ubi de Virtutibus in genere, & specie, de Perfectione, Sanctitate &c.

Verùm quid ad hæc plerique seculares Christiani? Virtus, Perfectio, vitæ Sanctitas, ut eam sectentur, illis est ridiculum; ad Claustra & Collegia Religiosorum ipsam remiserunt, sibi vitia reliquerunt, & tamen Ostupendam hanc infeliciam dementiam! in peccatis & concupiscentiis, ut in volutabro luti putrescentes, sydereæ Regna & indefectibiles Cœli delicias, sibi promittere præsumunt. Sed audiant Os illud aureum s. Chrysostomum sacris Scripturis comprobantem seculares Christianos æquè ac Monachos Præceptis Divinis non modò Decalogi, verùm & aliis sublimioribus, debere morem gerere, illisque vitam perfectam

& san-

& sanctam instituere. (Etsi seculares ad *Consilia Evangelica* trium votorum Paupertatis, Castitatis, & Obedientiæ, aliosque ritus & Regulas à Fundatoribus & promotoribus Religionum adinventas, non obligentur: ut ita appareat hæsitanti animo in quo debet esse convenientia statûs Secularis cum Religioso, & in quo est disconvenientia, quod magis apparebit sequenti. *Cap. 6. Sect. 1.*) Aliter verò agentibus nullam spem æternæ beatitudinis, quin potius perennes inferni cruciatus restare. Sic igitur hic Magnus Constantinopoleos Patriarcha discurre. *Tom: 5. lib. 3. adver:* At, inquires, ejusdem criminis non est, eum qui seculo addictus, *vituper:* sit, peccare, & eum qui semel se ac penitus DEO devoverit, re- *vita Mo-* ligionis proposito excidere, neque enim ambo eadem ex alti- *nast:* tudine decidunt, ita nec eadem quidem vulnera suscipiunt. Fallis teipsum prorsus ac decipis, si putas aliud à Secularibus viris, aliud à Monachis requiri. Hæc enim ferè sola est in utroque, genere vitæ differentia, quòd illi quidem Matrimonii se vinculis, constringunt, hi verò his liberi perdurant; in reliquis verò communis atque eadem ab utrisque vitæ totius ratio requiritur, eisdem pro culpis poena una omnibus debetur. Nam qui Fratri suo irascitur sine causa, sive ille Secularis, sive Monachus fuerit, Deum similiter offendit. Atque is qui mulierem respicit, & concupiscit eam, quolibet in vitæ statu fuerit, eadem adulterii plectetur poenâ. Imò verò ut aliquid ex nobis addere, quod rationi consentaneum videatur, audeamus; magis sine ulla spe veniæ peccabit, qui ex seculo id scelus admiserit. Neque enim par facinus admittere videtur, qui uxoris solatio subnixus, decore mulieris irretitur, atque is qui ejusmodi auxilio, & infirmitatis remedio destitutus, hac interdum peste corripitur. Rursus qui jurat, sive hoc, sive illud fuerit, pari omnino poenæ subiacet. Neque enim Christus, cum de his monita ederet, legesque statueret, ita distinxit, ut diceret, siquidem is qui jurat Monachus sit, à malo jusjurandum est: sin verò Monachus non fuerit, non jam à malo est: sed absolute omnino dixit: Ego autem dico vobis, ne juretis penitus. *Rursumq; cum diceret; Væ ridentibus* non addidit, Monachis: sed absolutissimam sententiam de omnibus tulit. Atque idem in cæteris mandatis suis

maximis

Matt. 5.

Luc. 6.

- Matth. 5.* » maximis & admirandis facit. Cum enim dicit: Beati pauperes
 » spiritu, beati qui lugent, beati mites, beati qui esuriunt & si-
 » tiunt iustitiam, beati misericordes, beati pacifici, beati qui per-
 » secutionem patiuntur propter iustitiam, beati qui fanda, & in-
 » fanda propter me & meum Nomen ab his qui sunt foris, pati-
 » untur: nec Monachi nec Secularis nomen adjecit. Cæterum
 » ista distinctio ex hominum æstimatione introducta est. Sacra
 » verò Literæ nihil horum penitus noverunt, sed omnes Mona-
 » chorum vitâ & instituto vivere volunt, etiam si uxoribus fuerint
 » adjuncti. Audi denique quid Paulus moneat, quem cum no-
 » mino, rursus Christum prædico. Hic itaque cum scriberet u-
 » xoratis hominibus, filiosque nutrientibus, omnem ab illis Mo-
 » nasticæ vitæ diligentiam requirit. Namque delicias omnes pe-
 » nitus abscindens, sive quæ ad cultum vestium, sive quæ ad ci-
1. Tim. 2. » bos pertinent, his verbis admonet: Mulieres in habitu ornato,
 » cum pudore & castitate semetipsas ornare, non in tortis crini-
1. Tim. 5. » bus, aut auro, aut margaritis, aut veste pretiosâ. *Et rursus:* Quæ
 » autem in deliciis degit, vivens mortua est. *Et rursus:* Habentes
 » cibos & regumenta, his contenti sumus. Quid amplius posset
 » aliquis à Monachis exigere? Rursus verò cum alios lingvam
 » continere admoneret, severissimas leges constituit, & tales le-
 » ges, quales Monachis ipsis implere, negotii non minimi est:
 » Non enim turpitudinem tantum ac stultiloquium damnat, ve-
 » rum ipsam quoque scurrilitatem severissimè castigat & jugulat.
 » Neque iracundiam solum, & furorem, & amaritudinem, sed
 » ipsum etiam clamorem ab ore fidelium arcet, & refecat. Omnis
 » enim, ait, iracundia, & furor, & convitium tollatur à vobis cum
 » omni malitia. Num ista tibi parva videntur? Ergo paululum
 » exspecta, dum his longè maiora referamus, quæ de tolerantia
1. Theff. 5. » malorum omnibus præcipit. Sol, inquit, non occidat super ira-
 » cundiam vestram. Videte, ne quis malum pro malo cuiquam
 » reddat, sed semper quod bonum est, persequimini invicem,
Rom. 12. » & in omnes. *Rursusq:* Noli vinci à malo, sed vince in bono
 » malum. Vidistine Philosophiam, & longanimitatis magnitudi-
 » nem ad ipsum supremum culmen ascendentem? Audi, quid
 » de Charitate etiam loquatur, quæ caput bonorum omnium, &

lumina est. Cum enim illam vehementer extolleret, ejusque merita insignia prosequeretur, eandem se à seculi hominibus, exigere ostendit, quàm à Discipulis Christus. Ut enim Salvator hunc, tandem extremum ait esse charitatis finem, si quis animam suam pro amicis ponat: ita Paulus quoque idipsum significavit, cum diceret: Charitas non quærit quæ sua sunt; atque ejusmodi Charitatem sequi nos jubet; quid igitur hac Philosophiâ majus, aut dignius inquirere possemus? Cum enim & furore, & iracundia, & clamore, & pecuniarum cupiditate, & ventris ingluvie, & magnificentia vestium, & inani gloria, & aliis seculi rebus superiores esse nos jubeat: nihilque commune habere cum terra; cumque mortificare membra nostra præcipiat: constat profectò ipsum non minorem à nobis vitæ diligentiam requirere, quàm requirat à Discipulis Christus. Ufque adeo verò peccatis esse mortuos jubet, ac si jam & mortui, & sepulti simus. Idcirco enim ait: Qui autem mortuus est, jam justificatus est à peccato. Nonnunquam verò ad ipsius Christi imitationem summa vi exhortationis inducit. Cum enim nos diligere admonet, inde potissimum sumit exempla: ita cum ad malorum quoque tolerantiam, atque ad humilitatem, hortatur. Cum itaque non Monachos tantum, vel Apostolos, sed etiam ipsum Christum imitari nos jubeat, eisque qui non imitantur, supplicia maxima intenter, quâ tu tandem ratione illam dicis esse majorem altitudinem? Eandem enim omnibus, ascendere propositum, & imperatum est. Sed hoc planè est, quòd evertit Orbem universum, quòd summâ vitæ benè agendæ, diligentia Monachis opus esse arbitramur, cæteris negligenter viverelicere. Non ita sanè, non ita est, sed eadem ab omnibus Philosophiæ ratio requiritur: atque id equidem vehementer affirmaverim, imò verò non ego, sed ipse Judex omnium Christus. Sin verò tu adhuc hæres & titubas: agè rursus tibi eisdem verbis aures repleamus, ut omnis abs te & malitia, & infidelitas fugetur. Faciam autem hujus rei documentum ab ipsis cruciatibus diei illius horribilis, nimiumque metuendæ. Dives profectò ille, non quòd Monachus crudelis fuerat, idcirco vehementius cruciabatur: sed si quid loqui ex nobis audeamus, quod

1. Cor. 13.

Rom. 6.

„ quod tamen veritati contrarium non sit, ideo exurebatur maxi-
 „ me, quod seculo deditus cum esset, & in divitiis ac delitiis dege-
 „ ret, & purpurâ operiretur; Lazarum supremâ inopiâ vexatum,
 „ aspernatus est. Virgines item, quia clementiâ & humanitate
 „ carverunt, ideo cælesti thalamo exclusæ sunt: & ut ipse aliquid
 „ adjiciam, quod verisimile existimo, non solum cruciatus illis ad-
 „ diti non sunt Virginitatis gratiâ, sed ob eandem ipsam mitiores
 „ quoque pœnas exceperunt. Neque enim illis dictum est: Itē
 „ in ignem æternum, diabolo & angelis ejus præparatum: sed so-
 „ lum, Non novi vos. Sin verò dicat aliquis, hoc idem esse quod
 „ illud est, neque ego contendam: quod enim mihi nunc maximè
 „ incumbit id profectò est, ut ostendam Monachorum vitam gra-
 „ viora non attrahere supplicia, verùm iisdem quoque peccantes
 „ seculi homines obnoxios fieri. Is etiam qui sordidis vestibus
 „ amictus fuit, quique centum nummos summâ improbitate re-
 „ quisivit, non quòd Monachi fuerunt, ea passi sunt, quæ passi re-
 „ feruntur: sed alter ob fornicationem; alter quòd non donasset
 „ injurias, perierunt. Sed & alios quoque dum punirentur, si
 „ quis inquirat diligentius, pro peccatorum tantum meritis eos
 „ cruciatus perpeti animadvertet. Neque verò in inferendis so-
 „ lum cruciatibus, sed etiam in sancendis legibus id Christum fe-
 „ cisse reperies. Etenim cum dicit: venite ad me omnes qui la-
 „ boratis, & onerati estis, & ego reficiam vos: tollite jugum me-
 „ um super vos, & discite à me, quia mitis sum, & humilis corde,
 „ & invenietis requiem animabus vestris: non Monachos tantum
 „ alloquitur, sed & omne prorsus hominum genus. Itemque
 „ cum jubet per angustam viam ingredi: non istos modò, sed om-
 „ nes omnino homines hoc imperio convenit. Cumque odif-
 „ se animam suam in hoc mundo, atque cætera ejusmodi juberet,
 „ nullum hominum genus exceptit. Cum verò non omnes allo-
 „ quitur, neque jura & leges omnibus constituit, hoc ipse nobis
 „ insinuat aptius. Denique cum de Virginitate loqueretur, ad-
 „ junxit: Qui potest capere, capiat: neque *Omnis* adjiciens, ne-
 „ que id *in præcepti Ordine* statuens. Ita Paulus quoque (nam om-
 „ nibus locis Magistrum imitari deprehenditur) cum in hanc
 „ decidisset materiam, agebat: De Virginibus autem præceptum
 „ Domini

Matth. II.

Matth. 19.

Domini non habeo. Itaque quod ad eandem vitæ diligentiam, supremumque perfectionis fastigium per Divinas leges pariter, & Secularis, & Monachus cogantur: quodque ambo si ceciderint, æqualia sint excepturi vulnera, neminem jam quantumlibet ille sit contentiosus, & impudens, contradicendum existimo. Et paulò infra: Quid igitur? Omnesne qui Matrimonii vinculis adstricti sunt, peribunt? Non equidem id dico, sed majoribus, ut servari possint, laboribus eis opus esse confirmo, ob imminentem necessitatem. Nam eo qui ligatus fuerit, is qui solutus est & facilius longè & expeditius curret. Num ergo majore ille idcirco mercede donabitur, illustrioribus coronis? Minime verò; sibi enim ille hanc necessitatem conscivit, cum liceret effugere, si vellet. Hactenus S. Chrysostomus.

Officia & actus vitæ Christianæ patent plerique ex dictis. Sed quia status non modo Secularium verum & Religiosorum, ac Ecclesiasticorum continentur sub statu vitæ Christianæ, itaque ejus Actus dividuntur in Actus vitæ Activæ, Contemplativæ, & Mixtæ, de quibus & eorum praxi ibidem infra.

SECTIO II.

De Opposito statui Vitæ Christianæ Supernaturalis sive Spiritualis in genere.

Dico Primò: Id Oppositum est Permanentia in servitute vitiosa Peccatorum, ut hæc sunt difformia dictamini practico rationis proponenti Primam Regulam morum, quatenus lumine fidei cognita.

Dicitur; permanentia in servitute &c. quæ particulæ sunt de ratione status. Unde dicitur: *Servi corruptionis: à quo enim quis superatus est, hujus & servus est.* Quia peccatum suo pondere quodammodo premit, & ad alium vel similem actum peccati iterandum, multum inclinat, & trahit hominem, ut se difficulter ab ejus jugo excutiat, nisi specialis gratia succurrerit. Dicitur; *Vt hæc sunt difformia &c. quatenus lumine fidei cognita* Per quod differt ab Opposito statui in ratione moris naturali: quia in hoc plerumque spectatur peccatum Philosophicum (utpote ex ignorantia veri DEI vel ejus mandatorum proveniens) sicut in opposito statui vitæ Christianæ

2. Pet: c: 2:

1. 19.

stianæ spectatur peccatum Theologicum, cuius etiam notitia et si ex principiis naturalibus possit haberi, supernaturaliter tamen ex principiis fidei accipitur.

Dico Secundò. *Motiva ad deserendam Vitam, statui Christiano oppositam, hæc proponuntur.* Quia difformiter viventes statui Christiano Primo comparantur arboribus infructuosis, immundis

Serm. de S. Benedicto Abbat. „bestiis, unum fiunt cum dæmone, Ita D. Bernardus: sunt inquit,
„Arbores infructuosæ, ut quercus, & ulmus, & sylvestres aliæ
„arbores: sed huiusmodi nemo plantat in horto suo, quia non faciunt fructum, & si quem faciunt non humano esui aptus est, sed
„porcino. Tales sunt Filii huius seculi, agentes in comestationibus & ebrietatibus, in crapula & voracitate, in cubilibus, &
„impudiciis. Hæc namque porcorum cibus sunt, quos Judæus
„verus prohibetur comedere, quia Christianus his non debet
„adherere. Sicut enim caro porcina cum comeditur, adhæret
„carni, ut jam sit una caro: sic transgressor præcepti Dominici,
„spurcos sibi sociat Spiritus, & ad hærendo eis unus cum eis efficitur
„Dæmon. Nam & idcirco in sacrificiis prohibetur animal
„illud offerri, quod spurcos spiritus immundosque designet; qui
„relictâ omni munditiâ, solis sibi spurcitiis complacentes, vitiorum
„& criminum semper cœno delectantur involui.

S. Bernardus. *Secundò.* Mali Christiani sunt persecutores Christi. Hinc
Serm. in Cant. „citatus S. Doctor ait: Intestina & insanabilis est plaga Ecclesiæ, &
„ideo in pace amarissima, sed in qua pace pax est, & non est, pax à
„paganis, pax ab hæreticis, sed non profectò à filiis. Vox plantis
„Ecclesiæ, etiam tempore isto: filios enutrivit, & exaltavit,
„ipsi autem spreverunt me, spreverunt, & maculaverunt me.
„Nunc frustra clamat Christus de levitate oneris sui, sine causa jugum
„suum suave prædicat; quandoquidem & ab ipsis, qui Christi-

Serm. 1. in Convers. S. Pauli. „stiano censentur nomine onus diaboli, & jugum car-

„nis, atque seculi huius delectabilius reputatur. Et alibi idem Sanctus
„Paulus: Sicut ipsum Christum persequuntur, qui ab eo utique
„Christiani dicuntur; amici tui DEUS & proximi, adversum te
„appropinquaverunt, & steterunt; conjurasse videtur contra te
„universitas populi Christiani à minimo usque ad maximum.

Salvian. lib. 4. de Providentiâ. „Tertiò. Sunt Opprobrium Christi. Unde Salvianus: Fru-

stra

stra nobis de prærogativa & nomine Christianitatis blandimur, qui ita agimus ac vivimus ut hoc ipsum quod Christianus populus esse dicimur, opprobrium Christi esse videatur. *Et mox:* Ubi est Lex Catholica, quam credunt? Ubi sunt Pietatis & Castitatis præcepta, quæ discunt? Evangelia legunt, & impudici sunt: Apostolos audiunt, & inebriantur: Christum sequuntur, & rapiunt: Vitam improbam agunt, & probatam legem habere se dicunt, &c. In nobis Christus patitur opprobrium, in nobis patitur Lex Christiana maledictum, dum dicitur: Ecce quales sunt qui Christum colunt; falsum planè est quod ajunt se bona discere: si enim bona discerent, boni essent. Talis profectò secta est, quales & sectatores: hoc sunt absque dubio quod docentur: Sancta à Christianis fierent, si Christus sancta docuisset. Estimari itaque de cultoribus suis potest ille qui colitur. Quomodo enim bonus Magister est, cujus tam malos videmus esse discipulos? Ex ipso enim Christiani sunt, ipsum audiunt, ipsum legunt.

Ecce qualia Infidelium Paganorum contra Christum ob Christianorum malitiam dicteria! quidni similia Schismatici, Hæretici, adversus sanctam Catholicam, Apostolicam, Romanam Ecclesiam evoment probra ob improbitatem plurium Catholicorum? Væ mundo Christiano, Catholico, à scandalis! Væ per quos blasphematur Nomen DEI, & sincera ac sancta veritas fidei! Equidem tales fiunt duplo gehennâ digniores. Potius igitur juxta monitum Principis Apostolorum: *Conversationem Vestram inter gentes* (& hæreticos) *habentes bonam, ut in eo quod detrectant de vobis, tanquam de malefactoribus, ex bonis operibus vos considerantes, glorificent DEVM in die Visitationis.*

Quartò. Quia paucissimi salvantur. Unde s. Chrysost. ad V. Tulas orbis sui temporis populum Antiochenum loquitur: Quot esse putatis in Civitate nostra qui salvi fiant? infestum quidem est quod dicam, dicam tamen: Non possunt in tot millibus centum inveniri, qui salvantur: quin; & de his dubito. Quanta enim in juvenibus, quæso malitia? quantus in senibus torpor?

Quintò. Quia quod Christus Judæis suam doctrinam audientibus miracula cernentibus, minus tamen ea curantibus est

comminatus, id equidem & Christianis improbis pavendum ne eveniat, nempe iudicium severius, damnatio atrocior & profundior infra Gentiles aliosque Infideles.

Prima Comminatio: *Viri Ninivite surgent in iudicio cum generatione ista, & condemnabunt eam; quia poenitentiam egerunt in predicatione Jonæ: & ecce plus quam Jonas hic: Nempè Christus Dominus personaliter quidem Judæis, Christianis verò sui benedicti Evangelii, & plurium Sanctorum Doctorum, Prædicatorum verbis prædicans poenitentiam, non temporalem Ninive, sed æternam cuiusque Animæ denuncians subversionem, seu in locum ignis ardentis & sulphuris mersionem; Ninivite tamen ad unius hominis vocem asperam ducentes poenitentiam suo exemplo condemnabunt impoenitentes Judæos, & Christianos.*

Ibidem.

Secunda Comminatio: *Regina austri surget in iudicio cum generatione ista, & condemnabit eam: quia venit à finibus terræ audire Sapientiam Salomonis, & ecce plusquam Salomon hic. Id est Regina Saba, auditâ famâ sapientiæ Salomonis, licet cum summa difficultate longissimi itineris, & relictæ sui Regni, venit tamen præsens audire sapientiam Salomonis. Hæc verò generatio (id est Judæica, imò & malorum Christianorum) cum sine tantis difficultatibus majorem Sapientiam Salomone quia increatam audiat non tamen credit ei (ut fecerunt Judæi) vel credenda non facit, ut Pseudo Christiani. Igitur in extremo iudicio Regina Saba non auctoritate suâ, sed comparatione sui melioris facti condemnabit hunc incredulum & inobedientem populum. Ut qui noluit discere veram Sapientiam futurus inde gloriosus, pereat in sua stultitia, perrenniter ignominiosus.*

Matth. II.

Tertia Comminatio: *Vae tibi Corozain! Vae tibi Bethsaida! quia si in Tyro & Sydone factæ essent virtutes, quæ factæ sunt in vobis, olim in cilicio & cinere poenitentiam egissent. Veruntamen dico vobis: Tyro & Sydoni remissus erit in die iudicii quam vobis. Et tu Capharnaum nunquid usque in Coelum exaltaberis? usque in infernum descendes: quia si in Sodomis factæ fuissent virtutes, quæ factæ sunt in te fortè mansissent usque in hanc diem. Veruntamen dico vobis, quia terra Sodomorum remissus erit in die iudicii, quam tibi. An & inter Christianos tot tantæque Virtutes seu*

Mira-

Miracula non sunt patrata, & patrantur, ut suâ multitudine excedant numerum, suâ magnitudine Christi quoque (juxta ejus promissum: *Qui Credit in me. Opera quæ ego facio & ipse faciet, & Joban. 14. majora horum faciet*) Signa & ostensa superent? Novit hæc, qui vitas Sanctorum fide dignissimâ conscriptas legerit: Novit qui ubique orbe terrarum Christiano Capellas, Altaria, Imagines, aureis, argenteisque tabellis & similibus monumentis mirabilium DEI, ordinarium cursum naturæ excedentium, exornatas conspexerit. Videntur hæc, prædicantur hæc, ut firmior fides, clarior DEI notitia, major DEI timor & amor, dignior poenitentia & probitatis fructus sequantur: Ast in cassum. Imò potius abundavit iniquitas, refrixit charitas multorum. Quid igitur? Væ malis Christianis! quia Tyriis, Sydoniis, Sodomitis, Turcis, Hæreticis tolerabilius erit in illa die iræ. Si enim tanta frequentia miraculorum inter eos contingeret, tot minis judicii DEI, ignis æterni terrentur, tantis promissionibus perennis felicitatis allicerentur, equidem in cinere & cilicio poenitentiam agerent, vitam in melius commutarent, quod perversi tepidiq; refugiunt facere Christiani. Porro profundiores infra omnes damnationem Christianis imminere patet. Ex altiori quippe gradu gravior ruina, quod in Angelis quoque malis constat, altioris Hierarchiæ detrusis in ima profundis. Et *servus qui cognovit voluntatem Domini sui & non fecit secundum voluntatem ejus, vapulabit multis: qui autem non cognovit, & fecit digna plagis, vapulabit paucis.* Appositè hic infertur illa anima Gentilis condemnati, quæ ad S. Macarium Alexandrinum ista protulit: *Major poena subitus nos est. Nos qui ignoravimus DEVM, vel ad Patrum modicum habemus aliquid misericordiae, hi verò qui cognoverant & negaverunt DEVM (factis autem suis Pseudo-Christiani negant DEVM ad Tit. II. v. etsi ore eum fateantur) neque fecerunt voluntatem ejus; hi sunt subitus nos. 16.* O infelicem sortem in abyssu gehennæ locatorum! qui quod profundius ibidem merguntur, eò acriores vindicis flammæ cruciatus experiuntur, amarioriq; æternum durantis mortis tormento agonizant. Profundiori enim carceri proportionata adeoque major vis malorum correspondere debet.

Prætex & Modos transeundi à Statu peccati ad conformiter vivendum Statui Christiano vide supra cap. 3.

Luce 6. 12.

Vide Rosciū dum in vita

modicum habemus aliquid misericordiae, hi verò qui cognoverant & negaverunt DEVM (factis autem suis Pseudo-Christiani negant DEVM ad Tit. II. v. etsi ore eum fateantur) neque fecerunt voluntatem ejus; hi sunt subitus nos. 16.

ALIA PRAXIS

Reformandi vitam reprobam Christianorum,
quæ hisce perficitur mediis.

Primò. Si parentes liberos suos timore DEI & pietate mox à teneris informant, juxta quod dictum est infra de Officiis parentes & inter liberos. Ad quod Curati animarum parentes cohortentur in Concionibus & Confessionibus. Secundò. Si in scholis, doctrinâ simul & virtute juvenus imbuatur. Adnitantur Curati, ut villanorum & rudiorum liberi ad minus legere discant, & Catechesi informantur. Tertiò. Si Confraternitates sanctas v.g. S. Rosarii, S. Scapularis, &c. Christiani assumant, & Constitutiones expleant. Quarto. Si frequentius ad Sacramenta poenitentiae, & Sanctissimæ Eucharistiæ recurrant. Quintò deniq; Si zelosi Curati animarum, earum salutem bono exemplo, oratione, doctrinâ publicè & privatim, opportunè importunè promoveant: impossibile enim ut tali modo ex Lapidibus seu induratis cordibus Christianorum, plures haud fiant filii fidelis Abraham Patris omnium credentium & bene viventium. De Officiis Cu-

In summa ratorum vide suis locis: Tum de Missionariis, qui quantum *Theol. spir. sec.* ciunt & facere possint emolumentum in Ecclesia Christi, ibidem 3. Et par: 1. c. animadvert. Ex probis namque Pastoribus pendet vita ovium 1. sec: 2. subf. 8. Christi.

CAPUT VI.

De Statu Vitæ Christianæ seu Spiritualis, ejusque Opposito in Specie.

Status Vitæ Christianæ seu Spiritualis, dividitur in statum ad particulare bonum Spirituale cujusque in singulari, ordinatum: & in statum ad publicum bonum Ecclesiæ Spirituale, destinatum. Prima Pars divisionis, subdividitur in statum Communis vitæ Christianæ: & in statum Perfectionis assequenda,

dæ, qui est status tendentium ad perfectionem. *Secunda* pars divisionis vocatur aliter, nempe status Perfectionis exercendæ, seu Perfectorum; & subdividitur non tam in status, quam in gradus varios. Item status vitæ Christianæ alio modo dividitur in statum vitæ Activæ, Contemplativæ, & Mixtæ. Quia ad statum Communis vitæ Christianæ, propriè quidem pertinet Vita Activa, non tamen Contemplativa, & Mixta; etsi utriusque subindè exercentur actus in Vita Communi. Deindè in statu assequendæ perfectionis alii ad eam tendunt per officia Vitæ Activæ, alii per munia Contemplativæ. Quancquàm una vita alterius etiam assumit exercitia, quatenus sunt necessaria ad gradualem vitæ Christianæ profectum, usque ad ejus culmen perfectionis; Sic status vitæ Contemplativæ prærequint primò exercitia Activæ, status quoque Activæ non proficit solis suis officiis ad altitudinem perfectionis, nisi mediis actibus vitæ Contemplativæ.

SECTIO I.

De statu Communis Vitæ Christianæ.

Est autem hic status permanentia in Ecclesia Christi quoad exercitium virtutum necessitatis, ortum ex libero arbitrio, & gratia DEI supernaturali, per aliquod motivum fide Divinà propositum, ad obtinendum finem supernaturalem. Dicitur: quoad exercitium virtutum necessitatis: ubi intelliguntur virtutes omnibus Christianis necessariae, tum necessitate medii, tum necessitate præcepti, ad obtinendum finem supernaturalem. Et ita omnibus Christianis lapsis in peccatum est poenitentia necessaria ad recuperandam gratiam. Deinde ad eandem gratiam conservandam, & augendam, necessaria est observatio mandatorum DEI, & Ecclesiæ; qualia mandata DEI continentur in Decalogo, tum sparsim in Evangelio v. g. Dilectionis DEI, proximi, etiam inimici, misericordiæ &c. Et universaliter quæ infra ponuntur & probantur sub officiis Vitæ Activæ, & virtutibus infra enumerandis in gradu necessitatis. *Re- Præced: c. 5.*
liquæ particule Asserti explicatæ sunt supra. Vocatur autem hic status Com- sec: 1. §. 1.
 munis: quia omnibus Christianis convenit, & ad æternam salutem est necessarius. Talis autem status est ptoprius Laicorum & Con-
 K juga-

jugatorum: non quod ipsi in eodem statu non possint, aut de facto non exercent opera virtutum supererogationis: sed ideo, quod ad eadem opera aliunde minimè obligentur, sicut obligantur existentes in statu perfectionis.

Matth. 22.

Quod verò in hoc statu existentes suo modo obligentur tendere ad perfectionem Christianam innuit illud DEI mandatum: *Diliges Dominum DEVM tuum ex toto corde tuo, & in tota anima tua, & in tota mente tua: Hoc est maximum & primum mandatum. Secundum autem simile est huic: Diliges proximum tuum sicut teipsum. In his duobus mandatis universa Lex pendet & Prophetæ.* Ad quam perfectionem ordinarie non pervenitur, nisi per puritatem à mortalibus, & voluntariis venialibus peccatis, & ad minus per exercitia Virtutum necessitatis, tum aliqua supererogatoria opera, ut fusè patet ex dictis præcedenti Cap. 5.

Non tamen dicitur hic status Communis vitæ Christianæ status perfectionis assequendæ, ex eo, quod non obligetur tendere ad eam per actus supererogatorios, à quorum obligatione alii dicuntur esse in statu perfectionis assequendæ per antonomasiam, quod scilicet tendentia ad perfectionem per actus præcepti seu necessitatis, vix æstimeretur propter suam difficultatem, & tarditatem; comparata ad tendentiam per actus supererogatorios, propter suam facilitatem, & velocitatem; quæ difficultas, & tarditas, tum facilitas, & velocitas, provenit à prædictis actibus virtutum necessitatis, & supererogationis. Supererogatoriorum enim actuum est ardens & heroicum exercitium, tum ex sui natura, tum ex vi voti, vel alicujus obligationis; quibus actibus uno agmine prosternuntur omnia impedimenta perfectionis, & facilitatur homo, ut currat imò volat ad culmen virtutis.

Incitamenta ad vitam rectè instituendam in statu Communis vitæ Christianæ eadem serviunt, quæ præceden: Cap: 5. sect: 1. De Praxi vide ibidem sect: 1. & 2.

SECTIO II.

De statu Perfectionis assequendæ, seu Tendentium ad Perfectionem.

AD evitandam æquivocationem præmitto aliud esse statum perfectionis assequendæ, & aliud ipsam perfectionem.

Hæc

Hæc enim est tanquam finis status perfectionis: ad quem finem, status perfectionis habet se in ratione medii. Unde optimè Abbas Moyses insinuat dicens: *Nostra professio* (id est perfectionis status) *habet scopum proprium ac finem suum, pro quo omnes illius status labores sustinet.* Porro hic scopus est Christianæ vitæ Perfectionis. Status itaque tendentium ad perfectionem, *Est permanentia* Vide c. 5. sec: in Ecclesia DEI quoad exercitium Virtutum supererogationis, ortum &c. l. § 1. Ut supra.

Dicitur; *Permanentia in Ecclesia DEI*: Ubi supponitur stabilis quædam & immobilis ratio vivendi proveniens ex obligatione aliqua alia (nempe vi voti solennis, vel privati) supra obligationem Communis Vitæ Christianæ. Dicitur; *quoad exercitium Virtutum supererogationis*: per quod hic status distinguitur à statu Communi Vitæ Christianæ, tanquam includens ab incluso: cum hic ad sola mandata DEI obstringatur: ille insuper præter Divina jussa, ad Consilia Evangelica obligetur.

Porro ejusmodi status perfectionis assequendæ, in re, est idem quod & status Religiosorum, & solo nomine differunt. Quia & in fine nempe consequenda perfectione Charitatis, ac peculiari Cultu & gloria DEI; Tum in mediis, quæ sunt ultra observantiam mandatorum professio etiam consiliorum, (quibus nihil accommodatius ad obtinendam Charitatis perfectionem) conveniunt.

Status Religiosorum seu tendentium ad perfectionem alius est completus, alius incompletus, de quibus sequitur.

SUBSECTIO I.

De Statu vitæ completo Religiosorum, seu Tendentium ad Perfectionem.

Dico Primò: Is status est, firma & stabilis ratio vivendi quoad actuale exercitium Consiliorum Evangelicorum, Paupertatis, Castitatis, & Obedientiæ, juxta Regulam in Ecclesia DEI approbatam, ex intentione consequendi perfectionem charitatis, aliosq; fines supernaturales.

Dicitur: *Firma &c. ratio vivendi*: quia de conditione status ut sic, est firmitas & stabilitas, quæ in Religioso statu fundatur immobiliter ex obligatione factæ professionis per tria vota Paupertatis,

Castitatis, & Obedientiæ, tum promissionis servandorum Statutorum, & Regulæ alicujus approbatæ. Dicitur: *quoad actuale exercitium*, &c. Ubi explicantur quæ sunt essentialia & necessaria status Religiosi, seu status perfectionis in genere, nempe Paupertas, Castitas, & Obedientia. Quia si velit quispiam tendere seu progredi viâ aliquâ ad certum terminum, necessario & de essentia illius progressus est; viæ impedimenta tollere, & positivos gressus formare: ita & in viâ Spiritualis tendens ad perfectionem, nisi hujus viæ obstacula removerit, detinebitur à progressu; & nisi actus perfectionis seu supererogationis virtutum, potissimum ex motivo charitatis, quasi gressus quosdam posuerit, minimè perveniet ad perfectionem. Porro impedimenta viæ perfectionis sunt, Bona mundi hujus, uti divitiæ: Bona corporis, uti voluptates: Bona animi, uti honores: quorum Bonorum appetitus, cura, sollicitudo, à Divinorum contemplatione & amore abstrahunt, & innumeris peccatis ac imperfectionibus implicant. Hæc autem impedimenta, nempe Bona mundi, Paupertas; Bona corporis, Castitas; Bona animi, Obedientia; remonent. Unde tali respectu hæc virtutes conducunt negativè ad perfectionem, scilicet removendo prohibens perfectionem. In quo autem gradu perfectionis eadem consilia Evangelica servari debeant, & quæ virtutes accessoriæ ad illorum expeditum exercitium adhibendæ sint, uniuscujusq; Religionis suæ præscribunt Regulæ, & Statuta. Nam V. G. perfectior est gradus paupertatis in Seraphico Ordine strictioris observantiæ, qui renuit etiam dominium in Communi & quoad usum, quàm in aliis Religionibus, quæ idem dominium admittunt. Similiter actus indifferentes, & virtutes auxiliatrices præfatorum trium Consiliorum, plures vel pauciores, perfectiores vel imperfectiores, unaquæque Religio præscribit, ut v. g. ad exactum exercitium paupertatis aliæ Religiones præscribunt laborem manuum; mendicitatem; ciborum, vestimentorum, suppellectilis extremam vilitatem, & paucitatem, &c. Aliæ verò non ita. Deinde in subsidium Castitatis, apud alias Religiones est strictior clausura, plures abstinentiæ, disciplinæ, cilicia, &c. apud alias verò non ita stricta &c.

Quod autem concernit Virtutes positivè conducentes ad pro-

progressum in via perfectionis, hæc variae sunt pro varietate Religionum: Nam aliae sunt quæ præscribunt in suis Regulis Virtutes vitæ Activæ, aliae vitæ Contemplativæ, aliae vitæ Mixtæ; & quidem in perfectiori vel minùs perfectiori gradu: sicut & Virtutes adjunctrices seu accessorias earundem Virtutum. V.G. vitæ Contemplativæ uti solitudinem, silentium, &c. Strictius vel minùs strictè præscribunt.

Cæterùm Ohedientia hoc habet præ Paupertate & Castitate, quod non tantùm ut illæ negativè removendo obices proprios, & alienos, per imperium, sed etiam positivè conducatur ad perfectionem, imperando virtutes cujusque vitæ juxta Regulas & Statuta cujusvis Religionis. Atque ita omnes Virtutes, & actus indifferentes, in statu Religioso reducuntur ad tria vota Paupertatis, Castitatis, & Ohedientiae: tanquàm accidentalialia ad sua essentialialia. Castitas verò, & Paupertas, cum aliis, revocantur ad Ohedientiam, tanquàm membra ad suum caput, Charitate animatum: revocantur autem non quomodocunq; sed juxta præscriptum cujusque Regulæ. Secundùm quarum Regularum diversitatem accidentalem, Religiones quoque diversificantur nonnisi accidentaliter. *Secundò*: in eadem descriptione status Religiosi ponitur; præfatorum trium votorum juxta præscriptum alicujus Regulæ approbatæ actualis exercitium. Per quod ostenditur, non sufficere ad statum Religiosum, esse obligatum iisdem votis quasi in potentia seu in habitu, sed necessariò requiri hæc vota cum suis accessoriis virtutibus exercere in actu secundo, idque dum se offert occasio exercendi sub obligationibus, Mortali, Veniali, vel sola Pænali, stringentibus ad eadem vota servanda, ac suas accessorias virtutes, juxta præscripta Regulæ. Quia quoad *Primum* frustraneus talis foret status, & nomine tenens materialiterque Religiosus, qui non exiret in actum: Deinde; Tendere ad Terminum aliquem, adeoque & perfectionem, dicit in usu Communi, non tam potentialem, quam actuale tendentiam. Quoad *Secundum* nempe determinando tempus istius tendentiae, dum scilicet urget obligatio Regularis vitandæ culpæ mortalis; quia hæc absolutè invertit statum tendentium a qualiter ad perfectionem, etsi non invertat habitualiter scilicet vim obligativam: jam verò ad suum statum servandum

Religiosus vi professionis suæ stringitur graviter. Item dum urget obligatio sub culpa veniali: quia etsi hanc pro præsentī vita ex ignorantia, aut fragilitate, plerumque cavere nequeamus, ex malitia tamē committendam, sicut & affectum ad venialia, mortificare possumus, & debemus: quia & diminuunt fervorem charitatis, & ad mortale peccatum sunt proxima dispositio; jam verò status perfectionis requirit etiam cavendum proximum suæ everfionis periculum. Item dum urget obligatio legis pænalis, saltem pleniusque & ordinariè hæc servanda est, & dum non servatur, ut animus semper sit paratus ad suscipiendam poenam: quia absolute, vel raro nolle servare ejusmodi leges, vel pro earum transgressione nolle recipere poenas, est abjicere maxima subsidia & fulcra, sine quibus vix aut ne vix quidem servari possunt Consilia Evangelica, ipsa media perfectionis. Porro dum quis tenetur tueri formam, uti Religiosus tria vota formam status sui, tenetur tueri & accidentia, sine quibus non conservatur forma. Item tenetur ad aliqua extraordinaria opera supererogationis accommoda suo statui, quæ nullâ lege præcepta, aut promissa sunt. V. g. ad aliquas mortificationes, pietatis charitatisque opera, cum facultate tamen Superiorum, vel Spiritualis Patris. Alioquin talis videretur non habere animum, aut saltem pusillum tendendi ad perfectionem Charitatis, cujus acquisitio consistit tum in sui frequentato actu imperante & elicitō, tum in propria Filiorum DEI indole, qui in testificationem sui in Patrem amoris, illi placita, etsi non obligati, operantur.

Dicitur in descriptione; *ex intentione consequendi*, &c. idq; vel immediate operando ex ipso motivo Charitatis, vel mediate operando ex aliis virtutum motivis, sed tandem ultimatè propter Charitatem, intendendo formaliter, aut virtualiter, ad ejus venire perfectionem. Ratio est: quia deficiente fine, deficiunt & media: v. g. deficiente civitate, deficit via ad ipsam, quia dum ipsa non datur, nec via ad ipsam datur, sed ad aliquem alium terminum. Ita quoque dum perfectio in intentione ad eam perveniendi non datur, non datur quoque in tali persona formaliter status Religiosus, qui est medium & via ad finem perfectionis, vocaturque status perfectionis assequenda, frustra autem & esset, & vocaretur status

tus perfectionis assequenda, quam is status non intenderet assequi sed aliquid aliud, adeoque ex illo alio deberet denominari is status, & non ex ratione perfectionis. Ergo perfectio Charitatis debet semper esse in Intentione, formali vel virtuali, dum quicumq; actus habentur boni vel indifferentes in Executione. Atque ita feliciter perveniet ad intentum culmen Religiosæ Perfectionis. Dicitur; *aliasq; fines supernaturales* nimirum Charitatis perfectionem consequentes, quales sunt Sanctitas, Beatitudo propria, Gloria DEI, & Electorum.

Dico Secundò. Incitamenta ad vitam statui Religioso conformandi, seu tendendi ad Perfectionem, sequentia dantur. Primum Constans aliquot assertionibus Theologicis. Prima Assertio: obligari sub lethali culpa Religiosum ex vi status seu Professionis suæ, quæ vovit, & promisit servare integrè tria vota Evangelica paupertatis, castitatis, & obedientiæ secundum sui Ordinis Regulam & cætera omnia specialia præcepta suæ Religionis præter communia, tendere ad perfectionem. Aliæ assertiones ex P. Eusebio Nierenbergio: Nimirum *Secunda assertio est*, Religiosum qui non intendit perfectionem, sed contentus est solâ præceptorum, & votorum observantiâ, quæ obligant sub mortali, nihil amplius volens proficere, peccare in hoc, & suæ obligationi non satisfacere, & hæc etiam est sententia omnium. In specie quidem P. Thomæ Sanchez dicentis: *Peccat quoq; mortalitèr Religiosus contra hoc præceptum tendendi ad perfectionem, si servans Regulam, & vota, intendat non attingere perfectionem vite Religiosæ, neq; finem per illam intentum.* Et P. Suarez ait: Vix potest moralitèr contingere, ut homo etiam secularis habeat firmum propositum nunquam peccandi mortaliter, quin consequenter nonnulla opera supererogationis faciat, & habeat formale, vel virtuale propositum illa faciendi; quia sicut substantia creata non potest sine omnibus accidentibus conservari: ita nec substantia charitatis, & amicitia DEI potest sine aliquibus operibus, quæ sint extra substantiam ejus, existere. Ergo servatâ proportionem non potest Religiosus habere firmum propositum servandi omnia ad charitatem, & perfectionem ejus necessaria in tali statu, quin paratus sit multa in particulari agere bona & honesta, quæ præcepta non sunt; quia

Vid. D. Thom.

22. quæst. 186.

A. 1. & 2. Item

Suar. de Statu

Relig. Tom. 4.

lib. 1. cap. 4. est

communis.

Euseb. Nicr.

Doctrin.

ascet. lib. 1.

cap. 34.

Lib: 6. cap. 5.

num: 10.

Tom: 4. de

Relig. lib: 1. c.

4. n. 12.

Tract. de
Vita solitar.
cap. 2.

„non possunt moraliter hæc ab illis sejuugi. Hæc fundantur in
„authoritate S. Bernardi, qui ait: Altissima est professio vestra,
„Cælos transit, par Angelis est, Angelicæ similis puritati. Non
„enim solum vovistis omnem sanctitatem, sed omnis sanctitatis
„perfectionem, & omnis consummationis finem. Non est ve-
„strum circa communia præcepta langvere. Neque hoc solum
„attendere quid præcipiat DEUS, sed quid velit, probantes, quæ
„sit voluntas DEI bona, & beneplacens, & perfecta, Aliorum
„est enim DEO servire; vestrum adhærere. Aliorum est cre-
„dere, scire, amare, revereri; vestrum est sapere, intelligere, co-
„gnoscere, frui. Magnum est hoc, arduum est hoc, sed omni-
„potens & bonus est, qui in vobis est pius promissor, fidelis red-
„ditor, & indefessus adjutor. Tertia assertio est: Religiosum verè
contemnentem perfectionem, peccare mortaliter, in hoc etiam
omnes conspirant. Quarta, & certissima est: Teneri saltè omnes
Religiosos ad eam media perfectionis, quæ in singulorum regulis,
& constitutionibus præscribuntur.

Secundum incitamentum. Quia nulla excusatio restat Reli-
giosis, cur suo statui nequeant conformiter vivere. Ita D. Ber-
nardus, dum ait: Nam de ignorantia Fratres, quanam excusatio
nobis, quibus nunquam doctrina cælestis, nunquam Divinale-
ctio, nunquam spiritualis eruditio deest? Quæcunque vera
sunt, quæcunque pudica, quæcunque iusta, quæcunque amabi-
lia, quæcunque bonæ famæ, si qua virtus, si qua laus disciplinæ,
hæc discitis & accipitis, hæc auditis pariter & videtis, in exemplis
videlicet & verbis eorum, qui inter vos sunt perfecti, quorum
exhortatio, & conversatio plenius erudit universos. Utinam
autem hæc ut intellectum admonent, moveant & affectum; ne
sit intus amarissima contradictio, & divisio molestissima, dum
hinc quidem sursum trahimur, sed retrahimur inde deorsum.

Tertium. Quia convenienter Statui Religioso viventes,
mirabiles experiuntur effectus, ut patet ex dictis ejusdem Melli-
flui Doctoris: Nimirum inquit ille, advertere potes in omnibus
fere Religiosis congregationibus, viros repletos consolatione,
superabundantes gaudio, jucundos semper & hilares, ferventes
Spiritu, die ac nocte meditantes in lege DEI, crebrò suspicientes

in cœlum, & puras manus in oratione levantes, sollicitos observatores conscientiarum, & devotos sectatores bonorum operum; quibus amabilis disciplina, dulce jejunium, vigiliæ breves, labor, manuum delectabilis, & universa denique conversationis hujus austeritas refrigerium videatur.

Quartum. Ipsa excellentia & multiplex bonitas Status sui commonet Religiosum ad omne vitæ decorum. Breviter hoc bonum status Religiosi, enumerat citatus S. Doctor dicens: Bonum est nos hic esse: (id est in Religione) quia hic homo vivit purius: cadit rarius: surgit velocius: incedit cautiùs: quiescit securius: irroratur frequentius: purgatur citius: moritur confidentius: remuneratur copiosius. S. Laurentius Patriarcha Venetus de Religiosorum institutis & felicitate differens, in hæc denique verba prorupisse fertur: Consultò DEVS gratiam Religionis hominibus occultavit: nam si cognosceretur ejus felicitas, omnes ad eam concurrerent.

Serm. ad Fratres de Monte.

Servius Tullius in Vita.

Quintum. Ab exemplo mundanorum, quærentium peritura, ut tantâ sollicitudine Religiosi quærant æternum mansura, sic discurrere sæpe laudato S. Doctore: Quid enim totâ die super id, quod videris habere, insipienti cogitatione versaris? esto magis sollicitus, ut scias quid desit tibi. Hoc enim melius. Utinam, Fratres, nos sic essemus cupidi gratiæ spiritualis quemadmodum, seculares homines pecuniæ temporalis. Debuimus, certè & multum debuimus vincere in bono malum, & tantò amplius desiderare, quanto pretiosius est, quod desideramus, sed utinam vel æquales esse possumus. Magna enim confusio, magna valde, quòd ardentius illi pernitiola desiderant, quàm nos utilia: citius illi ad mortem properant, quàm nos ad vitam. Quanto ergo desiderio pecuniæ crucietur avarus, quanto gloriæ appetitu ambitiosus exæstuet, quàm violenter denique sua trahat quemque voluptas, quis explicet? Videas certè eos, quidquid adepti sunt parvipendere, non attendere quanto labore & desiderio ea vix tandem consequi potuerunt: quoniam vilescunt eis omnia præ desiderio minoris fortè rei, quàm alteri cœperint invidere.

S. Bernardus Serm. 36. de perfect. Milit.

Sextum. A Christo Domino absolutissima Idea in progressu perfectionis, qui proficiebat Sapientiâ, & ætate, & gratiâ, apud DEVM Lucæ cap. 2. & homines: Deinde subditus Parentibus usque ad 30. Annum obedi-

dientem, pauperem, & absconditam seu quasi monasticam id est solitariam vitam duxit: Tandem obediens usque ad Crucis patibulum, in illo pauper, nudus, & desolatus, mortuus est. Tum ab exemplo Apostolorum; quorum unus, Doctor gentium inquit:

Epist. ad Philippi. cap. 3.

Non quod jam acceperim, aut jam perfectus sim: sequor autem si comprehendam, in quo & comprehensus sum à Christo Jesu. Fratres, ego me non arbitror comprehensisse. Vnum autem quæ quidem retro sunt, obliviscens: ad ea verò quæ sunt priora extendens me ipsum ad destinatum persequor, ad braviū supernæ vocationis DEI in Christo IESU. Tum ab admirando & indefesso studio perfectionis Fundatorum Religionum, & earum primævi fervoris. Quibus competit illud Ecclesiastici:

Ecclesiast. cap. 44.

Laudemus viros gloriosos & parentes nostros in generatione sua. Et infra: Homines magni Virtute & prudentiâ suâ præditi. Et paulo post: Homines divites in Virtute, pulchritudinis studium habentes. Et illud

In Hist. B. Jo- sabbat cap. 12.

apud S. Joannem Damascenum: Beati isti, ac ter beati, ut qui DEI amore flagrarunt, atque ob ipsius caritatem omnia pro nihilo duxerunt. Siquidem lachrymas profuderunt, diuque ac noctu in luctu versati sunt, ut perpetuam consolationem adipiscerentur: seipsum ultro depresserunt, ut illic in altum attollerentur. Carnes suas fame, ac siti, & vigiliis confecerunt, ut illic Paradisi deliciæ, & exultatio ipsos exciperent. Seipsum mundo crucifixerunt, ut ad Christi dexteram starent. Nam cum mentis oculis præditi essent, horrendum illum diem semper prospiciebant, atque tum futurorum bonorum, tum futuri supplicii contemplationem ita in corde defixam gerebant, ut ab ipsa nunquam divellerentur. Atque hic laborare studuerunt, ut sempiternæ gloriæ compores essent. Afferat hic Magister Spiritualis quisque in sua Religione suorum Patrum fervorem, rigorem,

Henriq. in Menol. Cisterciens.

perfectionem, sanctitatem prout E. G. de primis Religiosis Clara-vallensis Monast. S. Ordinis Cisterciensis monumenta ejusdem Cænobii hæc breviter referunt: In Cimiterio Abbatum continentur etiam ossa Monachorum, Conversorum, & Novitiorum, qui in veteri Abbazia sub Beatissimo Patre Nostro Bernardo, in illis seculis aureis, in illo magno fervore, in illa sancta paupertate, & austeritate, primordialibus vixerunt, & feliciter obierunt.

Quan-

Quando pulmentum eorum de fagorum foliis sæpius conficiebatur, & panis non tam furfureus quam terreus videbatur.,

Officia & Actus Status Religiosi videre licet ex dictis. Eorum tamen natura, proprietates, & praxis sub statu vitæ Activæ, Contemplativæ, & Mixtæ, aliisque in locis enucleatius dilucidantur. Hic interim seriò recolligat se quisque Religiosus, an Paupertatem, Castitatem, & Obedientiam observet secundum Regulam & instituta sui Ordinis, aliæque specialia Præcepta propriæ Religionis. Sin ita, agat DEO gratias, & in melius proficiat: sin minùs; evigilet tandèm aliquandò è Lethargo animæ, & incipiat sine dilatione agere, quod agendum in æternum expediat.

SUBSECTIO II.

De Opposito Statui vitæ completo Religiosorum, seu Tendentium ad Perfectionem.

Dico Primò. Ejusmodi oppositum, est permanentia in Vitiis paupertati, castitati, obedientiæ, earumq; accessoriiis Virtutibus, tum aliis institutis Regularibus, contrariis, &c. ut supra. Accessoriæ Virtutes hic intelliguntur, sine quibus tria Vota vix servari queunt, suntque tanquam formæ accidentales, conservativæ formæ substantialis: Ut v.g. Castitas sine abstinentia, ac multiplici mortificatione, sine ferventi oratione, &c. facile labitur. Cap. 5. sec. 2.

Porro vitia Pseudo-Religiosorum in Conclusionem subaudita Zelotes ille Christi *D. Bernardus* pleraque enumerat & perstringit in sui temporis Religiosis, quæ an & modò vigeant, quisque Superior suam Congregationem, quisque Religiosus suam personam consideret: & si repererit, radicitus extirpet; sin minus, DEUM benedicat. Dicit itaque præfatus S. Pater: Miror unde inter Monachos (*Religiosos*) tanta intemperantia in commensationibus & potationibus, in vestimentis & lectisterniis, & equitaturis, & construendis ædificiis inolescere potuerit, quatenus ubi hæc studiosius, voluptuosius, atque effusius fiunt, ibi Ordo melius teneri dicatur, ibi major putetur Religio. Ecce enim parcitas putatur avaritia, sobrietas austeritas creditur, si-

S. Bernardus in Apologia de vita & moribus Religiosorum.

„lentium tristitia reputatur. Econtra remissio discretio dicitur,
 „effusio liberalitas, loquacitas affabilitas, cachinnatio iucunditas,
 „mollities vestimentorum & equorum fastus, honestas; lecto-
 „rum superfluous cultus, munditia. Cumque hæc alterutrum
 „impendimus, charitas appellatur. Ista charitas destruit cha-
 „ritatem: hæc discretio discretionem confundit; talis misericor-
 „dia crudelitate plena est, quâ videlicet ita corpori servitur, ut ani-
 „ma juguletur. Quæ enim charitas est, carnem diligere, & spi-
 „ritum negligere? Quæve discretio totum dare corpori, & ani-
 „mæ nihil? Qualis verò misericordia, ancillam reficere, & do-
 „minam interficere? Nemo pro huiusmodi misericordia speret
 „se consequi misericordiam, quæ misericordibus promittitur in
 „*Matth. 5.* Evangelio, Veritatis ore dicentis: *Beati misericordes, quoniam ipsi*
 „*misericordiam consequentur.* Sed certissimè potiùs poenam expe-
 „ctet, quam tali (ut ita dicam) impio misericordiam sanctus Job ma-
 „gis prophetizando quàm affectando, imprecatur: *Non sit iniqui-*
 „*ens in recollectione, sed conteratur quasi lignum instructuosum.* Dignæ
 „*Job. 24.* planè retributionis causam mox subinfert satis idoneam dicens:
 „*Parvit enim sterilem & quæ non parit, & viduæ (seu animæ) non benefecit.*
 „Et paulo post S. Doctor ait: Sub hac tamen abusione jam ferè ubi-
 „biq; sic pro ordine tenentur, ferè jam ita ab omnibus sine querela
 „atq; irreprehensibiliter observâtur, quanquàm dissimiliter. Non-
 „nulli quippe his omnibus tanquàm non utentes utuntur, & ideo
 „aut cum nulla offensa, aut cum minima. Aliquanti quippe hæc
 „agunt ex simplicitate, aliquanti ex charitate, aliquanti ex neces-
 „sitate. Quidam namque simpliciter ista tenent, quoniam sic eis
 „præcipitur, parati aliter agere, si aliter præciperetur. Quidam
 „autem ne discorditer vivant ab eis, cum quibus habitant: sectan-
 „tes in his non suam libidinem, sed aliorum pacem. Alii verò,
 „quia resistere non valent multitudini contradicentium, qui hæc
 „utique tanquàm pro ordine, liberâ voce defendunt, & quoties
 „isti aliqua (prout ratio dicat) restringere vel mutare incipiunt,
 „illi mox totâ eis autoritate resistunt. Quis in principio cum
 „Ordo incepit Monasticus, ad tantam crederet Monachos inerti-
 „am devenire? O quantum distamus ab his, qui in diebus Anto-
 „nii exitière Monachi! Siquidem illi cum se invicem per tempus

ex charitate reviferent, tantâ ab invicem aviditatē panem animarum percipiebant, ut corporis cibum penitus obliti, diem plerumque totum jejunis ventribus, sed non mentibus transigerent. Et hic erat rectus ordo, quando digniori parti prius inserviebat: hæc summa discretio, cum amplius sumebat, quæ major erat: hæc denique vera charitas, ubi animæ, quarum charitate Christus mortuus est, tantâ sollicitudine refocillabantur. *Nobis autem convenientibus in unum* (ut verbis Apostoli utar) *jam non est Dominicam coenam manducare.* Panem quippe coelestem nemo est qui requirat, nemo qui tribuat. Nihil de scripturis, nihil de salute agitur animarum, sed nugæ, & risus, & verba proferuntur in ventum. Inter prandendum quantum fauces dapibus, tantum aures pascuntur rumoribus, quibus totus intentus, modum nescias in edendo.,,

1. Cor. II.

Quæritur ad induendum non quod utilius, sed quod subtilius invenitur, non quod repellat frigus, sed quod superbi- re compellat: non denique (juxta Regulam) quod vilius comparari potest, sed quod venustius imò vanius ostentari. *Infert deinde S. Pater de primitiva Ecclesia, quod dividebatur singulis, prout cuius opus erat, & dicit:* Non igitur quod quisque pueriliter gestire poterat. Sanè ubi tantum quod opus erat accipiebatur, ibi nihil proculdubio ociosum admittebatur; quanto magis nihil curiosum? quanto magis nihil superbum? Quod inquit opus erat. Hoc est quantum ad indumenta, quod & nuditatem tegetet, & frigus repelleret. Putasne ibi cuiquam galabrunum, aut issembrunum, quærebatur ad induendum? cuiquam ducentorum solidorum mula parabatur ad equitandum? Putasne inquam, cuiuspiam ibi lectuli opertorium cattinum, aut discolor barricanus operiebat, ubi singulis dividebatur tantum, prout cuique opus erat? Non illic arbitror valde curatum fuisse de precio, de colore, de cultu vestimentorum, ubi tam indefessum inerat studium in concordia morum, animorum coherencia, profectuque virtutum. *Multitudinis inquit credentium erat cor unum, & anima una.,*

Act. 4.

Dico Secundo. *Incitamenta ad reformandam vitam Statui Religioso convenientem, hæc afferuntur.* Primum. Religiosum irreligiosè seu seculariter viventem, sive perfectioni assequenda minime studentem

Subf. prec. dentem esse in statu æternæ damnationis, patet ex supradictis.
 2.2. q. 87. a. 8. Ratio hæc addi potest: quia juxta D. Thomam *Votum gravius quam*
juramentum obligat. Igitur contra vota sua peccantes Religiosi gra-

Lib. 1. Doctr.
ascet. cap. 36.

„tati à Nierenbergio: Religiosi deformati, in quibus parva, aut nul-
 „la est rigoris, aut disciplinæ observantia, qui carnaliter vivunt, &
 „mundanis vanitatibus plerumque otiositati, & loquacitati vacan-
 „tes, innumerabilia prorsus incidunt vitia, non venialia solum sed
 „& mortalia quoque; imo tota vita eorum est quasi quoddam
 „peccare continuum, præsertim, quia & hæc ipsa bona quæ age-
 „re videntur, tam negligenter, irreverenter & tepide, tam inordi-
 „natè agunt, ut magis sit offensivum DEI, quàm honorativum, ac
 „reconciliativum ipsius. Tales enim qui in sæcibus suis jugiter
 „manent, qualiter confitentur, qualiter celebrant, qui se in nullo
 „emendant; imo de multis, quæ mortalia sunt, nullam sibi con-

In Homil. ad
Monach.

„scientiam facere comprobantur? *Confirmat id ex Eusebio Emisse-*
 „no, qui ait: Venire quidem ad claustrum summæ perfectionis
 „exordium est; sed non perfecte in monasterio vivere summa
 „damnatio est. *Iterum inquit: Habet hoc infelix consuetudo pec-*

Psal. 9.

„candi, ut quantò amplius quis peccaverit, tantò minùs peccata
 „ipsa intelligat, & tantò plùs eum peccare delectet, ut eveniat illi,
 „quod ait Propheta: *Non est DEVS in conspectu ejus.* *Auferuntur ju-*

Epist. 137.

„dicia tua à facie ejus. Et S. Augustinus simile quid habet ad Clerum
 „& populum Hipponensem dicens: Sicut non vidi meliores his,

S. Hier. in Reg.

„qui in claustris profecerunt, ita non vidi deteriores his, qui in
 „claustris virtuosè se habere non studuerunt. Imò, S. Hieronymus
 „in regula sua testatur: sine spiritali charitate, quæ sine humili-
 „tate, mansuetudine, patientia, justitia, aliisque virtutibus non ha-
 „betur, claustra sunt tartara, & habitantes in eis sunt Dæmones;
 „cum charitate verò sunt paradisi in terris, & habitatores sunt
 „Angeli.

Secundum. Religiosum irreligiosum esse simulatorem.
 2.2. q. 4. q. 4. se. 1. seu hypocritam & mendacem asserit D. Thomas: *Non committit*
 34. art. 4. ad aliquis mendacium vel simulationem ex hoc, quod aliquis non est perfectus,
 2. qui statum perfectionis assumit, sed ex eo, quod ab intentione perfectionis ani-
 mum revocat.

Textum.

Tertium. Quia vita Religiosi vitiosa & ingratitude abigit repellitque gratiam DEI Audi *S. Bernardum*: Sed vā tibi! si forte, *S. Bern. Serm.*
vitiis & peccatis perniciosior successerit ingratitude. Quid e- *3. in Annunt.*
nim tam evidenter gratiæ adversatur? Tepeſcimus ſucceſſu *Domini.*
temporis à fervore converſationis noſtræ, paulatim refrigerſcit,
charitas, abundat iniquitas, ut conſummemur carne, qui ſpiritu
coeperamus. Inde enim eſt ut minus ea ſciamus, quæ à DEO
donata ſunt nobis, indevoti pariter & ingrati. Timorem Do-
mini relinquimus, religioſam omittimus ſolitudinem; verbosi,
curioſi, faceti, etiam detractores & murmuratores, vacantes nu-
gis, fugientes labores diſciplinæ, quoties ſine nota id licet; quaſi
verò conſeſtim ſit etiam ſine nota. Quid ergo tantis repulſam
obſtaculis gratiam nobis deeſſe miremur? Et alibi: Hinc mihi *S. Bern. Serm.*
Fratres triſtitia magna, & dolor continuus eſt cordi meo, quòd, *2. Dom. 6. poſt*
nonnullos tam pronos ad levitatem, & riſum, & ad ſcurrilia ver- *Pentecoſt.*
ba tam faciles video: ut pertimeſcam valde, ne fortè plus quàm
expediat Divinæ miſericordiæ ſint immemores, & ingrati tam
multis beneficiis ſuis, aliquando deſerantur à gratia, quam non
ut gratiam venerantur. Nam de eo quid dicemus, qui in mur-
mure & impatientia obſtinato obduratur animo, aut quem pœni-
tet adhæſiſſe DEO, & contra morem, & contra rationem bonum
factum pœnitentiā comitatur, qui ſine dubio miſerationibus
DEI non modò non habet gratiam, ſed contumeliam reddit?
Omnino enim quantum in ſe eſt, parum honorat eum, à quo vo-
catus eſt, quiſquis ei ſervit in triſtitia & rancore; ſi tamen ſervi-
re ei quis poteſt in ea triſtitia, quæ ſecundum carnem eſt, & mor-
tem operatur. Putas ergo, quia major illi detur gratia, & non
magis etiam quod videtur habere, auferatur ab eo? Nonne e-
nim jure perditum reputatur, quod ingrato donatum eſt? Aut
dediſſe non pœnitet, quod periſſe videtur?

Quartum. Quia irreligioſi in ſui Ordinis laboribus & one-
ribus deſolari, præguſtant in præſenti infernum. Unde verò
hæc deſolatio, ac quomodò ei obviandum mellifluo ſtylo *S. Bern. Serm.*
vardi accipe, qui ait: Non dubito ego intellectum omnium, *3. in Aſcenſ.*
qui eſtis, illuminatum eſſe, ſed non affectum æque eſſe purga- *Domini.*
tum, manifeſtis approbo conjecturis. Omnes quod bonum eſt,
noſtis

„nostis, & viam, quā incedere, & quomodo in ea incedere debea-
 „tis, sed voluntas non una est. Quidam enim ad omnia viā
 „& vitæ huius exercitia non solum ambulant, sed & currunt, imo
 „potius volant, ut eis & vigiliæ breves, & cibi dulces, & panni sva-
 „ves, labores non solum tolerabiles, sed & appetibiles videantur.
 „Alii autem non sic, sed corde arido & affectione recalcitrante,
 „vix trahuntur ad hoc, vix gehennali timore compelluntur: quos-
 „dam nec compellimus quidem, quibus frons mulieris meretricis
 „facta est, & nolunt erubescere. Sunt iterum multi inter eos, qui
 „de uno pane comedunt nobiscum, cantant nobiscum, laborant
 „miseri & miserabiles, utpotè socii tribulationis, sed consolatio-
 „nis non ira. Nunquid abbreviata est manus Domini ut omni-
 „bus donare non possit, qui aperit manum suam, & implet omne
 „animal benedictione? Quid ergo in causa est? illud omni-
 „no quia non vident Christum, cum tollitur ab eis, id est, non co-
 „gitant, quomodo eos orphanos reliquerit, quod peregrini &
 „advenæ sint super terram, quod tamdiu faculenti corporis hor-
 „rido carcere teneantur, & non sint cum Christo. Huiusmodi
 „autem si diu permanferint sub onere, aut opprimuntur, aut suc-
 „cumbunt, aut quoddammodo in inferno sunt, ut nunquam ad
 „plenum respirent in lucem miserationum Domini, nec in liber-
 „tatem spiritus quæ sola facit jugum suave, & onus leve. Inde au-
 „tem tam pernitiola repiditas emanat, quia affectus, id est voluntas
 „eorum nondum purgata est, nec bonum sic volunt, sicut nove-
 „runt, à propria concupiscentia abstracti graviter & illekti. A-
 „mant enim in corde suo terrenas consolatiunculas, sive in verbo,
 „sive in signo, sive in facto, sive in aliquo alio, & hæc interrumpunt
 „aliquando, non tamen penitus rumpunt. Idè est, quod
 „raro affectiones suas dirigunt in DEUM, & eorum compunctio
 „non continua, sed horaria est. Impleri autem visitationibus Do-
 „mini anima non potest, quia abstractionibus subjacet; quanto
 „magis his evacuabitur, tanto ampliùs illis implebitur. Si mul-
 „tùm, multùm; si parùm, parùm; vel certè si magis probas; nun-
 „quam istæ illis misceri poterunt in æternum, quia ubi vasa vacua
 „non inveniunt, oleum stare necesse est: Non mittunt vinum novum
 „nisi in utres novos, ut ambo conserventur. Neque enim spiri-

tus & caro, ignis & tepiditas in uno domicilio commorantur
 præsertim cum tepidus ipsi Domino soleat vomitum provocare.
 Sic etiã Apostoli adhuc carni Dominicæ inhaerentes, quæ sola san-
 cta quia Sancti sanctorum, erat, Spiritu Sancto repleti neque ve-
 runt, donec tolleretur ab eis; tu carni tuæ, quæ sordidissima est,
 diversarum spurcitiarum phantasiis repleta adstrictus & conglutina-
 tus, illum meracissimum Spiritum te putas suscipere, nisi carneis
 istis consolationibus funditus renunciare tentaveris? Revera,
 cum inceperis, tristitia implebit cor tuum: sed si perseveraveris,
 tristitia tua convertetur in gaudium. Tunc enim purgabitur
 affectus, & voluntas renovabitur, vel potius nova creabitur,
 omnia quæ primò difficilia imò impossibilia videbantur, cum
 multa percurrentur dulcedine & aviditate: *Emitte, inquit, Spi-* *Psalm. 103.*
ritum tuum & creabuntur, & renovabis faciem terræ. Sicut per faciem
 exterior homo cognoscitur, sic per voluntatem demonstratur in-
 terior. Emissio ergo Spiritu creatur & renovatur facies terræ,
 id est terrena voluntas fit cœlestis, parata ad nutum citius obedire.
 Beati qui tales sunt, qui non solum malum non sentiunt, sed in mi-
 ra quadam cordis dulcedine commorantur. De illis enim quos
 supra commemoravimus, terribiliter ait DEUS: Non perma-
 nebit Spiritus meus in hominibus, quia caro sunt, id est carnales,
 & quidquid in eis Spiritus fuerat, in carnem evanuit. *Idem alibi.* *S. Bernard.*
 Contra sanè invenire est homines pusillanimes, & remissos, defi- *Serm. 5. in A-*
 cientes sub onere, virgâ & calcaribus indigentes, quorum remissa *scen. Domini.*
 lætitia, pusillanimis tristitia est, quorum brevis & rara compun-
 ctio, animalis cogitatio, tepida conversatio; quorum obedientia
 sine devotione, sermo sine circumspectione, oratio sine cordis
 intentione, lectio sine ædificatione, quos denique (ut videmus)
 vix gehennæ metus inhibet, vix pudor cohibet, vix frænat ratio,
 vix disciplina coercet. Non tibi horum vita inferno penitus
 appropinquare videtur; dum intellectui affectu repugnante, ne-
 cesse habent mittere manum ad opera fortium, qui cibo fortium
 minimè sustentantur? Socii plane tribulationis, sed non conso-
 lationis. Exurgamus obsecro quicumque ejusmodi sumus, re-
 sarciamus animas, Spiritum recolligamus, abjicientes pernicio-
 sam tepiditatem, etiam non quia periculosa est, & DEO solet (ut in-

terdum miserabiliter plangimus) etiam vomitum provocare:
certè quia molestissima, plena miseriæ, & doloris, & inferno
planè proxima, umbra mortis jure censetur.

Quintum. Quia quod in Seculari levis nævus, hoc in Reli-
gioso est gravis macula censore *S. Gregorio Nazianzeno*, dum in-
quit: Illud velim ne ignores, rugam unam tibi turpiorem esse,
quàm maxima vulnera sis, qui in mundo vivunt. Neque enim
tam notabilem, ac conspicuam in fordidis, quàm in puris unius
coloris vestibus, labes aliqua foeditatem habet.

Sextum. Quia inertes tepidique Religiosi morem indu-
unt asini. Ita *S. Bernardus* inducens ordinem Processionis
S. Bernard. Christi Domini in Dominica Palmarum dum ait: Ipsum quo-
Serm. 2. Dom. que jumentum cui infidebat, non defuit, quod designat duos
Palmar. corde, & animo quoddammodo bestiales. Verùm non fuit a-
nimalium ibi hujusmodi copiosior multitudo, nec oportuit. Ta-
les enim magis oneri sunt quam honori, nec propter eos Proces-
sio valde gloriosior est. Hujusmodi namque cantare non no-
runt, sed malè sonoros dant rugitus. Ipsi sunt, qui virgâ sem-
per & calcaribus egent. Sed si qui tales sunt hîc, quibus gravis
sit Ordo, & omnia onerosa: quos pungi frequenter oporteat &
urgeri: obsecramus eos, ut studeant de jumentis, si fortè que-
ant, in homines commutari, & computari inter eos, ut aut de
præcedentibus, aut de adhærentibus & de collateralibus, aut de
sequentibus sint. Quod si non faciunt, obsecro ut vel in eo quod
sunt permaneant, & patienter interim ferant quæ salubria sunt,
etsi minùs fravia, donec complaceat Domino respicere humili-
tatem eorum, & in melius aliquid eos promovere.

Septimum. Quia irreligiosos præ secularibus gravius expen-
S. Bernard. ditætat judicium, & quare, docet *S. Bernardus*: Et ego dico vobis si
Serm. 2. in Fe- minus boni in secularibus invenerit, majorem in eis Dominus
sto SS. Petri & habiturus est patientiam, quàm in nobis, quibus celestium con-
Pauli. solationum pluviam voluntariam segregavit, quibus non farcu-
lus disciplinæ, non paupertatis & vilitatis stercora defuerunt.
An non stercora sunt abominationes, (*id est bona mundi*) Ægyptio-
rum, quas immolamus DEO nostro, stercora planè vilia ad aspe-
ctum, sed ad fructum utilia. *Et paulo post.* Terrenum habenti-
bus

bus sterquilinum ipsa quoque caelestis non deest pluvia, quæ est, orationum devotio, jucunda ruminatio psalmodiæ, dulcis meditatio, consolatio scripturarum. Denique & hæc ipsa pluvia est, quam accipitis per os meum, si quando de flumine, cujus impetus lætificat Civitatem DEI, & torrente voluptatis illius aliqua, super vos, dum de eis loquimur, stillicidia stillare contigerit.

Octavium. Quia laxantes Ordinis disciplinam citò grave judicium DEI portabunt, & vitia inducentes in Congregationem sunt Proditores Castrorum DEI, exquisitis cruciandi tormentis.

Sic affirmat mellifluus Doctor: Omnino proditorem sese noverit, si quis forte (quod absit) vitia, quælibet in hanc domum, conatur inducere, & templum DEI speluncam facere dæmoniorum.

S. Bernard.

Serm. 3. in de-

dicat. Templi.

Gratias DEO, non multos hic invenimus hujusmodi, sed tamen, deprehendimus interdum, fortè nonnullos, qui colloquantur hostibus, & paciscantur foedus cum morte, hoc est moliantur (quod in eis est) imminuere Ordinis disciplinam, intepescere fervorem, turbare pacem, lædere charitatem. Verùm nos quidem caveamus ab eis, quantum possumus: sicut scriptum est de quibusdam: JESUS autem non se credebat eis. Dico autem vobis, quialicet portentur modò, sed portabunt citò grave judicium, nisi se citius emendaverint, sicut grave damnum moluntur inferre. Quid enim frater? vanitati aut tepiditati, seu cuilibet alteri vitio fidem servas operibus, & DEO per tonsuram mentiris? Optimum certè castrum tulisti Christo, si inimicis ejus tradideris Claram vallem. Optimos inde singulis annis & pretiosos in oculis suis redditus accipit, & prædam multam, quam hostibus eripit, in hunc munitionis suæ locum solet inducere, & habet fiduciam multam in fortitudine ejus. Ecce enim quos redemit de manu inimici, & de regionibus congregavit eos, à solis ortu, & occasu, ab aquilone & mari. Quibus ergo proditorem caltri hujus, postquam deprehensus & comprehensus fuerit, (neque enim latere aut fugere poreft) quibus inquam putas, exponendum esse supplicii? Non utique communi cæterorum, morte damnabitur, exquisitis illum necesse est interire tormentis. Sed non modò plus immoror circa ista, credo melius deinceps ab hac execrabili prodicione cavebimus studentes de cætero

„majori sollicitudine, non attrahere, sed repellere vitia, quæcun-
 „que illa sint, seu carnalia, seu etiam secularia, ne proditorum no-
 „tam, vel poenam incurrrere mereamur.

Nonum. Quis Irreligiosi major est damnatio in Monaste-
 rio quam si mansisset in seculo: Ita S. Bernardus asserit: Væ homi-
 „ni illi per quem scandalum venit. Bonum erat ei, si natus non
 „fuisset homo ille. Natus sanè denuo, natus ad vitam, natus de
 „Spiritu, qui nimirum Carne postmodum consummatur. Expedi-
 „ei (si quis est) qui scandala suscitatur in hac domo, in hac Sancta
 „DEO placita, & Angelis ejus admodum grata ac familiari con-
 „gregatione, ut suspendatur in collo ejus mola asinaria, & pro
 „svavi jugo & levi onere Salvatoris, gravi mole terrenæ cupidita-
 „tis humeris ejus imposita, demergatur in profundum maris hu-
 „jus magni & spatiosi manibus, quod est sine dubio seculum ne-
 „quam. Minus enim damnabile erat ei in seculo magis perire
 „quàm in monasterio. Perire siquidem necesse est hominem,
 „qui charitatem non habet, etiam si tradiderit corpus suum, ita ut
 „ardeat.

Decimum. S. Pachomio apparuit de Religiosis visio ejusmodi:
 Dionysius E- Vidit sicut ipse narravit, multitudinem Monachorum in valle quadam profun-
 xig: Abb. Rom: da satis atq; caliginosa consistere: & alios exinde velle conscendere, nec vale-
 in Vita S. Pa- re, quia occurrebant ex adverso sibi, nec invicem dignoscere poterant, nec de
 chom. profundo illo & tenebroso loco prorsus emergere. Alios autem frustra conatos
 præ lassitudine ruere, atq; ad inferos per venire: alios autem jacentes mise-
 rabili ac lacrymosa voce deslere: nonnullos verò cum maximo labore conscen-
 dere, quibus ascensu ipso lux protinus occurrebat, in qua constituti reserebant
 DEO gratias, quod e vadere potuissent. Hæc visio S. Pachonii. Ex qua col-
 ligit Bellarminus, primum Principium relaxationis Regularium esse
 Bellarm de Co- cœcitatem mentis, ut idem Pachomius interpretatur. Ideo enim
 Gemitu Co- ligit Bellarminus, primum Principium relaxationis Regularium esse
 lumbæ, 2. c. 6. cœcitatem mentis, ut idem Pachomius interpretatur. Ideo enim
 dicitur multitudo monachorum visa esse in valle profunda, tene-
 brosa & caliginosa; quia multitudo ex monte perfectionis cecidit
 ad vallem profundam nimie relaxationis, comitante eos caligine
 mentis: non enim duxit eos stella ad præsepium Christi, id est
 non traxit eos Divina vocatio ad humilitatem Christi sectandam;
 sed carnalis sensus, qui mentem excoecat, duxit illos vel ad vitam
 commodiorem, cum essent pauperes; vel ad honores ambiendos

in Religione, cum in seculo non invenirent, quâ viâ possent ascendere; vel alio aliquo humano consilio vestem sanctam induerunt, sed mores non mutaverunt. Et quid mirum, si multi vestem religiosam induunt, & mores religiosos non induunt, cum non Spiritus Domini, sed carnalis sensus eos ad Ordinem Religiosum duxerit? Et unde contentiones pro praefecturis, & inimicitiae ac rixae in domo DEI, quæ est domus pacis, nisi quia plurimi non miseri sunt ab eo, qui dixit: *Tollite jugum meum super vos, & discite à me, quia mitis sum, & humilis corde?* Quare si ii, qui praesunt Ordinibus Religiosis velint Ordinem suum reformare, & ex valle ad montem ducere, oportet eos diligentissimè vigilare in exploranda vocatione eorum qui habitum petunt, nec tantum verbis explorare interrogando, sed etiam factis exercendo Novitios suos longo tempore in mortificatione passionum. Sed pergamus in explicanda visione Pachomii. In valle illa profunda quatuor Monachorum genera S. Pachomius vidit: **Primum** est eorum, qui conabantur ascendere, sed impediiebantur ab iis qui illis occurrebant, qui inter se non noverant. Hoc significat, non deesse in Ordinibus relaxatis, qui cupiant ascendere ad montem perfectionis: sed impediuntur malis exemplis aliorum, qui verbis & factis à bono proposito resiliere quodam modo cogunt. Dicuntur autem isti non se invicem cognoscere, quia putantur amici & fratres, & sunt hostes & inimici.

Matth. II.

Alterum genus est eorum, qui multum laborant in ascendendo, sed brevi fatigantur, & corruunt usque ad inferos. Id verò significat inveniri etiam in Ordinibus relaxatis, qui non solum cupiant ascendere ad perfectionem, ac plenam regulæ observantiam; sed etiam incipiunt laborare in superandis tentationibus, & extingvendis concupiscentiis: sed victi antiquâ consuetudine, tandem resiliunt à bono proposito, & ad sempiternum interitum ruunt.

Tertium est eorum, qui jacentes gemunt ac plorant, id est, qui nec conantur quidem ad montem ascendere, & cum exultatione cantare canticum graduum; sed jacent in sterquilinio suo torpentes, & aspiduè gemunt ac plorant non peccata sua, sed paupertatem.

pertatē, vel ignominiam, vel labores, ad quos inviti à Præfecto coguntur. O vita genus miserabile! isti sine Divina consolatione affliguntur, & sine bono merito laborant, & sic transeunt à labore ad dolorem, & à mortificatione temporali ad mortem sempiternam: qui si vellent ea, quæ patiuntur inviti, libenter pro Christo pati; jugum suave & onus leve experirentur in terris, & ingens præmium lucrarentur in Coelis.

Quantum genus eorum est, qui seridò, & invicto animo aggrediuntur ascensionem de valle lacrymarum ad montem Divinæ consolationis, & omnes difficultates forti animo superant, ac tandem ad mortem usque, perfectionem vitæ sectando, perseverant. Istis occurrit lux copiosa, quia paulatim purificatur cor eorum à nebulis errorum, & cognoscitur veritas, & veritas liberat. Sic enim loquitur Dominus: *Cognoscetis veritatem, & veritas liberabit vos.* Qui enim purificante & illuminante Domino incipit intelligere, nihil esse verè magnum nihil verè suave nihil verè utile hominibus, nisi gratiam DEI in hac mortali vita, & in futura vitam æternam; liberatur faciliè ab amore & timore mundano, & ingreditur viam pacis, per quam ambulat securus & gaudens, donec perveniat ad Civitatem Sanctam Jerusalem Cœlestem. *Hæc Bellarminus.*

*In Vita S.
Magdalene de
Paz.*

Videcimum incit. S. Magdalene de Pazis in extasim raptæ Dominus plurimum numerum animarum ostendit, quæ tanquam irretentibilia fulmina in profundum inferni tumultuariè violentèque cadebant. Responsumq; ei, quod hæ fuissent personæ religiosæ, quæ vivendo juxta placitum in Claustris non observarint vota promissa DEO, & præcipue votum paupertatis religiosæ, propterea sunt damnatæ ad poenas æternas. Insuper & propterea, quod habitu religioso tantum ad vanitatem & levitatem usæ fuerint, non servantes in illo modestiam & decentiam religiosam. Ex tali visione, plena cordiali dolore Magdalena, magno conatu affectus clamabat. O quanto melius factum fuisset, si hæ animæ mansissent in seculo! quàm manentes in Religione, non id servassent, quod solemnibus votis jurarunt DEO. Quoniam hoc ipso æternâ dignæ factæ sunt poenâ & incessabili tormento. Imo quod perfectioni non studuerint Religiosi, audi quid mereatur dicente

Centē venerab. Joanne à S. Samfone. Existimo nos fore profundius humiliandos & confundendos ex eo, quod perfectionis operibus non vacaverimus in statu Religionis, quàm pro omnibus peccatis vitæ adstat. relig. nostræ in mundo transactæ.

Duodecimum. Exemplum ethnicorum Religiosorum confundens quosdam perversos Religiosos Christianorum, ad eorum in die tremendi judicii profundiorē damnationem. *Laurentius Beyerlinck* hæc refert: Turci habent Religiosos multos habitu exteriori differentes, & arte diabolicā miranda facientes: quibus rebus miseram plebem decipiunt. Quidam incedunt nudi, operientes verenda tantum: tantam præferentes patientiam, ut impassibiles, neque hyemis sævitiam in frigore, neque æstatis ardorem in calore sentiant: stigmata, cicatrices, incisiones cutis, ulcerationes æque ferentes, si quis faciat, insensibiles penè. Quidam eò deveniunt abstinentiæ, & tantam induunt perfectionem, ut rarissimè cibum ac potum, nonnunquàm penitus sine cibo & potu degant. Alii magnam paupertatem professi nil de terrenis rebus cogitant, nec in crastinum aliquid reservant. Alii rursus perpetuum silentium tenent ut muti, Czamular dicti, nullam cum hominibus conversationem habentes, ac ne provocati quidem summis injuriis ac tormentis ad loquendum cogi possunt. Nonnulli centonibus variegati paupertatem repræsentant. Varios quoq; habent vivendi ritus. Aliqui inter homines conversantur; alii seorsum congregati in modum villæ; plerique in nemoribus ac locis desertis. Quidam in civitatibus aquam bajulant in utribus, ad bibendum optimam, nihil inde mercedis exposcentes, sed hospitalitatis officium exhibentes. Habitant aliqui circa sepulchra mortuorum, & ex oblationibus populi vivunt. Sunt qui Czofilar appellantur, quasi meditativi vel spiritualibus exercitiis dediti. Hi quasi successores Prophetarum, & Patrum, qui hanc sectam fundarunt, magnæ auctoritatis habentur; traditiones Patrum allegantes, & per meritum homines salvari asserentes sine gratia & lege, (quod Pereketallach vocant) intenti orationibus particularibus, exercitiis spiritualibus, vigiliis & meditationibus. Nunquàm enim orationem intermittunt continuam, quam ipsi Izillairaitmach vocitant. *Cuspin.* Hæc *Beyerlinck.* Væ! væ! væ! Christianis.

Theorem: spirit. de vocat. ad stat. relig.
Beyerl: in Theat: vitæ bum:

anis Religiosis irreligiosis, acediosis. Cur in impia gentilismi secta plūs valet doemon & natura, quàm in sanctissima fide Christi quoad improbos Religiosos DEUS & gratia? quia illi instinctibus naturæ & immundi spiritus morem gerunt, isti Spiritum S. cum gratia à se abigunt. Evigilate, evigilate, obcecati, obdurati ex abyſſo perditionis vestræ.

§ I.

Vide *fufius*
de gemitu Co-
lumbæ lib. 3.
c. 6.

PRAXIS reformandi vitam irreligiosam, est illam conformare ad Vota, Regulas, pias consuetudines sui Ordinis, per actus vitæ activæ, vel contemplativæ, vel mixtæ. Bellarminus ostendit ut Ordo Religiosus reformetur ad primam suam originem seu institutionem sex bonis ipsi esse opus, nimirum Humilitate, Paupertate, Castitate, Obedientia, Studio orationis, & Perfectione charitatis.

Porrò P. Joan. Lezana Carmel. in Praxi reformandi vitæ irreligiosam, & conservandi Religiosâ, hæc media à nobis in compendiu redacta; in lib: tit. **Disciplina Monastica** proponit. Cùm primis juxta

D. Dion: car-
thu: de refor:
Clauſ: c. II.

„ D. Dionysium Carthusianum, quo major est Reformatio Communi-
tatis, eò amplius dependet à DEO, & tantò plūs necessarium est
„ speciale subsidium directionis, & cooperationis Spiritus Sancti.
„ Abbas ergo sive Superior ad Reformationem suorum subdito-
rum verè & ordinatè volens procedere, in primis humiliet se
„ profundissimè coram DEO, propriam insufficientiam, totis præ-
cordiis confitens, adjutoriumque Divinum lacrymosè, affectu-
osissimè, & indefinenter exorans, ut se illuminet, dirigat, &
„ confortet ad exhortandum salubriter, ad agendum exemplari-
ter, ad consummandum feliciter; subditorumque corda digne-
tur misericordissimè intueri, mollicicare, & aperire ad audien-
dum, & consentiendum; ad perficiendum quod eis suadet, &
„ dicitur & ad quod tenentur. Deinde potens sit in op ere, exem-
plo reformandis prælucendo, tum potens ac frequens sermone
publicè & privatim exhortando, per Novissima quatuor ad Timo-
re & Spem excitando, Amorem Divinum convenientibus motivis
instillando, obligationem status Religiosi monstrando, pericula

Pseudo

Pseudo-Religiosorum horrenda indigitando, &c: Tum ita concitatis in bonum animis, Media evadendi aternitatis mala & consequendi bona, sequentia proponendo.

Media in reformatione Religiosorum adhibenda.

PRIMUM Medium: *Orationis Exercitium.* Hinc S. Bonaventurae Doctor ait: Revera Religiosus orationem assidue non frequentans non solum est miser & inutilis; quin imo coram DEO fert animam mortuam in corpore vivo. *Alibi quoque sic dicitur: Vita Religiosi sine studio devotionis internae, sicut favus sine melle, sicut murus absque temperamento, & sicut cibus absque condimento. Et rursus infra: Omnis Religio arida, & imperfecta est, & ad ruinam promptior, quae Spiritum Divinae Iuventutis non quarit, & praecipuum conamen ad studium internae pietatis non impendit. Nec sui oblitus eadem sepe repetit alio in loco sic dicens: Cavenda est perturbatio studii devotionis, ex qua fulcitur omnis vera Religio, & omne virtutis exercitium impingatur. Arida est omnis Religio, quae non oleo isto saginatur. Instabilis est bonorum operum structura, quae devotae Orationis frequentia non compaginatur: Sicut paries lapidum sine cemento. In omni Religione ubi Devotionis fervor repuerit, etiam aliarum virtutum machina incipit deficere, & appropinquare ruinae. Quare superiores Religiosorum omnibus viribus adnitantur, ut illis dulcescat oratio mentalis, & vocalis; eaque cum fructu frequentetur, ita enim reformati ab intra, facile omnem reformationem recipient ab extra.*

De Meditatione, Oratione, Contemplatione vide infra in l. 2.

SECUNDUM Medium: *Observantia Regulae, & Constitutionum, etiam in minimis.* Audi Mellissimum Doctorem dicentem: Rogo vos fratres & multum obsecro, sic agite, & sic stete in Domino dilectissimi, solliciti semper circa custodiam Ordinis, ut Ordo custodiat vos. Et S. Bonaventura dum ait: Optima Religiosi perfectio est, perfecte communia quaeque Conventualia servare. Item: Cum disciplina negligitur, insolentiae crescunt, ac per hoc,

N

negli-

S. Bonaventurae

de perfectio:

vita c. 5.

Idem in opusculo.

de pro: Rel:

lib. 7. c. 11.

Idem in lib. de

sex alis seraph.

c. 3.

D. Bernardus

epist. 321.

In spec. discipl.

dem in epist. » negligentia circa exercitationem virtutum exterius procedit in
 » scandalum, per eorum patentem ruinam, qui stare videbantur in
 » oculis aliorum. Ex quo fit; ut Sanctæ Religionis splendor præ-
 » fulgidus in pallorem degeneret, sanctitatis pulchritudo forde-
 » scat, bonæ opinionis odor computrescat, & nomen Domini blas-
 » phemetur. S. Antoninus Florentinus plurimum Religionum mise-
 D. Anto: 2. P. » rabilem casum referens, dum lamentabilis hujus ruinæ causam
 6.1. § 2. c. 23. tradit, non aliam assignat, nisi minimarum traditionum, & obser-
 » vantiarum contemptum, his verbis: Præfatæ Religionēs, quæ
 » cum magno fervore, & vitæ sanctimonia initium habuerunt,
 » minima negligentes traditionum paternarum, in processu tem-
 » poris paulatim defluerunt, & exinanitæ sunt usque ad funda-
 » mentum in eis. Hæc ille. Ergo Superiores zelosi & discreti, zelent
 » ut minima quoque observentur, negligentes puniant, discretè ta-
 » men, ut etiam nonnulla disimulent. Ne quid nimis per defe-
 » ctum, vel excessum.

Tertium Medium: *Amor Solitudinis.* Etenim si quod
 vitium Religiosorum nostri & præteriti seculi bonos mores cor-
 rumpere, fervorem extinguere aut bonam famam perdere potuit,
 nimia est, superflua prorsus impertinens, & vana extra Monaste-
 ria vagatio, & per vicos ac plateas Civitatum inquieta circuitio.
 Nihil magis perfectioni regulari adversum, fini Religiosi status
 contrarium, honorique Religionum oppositum credo imaginari
 posse. Si hoc ad Tartara truderetur vitium, cuncti Regulares
 gravi non urgente causâ Canobiorum cellis (ut multi ex eis faci-
 unt) addicti forent, facile crederem, in pristino nitore Religio-
 nes omnes esse posse. Hinc etenim Orationis iuge exercitium
 maneret, vitaretur otiositas, & regularis observantiæ amor stu-
 diumque, in dies magis ac magis succrescens, Cælum usque per-
 tingeret. Manifesta quoque innotesceret experienciâ, Sanctos,
 piosque Religiosos (quorum numerosa pars in Religionibus cer-
 nitur) ideo tales esse, quod Monasterii claustra, cellasque assidue
 colant. At quantum detrimentum Religionibus, Vagi, Errones,
 Deambulatoresque regulares (si qui sunt) pariant, ex Patribus
 advertere licet in sequentibus. Audiat primus celeberrimus
 ille primitivæ Ecclesiæ monachus monachorumque Sanctissimus

Arch-

Archimandrita, Abbas Antonius, de quo celebris illa sententia habetur: *Monachus extra Cellam, aut soli uicinem, est sicut piscis extra aquam.*

Addo aurea verba Authoris opusculi vitæ solitariae ita dicentis: „

Cella autem nequâquam debet esse reclusio necessitatis, sed domesticum pacis, ostium clausum, non latebræ, sed secretum. „

Cum quo enim DEUS est, nunquam minus solus est, quam cum solus. Tunc enim liberè fruitur gaudio suo, tunc ipse suus est „

sibi ad fruendum DEO in se & se in DEO. Tunc in luce veritatis, „

in sereno mundi cordis, ultro patet sibi pura conscientia, & liberè se infundit affectu de DEO memoria: & vel illuminatur intellectus, „

& bono suo fruitur affectus; vel se ipsum desert, humanæ fragilitatis defectus. Propter hoc secundum formam „

propositi vestri habitantes in Cælis potius quam in Cellis, exclusi „

à vobis toto seculo, totos vos inclusistis cum DEO. Cellæ „

siquidem & Cæli habitatio cognatae sunt, quia sicut Cælum, & „

Cella ad invicem videntur aliquam habere cognationem nominis, „

sic & pietatis. A celando enim Cælum & Cella nomen habere videntur: „

& quod celatur in Cælis, hoc & in Cellis: Quod geritur in Cælis, „

hoc & in Cellis. Quidnam est hoc? Vacare DEO, frui DEO; „

Quod cum secundum ordinem piæ, & fidei, ter celebratur in Cellis, „

audeo dicere, Sancti Angeli DEI Cellas habent pro Cælis, „

& æque delectantur in Cellis ac in Cælis. Nam, cum jugiter in Cella „

Cælestia æstinentur, Cælum Cellæ & Sacramenti similitudine, „

& pietatis affectu, & similis operis effectu, proximum efficitur. „

Nec jam spiritui oranti, vel etiam à corpore exeunti, „

à Cella in Cælum longa, vel difficilis via invenitur. A Cella enim sæpe „

Cælum ascenditur; vix autem unquam à Cella in Infernum descenditur: „

nisi sicut dicit Psalmista: *Descendant in infernum viventes*, „

videlicet, ne descendant morientes. Hoc enim modo sæpe Cellarum „

incolarum in infernum descendunt. Sicut enim assidue contemplando „

revisere amant gaudia Cælestia, ut ardentius ea appetant: „

sic & dolores inferni, ut horreant, & refugiant. „

Ethoc est quod imprecantur inimicis suis orantes, „

scilicet, ut descendant in infernum viventes. Moriens autem vix, „

aut nunquam aliquis à Cella in infernum descendit: „

quia vix unquam aliquis nisi Cælo prædestinatus, in ea usque ad „

Author apud

D. Bernardū

de vita soli. ad

Fra: de mont

DEL.

Exod. 3.

„mortem persistit. Filium enim gratiæ, fructum ventris sui Cella fovet, nutrit, amplectitur, & ad plenitudinem perfectionis perducit, & colloquio DEI dignum efficit; alienum verò vel supposititium abdicat à se citius & projicit. Unde ait Dominus ad Moysen. *Solve calceamentum de pedibus tuis: locus enim in quo stas, terra sancta est.* Morticinium enim mortuarum affectionum, vel hominem mortuum à corde, locus sanctus, vel terra sancta nequaquam diu patitur. Cella terra sancta, & locus sanctus est, in qua Dominus, & servus ejus sæpe colloquuntur, sicut vir ad amicum suum. In qua crebro fidelis anima Verbo DEI conjungitur, Sponsa Sponso sociatur, terrenis cælestia, humanis Divina uniuntur. Siquidem sicut Templum sanctum DEI, sic Cella est servi DEI. Et in Templo enim, & in Cella Divina tractantur: sed crebrius in Cella. In Templo visibiliter & figurativè aliquando Christianæ pietatis Sacramenta dispensantur, in Cellis verò sicut in Cælis ipsa veritate, ipso ordine, & si nondum ipsa puritatis majestate, vel æternitatis securitate res ipsa omnium Sacramentorum fidei nostræ assidue celebratur. *Hæc ille.*

Neque dicas cogi te ad egrediendum frequentius de Monasterio, ob procuranda necessaria corporis. Divinus enim Bonaventura experientiâ edoctus testatur, ex inhonesta Regularium deambulatione, non solum ad eleemosynas illis faciendas seculares non induci, sed potius ad odium erga ipsos excitari. Ergo in epistola quadam ad Provinciales sui Ordinis transmissa, in qua de

D. Bonayen: causis relaxationis Religionum loquitur, hæc dicit: *Occurrit evagatio plurimorum, qui propter solatium suorum corporum, gravando eos, per quos transeunt, non exempla post se relinquant vite, sed scandala potius animarum.*

Et Thomas de Kempis ait: *Vagus & otiosus Religiosus, qui otiosè circumcivit, donis Cælestibus indignus efficitur, & aliis est molestus.* Denique meminerit fidelis Christi promissi: *Querite primum Regnum DEI & justitiam ejus, & hæc omnia (necessaria) adjicientur vobis.* Quod mille millionibus historiarum probatum. Neque ob pietatis

Beat. Th. de prætextum supponas te sæpe evagari foras posse. Audi S. Thome. *Con. 2.* *nam de villa nova dicentem: Religiosum & honestum Monachum, sub Charitatis prætextu, ad pacem inter fratres componendam, ad solatium infirmis exhibendum, & alia pietatis opera exercenda extra Cenobium ducit*

monit

s. 1

Sathan;

Sathan; ut sic per plateas vagantem, libidine inficiat, curiositate sauciet, ambitione inflat, curis secularibus disturbet, & à devotionis fervore distrahendo, tepefaciat, & infrigidet. Et alibi: Non est hæc Charitas sed gravis stoliditas; propriae vocationis terminos transgredi, propriam lampadem extinguere, ut alienas accendant; seipsos damnationi exponere, ut alios salvos faciant. Et inferius: Si accedat mandatum Prælati, ut aliis copiam sui faciat, confidenter obediat. Quæ omnia si jungas, elicies sanè Monacho non licere etiam sub prætextu pietatis charitatisque operum Monasteria crebrò exire, nisi in Casu speciali, Prælatique obedientiâ urgente. Alioquin excusatio inutilis putatur à Viro Sanctissimo, Antistiteque celeberrimo. Porro modum, quo se gerere debet Religiosus in egressu Monasterii, describit S. Basilus dicens: Si itaq; contigerit te juxta circumstantiam negotiorum aliquando è D. Basil. serm. cella proficisci, armatus pectore, timore DEL, & inserta in manu charitate 2. exerc. Christi, de victisq; per omnem continentiam voluptatum incurfibus; statim necessitate expletâ, resili. Igitur Superiores & rarò, & non nisi probos socios mittant è claustro; prohibeant Commestationes, Computationes, inutiles Conversationes, quæ maximè trahunt ad vagandum è claustro, ac corrumpunt optimè Moratos.

Quartum Medium: *Occupatio honesta.* Nihil enim magis cum nimia Regularium extra cænobium evagatione, vanovè cum secularibus commercio, conjunctionem habet, quàm ipsorum Regularium otiositas: sicut enim illa vitiorum omnium Sentina à Patribus censetur, sic etiam inquietæ deambulationis Monachorum irreligiosæque cum secularibus communicationis initium & causa reputatur. Idipsum experientia testis comprobabat; Religiosi etenim Sancti & Devoti, qui ad sui status perfectionem anhelantes, semper alicui operi incumbunt; durè nimis evagationem extra cænobia, consortiumvè cum secularibus admittunt: qui verò contra otiositati deserviunt (si qui sunt) totis nervis vagam deambulationem, longamvè cum extraneis confabulationum habere contendunt. Hinc Cassianus inquit: Hæc Cassian. lib. est apud Egyptum ab antiquis Patribus Sancta sententiâ: operantem Monachum, Dæmone uno pulsari: otiosum verò innumeris spiritibus devastari. Et alibi ait: Sive opere manuum nec in loco posse Monachum perdurare, nec ad per-

In Epist. ad ad perfectionis culmen aliquando conscendere. Et Doctor Seraphicus Provincial. inquit: Sanè perquirenti mibi causas, cur splendor nostri Ordinis quodammodo obscuratur, Ordo exterius inficitur, & nitor conscientiarum interius defedatur &c. Occurrit quorundam Fratrum otiositas, quæ sentina est omnium vitiorum, quâ plurimi consopiti monstruosum quendam statum inter Contemplativam, & Activam Vitam, eligentes, non tam carnaliter quàm crudeliter, sangvinem comedunt animarum. Quare Author quidam pius: Nulla unquam iuveniat Servum DEI non dicam dies sed hora, nisi vel in exercitiilabore & proficiendi studio, vel in experientia dulcedine & fruendi gaudio. Et infra: Nunquam otiosus sit servus DEI, quàmvis à DEO feriatu sit. Et Thomas à Kempis: Tria sunt omni Religioso necessaria; sine quibus non diu stare potest in bona vita. Hæc sunt Oratio, Lectio, & Operatio, ratio: in istis omni die se exercere debet, & semper in aliquo horum occupari.

Porro inter præcipuas occupationes Religiosorum, Studium sacrarum Literarum locum obtinere debet. Ita S. Ephrem inquit: Exercitatio monachi sit meditatio scripturarum. Rursus quoque: Iners autem est Monachus, qui in his versatus non fuerit. Et S. Hieronymus: Ama scientias scripturarum, & carnis vitia non amabis. Idem ad Rust. Idem ad Rusticum: Sic vive in monasterio, ut Clericus esse merearis; multo tempore disce, quæ postmodum doceas. Item: post S. scripturas Doctorum hominum tractatus lege eorum duntaxat, quorum fides nota est, quoniam eruditio timorem creat imperitia confidentiam. Illorum igitur tractatibus, illorum delecteris ingeniis, & libris, quorum pietas non vacillat. Et circa finem: Quid enim eruditione melius? quid suavius disciplinâ? Quid dulcius Domino? Sit autem convivium Christus; lectio Christus; cogitatio Christus. Quæ enim potest esse vita sine scientia scripturarum, per quam etiam ipse Christus agnoscitur, qui cibi, quæ mella sunt dulciora, quàm DEI scire prudentiam? Et Joannes Nider Dominicus ait: Octava Radix perditionis Religionum est studii Religiosi omisio; quæ jam mendicantium Ordines, eos comparando ad præterita, multum tendere facit ad occasum. Percepit id ipsum ab Ordine possessionatorum, & à viris optimæ conscientia, se non diu reformatos esse mansuros, nisi studium apud se

se resuscitarent. Igitur locū in utrisque hodie habet illud *Ozeā 4. b*
 Conticuit populus meus eò, quòd non habuit scientiam: quoni-
 am tu scientiam repulisti, repellam te, ne sacerdotio fungaris,
 mihi. *Et infra:* Literatorum enim virorum carentia in Mona-
 steriis, literatis secularibus ingressum vetat; Ordinis Prælatos,
 reddit contemptibiles; vitiosos nescit corrigere; nec juvenes,
 credere, sicut oportet suis Rectoribus. *Et Guillelmus de Peraldo:* *Guillel. Pe-*
 Negligentiam lectionis in multis Monasteriis, multa mala sunt, *rald. in tit. de*
 secuta. Primum subssecuta est inde cæcitas ignorantia, quæ in- *prof. Mona. 13.*
 ter maculas prima numeratur, proptet quas à DEI ministerio ali- *p. 6. 3.*
 quis repellitur. *Rursus:* Negligentia lectionis in multis Mona-
 steriis collocavit in obscuris, sicut mortuos seculi. Quomodo,
 immunditia caveretur, ubi quid esset immundum non agnosce-
 batur? quomodo præcepta Regularia observarentur, ubi non,
 intelligebantur? quomodo semitam Religionis tenere pote-
 rant, qui cæci erant? Difficilius est enim tenere semitam, quàm
 viam latam & publicam. *Rursus quoq̃:* Ex defectu Sapientia con-
 tigit in multis Monasteriis, ut ibi non sanaretur, qui infirmus,
 intrabat, vel qui infirmitatem incurrebat: sicut salus est, ubi mul-
 ta sunt consilia. Item ex eadem causa contigit; quòd parvuli,
 qui intrabant Monasteria illa, non proficiebant; imo præ defectu,
 cibi spiritualis peribant. Si enim petebant panem, non erat qui
 frangeret eis. Unde præ esurie & siti anima eorum in ipsis de-
 fecit. Ex eadem causa etiam contigit, quòd illi qui in Mona-
 steriis impugnabantur, vincebantur: cum non haberent gladi-
 um Spiritus, scilicet Verbum DEI, quo hostes maximè invisibiles,
 superantur. Ex eadem etiam causa consecuta est in Monasteriis,
 Simoniaca corruptio, tam in receptione Monachorum, quàm in
 institutione Prælatorum. Item ex eadem causa contigit, ut Mo-
 nachi carnales delicias quærerent, cum Spirituales non haberent.
 Anima enim rationalis, nobilissima est creatura, & ad æternas de-
 licias creata, sine deliciis enim esse non potest. Item ex eadem
 causa contigit, ut in Monasteriis de rebus maximis cura mini-
 ma, & de rebus minimis cura maxima haberetur. Corpora
 procurabantur splendide & non curabatur de animarum refe-
 ctione. Si amittebatur Asina quærebatur, & si peribat Anima
 non

„non reputabatur. *Tandem sic*: Monachi qui sunt in monasterio, ubi deest sapientia, sunt veluti cæci juxta foveas magnas, „quas non cavent, quia non vident. *Hæc ille.*

Neque, objicias quorundam etiam Sanctorum asperum affectum contra studia Religiosorum: illi enim nimietatem & abusum studiorum, non studia sancta in Religiosis averfantur. Nimietatem inquam, quâ speculativis scientiis supra modum dediti, practica Orationis, Contemplationis, Amoris DEI, & proximi, exercere negligunt. Abusum verò studiorum, scilicet ad superbiam, ad suæ commoditatis quæstionem, ad invidias, contentiones, ambitionem, inobedientiam, &c. quæ monstra incautos Magistros & Doctores sequi solent, & perdere illos atque alios Eruditos. Cæterum his sordibus depuratum studium, cum profectu Spirituali & virtutis cura, conjunctum; ex pura intentione promovendi gloriam DEI, suamque & proximorum salutem juvandi, inestimabilis est thesaurus & ipsi discendi, docenti que, & ejus Religionis, & Ecclesiæ DEI: quæ his duabus columnis *Virtutis & Doctrinæ*, addo tertiam *Protectionis divine* invicta ad impetus portarum inferni perdurat. Itaque provideant Superiores, ut & litera & spiritu maximè, sui inferiores proficiant.

Quintum Medium: *Communis vita sectanda, & singularitas fugienda* in privilegiis & exemptionibus, scilicet quoad Chorum, Victum, Vestitum, Habitaculum, Suppellectilem, Vagationes, Titulos & Præminentias Magistris, Doctoris, Præsentati, Licentiat, Baccalarei, Jubilati, Lectoris, Emeriti, &c. Quæ quidem si exigente necessitate valetudinis, senectutis, moderatè permittuntur, vel sunt citra scandalum Fratrum aut Secularium, nec militant contra Regulam, vel Constitutiones, quin potius ex aliquo fine boni publici cohonestantur, maximè accedente Superiorum aut Ordinis prudenti permissu, aut voluntate, ejusmodi exemptiones, & privilegia sustineri possunt. Alioquin suis privilegiatis nimis periculosa, aliis scandalosa, Ordinis proprii prorsus everfiva

D. Bona. l. i. sunt. Unde S. Gregorius relatus à D. Bonaventura inquit: Si pepharet. c. 32. *culiaritas à Monachis habetur, nec concordia, nec charitas, in congregatione. S. Fran. ne eadem poterit permanere. Franciscani sanctissimi in primordiis*
p. l. i. c. 53. *Ordinis*

Ordinis, dùm comitiis generalibus assisterent, Diaboli quoq; comitia inierunt, ut Ordinem sanctè pullulantem perimerent. Ex quibus unus coeteris callidior, destructionem Ordinis promissit propterea, quòd plures futuri essent, qui huiusmodi immunitates à Regularibus institutis impofterum sectarentur. Magnum quoque suarum animarum dispendium perpeti istos ex revelationibus *S. Birgittæ* habetur. Apparuit illi cuiusdam Religiosi anima Lib. 6. Re. c. scapulari quodam induta, & mirabiliter in omnibus membris deformata, & (ut videbatur) æternis suppliciis destinata; causam verò tradit Christus *S. Birgittæ*: *Quia superbiendo præfert se cæteris.* Ablegentur ergo pro possibili è Religionibus nocivæ huiusmodi Exemptiones, deponantur vani Tituli. Ut juvenum animi excitentur ad studia virtutis, & doctrinæ; proponantur non hæc ambitiosa & deliciosa titulorum & privilegiorum motiva, mentibus perenniter exitiosa, sed potiùs timore novissimorum cogantur, amore cœlestium, charitate DEI & proximi alliciantur ad sacram literarum studia, & perfectionis exercitia.

Sextum Medium: *Ambitio cavenda.* Hæc enim primò nocet graviter ipsi ambitioso. Hinc *S. Ephrem* deplorat dicens: *S. Ephr. Sy-*
Hei mihi? quis non suspirat? quis non lugeat? non adsunt opes, *us tit. ad Cor-*
sed non abest superbia: Nuptias sprevimus, & ab inani Cupidi- *rect.*
tate non recedimus. Exteriùs humilitatem simulamus: & animo
honores appetimus. Et post alia sic: Sæpe qui ante renunciatio-
nem domi suæ opifex fuerat, ignorabatque priùs, quæ ipsius es-
set dextera, quæ vè sinistra, in Monasterio literarum studiosus,
& interpres, doctorque incedit: Frater ille altioribus intentus,
est, & ego sublimiora spectare debeo: Frater ille honoribus or-
natus est, quare non ego? Frater magistratum assecutus est,
quare non ego? Illi auctoritas commissa est, nonne & ego
dignus sum, cui hoc, atque illud credatur, & committat-
tur? Post alia quoq; sic: Os illud terribile & incomprehensibile, ac
formidandum locutum est: Qui vult, inquiens, inter vos major *V. Matth: c.*
fieri, sit omnium novissimus, & omnium servus. At nos cum *zo.*
nondum, vel à limine Religionem salutaverimus, insolescimus,
& unus contra alium extollimur. Cuncti volumus esse duces,
cuncti cum auctoritate, cuncti cum imperio, cuncti reprehenden-
dere,

„dere, cuncti præcipere, cuncti Domini, cuncti curatores, cuncti
 „œconomi, cuncti primi. *Concludit autem inferius sic: Ne quæso*
 „Fratres Charissimi, nos carnis perturbationibus superari patia-
 „mur, ut per eas æternæ felicitatis jacturam faciamus. Ne pro-
 „pter caducum ac momentaneum honorem, gloriâ privemur æ-
 „ternâ: ne propter contentiones, & æmulationes, atque rancor-
 „res horribili condemnemur gehennâ. Refert *Adrianus Mangotius*.
mon. 120. In quodam Monasterio Religiosi quidam olim mortui, qui
 fuerant præcipui & primates, viris aliis Religiosis apparuerunt,
 dicentes: *Ambitio & Crapula, duxerunt nos ad tartara.* Hæc enim
 principalissima radix est omnis ruinæ Religiosorum. Ambitiosi
 enim postquam Superiores & Officiales fuerint facti, Divinâ male-
 dictione eos comitante, & Spiritualia & Temporalia citius intra
 annum pessundant, quàm eorum Patres vix multis annis, maximo
S. Birg. L. 6. labore collegerunt. Hinc de talibus in revelationibus *S. Birgittæ*
Revel. c. 65. „dicitur: Prælati, qui ambiunt honores, similiores sunt meretri-
 „cibus, quàm Prælati, quia decipiunt animas malis exemplis suis.
Rusb. in ta- „Et *Joannes Rusbrochius* ait: Nonnulli sunt in Religionibus nequam,
bor. foed. c. 123. „astuti, ac duplices, & simulant se, quod non sunt; & hos sæpius
 „contingit in sublime tolli, aliisque præponi ac præfici. Tum
 „verò ipsi se produnt. Haud secus enim, quàm si in mundo a-
 „gant, bonaque Cœnobiorum, & honor, ab Antecessoribus ad
 „ipso quasi jure ac successione hæreditariâ devoluta sint, supra
 „alios se efferunt; moxque sanctitatis suæ obliiti, bona temporalia
Innoc. 2. c. 26 „administrant, suumque exercent Dominatum. *Optimè etiam In-*
c. 27. „nocentius: Ambitiosus statim, ut est ad honorem promotus, in
 „superbiam extollitur, in jactantiam effrænatur, non curat pro-
 „desse, sed gloriatur præesse.

Quare ut magis fugiantur quam cupiantur Superioritates,
 & Officia; optimum erit, si ad hæc per calculos Communitatis
 idonei, & si non in perpetuum sed ad tempus: v. g. triennium,
 eligantur: Si ratio strictissima administrati officii adminis semel
 in anno exigatur, & negligentiae poena debita infligatur: Si Con-
 solatiuncula superflua Officia comitantes à Visitationibus vel aliis
 Superioribus præscindantur: Si Superior humilitatis exercitia
 ad exemplum aliorum obire cogatur, &c. Credo equidem tot

Cruci-

Crucibus aculeatum officium, vel munus Superioris, non tantâ aviditate ambietur.

Septimum Medium: *Discordia vitanda.* Unde S. Hieron. in *regul. mon. c. 1.*
tonymus: Charitas Religiosos, charitas Monachos facit, sine hac monasteria sunt tartara, habitatores sunt Dæmones; cum hac verò sunt paradisi in terris, & in eis degentes sunt Angeli. Ideoque licet vos longa macerent jejunia, abjecta & nigra vestis deformet, longa officiorum & operum texetur series; si intus desit charitas, ad infimum nondum religionis gradum perventum est. Itaque Superiores invigilent, ut scintillas exorientes iræ & discordiæ mox extingvant, dissidentes è vestigio concordare faciant, Charitatis exercitia inter suos semper promoveant, sæpe illud dilecti JESU Discipuli ingeminant: *Filioli, diligite alterutrum.*

Octavum Medium: *Cupiditas & superfluitas rerum temporalium rejicienda.* Etenim ut Dionysius ait: Sic multis heu! Religiosis causa dissolutionis, & negligentiae, ac quotidianæ ruinæ, seu defectionis, est temporalium abundantia rerum, paxque carnalis. Dum enim temporalibus bonis abundant seipso persolvunt ac lautè reficiunt, nec necessariis sunt contenti, sed curiosa requirunt. Lautè autem & immoderanter refectos magis delectat confabulari, joculari, ridere, ludere, quàm orationibus, meditationibusque vacare, compunctioni & discussioni propriæ conscientiae insudare, seu lectioni, aut alteri exercitio virtuososo, utilivè labori, insistere. Et ita mente infrigidantur, vanitatibus dissolvuntur, & variis cogitationibus immorantur, non formidantes. &c. Item *serm. 12. de Nativitate Domini, inter alia hæc habet:* Per quid adeo periit Monastica omnis sacra Religio, sicut per temporalium affluentiam rerum? Ex qua immoderantia, & exquisitio ciborum, ac potuum, multa; alia vitia gulæ consequentia oriuntur. Et in revelatione quadam B. Birgittæ, videbatur athiops terribilissimus in quodam monasterio inter velatas Moniales existere cum nigro velo, & habitu monachali, de quo admirante sponsa (*scilicet B. Birgittæ*) Christus loquebatur dicens: Scriptum est in Evangelio meo, quod cavendum est ab illis, qui ambulant sub vestimento ovium, intus autem sunt lupi rapaces;

S. Hieron.

in Epist. ad

Gal. l. 3. c. 6.

Dionys. Car-

thus. Serm. 6.

Dom. 10. post

Trinit.

S. Birg. l. 6.

revel. c. 99.

„ sic nunc dico tibi, quod ille æthiops, qui apparebat inter Monia-
 „ les, cum habitu Monialium, ipse est Dæmon Cupiditatis, qui
 „ svader eis aggregare possessiones, & castra, & plures divitias,
 „ ut ex eis lautius vivant, & distribuant largas eleemosynas, ut sub
 „ tali religiosa spe recedentes à paupertate mihi grata, disolvantur
 „ paulatim, donec prævaricantes Regulam, & priorem Observan-
 „ tiam, perdant Animas. Ideo scio, quòd nisi vigilanter caveant ab
 „ isto lupo Cupiditatis contentando se de his quæ habent, & nihil
 „ plus volendo accrescere in possessionibus, & terrenis divitiis, in-
 „ ficientur ab eo, etiam sanæ oves istius gregis damnabiliter, &
 „ postea à lupis dilaniabuntur immisericorditer. Magis enim mi-
 „ hi placet, quòd in paupertate quieta, & sancta, quàm profite-
 „ bantur, vivant, & contententur, quàm quòd terrenâ curâ regi-
 „ minis temporalis implicantur se, de distributione eleemosyna-
 „ rum bonorum aliorum inaniter gloriantur. *Hæc Christus.*

Collector.

Nonum Medium: *Visitatio, & Electio Superiorum ac*

Officialium ritè instituenda. Quod medium reformandi & conser-
 vandi statum Religiosum in sua perfectione tale est, ut ex ipso om-
 nia alia dependant, & sine quo alia media parum proficiant, nec
 diu subsistere poterunt. Equidem *Superior dignus* Congregatio-
 nis, ut sunt Abbates, Priores, Gvardiani, Rectores &c. *Dignus* in-
 quam, id est Vir virtutis, prudens, doctus, primus in exacta ob-
 servantia Regulari, ejusque in aliis operè, sermone, ad DEUM
 oratione, promotor Zelosisimus: juxta quod Apostolus monet
 dicens: *In omnibus præbe te ipsum exemplum honorum operum, in doctrina,*
in integritate, in gravitate, verbum sanum irreprehensibile &c. Hoc enim
faciens, (ut alibi idem dicit) & te ipsum salvum facies, & eos qui te au-
diunt. Quod nimis à condito statu Religioso experientia millenis
 factis certum: nempe dignos Superiores Ordines suos etiam de-
 formatos, tandem in Sanctitate ad Caelos sublevare; ita Superio-
 res indignos, virtute conspicuos Ordines suos deformare & ad
 ipsum inferni fundum deprimere. Hinc D. Dionysius Carthu-

D. Dionysius

prof. mon. c. 5.

ianus inquit: *Ecclesiast. 10. legitur. Secundum Judicem populi, sic &*
ministri ejus: & qualis est rector civitatis, tales & habitantes in ea: Ex
 his verbis Patres concludunt, quòd præcipua causa ruinæ subditorum est ne-
 gligentia

gligentia atq; perversitas Prælatorum, sub quorum præfidentia, vel virtuosæ subditorum conversatio cadit, & perit: vel eorum qui lapsi sunt, deformatio ac ruina dura perseverat.

Verum quis dignos Superiores Congregationibus præficiet? Hic profecto labor, hoc opus est. In aliquibus Religionibus Superiores à solis Congregationibus eliguntur, & à Provinciali vel Generali confirmantur: in aliquibus à Solo Provinciali, vel Generali porriguntur: in aliquibus à Congregatione simul & Provinciali eliguntur. Quis modus horum melior? Equidem omnes boni & recti, modò secundum regulas & constitutiones Ordinis proprii fiant. Sed heu! heu! quid non pervertat ardens Ambitio? quid eligentium cæcus affectus, privatum bonum, corruptio munerum, malitia, ignorantia? Quomodo igitur præcavenda hæc pene inextricabilia mala? En forsitan opportunum remedium est: **Nosse dignos pro Superioratu, & illos Eligere.** Quoad primum scilicet *Notitiam* I. In Congregationibus, quæ solæ eligunt sibi Superiorem, juniores hoc in passu audiant & sequantur seniores & alios probatæ virtutis & prudentiæ, ferentes testimonium de apta & digna persona ad Prælaturam, vel Superioratum. Facile enim juvenus decipi potest hypocrisis, vel aureis promissionibus ambitioforum. II. In electionibus à solo Provinciali vel Generali faciendis; isti ut qualificados designent, necesse est, ut eorum in suo Provincialatu vel Generalatu comparerent notitiam sive per literas, sicut in Societate JESU singulorum natura, virtus, doctrina, & aliæ qualitates bonæ & malæ ad Generalem ejusdem Religionis fideliter, à viris fide dignissimis describuntur: sive in visitationibus juxta modum mox afferendum. III. In Electionibus à Capitulo simul & Provinciali præfente, vel ejus Delegato, instituendis: equidem hoc in puncto Juniores sequantur Seniorum & aliorum Optimorum prudens Consilium, qui habent discretionem boni & mali, & sciunt discernere Filios DEI à Filiis Diaboli transformati in Angelos lucis. Quos eosdè Seniores & cæteros viros probos & ipse Provincialis seu Visitator ausculet, utpote qui tot annis convixerunt suis Confratribus in Congregatione, quorum indolem, virtutem, aliasq; qualitates certè Provincialis

seu Visitator aliquot diebus imo septimanis non tam facillè perno-
 scet; cum in ejus præsentia omnes se gerere soleant instar Ange-
 lorum. *Tota igitur vis & principium bonæ electionis in Superiorem di-
 gnum & idoneum videtur pendere à testimonio probatissimorum Seniorum &
 optimorum Juniorum Fratrum.* Quorum probitatem & fidem omni
 exceptione majorem si cognoverit Generalis, Provincialis, Visita-
 tor, &c: aliiq; congregationis Vocales: equidem necesse est cuncta
 ad votum & felicem successum cedere. (Et ut parum digrediar:
 Felices & beatos Superiores altiores & inferiores futuros, qui no-
 titiam ejusmodi virtutis Virorum in Congregatione habuerint:
 utriusque ex consilio illorum agentes, officia, personas, &c: illius
 Congregationis disponentes, erunt securi in sua conscientia, securi
 de fortunato successu in spiritualibus & temporalibus, securi de
 incremento salutis animarum, & gloriæ DEI. Tales enim viri de-
 posito affectu inordinato, nesciunt quærere quæ sua sunt, sed quæ
 JESU Christi, quæ ve publici boni. Quod obsecro per tremen-
 dum DEI judicium advertant seriò Visitatores & eorum Secretarii
 vel Socii.) Sed quis dignoscet veros virtutis Viros à hypocritis
 & falsis fratribus? Plerumque enim virtus latere gaudet, & si lu-
 cet ut glorificetur DEUS, à malevolis & invidis, calumniis & infa-
 mationibus obtenebratur, maximè hoc seculo nequam, ubi mille
 doli, mille artes aliis nocendi, & suas nequitias regendi. Quid er-
 go facies zelose Curator animarum? quid tu bone juvenis expe-
 tens consilia & confortia proborum Virorum? En habes caele-
 stem informationem hac in materia ex aureo libello de discretionem
 spirituum piissimi Cardinalis Bona infra sub Gratiis gratis datis, quò
 te remitto. Nunc breviter à Christo accipe regulam discernen-
 di veras oves Christi à lupis, qui veniunt in vestimentis ovium, ni-
 mirum; *A fructibus inquit eorum cognoscetis eos.* Cum enim, ut ait S.
 Augustinus, *ceperint aliquibus tentationibus ea ipsa scilicet illis subtrahi
 vel negari, quæ isto velamine vel consecuti sunt, vel consequi cupiunt: tunc
 necesse est ut appareat, utrum lupo in ovina pelle sit, an ovis in sua.* Ovis
 innocentia, simplicitatis, humilitatis, patientia symbolum est; si
 quis ex Innocentia in prosperis æque ac in adversis horret pecca-
 tum, illudque prudenti zelo in aliis detestatur: si ex S. simplicitate
 cordialiter & sincerè cum aliis conversatur, oditque nimis om-
 nem

*l. 2. Theol.
 spir. tract. 2.
 cap. ult.*

*Matth. 7.
 S. Augustin.
 lib. 2. de Ser.
 Dom. cap. 12.*

nem fucum, dolum, ac mendacium: si ex Humilitate fugit inanem gloriam, honorifica officia, averfatur mundi vanitates & superfluitates, gaudet ab aliis contemni, feftatur vilia & abjefta: si ex patiendi defiderio Christianam paupertatem amplectitur in victu, amictu, habitaculo, fuppelleftili, non fua privata quarens fed quæ funt gloriæ JESU Chrifti & communis boni &c. Denique fi doctrinâ, & prudentiâ in rebus gerendis pollet; hic non lupus fed ovis eft, & probatus eft vir. Talem refpiciant oculi aliorum; talis audiant confilia, talem imitentur. Vifitatores, Commiffarii, ante omnia puncta de Talibus ex fignis & indiciis datis, in fua Vifitatione, Scrutinio, Examine inquirent, & quos invenerint, five ille fit feniore, five junior; five fuperior, five inferior, putent fe reperiffe inæftimabilem thefaurum, adeoque à talibus maximè petant informationem, confilium difponendi circa fpiritualia & temporalia illius Conventus feu Congregationis: talium unius & alterius testimonium valet pro mille aliis teftibus. Tales in Superiores & Officiales, ut eligantur, ferò, ad quos pertinet, allaborent. Ecce jam habes formam veniendi in notitiam dignorum & qualificatorum pro Regimine.

Quod concernit *Secundum* nempe ut habitâ notitia Dignorum, tales quoque velis actualiter eligere; pro motivo habeant Electores timorem terribilis judicii DEI, qui infallibiliter poenis æternis mulctabit eos, qui poftpositis dignis, minùs dignos elegerint, ex quorum caufa fequitur privatio majoris incrementi gloriæ DEI, & falutis plurium animarum, tum emergunt scandala & pernicies falutis multorum. Præterquàm quòd tales Electis fuis fuperioribus poftea fiunt procaces & rebelles; ut juxta S. Bernardum, *merito quales fervent, tales fufinent*. Electoribus verò inferioribus ejusmodi fuperiores jufto DEI judicio plerumque fiunt ingrati, & Tyranni corporum, & animarum in æternum ipforum quoque exitium. Neque Inferiores Electores timeant accipere in fuos Superiores illos, qui aliàs videntur effe teneræ confcientiæ, (Stultis tales apparent fcrupuloſi) rigidiorisque vitæ, Zelofi in obſervantia regulari: ne fcilicet facti Superiores alios quoque imperfeftiores cogant ad rigidioris vitæ afperitatem. Ejusmodi enim timor vanus eft. Plerumque enim hujusmodi
utpote

utpote prudentiâ, discretione, & charitate excellentes, in seiplos rigidi & implacabiles, in alios misericordes & compassivi sunt, in omni necessitate, suis fratribus paterno charitatis affectu succurrere paratissimi & promptissimi. Sciunt enim aliis plûs, aliis minus gratiâ Divinâ tribui, ex cujus viribus alter quoque amplius, alter minus sufferre laboris & afflictionis potest.

Decimum Medium: *Studium practicum Divina Sapientie, seu virtutis, ac perfectionis Christiane in hoc Opere Theologiae Spirituales, propositum. Quo studio cum primis Novicii, S. Laur: de & noviter Profesli informari & educari debent. Hinc S. Laurentius Justinianus: Pastores solerter vigilant, cum primum susceperint novum militem recenter positum in Monasterio, ipsum spiritali reficiant exhortationis pabulo, & salutari recreent poculo, antequam mentis patiat ariditatem, & immundorum spirituum experiatur insultus. Qui autem hoc agere neglexerit, sibi ipsi iudicium, & subditi grave inducit dispendium. O quot ex incuria Pastorum ignorantes quae DEI sunt, & quae sancto congruunt statui, à Sancto retrocedunt proposito! Heu! quanti ariditate spiritus confecti & à devotionis gustu alieni, quia scilicet oportuit in primordio conversionis spiritalis non fuerunt imbuti, vocationis gratiam quam habere meruerunt, perdididerunt! Hæc S. Laurentius Justinianus: Nimirum Adolescens juxta viam suam (id est quâ viâ incedere, vel arctâ virtutis vel spariosâ peccati edoctus) etiam cum senuerit, non recedet ab ea, vel ad charitatis perfectionem proficiendo, aliis in exemplum & sibi in æternum præmium, vel vitiis adolescentiæ ejus ossa repleta, aliis gravis, sibi intolerabilis permanendo, ceterosque pravis verbis & moribus ad inferos trahendo, simul cum ipsis perpetuum arsurus in profundum cadit. Hinc quandoquidem sicut Navis à gubernaculo, ita Vita hominis ab adolescentia educata dirigitur rectè vel non rectè: Igitur juvenis Religiosa in Academia Divina Sapientie solerter instituenda: Et maximè faciendus est summus delectus Noviciorum, probandi que spiritus, ne sub pellibus ovinis, admissi lupi in gregem dominicum, horrendam ei inferant perniciem adeoque sacrae Religionis ruinam. Quod utinam incurii Superiores tot & tantis damnis aliorum edocti, tandem aliquando sapiant; & tam hoc malum quàm alias pestes*

exiti-

exitiales supra enumeratas à suis Religionibus, Conventibus, Monasteriis, domiciliis Religiosorum (ubi fors depascunt animas) ad tartara abigant, & suum Religioni restituant in praesentem Paradisum DEO plenum, in futuro CÆLUM.

SUBSECTIO III.

De Statu Vitæ incompleto Religiosorum, seu Tendentium ad perfectionem.

Hic Status ita est dictus, quod in eo per aliquod votum, & specialem vivendi rationem DEO aliqui consecrantur. Tales sunt voto solo Castitatis obligati; & quicumque non ex toto, sed ex parte, vota Religiosorum emittunt: adeoque plus vel minus de Statu perfecto Religiosorum participant, pro majori vel minori participio votorum Religionis.

De hoc statu ita proportionatè discurrendum esse videtur, sicut discurrebamus de statu perfecto seu completo Religiosorum. Quod nimirum ejusmodi status suam firmitatè & essentiam habeat similiter à Votis. Deinde ejusmodi Votis obstrictum debere eam perfectionem Votorum exercere, & adminicula aliarum virtutum adhibere (sine quibus vota periclitantur, nec commodè DEO reddi possunt) qualis perfectio, & adminicula virtutum, in speciali modo vivendi taliter voventium describuntur, juxta quam sese vovens persona obligavit; alioquin ad communem tantum perfectionem Votorum, & communia virtutum subsidia videtur teneri. Quando autem, & quo fine, eadem Vota cum suis accessoriis virtutibus exercere debeat, videat supra ibidem sub statu perfecto Religiosorum, & pro suo modulo adaptet. Sicuti & Motivis vitæ Religiosæ & Irreligiosæ ad religiosè vivendum conformiter suo statui, sese exstimulet.

SECTIO III.

De Statu vitæ Supernaturalis Ecclesiasticorum, & Perfectorum.

§ I.

Triplici classe condistingvimus Ecclesiasticos. *Primo* in Clericos, infra ordinem Sacerdotii, potissimum Subdiaconos

& Diaconos. *Secundò* in Sacerdotes simplices. *Tertiò* in Curatos, & Prælatos Ecclesiæ. Quoad *Primos* eos non esse in Statu perfectionis assequendæ vi ordinationis, nisi vi annexi majoribus Ordinibus voti Castitatis. Quia etsi vi ordinationis teneantur ad aliqua supererogatoria pietatis opera præstanda, v.g. absolvendas horas Divini officii, tum majorem vitæ honestatem: tamen hæc non referuntur ad perfectionis opera, sed ad specialem gradum & dignitatem communis vitæ Christianæ; intra cujus latitudinem etiam inter Laicos, pro diversitate statuum, dantur majores vel minores obligationes, adeoque & gradus digniores. Ratione verò Voti Castitatis annexi majoribus Ordinibus, tales referuntur ad statum incompletum Religiosorum: quia in hoc Castitatis Voto secundum quid & incompletè cum statu perfectionis Regularium conveniunt.

Vide *S. Varez*
lib. I. de Statu
perfect. cap. 17.
n. 1.

§ II.

Quod concernit secundam Classẽ Ecclesiasticorum, nempe simplices Sacerdotes; hi ex vi ordinationis suæ, ponuntur in statu perfectionis exercendæ, saltem inchoativè. Quia per Sacerdotium deputantur ad excellentissima perfectionis opera, qualia sunt offerre Sacrificium corporis & sanguinis Christi, agere Mediatorem nomine totius Ecclesiæ inter Deum & populum, ut fideles purgentur, illuminentur, perficiantur; quæ omnia ad multo majorem animi & corporis puritatem, altioremq; Divinorum contemplationem, Sacerdotem obligant, quàm aliquem alium, adeoque in Sacerdote supponunt majorem præ aliis sanctitatem & perfectionem personalem. Unde *D. Thomas* distinguit statum perfectionis viæ trifariam, in statum Ordinis, Prælationis, & Religionis.

D. Thom. supra
Matth. 5.

§ III.

Quantum ad *Tertios* Ecclesiasticorum, nimirum Curatos, & Prælatos; hic primò videndum est de supremis Ecclesiæ Prælati, quales sunt Episcopi, tum de inferioribus Episcopo Prælati, ac tandem Curatis. Dico igitur status Episcopalis est status perfectiorum, seu perficientium, seu perfectionis exercendæ; id est perfectorum operum exercendorum in alienam salutem: qualia opera sunt, exemplo,

Vide *D. Thom.*
2. 2. q. 184. a. 5.
& a. 7.

verbo,

verbo, oratione, ac Sacrificiis purgare à peccatis & vitiis, illuminare virtutibus, perficere charitare populum sibi subiectum. Tum in tempore persecutionis animam suam ponere pro ovibus suis, aliaque heroica exercere opera pro salute, & augmento gregis Christi. Quæ omnia, quàm in altissimo gradu propriam supponunt perfectionem, facile apparet. Vix enim moraliter est possibile, adeo excellentia opera cum fructu exercere, qui non fuerit multà animi perfectione præditus. Coeterùm Status Episcopalis modo descriptus, est status perfectionis: quia habet Conditiones status, nempe sui permanentiam ex obligatione vinculi cum sua Ecclesia. Deinde unusquisque Status talis est, qualia sunt opera, ad quæ ordinatur, ab illis enim quasi speciem suam sumit, sicut habitus & alia quæ ad actus ordinantur: Atqui ad opera perfectissima, nempe purgare, illuminare, perficere alios, Status Episcopalis ordinatur: Ergo ab illis speciem perfectionis sumit. Ad evitandam autem confusionem ex æquivocatione status Perfectorum provenientem; sciendum est, aliud esse perfectum, seu perfectionem propriam exercere, dum quis scilicet ex motivo Charitatis sit expeditus & facilis ad exercenda heroica virtutum opera, seipsum concernentia: Et de tali statu hic non loquimur, sed eum in Episcopis & Prælati Ecclesiæ supponimus. Aliud verò esse in statu Perfectorum seu perfectionis exercenda, id est perfectorum operum exercendorum in alienam salutem, ut supra dictum, ex vi officii illius status, de quo hic sermo est. Unde potest esse aliquis in statu perfectionis, & non esse perfectus; & esse perfectus, non tamen esse in statu perfectionis; & simul esse perfectus, & esse in statu perfectionis, quod Apostolicæ vitæ insigne est.

Quoad Prælatos Episcopis inferiores suppone *Primò*: Illos secundum communem Ecclesiæ usum dici Prælatos, qui in utroque foro habent jurisdictionem ordinariam. Jam verò Parochi non nisi in foro interiori præsent: Ergo hi non sunt Prælati.

Suppone *Secundò*: Prædictos Prælatos poni in statu Prælationis qui sunt perpetui, quales plerumque sunt Abbates. Illos verò Prælatos, qui sunt ad certum tempus v. g. ad triennium, sexennium, non esse in statu, sed in officio vel dignitate Prælationis. Quia

carent conditione status, quæ est permanentia. Quod ipsum quoque de Parochis dicendum, qui de facili sunt amovibiles.

Suppone *Tertio*: Prælatos eosdem, & Parochos, non habere delegatam, sed ordinariam jurisdictionem. Quia non agunt ut causæ instrumentales Episcopi, sed ut proximæ & principales causæ, respectu sibi subditorum.

Suppone *Quarto*: Post Episcopos, illos Prælatos esse in proximo gradu, qui etsi carent potestate Episcopalis Ordinis, sunt tamē æquales Episcopis in jurisdictionis potestate, & sunt ipsi Summo Pontifici immediatè subiecti. Post hos sequuntur, qui Episcopo subduntur. Tandem alii Curati & Parochi.

His suppositis, dicendum præfatos Prælatos, & Parochos, esse suo modo in statu, vel officio perfectionis exercendæ. Et quidem eò magis de eodem statu, vel officio perfectionis participare, quò propinquiore gradu accedunt ad Episcopos. Ratio *Primi*: Quia isti omnes vi sui status vel officii tenentur ad exercitium operum perfectorum in purgando, illuminando, & perficiendo sibi subiectos, pro eisquæ animam suam ponendo. Quandoquidem Discipuli Christi, quos binos ipse misit ante faciem suam, fuerint in aliquo statu perfectionis, supra communem plebem. Istis verò Discipulis succelsere Prælati inferiores, & Parochi, sicut Apostolis Episcopi. Et sicut post Apostolos dicti Discipuli fuere in ordine secundi, ita & Episcopis Prælati inferiores, à Parochi sunt gradu secundi. Ratio *Secundæ* partis Asserti est. Quia quò aliquis magis accedit ad causam universaliorē, eò maiorem participat virtutem ejus activitatis, & plurium effectuum, quàm ille qui minus causæ approximatur. Ergo etiam Prælatorum, & Curatorum animarum quò aliqui magis accedunt ad statum & officium Episcoporum, eò magis & perfectionem status & officii Episcopalis sortiuntur, quandoquidem perfectio major vel minor operum comitatur statum, tanquam effectus magis vel minus nobilis magis vel minus nobiliorem causam.

§ IV.

Dico Primò: Incitamenta ad vivendum conformiter statui Sacerdotali, hæc afferuntur. *Primum*. Ideo, ut dignè Sacerdos posset fungi officiis Sacrorum Ordinum. Unde D. Thomas docet: *Ex hoc quod aliquis*

S. Thomas 2.
2. q. 184. a. 6.

aliquis accipit sacrum Ordinem non ponitur simpliciter in statu perfectionis, quamvis interior perfectio ad hoc requiratur, quod aliquis digne huiusmodi actus exerceat.

Secundum. Ne deferatur à Spiritu Sancto, ut innuit S. Chrysostomus: Sacerdotis animum solaribus radiis puriorem esse, S. Chrysost. oportet, ut nè quando Spiritus Sanctus desolatum illum relinquat, de Sacerdotio ut dicere illi liceat: Vivo equidem non amplius ego, vivit autem, seu Officio Patris in me Christus. Quanta autem puritas sanctitasque conveniat, stor. lib. 6. Sacerdoti, ulterius describit idem S. Doctor: Cum autem ille & S. Chrysost. Spiritum Sanctum invocaverit, Sacrificiumque illud horrore ac, de Sacerd. lib. reverentiâ plenissimum perfecerit, communi omnium Domino, 6. manibus assidue pertractato, quæto ex te, quorum illum in ordine collocabimus? quantam verò ab eo integritatem exigemus? quantam religionem? Considera enim quales manus hæc, administrantes, esse oporteat? qualem linguam? quæ verba illius effundat? quâ denique te non puriorem sanctioremque esse conveniat animam, quæ tantum illum tamque dignum Spiritum, receperit? Hinc Petrus Blesensis refert: Ob reverentiam huius ministerii & eminentiam B. Marcus, cuius cor & linguam Dominus Petr. Blesens. de Vita Cleric. & Monach. Sancti Spiritus igne purgaverat, quasi tamen adhuc imperfectum suum sentiens, pollicem sibi abscidit, ne ad sacerdotium cogere- tur. Legimus quòd cum B. Ammonius ad regimen populi traheretur invitus, aurem sinistram, ferro sibi radicitus secuit, dicens: Lex Divina neminem præcisâ aure permittit fieri Sacerdotem. Reversi sunt ergo Clerus & populi ad Thimotheum tunc temporis Patriarcham, qui Ammonium, non solum si auribus mutilatus, sed etiam naribus truncatus esset, propter sanctitatē ipsius censuit promovendum. Revertentibus illis & per iter trahentibus virum DEI, atque cogentibus, linguam, inquit meam propter quam vobis placeo, si me ulterius cogitis, propriis dentibus amputabo: & sicutandem sibi relictus est. Adhæc Paulus Eremita, Antonius, Apollonius, Mutus, Hilarion, Paphnutius, & uterque Macharius, & Arsenius. B. etiam Benedictus, ceterique viri nominatissimæ religionis, quorum memoria in benedictione est, nunquam gradum Sacerdotii attigerunt: in sua tamen simplicitate salvati sunt.

Tertium. Quia Sacerdotes portant peccata populi, ut pro eis placent Dominum, quod sine vitæ magna puritate ac cum DEO

Petr. Damian. contra igna. familiaritate fieri nequit. Unde *S. Petrus Damianus* ait; Præfer-
Cleric. Opusc. dotibus conferantur, ut ipsi pro populo precibus ac votis infi-
s. stere, ejusq; debeant peccata portare; hinc est quod Eleazar &

Levit. 10. Thamar filius Aaron Moyses ait: Cur non comeditis hostiam,
 pro peccato in loco Sancto, qui Sancta Sanctorum est, & data est
 vobis ut portetis iniquitatem multitudinis, ut rogetis pro ea in
 conspectu Domini?

S. Bernard. in Declamat. *Quartum.* Mellissius Doctor explorans vocationem Ec-
 clesiasticorum ad illa verba Apostoli; *1. Cor. 1. videte vocationem*
vestram, ita differit dicens; Consideremus & nos an vocati vene-
 rimus, & vocati à DEO, cujus nimirum hæc vocatio est. Nec
 communem modo vocationem dixerim quâ ferè juxta eundem
 Apostolum, quos prædestinavit hos & vocavit. Si quis vocave-
 rit vos in honorem Cleri, conveniri velim conscientias singulo-
 rum, ut secundum præceptum Domini, ad cor Hierusalem lo-
 quar. Huic enim parvulo adhuc, aut forsitan necdum nato, Ec-
 clesiastica jam beneficia, provida sanè parentum sollicitudo para-
 bat: hunc nos inquires, illi vel illi tradamus Episcopo, apud
 quem habemus gratiam, aut cui fortè servimus, ut dicitur de bo-
 nis Domini, nec in tot liberos tota dividatur hæreditas. Illum
 Præpositus aut Decanus, ut sibi succederet, plus quàm materno
 educavit affectu, in deliciis enutrivit & delictis. Ille dignus
 Archidiaconatu, utpote filius Principis, magis autem si sit Epi-
 scopi consobrinus, in quo nimirum tota est Episcopata progeni-
 es. Alius denique circuit sedulus explorator, blanditur, obse-
 quitur, simulat & dissimulat, miseraque suffragia sibi emendi-
 care non erubescit, manibus & pedibus repens, si quomodo tan-
 dem aliquando sese ingerere queat in patrimonium Crucifixi,
 & bona Domini, quæ sola ex omnibus hodie inveniuntur expo-
 sita. Quis eâ intentione gradus Ecclesiasticos & ministeria san-
 ctuarii quarit, imo quaritur, (quari nempe ipse quàm quærere
 debuerat) ut sine curis seculi in sanctimonia cordis & corporis
 illuminandus accedat ad Dominum, & suam pariter ac proximo-
 rum

rum operetur salutem, orationis studio deditus, & verbo præ-
dicationis? Nam si eos, eo quarit animo & intuitu, ut hujus vi-
tæ habeat necessaria, evangelizat ut manducet, & perverso nimis,
ordine cœlestibus terrena mercatur. Quàm certè dignius am-
pliusque consonum rationi, ut pro carnali victu carnalia magis,
opera & negotia excerneret, nec fieret inverfor rerum, aut inho-
moraret ministerium spirituale. Sed modico est natura conten-
ta, nec multi sola in his necessaria quærunt, quippe minori facilè
satis obtinenda periculo. Honorati incedere volunt, placere stu-
dent hominibus, delectari & superbire, & huic seculo per omnia
conformari.

Quintum. Christus Dominus crucifixus idea veri Sacerdo-
tis, qui seipsum hostiam cruentam DEO Patri obtulit; Ita & Sa-
cerdos sit crucifixus mundo, & ipsi Christo per ejus imitationem
confixus, offerat sacrificium Missæ incruentum DEO in odorem
suavitatis.

Sextum. D. Erardus postquam ad Presbyteratus ascendit *Paulus in vi-*
gradum, summum etiam cœlestis scalæ gradum ascendit, jam ex *ta c. 2. 8. Jan.*
continuo usu non sentiens laborem, sed ex usu laboris resumens *apud Bolland.*
consuetudinem. Ad altaris enim consecratus ministerium, se-
ipsum vivam hostiam in ara crucis immolavit. Mundo mortuus
quanquam adhuc spirabile gerens corpusculum, castitate Virgo,
acerdos ordine, paupertate Monachus, professione Confessor,
laboribus Martyr, legatione Apostolus, munditiâ Angelus.

Septimum. S. Hieronymus ex Cheramone Stoico ostendit, *S. Hieron. l.*
qualiter Sacerdotes Egyptii postpositis omnibus mundi nego- *2. contra Jov.*
tiis, curisque, soli cultui divino vacaverint: cognatos, ac liberos,
nunquam viderint, à suscepto officio mulieribus nullo tem-
pore, se miscuerint; carnibus ac vino semper abstinue-
rint; panem rarè comederint: oleum tantum in oleribus nove-
rint & ipsum etiam rarum: volatilia, ova cum lacte vitaverint;
cubile de foliis palmarum, quas Bajas vocabant habuerint: sca-
bellum acclive atque ex una parte obliquum in terra pro pulvillo
capiti supposuerint: humores corporis ex otio prognatos vi-
ctus castigatione siccaverint. *Narrat præterea apud alios quoz popu-*
los fuisse, qui uxoribus, vino, carnibus, volucris, piscibus, po-
mis,

mis, coctisque cibis abstinerint; & præter farinam, & olera in cibum nihil acceperint. Videant Sacerdotes, videant Christiani, qualiter vivant Pagani. An non isti in die Judicii stabunt contra nos, & suâ vitâ æternum (quod absit) condemnabunt?

Pater ex dictis quibus in virtutibus Sacerdotes se exercere debeant; quarum *Præces* vide suis locis infra in genere & specie.

§ V.

Dico Secundò. *Incitamenta ad Episcopali dignitati, & Caratella animarum Vitam condignam gerendam, hæc præsto sunt.* Primum. Gravis-
sima obligatio, quâ ex vi status sui tenetur Episcopus tum ad exer-
cendam vel saltem procurandam perfectionem propriam, tum
sibi subjectarum Animarum. Dico, ad perfectionem propriam: Quia
penè fieri nequit, ut suo faciat satis officio in præstanda Cura ani-
marum citra propriam perfectionem, juxta Verbum Christi: *Quod*
si sal evanuerit, in quo salietur? ad nihilum valet ultra: nisi ut mittatur for-
as & conculeetur ab hominibus. Hinc Dominus antequam Petrum
constituisset suarum Ovium Pastorem, prius serium instituerat e-
xamen de perfectione dilectionis dicens: *Simon Johanuis diligis me*
plus his? Respondit; *Domine tu scis, quia amo te.* Et dixit JESUS:
Pasce oves meas. Ratio addi potest: quia nemo dat, quod non ha-
bet. Ergo & Curator animarum non formabit alios perfectione,
quam non habet. Nec dicas: sufficit verbo alios instituisse. Re-
spondeo: Parum profunt verba, ubi defunt exempla: Ejus enim
prædicatio contemnitur, cujus vita despicitur. Deinde tepidi vel
improbi Prædicatoris voci ordinariè deest vox virtutis in Audito-
ribus operans tum ex parte prædicantis; cum non procedat ab eo
ignitum eloquium, sed quasi carbones igne informes alios carbo-
nes peccatores scilicet haud incendentes; tum ex parte Spiritus S.
qui ad ejusmodi Prædicatoris verba pios non excitat motus in cor-
dibus audientium. Denique quomodo impurus alios verbo &
exemplo erudiet in puritate; vacuus luminis virtutum, illuminabit
virtute; exiguus in dilectione, inflammabit perficietque charita-
te? Quomodo ejusmodi mediator futurus inter DEUM & popu-
lum, pro eoque offeret dona & Sacrificia placans Divinam Maje-
statem, qui sicut populus sic Sacerdos, imperfectus, tepidus, de-
linquens?

Matth. 5.

Johan. 21.

linquens? Et tamen hæc sunt præcipua munia Officii Curatoris animarum, maximè Episcoporum & Prælatorum Ecclesiæ, quæ nequeunt exerceri absque propria perfectione, ut probatum est. Ergo propter perfectionem alicnam exercendam stringuntur graviter Episcopi aliique Pastores Ecclesiarum ad propriam perfectionem habendam. Et ut Suarez docet: Ipse homo se constituit in periculo, si absq̃ debita dispositione (nempe scientiæ & virtutis) talem statum (id est Episcopalem) suscipiat. Oportet igitur juxta Apostolum Episcopum irreprehensibilem esse, sobrium, prudentem, ornatum, pudicum, hospitalem, doctorem, non violentum, non percussorem: sed modestum, non litigiosum, non cupidum, suæ domui bene præpositum, filios habentem subditos cum omni castitate. Si quis autem domui suæ præesse nescit, quomodo Ecclesiæ DEI diligentiam habebit? non Neophytum: ne in superbiam elatus, in iudicium incidat diaboli. Oportet autem illum & testimonium habere bonum ab iis qui foris sunt: ut non in opprobrium incidat & in laqueum diaboli. Et alibi: Oportet Episcopum sine crimine esse, sicut DEI dispensatorem, &c. justum, sanctum, continentem, amplectentem eum qui secundum doctrinam est fidelem sermonem, ut potens sit exhortari in doctrina & sana, & eos qui contradicunt arguere. Et paulò post: In omnibus ipsum præbe exemplum honorum operum, in doctrina, in integritate, in gravitate, verbum bonum, irreprehensibile, ut is qui ex adverso est vereatur, nihil habens malum dicere de vobis. Unde S. Chrysostomus inquit: Itaque qui sibi, vel levis culpæ conscius est, malè profectò facit, eam rem appetens, quâ indignum se per opera fecit. Non enim decet humilissimi regere, sed potius regi. Eum quippè qui regendos alios suscipit, tantâ decet gloriâ virtutis excellere, ut instar solis, ceteros veluti stellarum igniculos, in suo fulgore obscuret. Debet huiusmodi vitam habere immaculatam, atque compositam, ut omnes in illum, & illius vitam, veluti in exemplar aliquod excellens intueantur. Facit autem hoc Paulus non adsque ratione, qui huiusmodi monitis utitur: verum quia & Timotheo ipsi cura incumberebat Episcopos Ordinandi, sicut & Tiro, quem etiam de huiusmodi admonet. Er par erat, plurimos ejus rei desiderio allici, idcirco tantâ illum diligentia pingit, ut qui se ad eam rem præparare vellent, ad quantam virtutis celsitudinem sibi evadendum esset, agnoscerent. Sobrium atque vigilantem: Hoc est

De Stat. per-
fect. lib. 1. c. 14.n. 9.
Epist. 1. ad Ti-
moth. cap. 3.Epist. ad Ti-
moth. cap. 1. 2.
& 3.S. Chryso-
stom. in Epist.
ad Timoth. de
dot. & qualitat.
Episcopi.

est clarissimâ mentis acie præditum, innumerosq; omni ex parte habentem oculos, quibus acutissimè omnia perspiciat. Sunt quippe plura, quæ incidunt, & mentis hebetent aciem: puta concupiscentiæ, quotidianæ curæ, rerumque perturbatio, & plurima id genus undique imminet.

Quod concernit perfectionis alienæ nempe animarum commissarum procurandæ obligationem, hanc in Episcopis & Curatoribus animarum esse gravissimam, sole clarius pater. Quia hæc obligatio versatur circa materiam omnium maximam, qualis est æterna salus animarum: sed quid multis? Audiamus id ipsum ex ore Apostolico, ac SS. Patrum, Tubarum illarum Cœlestium, altius de sublimitate, officiis, onere Pastorum Ecclesiæ, intonantium. Paulus Doctor gentium, vide quantum obtestatur D. Timotheum, & ad quæ munia exequenda sui Præfatus, sic dicens. Testificor coram DEO, & JESU CHRISTO, qui judicaturus est vivos & mortuos, & per adventum ipsius, & regnum ejus: prædica verbum, instas, opportune, importune: argue, obsecra, increpa in omni patientia, & doctrina. Et paulo post: Tu verò vigila, in omnibus labora, opus fac Evangelistæ, ministerium tuum imple, sobrius esto. Aureum verò illud os ita effatur: Vigilantem igitur esse oportet, qui non tantum sui curam habet, verum etiam reliquorum, decet esse pervigilem eum, qui ejusmodi est, ac Spiritu vivere, & affectus sui flammam operibus ipsis ostendere, Ducesque omnes solitudine, atque industriâ superare, ut diu noctuque exercitum & castra perlustret, laboret, & sui officii munus diligentissimè impleat, atque omnium curam ac solitudinem gerat. Aptum ad docendum: hoc quippe à subditis nequaquam exigitur, cæterum illi ante omnia adesse debet, qui hujusmodi suscepit officium. Ejusmodi plura vide Sect: sequenti, ubi de Oppositis statui Ecclesiastico.

Secundum luitamentum sunt magna cœli præmia, dignos Ecclesiæ Pastores comitantia. Audi Principem Apostolorum, qui ait: Seniores ergo qui in vobis sunt, obsecra consenior & testis Christi passionum: qui & ejus, quæ in futuro revelanda est, gloriæ communicator: pascite qui in vobis est gregem Domini, providentes non coactè, sed spontaneè secundum DEVM, neque turpis lucri gratiâ, sed voluntarie; neque ut dominantes in Cleris, sed forma facti gregis ex animo. Et cum apparueris Princeps Pastorum,

2. Timoth.
cap. 4.

S. Chrysost.
in Epist. ad Timoth.
de qualibet. Episc.

1. Petr. c. 5.

Pastorum, percipietis immarcescibilem gloriæ coronam. Hæc corona gloriæ non modò essentialis, verum & accidentalis intelligitur, quæ sanctis Doctoribus (quales sunt Ecclesiæ Pastores) tribuitur. Hinc gloria ab eis Salvatorum in ipsorum accidentalem gloriam redundabit. Unde Apostolus: *Quæ est enim nostra spes, aut gaudium, aut corona gloriæ? Nonne vos ante Dominum nostrum IESVM CHRISTVM estis in adventu ejus? vos enim estis gloria nostra & gaudium.* Unde legitur in vita S. Aldegundis, S. Amandum ei apparuisse magnâ multitudinem Sanctorum à se salvatorum stipatum, inter quos ipse eminentior gloriâ, illi verò omnes respiciebant in ipsum quasi magistrum & parentem suum, eiq; suas coronas acceptas deferebant.

Tertium est. Exemplar boni Pastoris qui est Christus, & sui Apostoli; dicit enim Salvator: *Ego sum Pastor bonus. Bonus Pastor animam suam dat pro ovibus suis.* Unde S. Augustinus inquit: Pastor, ergo bonus CHRISTUS. Quid Petrus? nonne bonus Pastor? nonne & ipse animam suam pro ovibus posuit? Quid Paulus? Quid cæteri Apostoli? Quid eorum tempora consequentes beati Episcopi Martyres? Nonne omnes Pastores boni, non mercenarii de quibus dicitur: Amen dico vobis perceperunt mercedem suam? Omnes ergo illi Pastores boni, non solum quia sanguinem fuderunt: Sed quia pro ovibus fuderunt; Non enim fuderunt elatione sed charitate.

Quartum. Exempla tot habes bonorum Pastorum, quot vitas legis Sanctorum Episcoporum, Abbatum, tum quorumvis Ecclesiasticorum & Religiosorum animarum Curatorum. Habes expressum supra de S. Amando Episcopo, nunc de inferiore Ecclesiastico & Religioso Superiore accipe exemplum. Cantipratanus ait: Dilectum valde socium in scholis habui, coævum fere & prope parvum studiorum, hic à puero usque ad finem vitæ à mulieribus incommixtus omnino semper fuit. In adolescentia Sacerdos factus in Brabantie partibus suscepit regimen animarum, quibus tam diligenti, tam sincerâ curâ præfuit, ut quos in bono vincere admonitione non potuit, multimodis provocare studebat exemplis. Aliis comedentibus jejunos ipse manebat. Aliis dormientibus manebat insomnis: atque aliis intentis ad aleas, ipse orationibus incumbibat. Quidquid in suos usus deputatum erat, commu-

1. Thes. c. 2.

Joan. c. 10.

De Verb. D.

Ser. 50.

Cantipratanus

Apum lib.

l. c. 14. part. 2.

ne pauperibus faciebat. Si quam ex ovibus aberrare videbat, importunè & opportunè ad revocandum instabat. Hæc foris præter illa, quæ intrinsecus majora latebant. Talibus actibus ferme viginti annis cunctis imitandus emicuit, & cum Altissimo placuit, tali fine defunctus est. Febre acutissimâ per aliquot dies laboravit. Et ecce ubi Sacramentis salutaribus præmunitus, & attenuato spiritu animam felicem emisit, mox sine ullo interstitio, coruscatio tanti luminis resplenduit, ut per unam leucam circumquaque & eò ampliùs quasi dies esset clarissima, in lucem subitam noctis tenebræ verterentur. Quid mirum? illum recedere sine luce non decuit, qui multis illustratus exemplis, altioris vitæ volatus primos feliciter vendicavit. Facta est in morte beati viri dicta coruscatio lucis, diffusa per patriam primâ horâ noctis adhuc vigilantibus plurimis, & ipsum lumen emissum multa millia hominum undecunque viderunt, qui ad majoris & gravioris agnitionis & veritatis lucem in visione tanti miraculi profecerunt. Beatus ergo ille prælatus, qui suis subditis viam vitæ exemplaris ostenderit, & volatus altioris exercitii vendicavit principatum.

*Lib. 2. c. 4.
vite FF. Ere-
mit. D. Angu-
stini.*

Aliud. Fuit quidam Prior in ordine (ut à senioribus meis accepi) à pueritia castus, religiosus, & devotus, sed valde rigorosus in regimine, & sub ipso vixit maxima disciplina. Nam regularis observantia, & Divinum officium optimè fiebat, & delinquentes strenuè corripiebat. Erat autem inter Conventuales suos quidam frater, in B. Joannem Baptistam, singularem devotionem habens, qui propter rigorem Prioris procuravit mitti ad alium Conventum. Cui apparens S. Joannes Baptista in visione, dixit ei: Noli recedere à Priore tuo: quia utile & salubre est tibi sub ipso esse usque ad mortem. Et sic idem Frater sub illius mansit Prioris regiminis voluntate usque ad mortem, & tandem devotè obiit in die Nativitatis S. Joannis Baptistæ. Prior autem diu infirmatus diem claudens extremum, magnam gloriam, & multa præmia percepit à Domino, sicut revelatum fuit cuidam sanctæ forori.

Liquet igitur ex dictis, & magis ex dicendis patebit, quæ Curatorum animarum officia, & quomodo respectu sui, & sibi commissorum practicè exercenda.

SECTIO

SECTIO IV.

De Opposito Statui vitæ Supernaturalis Ecclesiasticorum.

Dico Primò: Id Oppositum est Permanentia in Vitiis, Virtutibus, *Vide c. 5. sect. 2. & c. 6. sect. 2. subject. 2.*
 Status Ecclesiasticorum contrariis &c: ut supra proportionatè applica explicata.

§1.

Dico Secundò: Incitamenta ad Vitam Statui Ecclesiastico, maxime Sacerdotali, dissonam, fugiendam, hæc sequuntur.

Primum. Quia, etsi Ecclesiastici supra beneficiorum suorum proventus habeant dominium: tamen satisfactâ sibi congruâ sustentatione, quodlib. 6. art: peccant mortaliter, dum partem superfluum bonorum merè Ecclesiasticorum 12. ad 4. Et non expendunt in pios usus: sed vel in amicos & consanguineos suos ut fiant Cardinal. Ludiciores, vel pro luxu & vana ostentatione abutuntur, vel thesaurizant & go: de justit: congregant pecuniam cum periculo amittendi eam post mortem, vel succursum interim non ferunt pauperibus, & Ecclesie necessitatibus. Est hæc sententia D. Thomæ, & communis omnium Doctorum, teste Lugone. Probatur hoc ipsum ex gravi præcepto Concilii Tridentini tenoris talis: Sancta Synodus omninò interdicat Episcopis, ne ex redditibus Ecclesie consanguineos, familiaresve suos augere studeant, cum & Apostolorum Canones prohibeant, ne res Ecclesiasticas quæ DEI sunt, Consanguineis donent, &c. *Trident. Sess. 25. cap. 2. de Reform.* Et paulò post: Quæ verò de Episcopis dicta sunt, eadem non solum in quibuscunque beneficia Ecclesiastica obtinentibus pro gradu sui conditione observari: Sed etiam ad S.R.E. Cardinales pertinere decernit. Et ratio est: quia Beneficiarii ex quo sunt Vicarii DEI in dominio bonorum Ecclesie, & nomine DEI accipiunt talia bona, sequitur eos debere imitari DEUM in usu eorundem bonorum, & repræsentare DEUM non utendo ipsis ad vana & profana. Deinde, quia bona Ecclesie cum secundum Concil. Trident. sint Res DEI, id est à fidelibus mediatè vel immediatè DEO oblata in veniam suorum delictorum, & promovendum cultum DEI, summa indecentia est, & repugnans reverentiæ DEI, iis abuti ad vanitates & superfluitates, etsi tales res sint sub Dominio Ecclesiasticorum: planè ad eum modum sicut inquit *Lugo: Tabellas aurtia*

reas donatas alicui Capellæ B. Virginis, adeoque sub dominio Capellæ constitutas, turpe esset ab ipsis, ad quos pertinet Capella, expendi in convivia aut venationes.

Secundam. Ecclesiastici per superfluum victum & amictum privantur mercede æternâ, rapinam sacrilegiumque committunt.

*S. Bernard.
Epist. 2.*

„ Audi Mellissimum Ecclesiæ Doctorem. Memento fili, quia recepi-
„ sti bona in vita tua: Recepisti dixit, non rapuisti; ne etiam de
„ hoc tibi frustra blandiaris, quod tuis contentus, aliena non ra-
„ pias. Verumtamen quæ sunt illa tua? beneficia Ecclesiæ? rectè
„ quia surgis ad Vigiliis, vadis ad Missas: horis Chorum nocturnis
„ diurnisque frequentas, benefacis. Sic Ecclesiasticam præbendam
„ gratis non accipis. Dignum est, ut qui Altario deservit, de Altario
„ vivat. Conceditur ergo tibi, ut si benè deservis, de Altario
„ vivas: non autem ut de Altario luxurieris, ut de Altario superbi-
„ as, ut inde compares tibi fræna aurea, sellas depictas, calcaria de-
„ argentata, varia griseaq; pellicea à collo & manibus ornatu pur-
„ pureo diversificata. Denique quod præter necessarium victum,
„ & simplicem vestitum de Altario retines, tuum non est, rapina
„ est, sacrilegium est. Orabat quidem Sapiens tantum victui suo
„ tribui necessaria: non superflua: Habentes (ait Apostolus) vi-
„ ctum & vestitum, non victum & ornatum, Et quidam alius
„ Sanctus: si dederit inquit mihi Dominus panem ad manducan-
„ dum & vestimentum quo operiar. Nota quò operiar. Sic ergo
„ & nos contenti simus vestimentis quibus operiamur, non qui-
„ bus lasciviamus, non quibus superbiamus, non quibus mulier-
„ culis vel simulari vel placere studeamus. Sed hoc faciunt, inquis,
„ cum quibus habito: si non facio quod cæteri, de singularitate
„ notabor: propterea inquam exi de medio eorum, ne aut in urbe
„ notabiliter vivas, aut exemplo pereas aliorum.

*Prov. 30. v. 1.
Tim. c. 6. v. 8.
Vide Gen. 28.
v. 20.*

Tertium. Ecclesiastici ex affluentia bonorum Ecclesiæ gen-
aliter viventes sunt illi, qui in terra Sanctorum iniqua gerentes, non
videbunt gloriam DEI, sed sustinebunt poenam diaboli. Ita S.
Bernardus: Pavendum valde quod in Propheta de huiusmodi le-
gimus, ubi loquens ad Angelos suos DEUS sic ait: Misereamur
impio. Quibus paventibus atque quærentibus: Non ergo di-
scet facere iustitiam? Non, inquit; subdensque causam, in ter-

*S. Bernard.
Serm. 23. in
Cont.*

ra, ait, Sanctorum iniqua gesit, & non videbit gloriam Domini. Timeant Clerici, timeant Ministri Ecclesiæ, qui in terris Sanctorum quas possident, tam iniqua gerunt, ut stipendiis quæ sufficere debeant, minimè contenti, superflua quibus egeni sustentandi forent, impiè sacrilegèq; sibi retineant: & in usus suæ superbix atque luxuriæ victum pauperum consumere non vereantur, duplici profectò iniquitate peccantes, quod & aliena diripiunt, & Sacris in suis vanitatibus & turpitudinibus abutuntur. Talibus ergo cum impræsentiarum parcere aut misereri, ne in æternum parcat, cujus judicia abyssus multa, advertitur: quis hoc loco requiem quærat? Habet hæc visio tremorem judicii, non securitatem cubiculi. Terribilis est locus iste, & totius expers quietis. Totus inhorruì, si quando in eum raptus sum, illam apud me replicans cum tremore sententiam: Quis scit si est dignus amore an odio? Nec mirum si titubo ego ibi (folium utique quod à vento rapitur, & stipula sicca) ubi & maximus ille, contemplator suos quoque faterur penè motos fuisse pedes, penè effusos gressus, & dicebat: Zelavi super iniquos, pacem peccatorum videns. Quare? In labore, inquit, hominum non sunt, & cum hominibus non flagellabuntur: ideoque tenuit eos superbia, ne humilientur ad poenitentiam, sed damnentur propter superbiam cum superbo diabolo & angelis ejus. Nam qui in labore hominum non sunt, in labore dæmonum profectò errant, dicente iudice: Ite maledicti in ignem æternum, qui paratus est diabolo & angelis ejus.

Quartum. Turpe & absurdum est Clericum specie, re & vitâ Secularem prætere. Ita B. Cardinalis Damianus: Satis videtur absurdum, ut Clerici quis prætendat in Ordine speciem, & Secularium teneat vivendo conversationem: & quem à Laicorum turbis professionis conditio separat, turpe est, si vel domesticæ conversatio, vel peculii abominanda proprietas Laicum esse convincat. Quid enim illius poterit concupiscentiam satiare, cui non potest ipse DEUS in possessione sufficere? Clericus quippe si juxta sui Etymologiam vocabuli ipse fors est DEI, ita nihilominus & DEUS Omnipotens ejus esse portio perhibetur; unde & Hieremias ait: *Pars mea Dominus, dixit anima mea, propter*

Eccl. 9.

Job. 13.

Psalm. 72.

Ibidem.

Matth. 25.

S. P. Damian.

Card. de Com.

Vita Can. Op.

6.

Thren. 5. 3.

pterea

„pterea expectabo eum. Et alibi DEUS: Opus, inquit, manuum me a-
 „rum es tu, hereditas mea Israel. Et iterum: Quo pacto quis v ale
 „at dici Canonicus nisi sit Regularis? quomodo Monachus, nisi
 „juxta vim sui nominis sit etiam singularis? Volunt siquidem
 „Canonici hoc est Regulare nomen habere, sed non regula-
 „riter vivere.

S. Greg. sup *Quintum.* Quia multum deploranda est vita improba Ec-
Jerem. Thren. „clesiasticorum. Collige ex dictis S. Gregorii in Jer: *Quomodo obscu-*
c. 44. l. Hom. „ratum est aurum, mutatus est color optimus, dispersi sunt lapides sanctuarii
de cura pastor. „in capite omnium platearum? Aurum quippe obscuratum est: quia
 „Sacerdotum vita quondam per gloriam virtutum clara, nunc
 „per actiones infimas ostenditur reprobata. Color optimus est
 „mutatus: quia ille sanctitatis habitus per terrena & abjecta opera
 „ad ignominiam despectionis venit. Lapidēs verò sanctuarii
 „intrinsecus habebantur, nec sumebantur in summi Sacerdotis
 „corpore, nisi cum Sancta Sanctorum ingrediens, in secreto sui
 „Conditoris apparebat. Nos ergo sumus, fratres charissimi, nos
 „sumus lapides sanctuarii, qui apparere debemus semper in se-
 „creto DEI, quos nunquam necesse est foris conspici, id est, nun-
 „quam in extraneis actibus videri. Sed dispersi sunt lapides
 „sanctuarii in capite omnium platearum: quia hi quiper vitam &
 „orationem intus semper esse debuerant, per vitam reprobam
 „foris vacant. Ecce jam penè nulla est seculi actio quam non
 „Sacerdotes administrent. Dum ergo in sancto habitu consti-
 „tuti, exteriora sunt quæ exhibent, quasi sanctuarii lapides foris
 „jacent. Quia enim græcâ voce platea à latitudine vocatur,
 „sanctuarii lapides in plateis sunt, cum Religiosi lata mundi
 „itineria sectantur. Nec solum in plateis, sed in capite platearum
 „dispersi sunt: quia & per desiderium mundi hujus opera per-
 „agunt, & tamen de religioso habitu culmen honoris quærunt.
 „In capite ergo platearum dispersi sunt, quia & jacent per mi-
 „nisterium operis, & honorari volunt de imagine Sanctitatis.

S. Bern. Serm.
6. in Psal. Qui
habuit.

Sextum. Ecclesiastici perversi sunt demonium meridianum,
 „prænuncii Antichristi, ut colligitur ex discursu S. Bernardi dicentis:
 „Multiplicasti Domine JESU gentem, sed non magnificasti la-
 „titiam: quoniam multi sunt vocati, pauci verò electi. Omnes
 fere

ferè quæ sua sunt quærunt, non quæ JESU Christi. Ipsa quoque Ecclesiastica officia in turpem quæstum & tenebrarum negotium transiére: nec in his salus animarum, sed luxur quæritur divitiarum: propter hoc tondentur, propter hoc frequentant Ecclesias, Missas celebrant, Psalmos decantant. Pro Episcopatus & Archidiaconatibus, Abbatibus, aliisque dignitatibus impudenter hodie decerratur; Ut Ecclesiarum reditus in superfluitatis & vanitatis usus dissipentur. Superest, ut reveletur homo peccati, filius perditionis, dæmonium non modo diurnum, sed meridianum, quod non solum transfiguretur in Angelum lucis, sed extollatur supra omne quod dicitur DEUS aut colitur.

Septimum. Ab Exemplis. Aaron Sacerdotis duo filii Nadab & Abiu alienum ignem Domino contra Præceptum offerentes, cœlesti igne exanimati, occubuerunt. Ob ingluviem & fornicationem filiorum Heli Sacerdotis quanta illis minetur DEUS, audiant ipsis similes; sic namque ait Dominus: Ecce ego faciam verbum in Israel, quod quicumque audierit, tinnient ambæ aures ejus. In die illa suscitabo adversum Heli, omnia quæ locutus sum super domum ejus: incipiam & complebo. Prædixi enim ei quod judicaturus essem domum ejus in æternum, propter iniquitatem, eò quod noverat indigne agere filios suos, & non corripuerit eos. Idcirco juraui domui Heli, quod non expietur iniquitas domus ejus victimis & muneribus usque in æternum. Unde ipse Heli subitâ morte concidit, nequam filii à Philistæis perempti, Arca Domini ab iisdem capta, Israeliticus populus debellatus, Sacerdotium à domo Heli in Samuelem translatum. Nec suæ Arcæ sacrario, nec Genti Israel pepercit DEUS propter duos impios Sacerdotes. Deinde DEUS percussit de viris Bethsamitibus, eò quod vidissent (curiosius) Arcam Domini, & percussit de populo septuaginta viros, & quinquaginta millia plebis. Luxitque populus eò quod Dominus percussisset plebem plagâ magnâ. Et dixerant viri Bethsamitæ: Quis poterit stare in conspectu Domini DEI sancti hujus? Oza Sacerdos vectam Arcam DEI & titubantem ne concideret, minus dignâ reverentiâ contrectans & sustinens, percussus à Domino interiit. En irreverentiâ circa figuram Sanctissimi Eucharistiæ Sacramenti, quam horrendum in modum mulctata, quid igitur poenarum

R

perversi

Levit. 10.

1. Reg. 3.

1. Reg. 6.

2. Reg. 6.

*Petrus Venerabilis Abbas
Cluniac. lib. 1.
Miracul. c. 25.*

peruersi & impii Sacerdotes habent sperare in futuro seculo ob indignè suā vitā administratam ipsam Rei scilicet Divinisissimi Corporis & Sangvinis Christi veritatem in tremendo Missæ sacrificio? Item aliud: Refert Petrus Cluniac: Quia apud castrum Lizimacum, quod in Pictaviensi pago est situatum, nuper quidā Presbyter erat, qui Sacerdotalis ordinis supercælestem dignitatem miserrimæ vitæ conversatione deturpans, non ad animarū (quibus præerat) curam, sed ad carnis voluptatem explendam sacro mysterio utebatur. Post dilatam vitæ emendationē in morbū incidit, quo ingravescente ad extrema devenit; venerat ad eum visitationis gratiā quidam Prior Religiosus, & ecce æger inclamare terribiliter cepit dicens, irrure in se duos Leones hianti ore ac rictu feroci per frustra eum discerpturos, sed Prioris oratione pulsi Leones, iterum post horæ unius intervallum rursus inclamare longè terribilius, quàm prius exorsus est: En inquit ignis de Cælo ut torrens inundans descendit, & super hunc lectum veniens, jam jamque me in favillam comburit. Verum & ille ignis Prioris oratione repressus est. Tunc Prior, qui tam timore quam hospitandi necessitate recedere nolebat; substitit, & ab oratione surgens rursus ei assedit. Cumque eum tantis terroribus anxium consolaretur, & cum uterque ut prius colloqueretur, subito ægrotus ad invisibilia raptus obmutuit; eum Prior raptum ab humanis intelligens, rei exitum præstolabatur. Tum ecce post multum noctis spatium homo ad se rediit, & miserabiliter ingemiscens, ait. Ha! Ha! ad iudicium æternum raptus sum, & heu! miser æternā morte damnatus sum. Traditus sum horrendis tortoribus, igni inextingibili cum diabolo & Angelis ejus perpetuò cruciandus. Ecce, ecce ignea sartago plena bullienti adipe, quam coram me tormentorum ministri detulerunt, eamque ad me frixurandum undique succenderunt. Et cum sæpe nominatus Prior orationi, (sicut jam bis fecerat) tertio quoque incubuisset, ille ait: Cessa, cessa rogo, pro me orare, ne pro illo ultra fatigeris, pro quo nullatenus exaudieris. Priore autem dicente; frater redi ad cor, & misericordiam dum adhuc vivis à DEO require. Ille adjecit: putas (ait) me insanum loqui? Non (ait) insano, sed sanā mente ea quæ dixi confirmo. Et cucullam Prioris manu tenens eum interrogavit, nonne hæc quam

manu

manu teneo cuculla tua est? Quo respondente, est, adjunxit: sicut hæc vestis cuculla est, & sicut hoc quod substratum est mihi, palea est, sic & hoc quod coram cerno ignita sartago est. Et dum hæc loqueretur gutta invisibilis ignis de illa quam videbat sartagine exiliens, in manum ejus, Priore vidente, cecidit, & mirabile dictu, cutem & carnem usque ad intima ossis consumpsit. Tunc ille acri cum gemitu. En (inquit) indubia rei probatio. Nam sicut ista, quam vides de sartagine prolapsa gutta carnis partem consumpsit, sic confestim me ignea vorago consumet. Priore ad ista stupente iterum dixit: Ecce sartagine ipsam Ministri infernales propius afferunt, & ut me in illam injiciant, jam jamque manus adaptant. Et post modicum: Ecce lineum in quo jaceo undique concurrentes accipiunt, & in igneam sartagine, æternamque frixuram projiciunt. Hoc velut ultimum vale mox ut Priori atque his qui ad hoc spectaculum horrendum convenerunt dixit, subtrahat voce & reflexa cervice puniendum spiritum condemnatis spiritibus tradidit. Quæ omnia (sicut Beatus Gregorius dicit) nullo modo propter se infelix Presbyter vidit, cui nihil visio ipsa contulit, sed quantâ cautelâ Sacerdotale officium administrandum, quam reverenter Divina mysteria sint tractanda, superna super eum dispositio demonstravit.))

Ejusmodi terroribus, poenis, & stimulis exagitatus animus sublimatorum Sacerdotali functione; qui tantæ præminentie hæud condignam vitam agunt, seriò respiciant ad poenitentiam, & ad meliora Virtutum studia, suo statui & officio proportionata per actus vitæ Activæ, vel Contemplativæ, vel Mixtæ (de quibus vide in sequentibus) sese accingant.

Sect. 9.

§ II.

Dico. Incitamenta ad vitam Statui Curato animarum, præcipue Episcoporum disconvenientem, commutandam, hæc proponuntur.

Primum. Quia dignitate Ecclesiasticâ abutentes ad quæstum & vanam gloriam &c. summè sunt ingrati, & injurii Christo: Libeat audire S. Bernardum: Mitte te deorsum, cave tibi, quicunque es, qui templi pinnaculum conscendisti, cave tibi speculator domus Domini. Cave tibi qui in Ecclesia Christi locum cerneris tenere sublimem. Quam ingratus enim, imo quam injuriosus

S. Bernard.

Serm. 14. in Ps.

Qui habitat.

„juriosus es illi magno Sacramento pietatis, si in illo quæstum
 „æstimes pietatem. Quàm infidelis ei, qui Ministerium hoc San-
 „gvine proprio consecravit, si eo quaras gloriam tuam, quæ ni-
 „hil est, quaras quæ tua sunt non quæ JESU Christi. Quàm indi-
 „gnè respondes ejus dignationi, qui in dispensatione humilitatis
 „suar sublimem te esse fecit, cælestia tibi Sacramenta commisit, cæ-
 „lestem, fortè & ampliorem, quàm ipsis Spiritibus cælestibus,
 „tradidit potestatem.

Vide in Oper
 S. Bernard.

1. Cor. 6.
 Luc. 16.

Secundum. Divitiæ & deliciæ Prælatorum eos sepeliunt in
 „inferno. Verissimè S. Bernardus: Unigenitus qui est in sinu Pa-
 „tris, nonnè de secreto suo prodiit ad Publicum nostrum? Non-
 „ne de Cælo descendit ad terras, ut prædicatione & conversatio-
 „ne suâ persvaderet hominibus contemptum mundi? Nonnè
 „vos estis Vicarii ejus? Nonnè quod prædicavit, & vos debetis
 „prædicare: quod dissuasit, dissuadere: quod persvasit, persvade-
 „re? A Christo dicti estis Christiani. Nonnè eâ viâ quâ Chri-
 „stus ambulavit, & vos debetis ambulare? Nonnè sicut conver-
 „satus est, & vos Vicarii ejus debetis conversari? Ita planè, nisi
 „fortè doctiores eo fueritis, vel sanctiores. Dicite ergo Archi-
 „diaconi, dicite Presbyteri, dicant etiam Pontifices, in frænis, in
 „scll's quid facit aurum? In vestimentis tantus ornatus? In cibis
 „tam superfluous apparatus? Esca ventri, & venter escis: DEUS
 „autem & hunc & has destruet. Multus erat nitor vestium, &
 „delicatus ciborum apparatus apud illum divitem Evangelicum
 „qui induebatur purpurâ & bysso, & epulabatur quotidie splen-
 „didè: mortuus tamen est, & sepultus in inferno: ô dirum, ô
 „execrabile & horrendum sepulchrum! ubi est fletus & stridor
 „dentium, ubi sunt aquæ nivium, ubi vermis qui non moritur, ubi
 „ignis qui non extingvitur. Hoc sepulchrum divitem, sed sinus
 „Abrahæ pauperem Lazarum excepit. Quis sapiens & custodi-
 „diæ hæc? Vir insipiens non cognoscet, & stultus non intelliget
 „hæc.

S. Bernard.
 de Considerat.
 l. 2. n. 17.

Tertium. Quia secundum D. Bernardum: Monstruosa res
 „gradus summus, & animus infimus; sedes prima, & vita ima;
 „lingva magni-loqua, manus otiosa; sermo multus, & fructus
 „nullus; vultus gravis, & actus levis; ingens autoritas, & nu-
 „tans stabilitas.

Quar-

Quartum. Summa indecentia & absurditas est Personam &
 munus gerere Christi, successores esse Apostolorum, & vitam,,
 ab illis ducere alienam, quod eleganter depingit B. Bernardus al-,, *V. Tubas or-*
 latâ Antithesi seu disparantia Vitæ S. Malachia & improborum,, *bis Christian :*
 Episcoporum. Ait itaque præfatus Sanctus: Denique cum exi-,, *apud Merle*
 ret (S. Malachias) ad prædicandum, cum peditibus pedes & ip-,, *Horstium.*
 se ibat, Episcopus & Legatus. Forma Apostolica hæc, & inde,,
 magis mira in Malachia, quò rara nimis in aliis. Verus profe-,,
 ctò Apostolorum hæres est iste, qui talia agit. Sed advertere,,
 est, quomodo dividat hæreditatem cum fratribus suis, æque ne-,,
 potibus Apostolorum. Illi dominantur in Clero; iste dum esset,,
 liber ex omnibus, omnium se servum fecit. Illi aut non evange-,,
 lizantes manducant, aut evangelizant ut manducant: Malachias,,
 imitans Paulum manducat ut evangelizet. Illi fastum & quæstum,,
 æstimant pietatem: Malachias hæreditate vendicat sibi opus &,,
 onus. Illi felices se credunt si dilataverint terminos suos: Ma-,,
 lachias in dilanda charitate gloriatur. Illi congregant in hor-,,
 rea, & dolia replent, unde onerent mensas: Malachias colligit in,,
 deserta & solitudines, unde impleat Cælos. Illi cum accipiant,,
 decimas & primitias & oblationes, insuper & de Cæsaris bene-,,
 ficio telonia, & tributa, & alios redditus infinitos, solliciti sunt ni-,,
 hilominus quid manducant, aut quid bibant: Malachias nihil,,
 horum habens, multos tamen locupletat de promptuario fidei. ,,
 Illis nec cupiditatis nec sollicitudinis est finis: Malachias cupiens,,
 nihil, non novit tamen cogitare de crastino. Illi à pauperibus,,
 exigunt quod dent divitibus: iste sollicitat divites pro pauperi-,,
 bus sustentandis. Illi marsupia vacuant subditorum: iste pro,,
 peccatis eorum Altaria cumulat votis hostiisque pacificis. Illi al-,,
 ta palatia erigunt, turres ac mænia ad Cælos levant: Malachias,,
 non habens ubi caput reclinet, opus facit Evangelistæ. Illi equos,,
 ascendunt cum turba hominum gratis manducantium panem,,
 & non suum: Malachias septus Sanctorum Fratrum collegio pe-,,
 des circuit, portans panes Angelorum, quibus satiet animas esu-,,
 rientes. Illi plebes ne agnoscunt quidem; iste erudit. Illi po-,,
 tentes & tyrannos honorant: iste punit. O Virum Apostolicum,,
 quem tot & talia nobilitant signa Apostolatus sui! Quid ergo,,
 mirum si mira est operatus sic mirabilis ipse?

Quintum. Quia ut perspicaciori oculo advertit D. Gregorius, calamitates publicæ populi ex incuria Curatorum animarum oriuntur: sic effatur is Sanctus. Quanto autem mundus gladio feriatur aspiciatis, quibus quotidie percussionibus intereat populus videtis. Cujus hoc nisi nostro præcipuè peccato agitur? Ecce depopulatæ Urbes, eversa sunt Castra, Ecclesiæ ac Monasteria destructa, in solitudinem agri redacti sunt. Sed nos pereunt populo authores mortis exititimus, cui esse debuimus duces ad vitam. Ex nostro enim peccato populi turba prostrata est, quia faciente nostrâ negligentia ad vitam erudita non est.

Sextum. Improba vita Pastorum Ecclesiæ, summè præjudiciali Christo, ejusque gregi perniciofa. Ita Magnus Gregorius: Nul- lum puto, Fratres charissimi, ab aliis majus præjudicium, quàm à Sacerdotibus tolerat DEUS, quando eos quos ad aliorum correctionem posuit, dare de se exempla pravitatis cernit: quando ipsi peccamus, qui compescere peccata debuimus. Plerumque quod est gravius, Sacerdotes qui propria dare debuerant, etiam aliena diripiunt. Plerumque si quos humiliter, si quos continenter vivere conspiciunt, irident. Considerate rogo quid de gregibus agatur, quando lupi Pastores fiunt. Hi enim custodiam gregis suscipiunt, qui insidiari gregi Dominico non metuunt, contra quos DEI greges custodiri debuerunt. Nulla animarum lucra quærimus, ad nostra quotidie studia vacamus, terrena concupiscimus, humanam gloriam intentâ mente captamus. Et quia eo ipso, quo cæteris Prælati sumus, ad agenda quælibet majorem licentiam habemus; susceptæ benedictionis ministerium vertimus ad ambitionis argumentum: DEI causas relinquimus, ad terrena negotia vacamus: Locum Sanctitatis accipimus, & terrenis actibus implicamur. Impletum est in nobis profectò, quod scriptum est: *Et erit sicut populus, sic Sacerdos.* Sacerdos enim non distat à populo, quando nullo vitæ suæ merito vulgi transcendit actionem.

Septimum. Ob negligentiam curæ animarum, maximè qui eam ambiunt, grande incurrunt periculum propriæ salutis. Ita S. Chrysostomus: Quid miserius illis dixeris, qui se conjiciunt in tantam abyssum suppliciorum? omnium quos regis mulierum, &

S. Gregorius
Homil. de Cur
ra Pastor.

Ibidem.

Osee 4.

S. Chrysostomus: ci-
tatus à Mer-
o Horstio in 7.
Tabis Orbis.

& virorum, & puerorum, à te reddenda est ratio. Tanto igni, caput tuum subicis? Miror an fieri possit, ut aliquis ex Rectoribus sit saluus, cum videas post minas & præsentem socordiam, aliquos adhuc accurrentes, & se conijcentes in tantam molem rectionis & administrationis. Nam si ji, qui necessitate trahuntur, non habent quò confugiant, & quo se excusent, si rem malè administrant, & sint negligentes. (Nam & Aaron tractus est necessitate, & venit in periculum: et Moyses rursus venit in periculum, cum sæpè recusasset: & Saul, cui fuerat creditum aliud imperium, postquam tecusavit, vocatus est in periculum, quoniam ipsum malè administrarat) quanto magis ji, qui in hoc suum studium ponunt, & in id irrunt? qui est autem talis, longè magis se omni privabit veniâ.

Octavum. Curatorum Animarum pauci sunt qui salvantur, & multo plures qui pereunt: & Quare, audi graviter disserentem Archipræsulem Constantinopolitanum: Non temerè dico, sed ut affectus sum & sentio. Non arbitror inter Sacerdotes multos esse, qui salvi fiant, sed multo plures qui pereant. In causa est: Quoniam res excelsum requirit animum. Multas enim habet causas, quæ depellant ipsum à suis moribus, & innumeris oculis illi opus undique. Non vides quam multas res oportet adesse Episcopo, ut sit appositus ad docendum, ut tolerans malorum, ut tenax (seu constans) sit ac fidelis in doctrina sermonis? Quantæ hoc difficultatis? & quod alii peccant, illi imputatur. Nihil dico præterea, si vel unus tantum decedat, non initiatus, nonne totam ipsius subvertet salutem? Unius enim animæ perditio, tantam habet jacturam, uti nulla ratio possit æstimare. Etenim si unius animæ salus tanti est, ut ob hanc Filius DEI fieret homo, tantaque pateretur, perditio cogita quantum conciliabit poenam? Quod si quis ob hominem, in hac vita perditum, morte dignus est, quanto magis ille? Ne mihi dixeris igitur: Peccavit Presbyter, aut Diaconus; omnium horum, crimina redundant in caput eorum, qui hos elegerunt.

Nonum. Clericus quidam in synodo Episcoporum prædicare compulsus, angustabatur non modicum, quidnam dignè etate posset coram tot Prælatibus Ecclesiæ prædicare. At ubi accessurus lib. 1. cap. 20.

in part. 8.

Contiprata-

nus de propri-

Apum:

in oratione jaceret, venit ad eum diabolus, dixitque ei: Quid angustiaris coram istis Clericis prædicare? Dicas eis istud, & non aliud: Principes infernalium tenebrarum Principes Ecclesiæ salutant: Lati omnes nos gratias referimus eisdem; quia cum ipsis Prælati nobis eorum subditi devolvuntur, vel offeruntur; & per eorum negligentiam ad nos fere pariter devolvitur totus mundus. Invitus quidem tibi dico, quod dico, sed Altissimi jussione coactus. Respondit Clericus: mihi quidem si hæc narravero, non credent. Tunc diabolus tangens maxillam ejus: Ecce ait, signum, nigredo insolita faciei. Hanc antequam prædices, non contingas, quia frustra, post prædicationem verò aqua benedicta delebis. Procesit Clericus prædicaturus in synodo, & admirantibus cunctis in signo indito faciei, illa quæ sibi jussa sunt, recitavit, & ad horrorem maximum cunctorum corda permovit. Hæc eodem anno ab Incarnatione Domini 1248. fuerunt Parisiis coram omni populo & Clero solenniter recitata.

Tritemius *Aliud.* Terribile & à seculis inauditum prodigium verâ fide
in Chron. Gir- refertur de Udone Magdeburgensi Metropolitano, qui ob sua
saug. Mona- scelera, in ejusdem Ecclesia coram apparente Christo judice &
ster: & Na- Sanctis decollatus, talem in modum ejus condemnata anima appa-
vel: gener. 33. ruit. Eodem namque die (sux decollationis) quidam ex Capel-
fol. III. Baptista lanis ejusdem Udonis nomine Bruno, cum legationem com-
Falgos. lib. 9. missam peregisset: Partenopolim, quod est Magdeburg contig-
cap. 12. Gotsch. nuò famulis longè ante se præcedentibus studuit remeare. Inter-
Holen. præ- rim gravi oppressus somno, arborem quandam umbrosam vidit,
cept. 6. Decal. de equo descendit, & frænum fortiter ad brachium alligans, ibi-
Hartw. Sched: dem paululum requievit. Et ecce ingens globus spirituum im-
in suo Chron: mundorum cum tubis, tympanis, & cum gladiis, & fustibus, cum
de Tempore. lanceis, & securibus, ad eundem locum gradu concito properabat. Cumque omnes convenissent, unum ex eis, qui princeps videbatur, qui erat staturâ procerior, & vultu terribior, solium constru- entes, desuper sedere fecerunt: Nec mora, alter cuneus grandis clamans, cachinnans, & tripudians eminus apparuit, de quo veloci- ores aliqui præcesserunt, & fortiter clamaverunt: Date locum, date locum, ecce princeps Udo noster charissimus appropinquat. His dictis, satellites sathanæ miseram Udonis animam in effigie corporali

corporali, catenâ igneâ ad collum ejus constrictâ ad suum principem perduxerunt. Cui Sathan protinus affurexit, salutans eum verbis pacificis in dolo: Benè (inquit) venisti ò princeps, fautor, & dilator regni nostri: ecce paratissimus sum tibi, & omnihus amicis nostris fidelibus reddere talionem. Cumque Udo obmutesceret, Sathan assistentibus ait; Fatigatus est iste dilectus noster huc veniendo, & ideo placet nobis, ut consoletur. Date ergo ei manducare. Illo autem tremente, renuente, & caput revertente, crudeles ministri ori ejus bufones, serpentes, violenter impresserunt, & liquorem sulphureum postmodum infuderunt. Adhuc illo non loquente: Sathan præcepit dicens: Ad balneum deducatur. Ecce non procul erat puteus operculum habens, quo ablato flamma vorax usque ad cœlum erumpebat, quæ non solum arbores, montes, sed lapides, imò etiam aquam juxta manantem velut stipulam consumeat; in quem illam infelicem Udonis animam præcipitaverunt. Et postmodum extrahentes in modum ferri candentis, & totam ignitam suo principi detulerunt: Qui subridens dixit: Nonne balneum svave habuisti ò princeps? Tunc Udo damnatum se videns, cœpit blasphemare & dicere: Maledictus Sathan, tu, & omnis familia tua, omnisque suggestio tua, & omne imperium tuum: Maledictus DEUS, qui me creavit: Maledicta terra, quæ me portavit: Maledicti parentes, qui me genuerunt: & maledicta omnis creatura in cœlo & terra. Tunc dæmones unâ cum principe suo caperunt manibus plaudere, & dicere: Verè dignus est iste manere nobiscum, quia optimè scit officium nostrum. Mittatur ergo ad principalem scholam damnatorum, ut videat, audiat, sentiat, & addiscat ampliùs in secula seculorum. Vix verba finierant, & ecce unanimiter in odiosam illam creaturam irruerunt, eamque tam impetuosè in tartareum illud barathrum jactando immiserunt, ac si cœlum, & terra, & omnes montes hujus mundi invicem quaterentur. Capellanus autem, ille supradictus hæc omnia in somnis videns & audiens, tremuit vehementer. Tunc princeps tenebrarum digito eum ostendens dixit; Vide, ne effugiat Clericus ille, qui nos aspicit, quia semper exstitit malitiarum suarum cooperatore confcius, & defensor. Ergo sicut fuit fautor culpæ, sic sit & particeps vindictæ, ideoque &

in illum puteum ad Dominum suum demergatur. Quo dicto, cum daemones eum capere vellent, & ipse fugere conaretur, repente à somno exiliens evigilavit, sicque equus territus, tamdiu hinc inde saltabat, miserum trahens hominem, donec à sua junctura ejus brachium solveretur. Difficulter tandem equum ascendens Parthenopolim venit, & mox ut Dominum suum mortuum esse cognovit, visionem visioni, terrorem terrori, judicium judicio, prodigium prodigio cumulavit, & omnia quæ sibi acciderant, quæ viderat & audierat, patefecit, ostendens etiam à sua compage membrum avulsum, & repentinam canitiem in argumentum veritatis. Cives autem videntes & audientes hoc horribile & insolitum Domini DEI nostri judicium, vehementer timuerunt, & cadaver ignobile procul ab urbe in paludem jactaverunt. Quod bestiae feræ cum plausibus & lusibus protinus exceperunt, & huc illucque trahendo morsibus discerpservunt, & ruricolos habitantes variis injuriis multoties affecerunt. Tandem inito consilio glebam illam maledictam de palude trahentes combusserunt, & pulverem in Albim fluvium projecerunt. Mira res, omnes pisces suum gurgitem relinquentes Oceanum adierunt, donec litanis, psalmodiis, orationibus, & poenitentis, placatus jam Dominus, post decennium vix tandem redierunt. Hujus horrendi prodigii memoriam ingerit cruor Udónis, ex ipsius decollatione effusus super pavementum marmoreum candidum positus, qui tam visibiliter adhæret pavimento, ut de essentia marmoris esse quodammodo videatur. Super locum autem illum ubi decollatio est facta, semper prosternuntur tapetes. Et quando super electos Episcopos, Te DEUM laudamus, juxta morem canitur, tolluntur, & ibi ad orationem prosternuntur, ut videntes sibi caveant, ne forte pereant sicut ille. A Domino verè factum est istud ad terrorem utique Episcoporum illius Ecclesiæ, & omnium inutilium Prælatorum, ut audientes contremiscant Divinæ Majestatis terribile judicium, & severissimam ultionem.

Cesarinus
lib. 12. c. 6.

Aliud. Erat in quadam villa Sacerdos miserimus, luxuriæ & commensationibus vacans, animasque sibi committas omnino negligens, qui cum mortuus fuisset, Parochiani sub eo defuncti, taxus comprehensis in locis infernalibus illum arctare ceperunt ac dicere:

dicere: Tibi commissi fuimus, & tu nos neglexisti, & cum peccaremus, neque verbo neque exemplo nos revocasti, tu occasio nostræ damnationis fuisti. Quem cum agitent, lapides post eum mittendo, ille in puteum cadens, nusquam comparuit. Hæc cui-dam Religioso de illo sunt ostensa.

Aliud. S. Gregorius de quodam Abbate malo inquit: Qui S. Gregorius
tot discipulos per suam negligentiam ad infernum duxit, reliquis nunquam Moral. lib. 4.
præponi debuit. Ind. 13. c. 48.

Jam nunc aspiciat seipsum quisque Prælati, Superior Ec- ita cit. a. S. Bo-
clesiasticus vel cujuscunque ille sit Ordinis sive Religionis, & vi- nav. in phar,
deat, ne sit unus de illis Senioribus, de quibus Dominus ait: Quis cap. 12.
egressa est iniquitas à senioribus judicibus, qui videbantur regere populum. Dan. cap. 13.
Sive contra quos intonat Christus: Vae vobis! scribæ & Pharisei hypo- Matth. c. 23.
critæ: quia clauditis regnum Coelorum ante homines: vos enim non intra-
tis, nec introeuntes finitis intrare. Vae vobis! scribæ & Pharisei hypocri-
tæ, qui circuitis mare & aridam, ut faciatis unum Profelytum: & cum fue-
rit factus, facitis eum filium gehennæ duplo quam vos. Vae vobis! scribæ &
Pharisei hypocritæ; quia similes estis sepulchris dealbatis, quæ à foris patent
hominibus speciosa, intus vero plena sunt ossibus mortuorum, & omni spur-
cilitate: sic & vos à foris quidem patetis hominibus justis, intus autem pleni
estis hypocrisi & iniquitate. Audiant hæc omnes ignavi & perversi
Superiores, & contremiscant ad suum æternum vae! vae! vae!
quorum eò profundior damnatio, quò de sibi subjectis plures ru-
unt in orcum. O infelices oves, quæ per incurios Pastores, in-
fernali lupo dantur in prædam! O infelicissimæ, quæ ipsos Pasto-
res pro rapacissimis lupis experiuntur! dum scilicet innocentes
animas sibi similes & pares in nequitia & delictis conformare ge-
stiunt. Vestris id oviculæ Christi imputate peccatis. Hæc dicit
Dominus: Dabo pueros principes eorum, & effeminati dominabuntur eis. Isa. 3.
Jam autem vae tibi terra cujus Rex puer est, & cujus principes manẽ comedunt. Eccles. 10.
Ex: Qui regnare facit hominem hypocritam propter peccata populi. Accipe Job. 34.
quoque sensum S. Anastasii Sinaitæ & exempla sicut in Politico ita &
in Ecclesiastico statu. Dicit ergo sanctus iste: Cum videris indignum S. Anast. Sinai.
aliquem & sceleratum Regem, aut Principem aut Magistratum, in Psal. 6. 9.
aut Episcopum, ne mireris, neque Dei accuses providentiam: sed
disce, & crede, quod propter nostras iniquitates tradimur ejusmo-
di ty-

di tyrannis, & ne sic quidem à malis abstinemus. Fuit quædam civitas in Thebaide iniqua, & quæ multa faciebat scelerata & execranda; in qua vir quidam perditissimus in populo per falsam quandam compunctionem repente tonsus fuit & monasticum induit habitum; minimè tamen cessavit à sceleratis actionibus. Accidit ergo ut decederet Episcopus civitatis. Cuidam autem viro apparuit Angelus dicens: vade & fac ut civitas Episcopum eligat plebejum illum, qui illic habitat. Abiens ergo fecit, quod iussus fuerat. Ille autem ex infimo vulgo electus cepit apud se elatus esse, sibi que valde placere. Accedens autem Angelus Domini dicit ei: *Cur superbis, & magnifice tibi places ò infelix? Reverà non tanquam dignus Sacerdotio factus es Episcopus: sed quia hæc civitas tali digna erat Episcopo.* Nemo sibi placeat de sua dignitate, quia scire non possumus quo DEI iudicio ad eam pervenerimus. Quando Phocas tyrannus factus fuit Imperator, & per Bosonem lictorem cepit facere sanguinis effusiones: quidam Monachus in civitate Constantinopolitana, vir sanctus, & qui ad DEUM habebat magnam fiduciam, cum DEO disceptabat dicens in simplicitate: *Domine cur eum fecisti Imperatorem?* Quod cum permultis diebus dixisset, vox ad eum venit à DEO dicens: *Quoniam non inveni peiorem.*) Igitur oves Christi tollite culpam, & DEUS custodum Luporum auferet à vobis truculentam pœnam, quæ utinam quandoque in solo corpore silteret, & non etiam æterno exitio plerosque addiceret.

Idem cit.

§ III.

PRAXIS reformandi vitam statui Spirituali seu Ecclesiastico difformem (ubi talis, vel in quibus personis est) illam conformare ad Sacros Ecclesiæ Canones statum Cleri concernentes. Nos hic potissimum ex *Sacrosancta & Oecumenica Synodo Tridentina* nonnulla Decreta de reformatione afferimus, quibus sequentia Media reformationis Cleri stabilimus.

Primum Medium: *Sanctitas, Doctrina, Prudentia, Zelus Episcoporum, aliorumq; Curatorum animarum.* Quod medium vel unicum sufficere videtur ad excitandam Cleri & Populi avitam pietatem (ubi collapsa est) (& ubi viger) conservandam, & augendam.

dam. Hinc Sacrosancta Synodus Tridentina (ut ejus textu loquar) ad Sess. 6. Decret. restituendam collapsam admodum Ecclesiasticam disciplinam, depravatosq; in de reform. c. 1. Clero, & populo Christiano mores emendandos, se accingere volens, ab iis, qui majoribus Ecclesiis præsunt, initium censuit esse sumendum; integritas enim præsidentium salus est subditorum. Confidens itaq; per Domini ac DEI nostri misericordiam, providamq; ipsius DEI in terris Vicarii solertiam omnino futurum, ut ad Ecclesiarum regimen, onus quippe Angelicis humeris formidandum, qui maxime digni fuerint, quorumq; prior vita, ac omnis ætas, & puerilibus exordiis usq; ad perfectiores annos per disciplinæ stipendia Ecclesiasticæ laudabiliter acta, testimonium præbeat, secundum venerabiles beatorum Patrum Sanctiones assumantur. Et alibi: Nihil est quod magis adpi- Trid. Sess. 22.
 se Divino ministerio dedicant, quam eorum vita & exemplum, qui cap. 1.
 se Divino ministerio dedicant, cum enim à rebus seculi in altiorē sublatis locum conspiciantur, in eos tanquam speculatur ceteri oculos conjiciunt, ex iisq; sumunt, quod imitentur. Quapropter sic decet Clericos in sortem Domini vocatos, vitam moresq; componere, ut habitu, gestu, incessu, sermone, aliisq; omnibus rebus, nil nisi grave, moderatum, ac religione plenum præseferant. Levia etiam delicta, quæ in ipsis maxima essent, effugiant, ut eorum actiones cunctis offerant venerationem. Quod innumeris Prælatorum Jacob. Mar-
 constat exemplis. Placet unum S. Caroli Borromæi afferre. Hic chantius Hort.
 beatus Præsul cum Mediolanensem non solum populum, sed & pastor. vir. Aa-
 Clerum, quasi agrum, malitiâ temporum, vepribus turpiter de- ron. Tract. 2.
 formem reperisset, suâ vigilantia, hunc ita restituit & excoluit, ut Lect. 2.
 Clerum illum redderet præclarum exemplar Ecclesiasticæ disci-
 plinæ. Unde qui prius in illa Diœcesi speciem quandam Babylonis
 conspexerant, jam tanquam Jerusalem novam descendentem de
 coelo à DEO, paratam sicut sponsam ornatam viro suo, admiraren-
 tur & collaudarent. Hinc meritò hoc celebratur elogio: Caro-
 lus Angelus terrestris, qui prædicatione, humilitate, charitate,
 nobis repræsentat Basilios, Chrysostomos, Gregorios; morti-
 ficatione Hilariones, & Antonios; constantia Athanasios, & Hi-
 larios; diligentia Cyrillos, Hieronymos, Paulinos. Exemplar
 vivum Prælatorum, norma Episcoporum, regula Ecclesiastico-
 rum, frænum dissolutorum, vita Ecclesiasticæ disciplinæ. Sicut
 è con-ra omnis mali origo est mala vita vel negligens Prælatorum.
 Audi S. Ambrosium, qui ait: Sicut in corporalibus membris, capite

Vide ibidem „vitiato, necesse est reliquum corpus inundatione superioris
apud Mar- „morbi lethaliter irrigari; ita & hi, qui caput videntur esse Eccle-
chent. Lect. 7. „fia, morbo suo fraternum vitiant corpus, ut nihil ex totius cor-
 „poris compage insauciatum possit evadere, quod negligentium
 „Sacerdotum vitiositas non infecerit; unde populum videmus
 „nugacem & indoctum, eò quòd tales habeat Sacerdotes. Et S.
Chrys. hom. „Chrysostomus inquit: Quemadmodum cum videris arborem pal-
 „lentibus foliis, intelliges quia aliquam culpam habet circa radi-
 „cem, ita cum videris populum indisciplinatum & irreligiosum,
 „sine dubio cognosce, quia in Sacerdotibus culpa est. Sicut de
 „templo omne bonum egreditur, sic & de templo omne malum
 „procedit.

Quoad Doctrinam seu Scientiam: Hæc qualis in Antistitibus
 requiritur accipe Decretum Concil Trident. Sess. 22. de Reform.
 c. 2. tenoris hujusmodi: *Quicumq;* posthac ad Ecclesias cathedrales erit as-
 sumendus, is non solum natalibus, etate, moribus, & vita, ac aliis quæ à sacræ

(a) c. cum in (a) canonibus requiruntur, plenè sit pceditus, verum etiam in Sacro Ordine
 cunctis &c. antea, saltem sex mensium spatio constitutus. Quarum rerum instructio, si
 cum à nobis de ejus notitia nulla, aut recens in Curia fuerit, à sedis Apostolicæ Legatis seu
 elec. c. grave Nunciis provinciarum, aut ejus Ordinario, eoz deficiente, à vicinioribus Or-
 dinis de præb. dinariis sumatur. Scientiâ verò præter hæc ejusmodi polleat, ut muneris
 & infra Sess. sibi injungendi necessitati possit satisfacere, ideoq; antea in Univer sitate stu-
 24. c. 1. de ref. diorum Magister, sive Doctor, aut Licentiatus in Sacra Theologia, vel jure Co-
 Conc. Sardic. noniò meritò sit promotus, aut publico aliaque Academia testimonio idoneus
 cap. 13. Conc. ad alios docendos ostendatur. Quod si Regularis fuerit, à Superioribus sua
 Rom. sub. Nic. religionis familem fidem habeat. Prædicti autem omnes unde instructio seu
 1. vers. ut null. testificatio erit sumenda, hæc fideliter, & gratis referre teneantur: alioquin
 Laicus. Conc. eorum conscientias graviter oneratas esse scient, ac DEUM, & Superiores
 Bracar. x. c. 38. suos habebunt ultores.

c. de Syracus. Quod concernit Prudentiam in Præsule pernecessariam; hæc
 28. dist. per to- alia est Naturalis, quâ aliquis per vivacitatem & subtilitatem ingeni-
 tam. Sess. 7. c. 1. combinans præsentia cum præteritis & futuris, format judicium
 de eodem. sed cautum & circumspectum in agendis. Alia Prudentia est Acquisita
 minus plenè i. seu Experimentalis, hæc successu ætatis acquiritur per varias vicissi-
 Carthag. c. 1. tudines rerum. Alia Prudentia Moralis naturalis, quæ multiplici le-
 ctione, doctrinâ, & exercicio comparatur. Alia Prudentia Supernaturalis

actualis habitualis, quæ omnibus iustis cum gratia sanctificante infunditur, & cum gratis actualibus proportionatè ad cuiusque status officia in actum deducitur. Hæc virtus quantæ sit necessitatis in Curato animarum prorsus est inexplicabile; adeo ut Virtus omnis, & Doctrina, & Zelus sine Prudentia degeneret in vitium & operanti, & suo proximo periculosum. Præsul igitur Ecclesiæ DEI, & Curator quisque animarum, summæ debet esse prudentiæ, quam cum Salomone impetret sibi à Domino dicens: Domine DEUS dabis servo tuo cor docile, ut populum tuum judicare possit, & discernere inter bonum & malum: quis enim judicare poterit populum tuum hunc multum. Verùm de Prudentia pluribus infra.

3. Reg. 3.

1. 2. 176.

2. 1. 4.

Porro Zelus in Præsidibus Ecclesiæ adeo est necessarius, sicut anima in corpore. Hic verò Zelus maximè situs est in prædicatione Verbi Divini, quod principale est medium ad luerandas animas. Ad cuius ministerium exhortatur S. Concil. Trident: tum aliàs tum Sess. 5. de reform. c. 2. inquit: Quia Christianæ rei publicæ (a) non minus necessaria est prædicatione Evangelii, quàm lectio. Et (b) hoc est præcipuum Episcoporum munus: statuit, & decrevit eadem Sancta Synodus form. (b) II. omnes Episcopos, Archiepiscopos, Primates, & omnes alios Ecclesiarum Prælatos teneri per se ipsos, si legitime impediti non fuerint ad prædicandum Sanctum JESU Christi Evangelium. Si verò contigerit Episcopos & alios prædictos legitimo detineri impedimento: juxta formam (c) generalis Concilii (c) Conc. Lat. viros idoneos assumere teneantur ad hujusmodi prædicationis officium salubriter exequendum. Si quis autem hoc adimplere contempserit, districtæ r. inter coetaneos subiaceat ultioni. Archipresbyteri quoque Plebani, & quicumque Parochiales, vel aliàs curam animarum habentes, ecclesias quocumque modo obtinent, ord. per se vel alios idoneos, si legitime impediti fuerint, (d) diebus saltem Dominicis & festis solennibus plebes sibi commissas pro sua & earum capacitate (d) Concil. pascant salutaribus verbis, docendo, quæ scire omnibus necessarium est ad salutem, annuenciandoque eis cum brevitate & facilitate sermonis vitia, quæ eos ex III. § habedeclinare, & Virtutes, quas sectari oporteat: ut poenam æternam evadere, & tur etiam de celestem gloriam consequi valeant.

ver. Sig. Conc.

Lateran. ultimum Sess. II.

Jam verò quid agendum, ut cum specificatis qualitatibus habeantur Antistites digni præesse, & prodesse?

Primo. Eligendi sunt hujusmodi: sed ò DEUS! quanta in electiones Prælatorum irrepunt inconvenientia! ut sive à Popu-

lo,

lo, sive à Clero, sive à Principibus præsententur ad Præsulatum, satis prospici nequeat, ob mille versutias ambitiosorum, & potentiam Principum præsentatos mordicis tuentium etiam cum dispendio Ecclesiarum, quod tales raro constituentur, quales exoptat Sancta Mater Ecclesia. Unde in tam arduo negotio, ex quo salus multorum millium animarum dependet, quia pene deficit consilium humanum, recurreddum est ad Divinum, & instanter DEUS orandus pro dignis Pastoribus. Hinc S. Synodus Trident. sess. 24. decret. de refor. c. 1. decernit dicens: *Si in quibuslibet Ecclesiis gradibus providenter, scienterq; curandum est, ut in Domini domo, nihil sit inordinatum, nihilq; præposterum: multò magis elaborandum est, ut in Electione ejus, qui supra omnes gradus constituitur, non erretur. Nam totius familie Domini status, & ordo nutabit, si quod requiritur in corpore, non inveniat in capite. Unde et salis S. Synodus de promovendis ad Cathedralibus & Superiores Ecclesias nonnulla utiliter decrevit: hoc tamen munus hujusmodi esse censet, ut si pro rei magnitudine expendatur, nunquam satis cautum de eo videri possit. Itaq; statuit, ut cum primum Ecclesia vacaverit, supplicationes ac preces publicè, privatimq; habeantur, atq; à Capitulo per Civitatem & Diocesim indicentur: quibus Clerus Populusq; bonum à DEO Pastorem valeat impetrare. Quare Antonius Albergatus, ad partes Germaniæ, quondam Nuncius Apostolicus inter decreta sua pro Diæcesi Leodiensi fol. 11. sic decernit: Vacante per mortem Pastoris, vel quomodolibet Ecclesiæ Parochiali, erit cura populi Pastore orhati, exponendam curare orationem quadraginta horarum, pro bona Pastoris electione ab eo obtinenda, à quo bona cuncta procedunt.*

Secundò. Frequentanda Oratio à populis pro suo Pastore, sicut Apostolus pro se expetit fidelium Orationem dicens: *Adjuvantibus vobis in Oratione pro nobis, ut ex multarum personis facierum ejus, quæ in nobis est donationis, per multos gratiæ agantur pro nobis. Ad quod agendum tum ipsi Episcopi, tum Parochi populos excitent.*

Secundum Medium: *Residentia, & sui gregis custodia.* Ad quam Concil. Trident. Sess. 6. decreto de reform. c. 1. unice exhortatur dicens: *Omnes Patriarchalibus, Primatialibus, Metropolitanis, & Cathedralibus Ecclesiis quibuscunq; quovis nomine, ac titulo, Præ-*
 (a) *Altor: 20. Etos monet, ac monitos esse vult, ut (a) attendentes sibi & uni versò gregi, in quo*

quo Spiritus Sanctus posuit eos regere Ecclesiam DEI, quam acquisivit sanguine suo, vigilent sicut Apostolus præcipit, in (b) omnibus laborent, & (b) 2. Tim. 4. ministerium suum impleant: implere autem illud se nequaquam posse sciant, Joan. 10. c. sit si greges sibi commissos mercenariorum more deserant, atq. ovium suarum, rector 43. dist. quarum (c) sanguis de eorum est manibus à supremo iudice requirendus, cu. c. adversus 7. studii minime incumbant: cum certissimum sit, (d) non admitti pastoris excusationem, si lupus oves comedit, & pastor nescit. Ac nihilominus, quia Renum. nonnulli, quod vehementer dolendum est, hoc tempore reperiuntur, qui pro- (c) Ezech. prie etiam salutis immemores, terrenarum celestibus ac Divinis humanarum præ- 33. & 34. Att. ferentes, in diversis curiis vagantur, aut in negotiorum temporalium solitudine, ovili derelicto, atq. ovium sibi commissarum curâ neglectâ, se detinent occupatos: placuit Sacrosanctæ Synodo (e) antiquos Canones, qui tem- 1. & infra. porum atq. hominum injuriâ pene in desuetudinem abierunt, adversus non re- (d) Sess. 24. fidentes promulgatos innovare; quemadmodum virtute præsentis decreti c. 1. in fin. de innovat. refor.

Tertium Medium: Alumnatus & Seminaria Clericorum fovenda. Ubi in omni Virtute, & Doctrina, ac Ceremoniis Ecclesiasticis, aliisque ad statum suum spectantibus sedulò erudiantur. Ita enim Præsules Ecclesiarum, habebunt ad manum dignos Operarios, quos mittant per suas Diœceses in multam inestem animarum. Sed proh dolor! proh dolor! intolerabilem avaritiam vel negligentiam aliquorum Antistitum, qui ejusmodi Seminaria vacua virorum virtutis aspicere queunt, & homines vitiis refertos talem qualem commendationem habentes Ordinibus sacris admovent; eosque, vel alios Sacerdotes ex aliis Diœcesibus profugos, Parochiis cæterisque Curatellis animarum præficiunt, qui nequidem suam animam è profundo peccatorum, & inferni liberare possunt. Quid hic ergo remedii? Unicum est, si Legati S. Sedis Apostolicæ adigant inertes Episcopos (quos timor judicii DEI non cogit) ad fundanda fovendaque ejusmodi Seminaria: Vel idem facere persvadeantur à Viris zelosis; Vel denique Benefactores quipiam moveantur ad hoc opus, quo nihil Ecclesiæ DEI poterit utilius, Deoque, gratius præstari. Siquidem ex proba educatione Clericorum, viri Apostolici prodeunt, qui gloriam cultumque DEI promoveant, & dilabentem mundum in Orcum ad viam

beata Aeternitatis revocent; minuant imperium Principis tenebrarum, dilatent regnum Christi. Quare S. Mater Ecclesia pro recta educatione suorum filiorum quam sollicita sit, ecce Decretum Concil. Trident. Sess. 23. de reform: c. 18. tenoris talis: Cum a-

(a) 4. Tolet. c. *dolescentium aetas* (a) nisi rectè instituat, prona sit ad mundi voluptates 23. in eundem sequendas, & nisi à teneris annis ad pietatem & religionem informetur, an- fuerit consti- tequam vitiorum habitus totos homines possideant, nunquam perfectè, ac sine tuit. Gen. 8. maximo, ac singulari propemodum DEI Omnipotentis auxilio in disciplina conc. Aquis- Ecclesiastica perseveret: Sancta Synodus statuit (b) ut singulae Cathedrales, gran. cap. 135. Metropolitanæ, atq; his majores Ecclesie, pro modo facultatum, & Diæcesis Conc: Later. amplitudine certum puerorum ipsius Civitatis, & Diæcesis, vel ejus Provin- sub Leone 10. cia, si ibi non reperiuntur, numerum in Collegio ad hoc prope ipsas Ecclesias, Sess. 9. de re- vel alio in loco convenienti, ab Episcopo eligendo, alere, ac religiosè educare, & for. curie & Ecclesiasticis disciplinis instituere teneantur. Et paulo infra: Grammatices, aliorum. cantus, computi Ecclesiastici, aliarumq; bonarum artium disciplinam discant:

(b) Constitut. Sacram Scripturam, libros Ecclesiasticos, homilias Sanctorum, atq; Sacramen- Alexand. 3. p. torum tradendorum, maxime quæ ad Confessiones audiendas videbuntur op- 1. c. 18. & in portuna, & rituum ac ceremoniarum formas ediscant. Et alibi: (c) Eadem 2. Lateran. c. Sacrosancta Synodus piis Summorum Pontificum, & probatorum Concilio- rum constitutionibus inherens, easq; amplectens, & illis adjiciens; ne cele-

(c) Trident: stis ille sacrorum Librorum thesaurus, quem Spiritus Sanctus summâ libera- Sess. 5. decret: litate hominibus tradidit, neglectus jaceat: statuit, & decrevit quod in il- de reform: c. 1. lis Ecclesiis, in quibus præbendæ, aut præstimonium, seu aliud quovis nomine nuncupatum stipendium pro Lectoribus Sacre Theologiæ deputatum reperi- tur, Episcopi, Archiepiscopi, Primates, & alii locorum Ordinarii eos, qui præbendam aut præstimonium seu stipendium hujusmodi obtinent, ad ipsius Sacre Scripturæ expositionem, & interpretationem per se ipsos, si idonei fue- rint, alioquin per idoneum substitutum ab ipsis Episcopis, Archiepiscopis, Pri- matibus, & aliis locorum Ordinariis eligendum, etiam per subtractionem fructuum, cogant & compellant. Et paulo post: In Monasteriis quoq; Mo- nachorum ubi commode fieri queat, etiam lectio Sacre Scripturæ habeatur, qua in re, si Abbates negligentes fuerint, Episcopi locorum, in hoc ut sedis A- postolicæ delegati, eos ad id opportunis remediis compellant. In Conventi- bus verò aliorum Regularium, in quibus studia commode vigere possunt, Sa- cre Scripturæ lectio similiter habeatur: quæ lectio à Capitulis Generalibus, vel Provincialibus assignetur dignioribus Magistris. In Gymnasiis etiam publicis,

publicis, ubi tam honorifica, & ceterorum omnium maxime uecessaria lectio hactenus instituta non fuerit, religiosissimorum Principum, ac Rerum-publicarum pietate, & charitate ad Catholicae fidei defensionem & incrementum, sanæ doctrinae conservationem & propagationem instituitur: & ubi instituta foret, & negligetur, restituatur.

Quartum Medium: Sancta Congregatio Sacerdotum assumenda. Haud enim ambigi potest (ut cum Marchantio loquar) Hort. Pasto. Congregationes Pastorum seu Sacerdotum cum instructionis tum de virga Am. exhortationis mutua gratiâ inita frugem parere posse non mediocrem. Cujus rei in Confirmationem unam & alteram rationem ex citato Authore affero. Tr. 5.

Prima est: Quia in omni arte, scientia, professione, iniri solent Societates & Congregationes, inter eos, qui consimilis sunt Professionis; ad conferendum, consultandum, de his, quæ eam artem, scientiam, vel professionem concernunt; & amovendum ea, quæ illi nocumentum afferre valent. Hinc in Civitatibus bene institutis, cernere licet Academias eruditorum, Sodalitias cujusvis generis opificum, Societates mercatorum, sub certis Legibus & statutis, ad promovendum commune & politicum bonum. An non potiori ratione congruit sacras iniri Societates inter Ecclesiæ Ministros ad bonum illius publicum?

Secunda est: Ad hunc scopum jam pridem in Ecclesia institutæ sunt Synodales convocationes Pastorum, & Ministrorum Ecclesiæ; non solum generales, aut quæ totius sunt Provinciæ, vel Diæcesis; sed etiam particulares, quotannis aliquoties fiebant per singulos Decanatus, & districtus, ut in illis de rebus animarum curam concernentibus, tractaretur. At quoniam plerisque in locis perfunctoriè & exiguo cum fructu eas peragi cernimus, id suppleri & longè efficacius ac fructuosius perfici posse haud ambigi potest, si unanimi morum & animorum consensu, inter se sacrâ Societate devincti Pastores, seu Sacerdotes, non rarò conveniant, ad resuscitandam gratiam sacerdotalem, ad conspirandum indivisim, in hoc, ut ignis ille, quem Dominus voluit vehementer accendi, resammescat, nec cinerulento torpore sopiatur; Zelus scilicet gloriæ DEI, & salutis animarum: Ad fovendum etiam

mutuâ conferentiâ scientiam necessariam officiis & functionibus Sacerdotalibus ritè obeundis. Quare considerantes viri pietate & sapientiâ eminentes, quàm conducant Ecclesiæ publico bono Congregationes & societates Sacerdotum, secundum jam dicta: Spiritu Divino impulsî, sub certis regulis & constitutionibus aliquas erexerunt, quæ non mediocrem Ecclesiæ frugem hactenus pepererunt. Atque scopus eorum fuit, eos qui Clericali militia extra Religionis claustra nomèn dederunt, & Ecclesiasticorum, specioso titulo gaudent, ad perfectionem Ecclesiasticam & Clericalem exstimulare, gratiam manuum impositionis, spiritumque Sacerdotalem, quasi ignem sub cineribus latentem & sopitum, suscitare. Inter hos primo loco numerari potest S. *Philippus Neri*, qui Romæ Societatem sacram Presbyterorum instituit, quam Congregationem Oratorii nominavit; neque voluit eam ullis Religionis votis obstringi, sed solo Spiritus svavi vinculo colligari & dirigi.

Oratorio Romano à Sancto Nerio erecto non absimiles Congregationes variis in locis institutæ fuerunt, ac potissimum in Gallia sub hoc titulo. *Congregatio Presbyterorum Oratorii JESU C. D. N.* Huic congregationi Oratorii planè similem in scopo & spiritu, jam pridem instituerat S. *Carolus Borromeus*, Sacerdotum, splendor, Ecclesiastici Ordinis & Pastoralis muneris eximius instaurator; qui cœlesti sapientiâ & gratiâ, quæ eminuit in terris, Clerum ad Apostolicam & avitam pietatem, reducere est conatus. Hoc autem ut efficacius perficeret, instituit Congregationes Sacerdotum, quos oblatos S. *Ambrosio* nominavit, quia hic omnis in Clero perfectionis exemplar fuerat, & Mediolanensis Ecclesiæ Patronus Tutelaris.

Prudenti admodum & Divino Consilio, S. *Carolus* auxilium & directionem impendere voluit, non solum his, qui in Societate collegialiter vivere possunt, sed & illis, qui in certis locis ob beneficia vel officia residere coguntur. Consideravit nempè, illam lamentantis Prophetæ vocem etiam præsentem Ecclesiæ statum concernere. *Quomodo obscuratum est aurum, mutatus color optimus? Dispersi sunt Lapidés sanctuarii in capite omnium platearum.* Quia scilicet, Pietas antiqua Sacerdotalis instar auri rutilans, ardor & zelus perfecti-

Thren. 4. 1.

perfectionis olim flammescens; obscuritatem decursu temporum contraxit, inter corruptelas & fuliginem secularis conversationis. Et multi Sacerdotum, qui debent esse Lapidés Sanctuarii à DEO electi & dilecti, in plateis Babyloniae inveniuntur dispersi, in lato itinere mundi, corde & corpore vagi, in sordibus & luto jacentes, in vitiis seculi: ideoque conculcantur pedibus transeuntium & vilipenduntur; nec dignitas Sacerdotalis in ipsis eo quo par est honore habetur, sed quasi sal infatuatum proteri videtur. Hæc inquam considerans Vir sanctus, zelo zelans pro Domo Domini, & Sanctuario ejus ædificando, non solum voce, & exemplo, sed & constitutionibus præclaris è luto erigere hos Lapidés conatus est; & è plateis, ac viis publicis revocare, sanctisque moribus instruere, ut ædificarent populum Ecclesiamque DEI in suo quisque officio. Et quos non potuit in Societatem unius corporis eadem in domo colligare, voluit tamen spiritu & morum conformitate, ac consimili perfectionum studio & contentione, unitos esse; præscribens eis regulas & vivendi methodum, quâ officio suo juxta vocationem sanctam possent satisfacere, & ab hoc seculo immaculatos se custodire. *Hæc Marchantius.*

Igitur Præsules Ecclesiarum, si illis est cordi propria salus, & tot millium animarum, adnitantur ejusmodi sanctas Congregationes Sacerdotum in suis Diæcesibus erigere: ita enim fiet, ut Curati animarum licet in suis Residentiis manentes, semper tamen evadant perfectiores, & in officio suo vigilantiores: fiet, ut ex Collegiatim habitantibus ejusmodi Congregatistis aliqui Divino Spiritu incensi tanquam fulgura coruscantia Missionarii discurrant per pagos & castella in adiutorium Fratribus suis Parochis ad illuminandos populos sedentes in tenebris & in umbra mortis. O Præsules! ecce nullo sumptu vel labore id medium vobis constabit: Dicite tantum ac persuadete, & fiet. Quid facilius Verbo? & tamen hoc pacto intolerabile onus Pastoralis officii mirum in modum vobis alleviabitur.

Quod si & hic infelix desidia aliquorum Antistitum subreperit, vos Pastores Ecclesiarum in subsidium animæ vestræ, & ovium vobis commissarum, convenite in unum, instituendæ alicujus sanctæ Congregationis gratiâ. In quo vobis exemplo preluxerunt

runt aliquot Sacerdotes & Pastores Leodiensis Diœcesis Anno 1624. assumentes Congregationem S. Caroli Borromæi. De quo uti & allis tum hoc puncto allatis, tum cæteris ad statum Ecclesiasticorum perfectè instituendum spectantibus, fusè & egregiè dis-
serit Jacobus Marchantius pietate & doctrinâ præclarus in suo Horto Pastorum sub titulo Virga Aaronis.

Sess. 7. decret. de refor. c. 7. & 8. Item Sess. 24. decret. de refor. c. 3. **Quintum Medium:** *Visitatio Diœcesis à Loci Ordinario, per se, vel si legitime impeditur, per suum Vicarium generalem visitatorem, annis singulis juxta Tridentinum instituenda.* Porro **Primò;** Ex intentione & decreto ejusdem S. Synodi Visitationum omnium istarum præcipuus sit scopus, sanam Orthodoxamque doctrinam, (a) expulsi hæresibus, inducere, bonos mores tueri, pravos corrigere, populum cohortat ionibus & admonitionibus ad religionem, pacem innocentiamque accendere, cætera prout locus, tempus, & occasio feret, ex visitantium prudentia ad fidelium fructum constituere. Quæ ut facilius feliciusque succedant: monentur prædicti omnes & singuli, ad quos visitatio spectat, ut paternâ charitate, Christianorum zelo omnes amplectantur; ideoque modesto contenti equitatu famulaturus studeant quàm celerrimè, debita tamen cum diligentia, (b) visitationem ipsam absolvere. Interimque caveant ne inutilibus sumptibus cuiquam graves oneroseque sint; neve ipsi, aut quisquam suorum quidquam procuratoris causa pro visitatione, etiam testamentorum ad pios usus præter id, quod ex relictis piis jure debetur, aut aliquo quovis nomine, nec pecuniam, nec munus quodcumque sit etiam qualitercumque offeratur, accipiant: non obstante quacumque consuetudine etiam immemorabili: exceptis tantum victualibus, quæ sibi ac suis frugaliter, moderateque pro temporis tantam, necessitate, & non ultra cunctis ministranda. Et paulò post: In iis verò locis, seu Provinciis, ubi cum Apostolus consuetudo est, ut nec victualia, nec pecunia, nec quidquam aliud à Visitatoribus accipiatur, sed omnia gratis fiant: ibi id observetur.

Secundò: Pauperies Ecclesiarum à Præsulibus visitantibus relevanda, & ornanda.

Tertiò: Indigni, & inhabiles Curati animarum amovendi, & in eorum locum idonei, prævio examine juxta Trident. Sess. 7. de Reform. c. 13. instituendi; & Sess. 21. decret. de Reform. cap. 6.

Quartò

Quartò: Delinquentes corrigendi prout monet S. Synodus Trident. Sess. 14. decret. de Ref. proce. dicens: Cum propriè Episcoporum munus sit (a) subditorum omnium vitia redarguere: hoc illis præcipue cavendū erit, ne Clerici præsertim ad animarum curam constituti, criminosi sint, neve in bonestam vitam, ipsis convenientibus ducant. Nam si eos pravis & corruptis moribus esse permittant: quo pacto Laicos de ipsorum (b) vitiis redarguent, qui uno ab iis sermone convinci possent, quòd Clericos ipsis patiantur esse deteriores? Quà etiam libertate Laicos corripere poterunt Sacerdotes: (c) cum tacite sibi ipsi respondeant, eadem se admisisse quæ corripiant? Monebunt propterea Episcopi suos Clericos, in quocunq; ordine (d) fuerint, ut conversatione, sermone, & scientiâ commisso sibi DEI populo præeant: memores ejus quod scriptum est: (e) Sancti estote quia & ego sanctus sum. Et juxta Apostoli vocem. (f) Nemini dent ullam offensivam, at non vituperetur ministerium eorum, sed in omnibus exhibeant se sicut Ministros DEI: ne illud Prophetæ dictum impleatur in eis (g) Sacerdotes DEI contaminant sancta, & reprobant legem.

Modum autem correctionis eadem S. Synodus Sess. 13. decret. de Reform. c. 1. præscribit dicens: Illud primùm eos (id est Episcopos) admonendos censet: (h) ut se pastores, non percussores esse meminerint, atq; ita præesse sibi subditis oportere, ut non in eis dominantur, sed illos tanquam filios & fratres diligant: elaborentq; ut hortando & monendo ab illicitis deterreant, ne ubi deliquerint, debitis eos penis coercere cogantur. Quos tamen si quid per humanam fragilitatem peccare contigerit, (i) illa Apostoli est ab eis servanda præceptio, ut illos arguant, obsecrent, increpent in omni bonitate & patientia: cum sepe plus erga corrigendos agat benevolentia, quàm austeritas: plus exhortatio, quàm comminatio: plus caritas, quàm potestas. Sin autem ob delicti gravitatem virgâ opus fuerit: tunc cum mansuetudine rigor, cum misericordia judicium, cum lenitate severitas adhibenda est: ut sine asperitate disciplina populis salutaris ac necessaria conservetur, & qui correcti fuerint, emendentur: aut si respicere noluerint, ceteri salubri in eos animadversionis exemplo à vitiis deterreantur: cum sit diligentis & pii simul Pastoris officium, morbis ovium lexia primùm adhibere fomenta, post ubi morbi gravitas ita postulet ad (k) acriora & graviora remedia descendere: sin autem ne ea quidem proficiant illis submovendis, ceteras saltem oves à contagionis periculo liberare.

Porro
q. 3.

(a) Sic præfatur fere Conc. 9. Toletanum supra Sess. 6. de refor. c. 3.
(b) 1. Corint. 9. c. quid autem 8. q. 1.
(c) Cap. ult. 25. dist. c. una tantum 26. dist. c. sicuti 1. §. necesse 47. dist. c. in Sacerdotibus 61. dist. Lev. 11. 1. Petri 1. & c. proposuisti 81. dist. (d) Sess. 22. c. 1.
(e) 1. Jo. 32.
(f) 2. Corint. 6. in prin.
(g) Ezech. 22. Sopbon: 3.
(h) Tit. 1. 1. Timoth. 3. 1. Pet. 5. dist. 45. in prin. dist. 94. c. ult. dist. 95. c. Esto subiectus.
(i) 2. Tim. 4.
(k) Cap. reserande & corripiantur 24. q. 3.

Porro extra quoque visitationem, quoties & quando opus fuerit, Episcopi, suos corrigendi & castigandi facultatem habent juxta tenorem Concilii Trident. Sess. 14. decret. de reform. c. 4. & Sess. 21. decret. de reformatione. c. 8. ubi inquit: *Quaecumque in Diocesi ad Dei cultum spectant, ab Ordinario diligenter curari, atque iis, ubi oportet, provideri æquum est.* Propterea commendata Monasteria, etiam Abbatiæ, Prioratus, & Præposituræ nuncupatæ, in quibus non viget Regularis observantia; nec non beneficia tam curata, quam non curata, secularia & regularia qualitercumque commendata etiam exempta ab Episcopis, etiam tanquam Apostolica se-

(a) *Supr. Sess. dis delegatis, annis singulis (a) visitentur.*

7. de reformatione. c. 8.

Cæterum visitationis ritè actæ eximius est & multiplex fructus. Quippe nonnulli Curati animarum si non Dei saltè Superioritatis timore mala cavent, bona agere student, gregi suo invigilant, Ecclesiam ornant, adeoque plures alioquin perituros salvant.

Conc. Tarracon. c. 8. &

Conc. Braccaren. 2. c. 11.

(b) *Sess. 24. decret. de reformatione: 2.*

Conc. Tarracon. c. 8. &

Conc. Braccaren. 2. c. 11.

(b) *Sess. 24. decret. de reformatione: 2.*

Conc. Tarracon. c. 8. &

Conc. Braccaren. 2. c. 11.

Sextum Medium: Celebratio Synodorum Provincialium

singulis trienniis; Synodorum verò Diocesinarum annis singulis: juxta decret: Concil. Trident. (b) Multa enim revolutione temporum inconvenientia emergunt, præsertim Leone infernali cuncta miscente: qui ex adverso incessanter impugnatur Christi fidelium Ecclesiam; & vel propugnacula ejus fidei & veritatis, vel mænia amæna morum & disciplinæ, vel decora immunitatis libertatisque Ecclesiasticæ novis adinventionibus & insultibus arjetare dissipareque non omittit. Cui malo nisi per frequens & prudens consilium, mutuumque incitamentum, (quod fit in comitiis Ecclesiasticis) & provisum subsidium, tam facile obviari nequit.

In Summa: Ad quinque illa puncta *Intra te, Infra te, Supra te, Circa te, Extra te*, reduci potest rectus & ordinatus modus vivendi Prælati Ecclesiæ Curatorisque animarum. 1. Per *Intra te* denotatur propria perfectio & sanctitas. 2. Per *Infra te* insinuaturn aeterna inferni perditio, à qua se & sibi subiectos ope Dei liberare debet. 3. Per *Supra te* significatur perrennis coeli beatitudo, ad quam præire sibi que commissos ducere tenetur. 4. *Circa te* sunt tum domestici, tum reliqui Curatori animarum subiecti; ei fide, obedientiâ, charitate proximi: quorum proinde amplior per-

perfectio procuranda. §. *Extra te* sunt peccatores publicani, excommunicati, hæretici; quorum conversio ad DEUM Curatori incumbit. Sunt quoque alii extra Curatoris jurisdictionem vel curatellam propriam; quorum dum porrigitur opportuna occasio, & nullum emergit præjudicium directo Pastori, haud negligenda ad promovendum æterna salus.

Vide quoque Cardinalem Bellarminum de reformando Clero & Populo *Gemitus columbæ lib. 3. c. 5. & 7.* Item vide media reformationis Religiosorum præcedenti *sect. 2. Subsect. 2.* & hic proportionatè, quæ expediunt, applica. Tum de Ecclesiastico Seraphim vide infra *p. 1. c. 1. Sect. 2. Subsect. 5. tum. 6. 7. 8.*

SECTIO V.

De Statu Vitæ Activæ, Contemplativæ,

& Mistæ.

Notandum hic non omnes qui agunt vitam Activam, vel Contemplativam, vel Mistam, esse in Statu talis vitæ, sed eos tantum qui harum alicui sunt dediti vitæ ex vi alicujus obligationis, v.g. Voti, aut Officii sui. Quia sicut isti habent conditionem Status videlicet permanentiam, ita hæc illi carent. Cæterum quanquam ejusmodi non dicuntur esse in Statu alicujus vitæ ex prædictis, dicuntur tamen agere vitam activam, vel contemplativam, vel mistam.

SUBSECTIO I.

De Statu Vitæ Activæ.

Dico Primò. Hic Status est Permanentia in Ecclesia Christi quoad actuale exercitium virtutum, ortum ex gratia supernaturali per aliud quod motivum fide Divinæ propositum, tum ad obtinendam puritatem & ornatum animi proprii, & sui proximi, tum ut per hoc se disponat ad contemplationem & amoris perfectionem aliosque fines supernaturales. Dicitur permanentia &c: quæ provenit vel ex communi obligatione Christianorum, & ita vitæ Activæ actus præcepti pertinent ad communem vitam Christianorum: vel si insuper proveniat ex speciali obligatione voti, aut officii, tum vitæ Activæ actus supererogationis spectabunt sive ad Statum perfectionis assequendæ, sive exercendæ.

dæ. Dicitur; Quoad actuale exercitium virtutum, non qualiumcunque, sed illarum, quæ ex sua natura serviunt ad præactos fines; & ita ad consequendam Puritatem à præteritis peccatis, requiritur virtus Penitentia; ad Puritatem ab habitibus vitiosis, & immoderantia ac inordinatione passionum, & sensuum, requiritur Moralificatio sui ipsius; denique ad Ornatum animi, Moralium exercitium Virtutum, & potissimum opera Charitatis, misericordia, & pietatis erga proximum etiam corporalia: ad quæ, omnia opera artium illiberalium, & servitorum corporaliū referuntur, quæ non alicujus temporalis finis quasi ultimi causâ sed principaliter ex aliquo supernaturali motivo v. g. Charitatis & Misericordia ad commoditatem & conservationem corporalem sui, & suorum

S. Gregor. dial.

l. 4. c. 36.

Ephes. cap. 4.

v. 28.

proximorum exercentur. Ita Sanctus Deus dedit faciebat, quod in hebdomada manibus suis operando lucrabatur, die Sabbathi pauperibus erogabat. Unde monet Apostolus ad opus manuum, ut habeat, unde tribuat necessitatem patienti. Sic in Religionibus faciunt illi Religiosi, qui ad ministeria vitæ, & usui corporali suorum Fratrum deputantur v. g. ad procurandum & aptandum per diversa ministeria Victum, Amictum, Medicinam, Habitaculum, &c. Sic aliquæ Religionēs sunt institutæ v. g. ad curandos Infirmos, ad Redemptionem Captivorum, ne scilicet fideles inter infideles à fide deficiant. Denique huc referuntur omnia opera misericordia Corporalia, quàm Spiritualia, per quæ puritas, & ornatus virtutum in proximis comparatur, nempe corrigendo proximum tum verbo prædicationis, tum Sacramentorum administratione, ei consulendo, pro eo orando &c. Ad opera quoque Charitatis, Prudentia, Pietatis, Legalis & vindicativæ justitiæ, adeoque ad opera Vitæ Activæ reducitur, Regimen subditorum tam spirituale quàm Politicum ex motivo Spirituali. Pulchrè de his operibus Vitæ Activæ D. Bonaventura discurret ea in duas partes distingven-

S. Bonav. lib. 3o.

Meditatio. c.

45.

Activæ inquit vitæ duæ sunt partes. Prima pars, quæ quis se exercet ad suam principaliter utilitatem, corrigendo se emendando se à vitiis, & in-
formando virtutibus. Et idem secundario fit, ad utilitatem etiam proximi, per opera justitiæ, & obsequia pietatis, & Charitatis. Secunda pars ejus est, quomodo quis principaliter suum exercitium confert in utilitatem proximi, quamvis ad suum etiam majus meritum, ut alios regendo, docendo, & adjuvando

adjuvando in animarum salutem, ut faciunt Prelati, & predicatores, & huiusmodi.

Dicitur; Ad obtinendam puritatem & ornatum animi. Et ita Cassianus, Practica inquit seu activa vita emendatione morum & vitiorum purgatione perficitur. Et Isidorus Activam vitam vocat innocentiam bonorum operum. Cass. Coll. 14. c. 1. Isidor. lib. 3. sent. cap. 15.

Dicitur; Tum ut per hoc nempe per actus vitæ activæ & ejusmodi, obtentos fines, puritatis & ornatus animi se disponat ad contemplationem & amoris perfectionem. Quia sicut oculus non producit visionem objecti nisi mundus sit à noxiis humoribus, & insuper luce collustretur: ita cor non videbit DEUM, nisi fuerit mundum à peccatis & vitiis, lumineque virtutum exornatum. Similiter sicut lignum non succenditur quàm prius disponatur per calorem & siccitatem, ita voluntas minimè inflammabitur amore Divinitatis, donec præparetur vacua à superfluitate perniciofa iniquitatis, & algore pravi affectus per aptas dispositiones virtutum. Hinc D. Bernardus En forte appetis inquit & ipse contemplationis quietem, & benè facis, tantum ne obliviscaris flores, quibus lectulum sponsæ legis aspersum. Bern. Serm. 46. in Cant. Ergo cura & tu, tuum similiter circumdare bonorum floribus operum, virtutum exercitio, tanquam flore fructum, sanctum otium prævenire. Alioqui delicato satis otio dormire voles, si non exercitatus quiescere appetas, & Liæ foecunditate neglecta, solis cupias Rachelis amplexibus oblectari. Sed & præposterus ordo est ante meritum exigere præmium, & ante laborem sumere cibum, cum dicat Apostolus: Qui non laborat non manducet. A mandatis tuis intellexi, (inquit) ut scias, nisi obedientiæ mandatorum contemplationis gustum penitus non deberi. Non igitur putes de propria amore quietis, sanctæ Obedientiæ actibus, seniorumve traditionibus præjudicium ullatenus faciendum. Alioqui non dormiet tecum sponsus in lecto uno, illo præsertim, quem tibi pro obedientiæ floribus, cicutis atq; urticis inobedientiæ conspersisti. Propter quod non exaudiet orationes tuas, vocatusq; non veniet. Nec enim dabit inobedienti copiam sui tantus obedientiæ amator, ut mori, quàm non obedire, maluerit.

Dico Secundò. Stimuli ad Vitam Activam ritè exequendam ejusmodi sunt. Primus. Quia carenti exteriorum curâ necesse est vel S. Bern. Serm. contemplari DEUM, vel poenitere, ne à gratia DEI deferatur: Sic 3. in assum. B. Mellissius Doctor dicens: Nemini nos blandimur, utinam nec M. V.

vestrum quispiam se seducat. Quibus enim nulla est credita dispensatio, administratio nulla comissa: his omnino sedendum erit aut secus pedes JESU cum Maria, aut certe cum Lazaro intra septa sepulchri. Quidni erga multa turbetur Martha, quæ sollicita est pro multis? Tibi ergo cui necessitas hæc non incumbit, è duobus unum est necessarium, aut non turbari penitus, sed delectari magis in Domino, aut si id necdum potes, turbari non erga plurima, sed ut de se Propheta loquitur: ad te ipsum. Item dico, ne quis de ignorantia habeat exultationem, oportet te frater ad quem de fabricanda seu regenda inter undas diluvii Arca nihil spectat, aut esse virum desideriorum ut Daniel erat: aut cum Beato Jobo virum dolorum, & scientem infirmitatem. Alioquin vereor, ne tepidum te & nauseam provocantem evomat ex ore suo, qui te invenire cupit, aut sui consideratione calidum, & charitatis igne flagrantem; aut tuâ ipsius cognitione frigidum, & aqua compunctionis ignita diaboli jacula restinguentem.))

Alvarez de
vita spir: lib.
2. p. 3. c: 21.

Secundus. Magnus ille Spiritualium Magister perorat: Vita activa est magna vita, cui tam ingens præmium decernitur. Magna profectò, sine qua, neque esset apud homines correctio morum; neque passionum cohibitio, neque disciplina virtutum, neque prudentia actiones dirigeret, nec justitia contineret, nec fortitudo partem irascibilem stabiliret, nec temperantia concupiscibilem ordinaret. Sine illa non esset in Ecclesiâ doctrina, non esset peccatorum punitio, non bonorum operum præmium, non Sacramentorum administratio. Deessent misericordiæ opera, neque aliquis cibaret famelicum, potaret sitibundum, vestiret nudum, aut visiteret infirmum. Tandem hominum procuratio, & communitatum gubernatio, totiusque reipublicæ administratio deficeret; quia hæc omnia præstamus ministris hujus vitæ, quæ vocatur activa. Cum enim hæc omnia, non ad contemplationem, sed ad praxim pertineant, certissimum est ad id vitæ genus spectare, quod in actione consistit. Magna denique vitæ, cujus opera, si in propriam utilitatem ordinentur (ut sunt fletus peccatorum, causâ profusi, affectuum mortificatio, virtutum exercitatio, & cætera hujusmodi) nos ipsos emendant, à peccatis ac vitiis purgant, virtutum indumentis exornant, & paulatim ad mentis provehunt sancti-

sanctitatem. Si verò in usum aliorum dirigantur, proximorum necessitati subveniunt, fratres juvant, imò & ipsi universorum Domino in suis membris inserviunt.)) *Confirmantur hæc ex Seraphico Doctore qui ait: Hæc est (nempe vita activa) prima vitæ Spiritua-* S. Bonav. In
lis pars, initium coelestis itineris, janua incomprehensibilium the- stimul. cap. 3.
saurosum, vitare mala, præstare bona, seipsum per mortificatio-
nem ordinare, proximis propter Christum inservire.))

Tertius. Quia ordinaria viâ per Activam vitam ad Contem-
 plativam (in qua beatitudo nostra sita est) ascenditur. Hinc Di-
 vus Bernardus ait. Prius est actio, postea Contemplatio; Quisquis enim *Serm. 5. de*
ad intelligentiam pervenire desiderat, profecto necesse est, ut prius per opera Assumpti.
bona se diligenter exerceat, sicut scriptum est; Fili concupiscens sapientiam, Eccli. 1.
conserva justitiam, & DEUS præbebit illam tibi. Et alibi: A mandatis
tuis intellexi.

Quartus. Christus Dominus à sua pueritia usque ad trige- *Psal. 118.*
 simum annum exercuisse videtur vitam Activam sub obedientia
 Parentum juxta Evangelistam: *Et erat subditus illis,* tum labore ma- *Luc. 2.*
 nuum victum quærendo, tum desolatos consolando, &c. Exem-
 pla Deiparæ, S. Josephi, & aliorum Sanctorum in vita Activa vide
 infra *Subsect. 3. in vita Mistæ.* Porro sub virtutibus vitæ activæ in-
 fra dabuntur in particulari exempla Christi, B. V. & Sanctorum.

Officia vitæ Activæ, ut patet ex dictis, erga propriam perso-
 nam sunt Poenitentia, mortificatio sui, aliaque exercitia virtutum.
 Erga proximum verò sunt Actus Charitatis, opera misericordiæ
 corporalia & spiritualia. Quarum virtutum Praxes vide infra tum
 in genere sub Actu virtutis, tum in specie sub qualibet dictarum
 virtutum.

SUBSECTIO II.

De Statu Vitæ Contemplativæ.

Dico Primò. *Ejusmodi Status est Permanentia ex vi alicujus profes-*
sionis Religiosæ, in exercitio Contemplationis & Amoris DEI, ac Di-
vinorum, ad obtinendam Unionem cum DEO, imò Transformationem
in DEUM, ac inde sequentes alios fines Supernaturalis Perfectionis, Sancti-
tatis, Beatitudinis, Gloriæ DEI, & Electorum. Dicitur; Permanentia ex
vi alicujus professionis Religiosæ: Quia hæc facit stabilem ac perma-
nentem

nentem vitæ modum adeoque statum: idque quibusdam personis Religiosis seu tendentibus ad perfectionem propriam, in quo statu obligantur ad opera vitæ contemplativæ. Supponitur autem hic etiam Status incompletus Religiosorum. Dicitur; in exercitio Contemplationis. Ad quod exercitium juxta D. Thomam referuntur ea opera quibus homo ascendit ad contemplationem,

Alva. Paz. de talia sunt: Verbi DEI auditio, librorum Spiritualium lectio, sacrarum Liturgiarum studium, rerum ad animum illuminandum & perficiendum Scripturarum Divinarum officiorum auscultatio, Vocalis oratio, quæ horis Canonicis, aut Sacrificio Missæ, aut alia quapiam oratione perficitur, & tandem exercitatio Mentalis, quæ in Cogitationem, Meditationem, Orationem, & Contemplationem, & Affectum voluntatis dividitur.

(Sed de his suo loco infra fufius.) Quia cum nihil viâ ordinariâ volitum & amatum quin præcognitum, cognitio verò optima est per contemplationem, quæ cum sit simplex intuitus veritatis, hic haberi nequit nisi sensim deducatur discursivè per meditationem, & impetretur per orationem. Porro Meditatio prærequirit Apprehensivam cogitationem terminorum, ista autem cogitatio de DEO & Diviniorebus ex auditione Verbi DEI, lectione Spiritualium, Auscultatione Divinarum officiorum, Oratione vocali, conservatur Scriptione pia, studio sacrarum Literarum. Ergo à primo ad ultimum supra specificata opera habent se ad Contemplationem, & Affectum voluntatis amorosæ in DEUM, ut media ad finem, seu gradus ad cacumen: adeoque sunt opera Status vitæ contemplativæ.

Dicitur: Ad obtinendam unionem cum DEO. Nempe unionem intellectus per contemplationem cum DEO ut summo Verò, unionem voluntatis per amorem cum DEO ut summo Bono, unionem bonæ voluntatis per Conformationem cum DEI bona, beneplacente, & perfecta voluntate: ita, ut adhærens DEO, unus fiat spiritus cum eo. De Transformatione, Perfectione &c. vide infra.

Dico Secundò. Stimuli ad vitam Contemplativam rectè ducendam, ejusmodi habentur. Primus. Ob Contemplativæ vitæ beatissimæ officia, quæ innuit breviter B. Gregorius: Contemplativa vita est, Charitatem quidem DEI & proximi totâ mente retinere, ab exteriori actione quiescere, soli desiderio Conditoris inhærere;

Part. 3. Theol. spirit. tra. 1.

Greg. in Ezech. bo. 14. s. med.

ut nihil jam agere libeat, sed calcatis curis omnibus, ad videndam faciem sui Creatoris animus inardescat: ita ut jam noverit carnis corruptibilis pondus cum mœrore portare, totisque desideriis appetere illis hymnidicis Angelorum choris interesse, admisceri coelestibus civibus, de æterna in conspectu DEI incorruptione gaudere.))

Secundus. Quia vita hujusmodi est optima pars, Vita Coellicolarum. Ita D. Bernardus inquit: Sed carnalis est, & omnino non percipit quæ sunt Spiritus DEI, si quis fortè vacantem animam sua de vacatione redarguit. Audiat igitur optimam esse hanc partem, quæ maneat in æternum. Nunquid non rudis quodammodo videtur anima, quæ Divinæ Contemplationis penitus expers, illam intravit regionem, ubi hoc unum omnium opus, unum studium, eadem vita.))

S. Bernard.

Serm. 3. in As-

sumpt. B. V. M.

Tertius. Contemplativi beati, audi S. Bernardum: Quibus Idem ibidem. ita sollicitis circa frequens ministerium, videat Maria quemadmodum vacet, & videat quoniam s'avis est Dominus. Videat inquam quàm devotâ mente, quàm tranquillo sedeat animo secus pedes JESU, providens eum semper in conspectu suo, & verba ex ore ejus excipiens, cujus & aspectus delectabilis, & eloquium dulce. Diffusus est enim gratia in labiis ejus, & est speciosus formâ præ filiis hominum, imo etiam supra omnem gloriam Angelorum. Gaude & gratias age Maria, quæ partem optimam elegisti. Beati enim oculi qui vident quæ tu vides, & aures quæ merentur audire, quæ tu audis. Beata planè, quæ venas susurrii Divini percipis in silentio, in quo utique bonum est homini Dominum exspectare; simplex esto, non tantum sine dolo & simulatione, sed & absque multiplicitate occupationum, ut tecum sit fermocinatio ejus, cujus & vox dulcis, & facies decora. Unum cave, ne abundare incipias in sensu tuo, & velis plus sapere quàm oportet, ne fortè dum lucem sectaris, impingas in tenebras, illudente tibi demonio meridiano.)) Porro beatitudinem Vitæ præsentis & futuræ in Contemplatione & amore DEI positam esse, communis Doctorum Ecclesiæ tenet sententia. Nam quantum ad objectum beatitudinis ipse est DEUS Summum Verum & Bonum superabundantissimè exsatiativum humani appetitus: Quantum ad actualem beatitudinem, ipsa est Contemplatio seu visio Summi

Summi Veri & Boni, ejusque Amor: qui sunt Actus principalium hominis potentiarum nempe intellectus & voluntatis, easdem plenissime perficientes & beatificantes: quæ perfectio major & minor pro ratione graduum Contemplationis & Amoris in alias potentias hominis organicas quoque redundat, ipsasque suo modo perficit, ac felicitate implet & complet: in præfenti quidem vita hæc contingunt imperfectè, in futura perfectissime.

Quartus. Quantum eminet Contemplativa supra Activam *S. Bern. 3. in* describit *S. Bernardus*: Felix domus & beata semper congregatio est, ubi de Maria Martha conqueritur. Nam Mariæ Martham æmulari prorsus indignum, prorsus illicitum est. Alioquin ubi legitur Mariam causantem: quia Soror mea reliquit me solam vacare? absit, absit, ut qui vacat, ad tumultuosam aspiret fratrum officialium vitam. Martha semper insufficiens sibi & minus idonea videatur, aliisque magis id operis, quod administrat, optet imponi.))

De vita Spiritus. *Quintus.* Quia ut ait *Alvarez*: Vitæ Contemplativæ magna est dignitas, ingens utilitas, mira suavitas. Magna certè dignitas, cuius possessio laborantibus in activa vita, tanquam præmium ac merces promittitur. Quare *Isaias*, collaudato eo, qui studiosis va-

Isaiæ 33. 16. cat actionibus, ita concludit. *Iste in excelsis habitabit; munimenta saxorum sublimitas ejus, panis ei datus est, aquæ ejus fideles sunt.* Regem

Greg. 31. mor. in decore suo videbunt oculi ejus, cernent terram de longè. Quod *D. Gregorius* planum faciens ait: Ab activæ vitæ gradibus inquit ad quæ

Contemplationis culmina ascendatur, Propheta adjunxit dicens: *Iste in excelsis habitabit, & reliqua.* In excelsis namque habitare, est cor in cœlestibus ponere. Et munimenta saxorum, sublimitas nostra est; cum mente choris castrisque cœlestibus jungimur, & insidiantes malignos spiritus, stantes in arce cordis, quasi subterpositos, expugnamus. Tunc etiam nobis panis datur; quia in supernis erecta intentio, eternitatis contemplatione reficitur. Aquæ enim nostræ fideles sunt; quia verba vitæ, quod ante mortem insinuant, hoc etiam post mortem demonstrant. Regem in decore suo oculi nostri conspiciunt; quia Redemptor noster in judicio, & à reprobis homo videbitur, sed ad Divinitatis ejus intendam celsitudinem, soli, qui electi sunt, sublevabuntur. Et post

panca.

pauca. Qui quamdiu in hac vita sunt, quia illam viventium patriam, sic ut est, videre non possunt, recte adjungitur: Cernent terram de longè. *Et Alvarez alibi:* Utilitas vitæ contemplativæ *De vita Spirit. lib. 2. p. 4. c. 28.* ingens, sive eam comparatione illius, qui vitam contemplativam colit, sive comparatione totius Ecclesiæ consideres. Nam contemplationi Divinorum vacans, quis explicet, quam magna & mirabilia dona ex DEI consortio & familiaritate percipiat? Jam præteritorum peccatorum meditatione compungitur, &c.)) Porro, quam sint proximis utiles ex eo percipi potest, quod Ecclesia eorum orationibus fulcitur, & exemplis sustentatur; cujus rei testis locuples sit *Augustinus*, ita scribens: *Nihil de his loquar: Videntur enim nonnullis res humanas plusquam oportet deservisse, non intelligentibus, quantum nobis eorum animus in orationibus prosit, & vita ad exemplum, quorum corpora videre non sinimur.* *Aug. de morib. Eccles. cap. 31.* Et optimè quidem. Est namque istorum vita contemplationi addicta, veluti Domini charissima Sponsa, quæ ejus domum, scilicet sanctam Ecclesiam, suâ pulchritudine illustrat, suâ puritate alios ad perfectionem allicit, & quidquid postulat, vel ad peccatorum purgationem, vel ad virtutis augmentum, vel ad felices negotiorum eventus, ipsis, non semel, sed sæpissime impetrat. *Et alibi idem piissimus Author ait:* Non minùs *Alvarez De vita Spirit. lib. 2. p. 2. c. 15.* ineptè activi, aliquando contemplativis insultant, eosque despiciunt, quasi inutiles, & minùs sanctæ Ecclesiæ fructuosos. Hæc sanè magna cæcitas est, dæmonis fraudibus plena, ad pacem Religiosorum turbendam, & vinculum dilectionis rumpendum. Non sola activa vita filios spirituales generat, non hæc sola est Ecclesiæ proficua; imo sæpè activa videtur parere, & proximos ad bonam frugem convertere, sed revera contemplativa est, quæ peperit, & animas à peccatis liberavit, & in DEI amicitiam evexit. Hæc enim spiritualium filiorum generatio, non tam à verbis, quam à gemitibus, non tam ab eloquentia, quam ab oratione dependet. Unde Paulus Colossensibus scribens, ait: *Orationi instate, vigilantes in ea in gratiarum actione.* *Coloss. 4. 2.* *Orantes simul, & pro nobis, ut DEUS aperiat nobis ostium sermonis ad loquendum mysterium Christi.* Contemplativa autem vita est, quæ gemit, quæ orat, quæ ostium apertum, hoc est, corda audientium mollia, ad recipiendum verbum DEI (sic quippe interpretatur Chrysost.) à Domino impetrat. Hæc igitur hæud *Chrys. hom. 10. ad Coloss.*

quaquam est sterilis, sed primo loco filios generat spirituales. Non dubium quin puris activis, qui multum laborant, & nihil orant, qui multum loquuntur, & nihil cum affectu considerant, in die postremo illud eveniet, quod per dici avi astutæ succedit, quæ furans alteri ova, & pullos excludens, illi voce percepta veræ matris, instinctu naturali ad eam accurrunt, illamque pro vera matre, alteram verò pro nutrice agnoscunt. Hoc inquam nimis activi experientur, qui non charitate succensi, sed jactantiâ inflati, spiritualibus animarum ministeriis vacant, & DEI Verbum seminant, atque in magna populorum frequentia concionantur. Modò sibi spirituales filios attribuunt, & tanquam proprios foetus asciscunt, non contradicentibus veris parentibus, qui scilicet multum fleverunt, multum oraverunt, multum pro animarum salute ad Dominum clamaverunt. Sed veniet tempus, cum DEUS veritatem patefaciet, quando nimirum animæ a peccatis ereptæ, religiosum Laicum charitate ferventem, licet in tenebricosa popina commorantem, qui multum oravit; & non superbum, ac ambitiosum Prædicatorem, qui multum vociferatus est, Patrem agnoscunt. Tunc religiosi idiotæ anima admirans, & stupens, non sine exultatione illud Isaia dicit in corde suo: *Quis genuit mihi istos? Ego sterilis, & non pariens, transmigrata, & captiva: & istos quis enutrivit? Ego destituta, & sola, & isti ubi hic erant?* Et accipiet Divinum responsum: quia orationes tuæ, & lachrymæ tuæ, quas pro animarum conversione fundebas, te istorum matrem fecerunt, quos literatus arrogans, nec Dominum rogans, & solo verbo & ostentatione laborans, sibi in filios arrogaverat. Non itaque vita contemplativa sterilis est, sed potius spiritualis fecunditatis origo, quam oportet, ut veram Matrem animarum suspicere, non ut inutilem, atque infecundam aspernari.

Isa. 49.

Deniq; admirabilis est vitæ Contemplativæ fravitas. Unde D. Gregorius inquit: Contemplativa vita valde amabilis dulcedo est, quæ super seipsam animam rapit, cælestia appetit, terrena autem debere esse contemptui ostendit; ad Spiritualia mentis oculos patefacit, corporalia abscondit. Et adhuc propositum idem S. illud Canticorum applicat: *Ego dormio, & cor meum vigilat.* Nam dum mens ad superna vigilat, & in tam nova consideratione rerum admirabilium obstupescit, necesse est, ut rebus mundanis

Homil. 14. in
Ezech.

Cant. 5.

um vigilat. Nam dum mens ad superna vigilat, & in tam nova consideratione rerum admirabilium obstupescit, necesse est, ut rebus mundanis

mundanis dormiat, & audiendis seculi vocibus obsurdescat. Et S. Augustinus Martham alloquens dicit: A te autem quod elegisti auferetur, sed bono tuo auferetur, ut quod melius est detur. Auferetur enim à te labor, ut requies detur. Tu navigas, illa in portu est. Et super intenta erat Martha quomodo pasceret Dominum: intenta Maria quomodo pasceret à Domino. A Martha convivium Domino parabatur, in cuius convivio Maria jam jucundabatur, &c.))

Sextus. Christus Dominus exemplum præbuit vitæ Contemplativæ, dum 30. annorum esset, in desertum secessit solus, ubi 40. diebus & noctibus jejunavit. Jam verò Beatissima Virgo quantum Contemplativæ vitæ addicta deditaque fuerit, vide sub vita mista. Ubi quoque S. Iosephi exemplum habes. Aliorum autem Sanctorum formam in vita contemplativa sub ejus particularibus officiis seu virtutibus infra vide; nunc hoc in passu præclarum magni Ecclesiæ Doctoris S. Hieronymi exemplum accipe. Qui quantum lectione, meditatione, studio Sacrarum Scripturarum profecerit, tota sancta Ecclesia ubertim quoque in seipsa & feliciter experitur. Quæ autem veræ beatitudinis gaudia in sua Contemplatione idem Sanctus degustaverit, ita describit: Post multas inquit lachrymas, post Cælo inhaerentes oculos, nonnunquam mihi videbar interesse agminibus Angelorum, & lætus gaudensque cantabam: Post te in odore unguentorum tuorum curremus; Et ad Virgines DEO dicatas scribens ait: Experto itaque seni devote confulenti credite filiæ, si semel gustastis quàm dulcis est Dominus, ad quem accedentes lapidem vivum, ab hominibus quidem reprobaturum, à DEO autem electum, poteritis ab eo audire illud. Venite, & ostendam vobis omne bonum; & tunc ostendet vobis talia, qualia non nisi mentes assvetæ norunt. Scio quid loquar, charissimæ. Nam ut meam insipientiam loquar, ego homunculus sic abjectus, sic vilis in Domo Domini adhuc vivens in corpore, Angelorum sæpe choris interfui, de corporeis per hebdomadas sustentationibus & nutrimentis nihil sentiens Divinæ visionis intuitu. Post multa ferè dierum spatia præscius futurorum redditus corpori flebam; Quid ibi manens felicitatis habebam, quid inenarrabilis delectationis sentiebam, testis est ipsa TRINITAS, quam

Matth. 4.

Subsect.

Sequent.

S. Hieronymus
in libr. de Vir-
gin: serv:

Cant. I.

S. Hieron: E-
pist. ad Eu-
stoch:

Pf. II.

Exod: 33.

Joan. 12.

cernebam, nescio quo intuitu; testes sunt & ipsi beati Spiritus qui aderant; testis est ipsa conscientia mea, qui tantis bonis ipse fruebar, quod & qualia nescit proferre molities corporis mei. Deniq; subjungit dicens: Non potest ad tantæ contemplationis dulcedinem cor secularibus plenum negotiis aspirare, sed oportet ut seculo moriatur, ut soli DEO per tantas meditationes, & desideria supernis inhæreat. Unde granum frumenti cadens in terram, nisi mortuum fuerit, semper sic solum manet ut cecidit, quodsi moritur fructum plurimum affert. *Heu ille,*

Officia seu Actus vitæ Contemplativæ, in ejusdem descriptione supra enumerata patent: eorum verò Praxes infra sub Actu virtutis in genere, tum in specie reperies. Vide plura infra de Contemplatione. p: 1.2. tra: 1.

SUBSECTIO III

De Statu Vitæ Mistæ.

Dico Primò. *Hic Status est permanentia in exercitio actuum Vitæ Contemplativæ, tum Activæ, eorum actuum, qui ad supernaturalem proximorum salutem serviunt: Ad obtinendum perfectum donum Contemplationis, maxime verò Actionis, ex eisq; proprios perfectiores effectus & fines supernaturales consequendos.*

Dicitur; *Permanentia*: quæ nimirum resultat ex vi alicujus obligationis provenientis, vel à lege Charitatis, dum scilicet quispiam in Carentia ex justitia obligatorum; (quales v. g. sunt Parochi) vel aliàs tradit se Servitio animarum; quod ut commodius præstet, vacat suis temporibus vitæ contemplativæ; Vel insuper resultat hæc Permanentia ex vi obligationis emanantis à justitia, sive ex vi status & officii, uti Episcoporum, & aliorum Ecclesiasticorum Curata beneficia habentium, omniumq; Superiorum in supernaturali jurisdictione positorum; sive ex vi Voti aut Professionis alicujus.

Dicitur; *In exercitio actuum vitæ Contemplativæ*, nempe supraspecificatorum; & quidem frequentius & divitius, quam in exercitio Activæ, nisi forè subinde aliud svaerit proximi necessitas; imo & in medijs actionibus, populis & turbis non discedat à contem-

contemplatione Divinæ præsentia, ut possit cum Propheta coronato dicere: Providebam Dominum in conspectu meo semper &c: propter hoc letatum est cor meum. Imitetur quoque S. Dominicum qui in corpore degens & inter peccatores vivens, animo semper cum DEO & Angelis loquebatur, & dies proximis impertiens noctibus ferventissima contemplationi vacabat: & inter fratres humanissimus existens, DEO instantissimis precibus adhaerebat, ita ut ad vesperum demoraretur fletus & ad matutinam letitia Theod. lib. 4. c. 9. Quia si quæ utilitas speranda in salute proximorum, hæc provenire debet ex splendore Contemplationis, & fervore Charitatis contemplationem comitantis, sicut lumen & calor dispellens tenebras, & frigus, oritur ex luce & fervore solis. Unde Homo sanctus in sapientia manet sicut sol, nam stultus sicut luna mutatur, modò lucens cum exiguo fructu sedentibus in tenebris & in umbra mortis, modò à lumine deficiens. Christus autem suos Prædicatores voluit esse Lucem mundi, dicens: Vos estis lux mundi; sed qualis fuit Joannes Lucerna ardens & lucens. Ardor, inquit D. Gregorius, celestia desideria, lumen verbum prædicationis designat. S. Bernardus verò monet: Ita luceant, ut tamen ardoris potiore rationem quam splendoris habeant.

Dicitur: Tum Activæ, eorum actuum, &c. Quia etsi vita Mistra composita sit ex Activæ & Contemplativa, non tamen omnia opera Activæ admittit, sed aliqua supponit, aliqua excludit. Supponit, & quidem jam ad perfectionem suam deducta; quia sine his vita Mistra aut probè exerceri nequit, aut periculose exercetur. Talia sunt peracta Pænitentia, perfecta sui ipsius Abnegatio, perfecta Virtutum acquisitio. In malevolam enim animam non introibit Sapientia, nec habitabit in corpore subdito peccatis. Paulus quoque inquit: Castigo corpus meum, & in servitutem redigo, ne forte cum aliis prædicaverim, ipse reprobus efficiar. Denique promovendus D. Petrus ad curam gregis Christi, ab eo strictum examen de dilectione sui subiit per ter ingeminatum; Simon Johannis amas me? Unde S. Gregorius ait: Qui charitatem erga alterum non habet, prædicationis officium nullatenus suscipere debet. Porro Charitas perfecta cum sit plenitudo legis, supponit acquisitionem aliarum virtutum. Quas vitæ Mistæ deditus non tam addiscere, quàm perfectè jam addiscens eas actu exercere, & alios docere debet, ut Christi imitator factus, potens sit in opere & sermone, coram DEO & omni populo.

Psal. 15.

Eccl. c. 7.

Matth. 5.

Johann. 5.

S. Greg. Hom.

1. in Ezech.

D. Bern. in

Nat. Joa. Bapt.

Sapient. cap.

1. vers. 3. 4.

1. Cor. cap. 9.

vers. 27.

Johan. 21.

Homil. 17. in

Evang.

Luc. 24.

Epist. 2. Ti-
mot. 6. 2. v. 4.

Deinde, Vita Mistra non admittit opera Vitæ Activæ, erga
proximos, nempe ea, quæ magis Secularibus quam Spiritualibus
conveniunt. V. g. Nuptias componere, testamenta exequi, lites
procurare, Respublicas seculares ad pacem & bonum temporale
gubernare, &c. Quia ut Apostolus loquitur: *Nemo militans DEO,*
implicat se negotiis secularibus. Itaque opera propria Vitæ Mistæ,
quatenus est Activa, sunt universaliter ea, quæ salutem Spiritua-
lem proximorum ex natura sua, & proximè promovent: Quod
licet videre in Vitæ Mistæ perfectissimo Exemplari CHRISTO
Domino, ultimo vitæ suæ triennio, tum ejus sequacibus Aposto-
lis, Apostolicisque viris. Hæc verò opera breviter libet innue-
re. 1. Regimen animarum, non ad finem & bonum naturale,
sed supernaturale: Hæc enim est ars artium, regere animas, in-
cluditque potissimas functiones mox nominandas. 2. Sacra
Scripturæ, imò totius Sacrae Scientiæ traditio. Quæ ab Angeli-
co Doctore anteponitur Prædicationi, & aliis animarum ministe-
riis. Quia ipsa ad alia ministeria ut architectus ad minores arti-
fices comparatur; & non utcumque docet, sed prædicatores &
pastores facit. 3. Cathéchizatio, particularis Verbi Divini præ-
dicatio, instructio respectivè tum ad convertendos infideles ad
fidem, tum peccatores ad poenitentiam, tum justos ad ampliorem
justitiam perducendos. Quia hac rerum providentiâ, voluit
DEUS homines per homines salutem consequi, quod potissimum
fit Cathéchismo, & privatâ, publicâque Verbi Divini Prædicatione,
ac Spirituali informatione. 4. Sacramentorum administra-
tio. Quia per hæc homines in gratia DEI nascuntur, nutriun-
tur, perficiuntur. 5. Adolescentum eruditio in Virtute & Lite-
ris. Quia ita aptificantur ad Divinas Literas perdiscendas: Tum
ut fiant ex eis idonei tam in Spirituali quam in politico Statu Po-
puli DEI moderatores. 6. Afflictorum Consolatio, v. g. vin-
ctos & in carceribus positos solari, Pauperes in Xenodochiis visi-
tare, discordes concordare, infirmos & moribundos roborare,
&c. Ad quod monet Ecclesiasticus: *Non desis plorantibus in con-*
solatione, & cum lugentibus ambula. *Non te pigeat visitare infirmum:*
ex iis enim in dilectione firmaberis. 7. Conversatio per Colloquia
Sacra, sed cum his duabus conditionibus: Prima, conditio est, ut
instituan-

Eccl. 7. 38.
39.

instituantur in materia bona, & fine bono, quomodo docet Ecclesiasticus. Cum viro irreligioso tracta de Sanctitate, nempe ut eam sectetur. Similiter & cum injusto de iustitia. Et cum muliere de his, quæ emulatur, ne scilicet eam odius prosequatur, cuius audierit per te virtutem commendatam. Cum timido de bello, addens ei animos ad bella Domini cum mundo, satana, & carne. Cum negotiatore de traiectione ad bonas merces emptoribus devehendas. Cum emptore de Venditione, ne ultra justum pretiumaugeat. Cum viro livido de gratiis agendis, scilicet DEO pro alienis bonis. Cum impio de pietate, & cum inhonesto de honestate, ut his virtutibus se arment ad contraria vitia profliganda. Cum operario agrario de omni opere, Ut non tantum in agricultura, sed in aliis quæque servilibus operibus rei familiaris sit obediens suo Domino. Cum operario annuali de consummatione anni, ut spe mercedis diligentiam præster laboris. Cum servo pigro, de multa operatione, ad executendam segnitiam & pigritiam. Ecce hæc & similes materia collocationis Sacræ, proportionatè ad Conditionem cuiusque: hic finis, ut ex virtute propter DEUM in ejus gloriam & Salutem propriam, & alienam, quisque operetur.

Eccles. 37.

Secunda Condicio: quatenus Conversatio cum aliis sit moderatissima & brevissima. Ne tempora lectioni vel orationi deputata, furripiantur, neque majoris utilitatis ministeria omittantur, ac denique ne sensim à sanctis in vana & ociosa (quod sæpè usuvenit) colloquia dilabatur.

Dicitur in definitione *Ad obtinendum perfectum donum contemplationis.* Quia etsi plures soli dediti contemplationi, ejus magnam perfectionem sunt assecuti, Mistæ tamen vitæ navantes operam, multò perfectius donum contemplationis accipiunt. Tum in præmium excellentissimarum actionum Charitatis proximi: Tum, ut fiant aptiores in proponenda veritate DEI & Divinorum, ejusque amore & gloria promovenda. Ut tamen actio non tam impediatur (quod frequenter evenire solet,) quin potius promoveatur contemplationem, ejusmodi cautelæ adhibendæ: 1. est, Ne actio sit secularis, sed accommodata statui & officio viri spiritualis. Quippè mundanæ actiones hebetant, imo cæcant oculum mentis suæ terræ pulvere. 2. Ne fastidio silentii & solitudinis, nisi fo-

lius

lius gloriæ DEI, & Salutis animarum motivo, accurrat ad juvandos proximos. Alioquin & ipse in multas imperfectiones impinget, & tepidus aridusque minimè alios virtutis amore accendet. 3. Ne nimis anxia & immoderata sit actio, sed non nisi quantum necesse est. Immoderantia enim circa exteriora vigorem cordis minuit, & anxietas quietem tollit; utroque autem hoc nequit carere contemplatio. 4. denique: ne sit totus effusus in actionem, sed identidem ad præsentiam DEI se recolligat. His actio fulcita adminiculis mirum in modum disponet hominem ad clariores contemplationis radios, ut in ipsa quoque actione manens, novam quandam veritatis aspiciat lucem, effervescat magis in DEI Divinorumque amorem, ut tandem exoccupatus, mox in altissimum sopiatur mentis excessum.

Dicitur; *Maximè verò Actionis* nempe perfectum donum obtinendum. Quia ex intermixta Contemplatione penè tota vis & fructus redundat in Actiones quæ sunt propriæ Mixtæ vitæ, nempe Spirituales, ut supra visum.

Dicitur; *Ex eisq; perfectiores effectus & fines supernaturales consequendos.* Nimirum majorem perfectionem Charitatis, excellentiorem Sanctitatem, Beatitudinem propriam & proximi, majorem gloriam DEI, & suorum Electorum.

S. Bern. Serm.

3. in Assumpt.

B. V. M.

Dico Secundo: *Motiva ad Vitæ Mixtæ munia* probè obeunda sunt.

Primum. Quia in ejusmodi vita perfectus optimum gradum gratiæ & gloriæ obtinebit. Ita S. Bernardus dum ait: Deniq; inquit, paratum cor meum, paratū cor meum. Non semel tantum sed & secundo, & vacare tibi, & proximis ministrare. Hæc planè pars optima, quæ non auferetur, hæc mens optima quæ non mutabitur, quocunq; vocaveris eam. Bonum inquit acquirit gradum qui benè ministraverit: fortè meliorem qui benè vacaverit DEO, optimum autem qui perfectus est in utroque.)

S. Thom. 2. 2.

q. 188. art. 6.

S. Bern. Si-

templari.)

mile quid ha-

bet Serm: in

Nativ: S. Jo-

han Bapt:

Secundum. Docet D. Thomas: Sicut majus est illuminare quàm lucere, ita majus est contemplata aliis tradere, quàm contemplari.)

Tertium. Quia Vitæ Mixtæ dediti sicut Sol sunt perfecti in splendore & ardore. Eleganter de his mellissimus Doctor. Est tantum lucere, vanum; tantum ardere, parum, ardere & lucere perfectum.

fectum.) Illi lucent, qui ex prædicationis ministerio, auram solium popularem captant, & non DEI gloriæ, sed propriæ ambitioni servire student. Hoc autem vanum est. Nam quid inanius, quàm ex tam sanctis & præstantibus laboribus, non fructum præmiæ cælestis decerpere, sed inanis gloriæ & insipientis laudationis ventum aucupari? Illi ardent, qui sibi solis vacant, & contemplationi se tradunt. Et solâ cordis proprii puritate contenti, aliis doctrinâ non profunt. Et hoc parum est. Sancta enim rusticitas nullo modo potest cum illius sanctitatis opulentia conferri, cujus eximix opes sunt, ut videat unde abunde sibi provideat, & unde in alios sine sui detrimento doctrinæ divitias effundat. Illi verò ardent & lucent, qui in similitudinem solis, splendorem igneum, ardorem splendidum habent. Qui in ardore charitatis se ipsos super omnia creata efferunt, & DEO Creatori intellectu & affectu se copulant, & luce doctrinæ proximos docent, ac vitis liberatos in viam virtutis adducunt.

Quartum. Christus ejusmodi vitæ ideam in seipso nobis exhibuit dum ut ait *B. Gregorius*: Humani generis Redemptor per diem miracula urbibus exhibet, & ad orationis studium in monte pernoctat, ut perfectis videlicet prædicatoribus innuat, quatenus nec activam vitam amore speculationis funditus deserant, nec contemplationis gaudia penitus operationis nimietate contemnunt, sed quietè contemplantes sorbeant, quod occupati erga proximos loquentes refundant.)

*S. Gregorius
6. Moral. c. 17.*

Quintum. Filium quàm exatè imitata sit suaprædilecta Mater in Vita Mistra, audi *Svarium* discurrensem hunc in modum. Beata Virgo meruit per actus perfectissimos tam vitæ activæ, quam contemplativæ. Hanc conclusionem pono, ad explicandam amplius perfectionem hujus meriti, simulque declarandam eximiam, ac perfectissimam rationem vivendi, & aptissimam ad sanctitatem agendam, quam *B. Virgo* in hac vita habuit. Et *Primo* in genere probari potest, quia perfectissimus status hominis utramque vitam activam & contemplativam, complecti debet, ut *D. Thomas* docet *secunda secundæ quæst. 188. art. 6. & infra quæst. 40. art. 2. ad secundum.* Ubi hanc vivendi rationem dicit Christum assump-

*Suarez in 3.
p. D. Tho. T. 2.
d. 2. sect. 2.*

plisse; maximè autem decuit Virginem imitari Filium & post illum, perfectissimum vivendi modum habere. **Secundo** declaratur brevi discursu facto de vita Deiparæ, quam in tria potissimum tempora partiti possumus. **Primum** protenditur usque ad Filii conceptionem, de quo supra initio disputationis septimæ ex antiquorum Patrum scriptis ostendimus, B. Virginem in templo habitasse, ibique Divinæ contemplationi potissimum vacasse, & ardentissimis desideriis, ac orationibus Messiae adventum impetrasse, ac promeruisse. Addit vero *Ambr. lib. 2. de Virginibus in principio*, non caruisse tunc Virginem perfectissimo exercitio virtutum ad vitam activam pertinentium, inter alia, *Quid ego, inquit, exequar ciborum parsimoniam, officiorum redundantiam, alterum ultranaturam superfuisse, alterum pene ipsi naturæ defuisse? Illic nulla intermissa tempora, hinc congeminos jejunia dies, & si quando reficiendi successisset voluntas, cibus plerumq; obuius, qui mortem arceret, non delicias ministraret.* Vbi quanquam Ambrosius, non loquatur in particulari de hoc tempore, sed generatim de tota vita Virginis, tamen, quæ dicit, ad illam maximè ætatem sunt accommodatissima. Refert præterea *Sabellicus lib. 2. exemplorum capitulo 4. & nono, & lib. 8. capitulo 4.* quadam antiquâ traditione, solitam fuisse Virginem totâ hac ætate à prima luce ad tertiam diei horam contemplationi, ac rebus sacris vacare: deinde vero usque ad meridiem operi alicui incumbere: reliquam verò diei partem sacræ lectioni, & orationi impendere. Quod etiam ira fuisse revelatum S. Brigittæ refert Canisius, qui de hac ætate Virginis latè disputat, *lib. de Beata MARIA capitulo 12. & 13.* **Secundum** Tempus duravit ab incarnatione usque ad ascensionem Domini, in quo excellentiora opera utriusque vitæ exercuit: tum quia majori semper gratiâ, & sanctitate pollebat: tum etiam quia maiorem opportunitatem perfectiùs operandi nacta est. Primò enim ad hoc tempus spectat singulare illud meritum fidei, charitatis, obedientiæ & humilitatis, quod in ipsa Filii conceptione enituit; quando suum consensum præstitit. Ut mirum in modum ponderat, & exaggerat *Bernardinus Senensis serm. 51.* Deinde quod ad vitam contemplativam pertinet, plurimum ad perfectionem ejus contulit præsentia Filii, quâ semper fruebatur, & ad illum amandum

mandum non tantum gratiæ, sed etiam naturæ impetu ferebatur, ut rectè notavit *Anselmus, lib. de excellentia Virginis c. 5.* Accedit quòd *sedens secus pedes Filii audiebat verbum illius*: nunquam enim ferè à Filio discedebat, propter quod *Epiphanius hæres. 78.* eam vocat, *Perpetuam JESU sectatricem.* Quodsi audiendo verba Simeonis, vel aliorum, custodiebat ea, conferens in corde suo, quid audiendo verba Filii existimandum est effecisse? Denique quod ad vitam activam spectat, in hac ætate exercuit summa pietatis officia erga Filium: Sponso etiam suo ministravit, ac familiæ curam gesit. Et (quod caput est) inmaximos labores, & dolores simul cum Filio sustinuit, ut rectè consideravit *Anselmus de excellentia Virginis, cap. 5.* Et eleganter *Rupertus 3. lib. in Cantica, in fine*: *Tertium Tempus duravit, usque ad Beatæ Virginis obitum, quo tempore coelestem, quandam vitam egisse nemo pius dubitare potest.* Unde (ut est apud *Sabellicum supra, & Nicephorum lib. 2. Histor. cap. 3.*) post Christi mortem in Joannis domo habitavit, privatamque & ab hominum consortio semotam vitam egit, ubi Filii absentiam perpetuâ illius consideratione & charitate compensabat. Unde *Laurentius Justinianus serm. de Assumptione*, de hac ætate Deiparæ loquens, inquit: *Nullus ardorem Virginis sufficit explicare, quanto desiderium cremabatur incendio, quàm crebris suspiriis angebatur, & alia, quæ eleganter persequitur.* Et *Rupertus lib. 5. In Cantica*, cujus magnam partem in explicanda altissima Virginis contemplatione ponit. Nec verò huic tempori exercitium activæ vitæ defuit: quin potius, cum aliis temporibus activam vitam circa corporales actus exercuisset, in hoc tempore illam in spiritualibus actibus, qui ex suo genere, perfectiores sunt, exhibuit. Nam (ut sub nomine Hieronymi refertur sermone de Assumptione) Apostolos docuit; Et Lucam Evangelistam de mysteriis fidei instruxit. Et credibile est in consolandis, ac spiritualiter juvandis aliis fidelibus sæpè occupatam fuisse: Unde *Beatus Ignatius epist. 3. ad MARIAM*, eam deprecatur, ut se confortare, & consolari dignetur, ad quem Beata Virgo rescripsit, eum confirmans in fide, & ad persecutiones sustinendas erigens, ei que adventum suum cum Joanne Evangelista ad Antiochenam Ecclesiam invisendam pollicetur. Et *Epiphanius hæres. 78.* dubitat, an Beata Virgo cum Joanne in Asiam profecta sit: Patres

autem Concilii Ephesini c. 27. tom. 2. affirmant ipsam cum Joanne Evangelista Ephesiorum civitatem incoluisse. Quod si factum est, propter proximorum salutem, & Ecclesiæ augmentum sine dubio peractum est. Constat igitur Beatam Virginem in toto vitæ suæ progressu perfectissimas operationes activæ ac contemplativæ vitæ exercuisse, quas eleganter describit Ignatius epist. 1. ad Joannem Evangelistam, ubi post multa ita concludit. Sicut nobis à fide dignis narratur, in MARIA Matre JESU, humanæ naturæ naturæ sanctitatis Angelicæ copulatur, & hæc talia excitaverunt, viscera nostra, & cogunt valde desiderare aspectum hujus si fas est, fari, cælestis prodigii, & sacratissimi spectaculi. Cujus epistolæ meminit etiam Bernardus serm. 7. in Psalm 90. Haftenus Suarez.

V. Carolum Stengeliū vit. S. Josephi c. 12. Sextum. JESUM & MARIAM in vitæ perfectione quis magis expresserit, quàm illorum individuus comes JOSEPH? qui ut Stengelius inquit, continuam occasionem habuit perfectissimè exercendi vitæ activæ & contemplativæ munera. Activæ, 30. annis inserviando Christo, ejusque sustentando corpus; quod utiq; ob unionem hypostaticam fuit nobilius mystico corpore Ecclesiæ. Contemplativæ; exemplo JESU & Mariæ continuò in cælestia se elevando, & præsentii objecto incarnati DEI in Seraphicum amorem assidue inardescendo.

Athor. 6.

2. Cor. 5.

Septimum. Quia vita Mistra est vita Apostolica ut Apostoli in Actis insinuant dicentes: Non est æquum nos derelinquere Verbum DEI, & ministrare mensis. Et paulò infra: Nos verò orationi & ministerio verbi instantes erimus. Et Doctor gentium inquit: Si ve enim mente excedimus DEO, si ve sobrii sumus vobis. Est quoque vita Mistra vita Angelica, quòd Contemplantæ DEUM, alios purgant, illuminant, perficiunt. Porro aliorum Sanctorum exempla parebunt in specie sub singulis virtutibus vel officiis ad vitam Mistam spectantibus.

Quantum ad Praxim Actuum vitæ Mistæ, de his infra agitur, & universaliter sub Actu virtutis, & particulariter sub qualibet earundem virtutum. Denique ipsa combinatio & exercitium vitæ activæ cum contemplativa, quæ est vita mista, qualiter institui debeat, patet ex supra explicatis particulis Definitionis vitæ mistæ.

Finis Summæ Theologiæ Spiritualis.

Pars Prima
THEOLOGIÆ
SPIRITUALIS.
SEU
SCIENTIÆ
SALUTIS,

Benè Beatequè vivendi in Tempore,
ac Æternitate.

*DE CAUSA EFFICIENTE MEDIORUM
IN STATU VITÆ CHRISTIANÆ
SUPERNATURALIS, SEU SPIRITUALIS:
AD FINEM SUPERNATURALEM.
ET DE EJUSDEM CAUSÆ OPPOSITO.*

AUTHORE R. P. FELICE SIMPLICI ŁACKI,
*S. Theologiae Professore, & Priore Monasterii B. MARIAE
V. de Oliva, S. O. Cisterciensis.*

SCIENTIFIC
SALUTIS

ET DE AERIS IN CASU OPPOSITO.
AD MENTIS SUPERNATURALITATEM
SUPERNATURALIS, SED SPIRITUALIS.
IN STATU ET CHRISTIANAE
DE CONSTITUTIONE MEDIUM



PARTES THEOLOGIÆ SPIRITUALIS.

§ I.

Hæ Partes sunt Tres, includentes quatuor genera Causarum Efficientis, Materialis, Formalis, & Finalis; tum earundem Causarum Productum seu Effectum.



Actenus de Theologiæ Spiritualis Objecto, aliisque ad ipsam pertinentibus, sive de Statu vitæ Christianæ Supernaturalis in Summa seu Totalitate quadam generica, & specifica actum: Nunc de Partibus ejus in titulo positis, quibus constaridem Status, agendum. Et quidem quoad Causam Efficientem; sicut Cor in homine, etsi non sit pars physicæ vitæ humanæ actualis, est tamen pars status naturalis vitæ humanæ, inquantum est fundamentum, causa & principium effectivum vitalitatis actualis. Ita & in statu vitæ moralis supernaturalis, quanquam gratia habitualis, aliaque principia effectiva, sint minimè pars vitæ actualis moralis supernaturalis (sicut causa efficiens non est pars effectus quasi unum quid cum effectu integrans, etsi effectus possit dici aliqua pars causæ, sed decisa à causa) sunt tamen pars status vitæ moralis supernaturalis, inquantum sunt fundamentum & causa productiva supernaturalitatis, aliorumque prædicatorum actus supernaturalis: perfecta enim notitia totius Status alicujus rei, includit conceptum Fundamenti, Principii, Medii, & Finis, quasi integrantium perfectæ Totalitatis status illius rei. Quod verò concernit reliquas Causas Materialem, Formalem, ac Finale, siquidem

dem hæc actibus status vitæ supernaturalis dant suum Esse (Objectum enim dat Esse Actui) meritò ejusdem Status a seium partes Essentiales dici possent: quanquam non tali modo, quali corpus & anima sunt partes Essentiales hominis physicè spectati, constantis corpore & anima; sed per modum Intentionis, quo potentia Cognoscitiva tendens in objectum, ejus abstrahit speciem, cum qua producit actum repræsentativum Esse objecti: Volitiva autem tendit in illud repræsentatum objectum, ipsumque contingens, ac ei se uniens, si objectum bonum est, participat ab ipso voluntas rationem Bonitatis, sicut manus odorem ab odorifero pomo, illud comprimens; Si peccaminosum objectum, derivatur quoque malitia ejusdem inappetitivam; Sicut manus picem tangens, inquinatur ab ea. Quod non modò fit in Actibus prosecutionis, verum etiam in Actibus fugæ, sed ut præsupponunt Actus prosecutionis moraliter bonos vel malos, & ab eis derivantur. Porro Productum seu Effectus harum Causarum sunt Actus Supernaturales, tum ab his executivè producti alii Effectus, qui se habent per modum Finis Supernaturalis intentionaliter, uti sunt Puritas, Ornatus, quæ animi Supernaturalis, Perfectio, Sanctitas, Beatitudo propria & proximi, Gloria DEI, & Electorum. Adeoque & horum Effectuum sunt ille quatuor Causæ productivæ juxta illud axioma: *Quod est causa cause, est causa causati.* Ejusmodi verò Productum seu Effectum esse Partem Theologiæ Spiritualis quid clarius? sunt enim hæc Media & Finis status vitæ Christianæ Supernaturalis.

S II.

De Ordine Causarum à Prima & Altissima ad Secundas; & de rationibus Divinis, secundum quas Theologia Spiritualis tum statum vitæ Supernaturalis, tum alia omnia decernere ac regulare debet.

in 1. Metaph.
lib. 1. cap. 7.
Tom. 3.

Supposito Theologiam Spiritualem includere dona Spiritus Sancti nempe Sapientiæ & Scientiæ; jam verò cum juxta Philosophum, *ad sapientem* (etiam sapientiâ naturaliter præditum)

dicum) pertineat considerare *Causam Altissimam*, per quam certissime de aliis iudicatur, & secundum quam omnia ordinari oporteat: multò magis Sapientiae supernaturalis sit proprium, quòd juxta S. Augustinum citatum à D. Thoma intendat rationibus supernis scilicet Divinis, & conspiciendis secundum quod Divina in seipsis contemplatur: & consulendis, secundum quod per Divina iudicat de actibus humanis, & per Divinas regulas dirigens actus humanos. Deinde quoniam doni Scientiae munus est per secundas Causas rectè iudicare de Divinis, & discernere agenda à non agendis: Sequitur Theologiam Spiritualem secundum eandem Causam nempe Primam & alias rationes Divinas, tum per Secundas Causas, debere de Objecto suo scilicet de Statu vitae Christianae Supernaturalis rectum formare iudicium, eundemque Statum regulare. Denique cum Theologia spiritualis per antonomasiam gaudeat & re & titulo Sapientiae, officium ejus erit, non tantum de objecto proprio, verum etiam & de objectis aliarum Scientiarum, rebusque omnibus per supremam Causam rationesque Divinas decernere quà speculative, quà practice. Unde paululum fufius sequenti discursu occupari cogimur. Præxim autem quomodo id faciendum, antequam porrigamus, primò ostendere opus has Rationes Divinas, tum ordinem Causæ Primæ qualiter se habeat ad Causas secundas, & suos effectus, & similia.

Itaque DEUS fide & lumine rationis orbi terrarum notus, cum sit Ens simpliciter necessarium, & à se, necesse est eum esse summè seu infinîtè Bonum bonitate ac perfectione possibili. Bonum verò aut Perfectum naturâ suâ est communicativum sui, id est suæ substantiæ, perfectionis, vel entitativè, vel similitudinariè alteri à se, distincto. Sicut v.g. Vas perfectè plenum propendet ad communionem seu effusionem sui liquoris. Divina igitur Essentia, cum sit summum Bonum, summè communicat sese ab intra Tribus Divinis Personis. Non quasi Divina Substantia communicando se illis entitativè producat aliam & aliam Substantiam Divinam: sed potius ut Lessius ait, largitione sui ipsius ac veluti replicatione, ita ut eadem numero simplicissima Natura sit in tribus distinctis numero Hypostasibus. Et hæc communicatio est naturalis, proveniens à Naturæ Divinæ fecunditate; quæ est super-

D. Thom. 22.
quest. 45. a. 3.

Lessius de
perfect. Divin.
lib. 9. cap. 1.

abundantia boni perfecti in Divinitate. Alia item est communicatio Divinarum Personarum ad invicem, quâ ex plenitudine perfectionis, seu quod idem est bonitatis, Pater suam Divinam Naturam communicat Filio per ejus generationem: item Pater & Filius eandem Naturam suam communicant Spiritui Sancto per ejus spirationem. Et hæc communicatio DEI Unius & Trini fit ad intra, ab æterno, necessario, naturaliter, & quoad substantiam, ac perfectiones absolutas ipsius summi Boni. Porro Communicatio summi Boni quæ est libera, & fit ad extra creaturæ, talem humano modo concipiendi processum habere videtur. In primo signo rationis summè propendebat ab æterno DEUS communicare sese creaturæ modo summo. Et hæc propensio spectatur in bonitate seu perfectione Naturæ Divinæ quasi in actu primò. In secundò signo vidit scientiâ simplicis intelligentiæ creaturas, quibus, & modum, quo se eis posset communicare. In tertio signo decrevit ex possibilibus aliquas futuras creaturas, quibus, & modum, quo se eis de facto communicaret. Quod DEI decretum & volitio propendens ad sui communionem Creaturæ vocatur *Bonitas* in actu secundo seu *Benignitas*, ortum ducens ex Bonitate vel perfectione Naturæ Divinæ. Ex hac Benignitate oritur *Amor DEI* æternus in creaturam. Unde dicit DEUS: *In charitate perpetua dilexi te.* Tum ex Amore *Liberalitas*, *Beneficentia*, *Misericordia*, respectu omnium, *Prædestinatio* respectu Electorum. Quæ perfectiones ab æterno erant in Divina intentione ac voluntate ad communicandum suam Divinam perfectionem creaturæ modo infra posito. Jam verò in tempore executivè easdem perfectiones exercens circa creaturam, alias patefecit suas Divinas perfectiones communicativas DEI in ordine rerum Naturali, Morali, Supernaturali. Nempe **Primò** quod ipse sit *causa Prima & Universalis* omnium in essendo, & existendo: & primò quidem producens ex nihilo subjecti, unde nomen Creatoris; deinde concurrens cum causis secundis ad suos effectus. Et hæc communicatio summi Boni ut Causæ Primæ & Universalis ad omnem creaturam, non est communicatio entitativa, sed similitudinaria Divinæ substantiæ & perfectionis. Rationalem quidem creaturam producens ad imaginem

nem & similitudinem suam, in aliis verò creaturis vestigium suae Divinitatis imprimens: uti subtiliter hæc declarat *Angelicus Doctor* *D. Thom. p. 1. quæst. 45. a. 7.* dicens: Omnis effectus aliquammodo repræsentat suam causam, sed diversimode: nam aliquis effectus repræsentat solam causalitatem causæ, non autem formam ejus, sicut fumus repræsentat ignem: & talis repræsentatio dicitur esse repræsentatio vestigii. Vestigium autem demonstrat motum alicujus transeuntis, sed non qualis sit. Aliquis autem effectus repræsentat causam, quantum ad similitudinem formæ ejus, sicut ignis generatus, ignem generantem: & statua Mercurii, Mercurium, & hæc est repræsentatio imaginis. Processiones autem Divinarum Personarum attenduntur secundum actus intellectus & voluntatis. Nam, Filius procedit ut Verbum intellectus: Spiritus Sanctus ut Amor voluntatis. In creaturis igitur rationalibus, in quibus est intellectus & voluntas, invenitur repræsentatio Trinitatis per modum imaginis, in quantum invenitur in eis verbum conceptum, & amor procedens. Sed in creaturis omnibus invenitur repræsentatio Trinitatis per modum vestigii, in quantum in qualibet creatura invenitur aliqua, quæ necesse est reducere in Divinas Personas, sicut in Causam. Quælibet enim creatura subsistit in suo esse, & habet formam per quam determinatur ad speciem, & habet ordinem ad aliquid aliud. Secundum igitur quod est quædam substantia creata, repræsentat causam & principium: & sic demonstrat personam Patris, qui est principium non de principio. Secundum autem quod habet quandam formam & speciem, repræsentat Verbum, secundum quod forma artificiati est ex conceptione artificis. Secundum autem, quod habet ordinem, repræsentat Spiritum Sanctum, in quantum est Amor: quia ordo effectus ad aliquid alterum, est ex voluntate creantis. Et ideo dicit August. in 6. lib. de Trinit. quod vestigium Trinitatis invenitur in unaquaque creatura, secundum quod unum aliquid est, & secundum quod aliqua specie formatur, & secundum quod quendam ordinem tenet. Et ad hæc etiam reducuntur illa tria, numerus, pondus, & mensura, quæ ponuntur Sap. 11. Nam mensura refertur ad substantiam rei limitatam suis principiis, numerus ad speciem, pondus ad ordinem. Et ad hæc tria reducuntur alia tria quæ ponit August. mo-

dus, species, & ordo. Et ea quæ ponit in lib. 83. quod constat, quod discernitur, quod congruit. Constat enim aliquid per suam substantiam, discernitur per formam, congruit per ordinem. Et in idem de facili reduci possunt quæcunque sic dicuntur.))

Secundo. DEUS in tempore manifestavit se, quod sit Gubernator universi, concurrens immediatè ad ejus minutissimarum partium Conservationem, quæ conservatio dicitur continuata creatio: tum concurrens mediatè; *Providendo* per secundas causas proportionatè cujusque rei suam permanentiam. Et quia rationalis creaturæ maximum bonum est ex virtute seu honestè agere; & in hoc puncto Altissimus Gubernator seipsum dedit pro Regula primæ morum, manifestata in legibus & præceptis Divinis, tum exemplis moribusque Divinis, Christi Domini, & ipsius Electorum, maximè in Scriptura sacra expressis, juxta quæ Regula intrinseca seu dictamen practicum rationis rationalem creaturam dirigeret ad omnem morum rectitudinem. Et hæc communicatio summi Boni ut Regulæ primæ morum ad rationalem creaturam est itidem similitudinariè in largitione Rationis, ut regulantis mores. Tum ut ad similitudinem illius summæ Sanctitatis, quod homo videt rectum, posset operari, dedit inclinationem naturalem voluntati, quæ movetur ad amorem boni honesti. Quod præcipuum bonum Naturæ in genere moris perficit multo excellentius gratiis & donis supernaturaliter. Quia verò culpâ propriâ homo à Fine ultimo supernaturali defecerat, mediisque supernaturalibus fuerat privatus, ac in extremum exitium actus, misericordissimum Numen providit Unionis Hypostaticæ ac Redemptionis singulare medium, quo in pristinum Statum homo restitueretur. Porro per Unionem Hypostaticam communicavit se summum Bonum creaturæ substantialiter, adeoque communione tali, quâ major dari nequit.

Tertiò Tandem: cùm omne Agens agat propter finem, idque maximè deceat primum Agens. Hinc *universa propter semetipsum operatus est Dominus*, tanquam propter ultimum Finem omnium, communicando se creaturæ intentionaliter in præfenti per Gratias actuales, in futuro per Gloriam visionis & amoris beatifici. Ut ita sit DEUS omnia in omnibus, nempe

Proverb. c. 6.

1. Cor. c. 15.

Princi-

Principium ex quo omnia, Medium per quod omnia, Finis in quem (ita Græcus textus) omnia nempe tendant, ac in quo omnia ultimò terminentur & conquiescant. Et in his omnibus relucet *Omnipotentia DEI*: quia quæcunq̃ voluit Dominus fecit: *Sapientia*, attingens à fine usq̃ue ad finem fortiter, & disponens omnia s̃vaviter: *Bonitas* seu Benignitas, communicans se creaturæ in tempore & æternitate multipliciter.

His positis, jam videre est quanam sit illa Prima & universalissima Causa, & Rationes Divinæ, ad quas sua scita de Statu vitæ Christianæ Spiritualis, ac de aliis omnibus regulare, debeat Theologia spiritualis: nempe Altissima Causa & principium ultimo resolutorium est DEUS ut summum Bonum, Rationes Divinæ sunt ejus Perfectiones, emanantes ex summo Bono. Sicut enim Metaphysica considerat v. g. hominem quâ Ens, unum, verum, bonum; Physica quâ Ens, constans corpore & anima; Medica, quâ Ens sanabile: ac quælibet harum scientia hominis, ut objecti ita considerati, dat proprias rationes & principia. Ita & Theologia spiritualis dum considerat hominem, quâ Ens dirigibile supernaturaliter secundum Causam Primam ad Finem supernaturalem, & maximè ultimum, hujus suæ considerationis non alia dat principia, & rationes, quam Divinas Perfectiones fide cognitæ. *Praxis* autem ista faciendi in omni ordine rerum Naturali, Morali, Supernaturali, sequentibus ostenditur.

Et *Primò* quidem in *Ordine Naturali* v. g. quoad speciem humanam, dum à supernaturali consideratur quid sit secundum animam hic homo seu Petrus ut dirigibilis ad ultimum Finem? *Respondetur*: Esse vivam imaginem repræsentatricem DEI, quæ repræsentatio adeo nobilis, est gloria sui Prototypi nempe DEI, tum hominis gloria & beatitudo repræsentantis & participantis nobilissimum Ens DEUM, adeoque finis ultimus hominis respectu DEI, atq̃ue respectu ipsius hominis in ordine naturali finis, quatenus homo per contemplationem & amorem naturalem possidet DEUM in sua imagine, & per suam imaginem nobilissimè repræsentatum & cognitum. *Utra queritur*; Unde anima hujus hominis seu viva imago repræsentatrix DEI? *Respondetur*: A

DEO ut Causa Prima & Universalis creativa ex nihilo subiecti. Quid conservativum animæ? *Respondetur*: Eadem potentia DEI, quæ creatrix ipsa & conservatrix suo continuo influxu sustinet animam. Quid movit DEUM ad creationem & conservationem animæ? *ly Petri seu huius hominis, idque eo fine, ut esset imago repræsentatrix honorificativa DEI, & hominis simul, occasioque ejus beatitudinis?* *Respondetur*: Primò Misericordia DEI ut misereretur mali cujusdam physici, quod est nihilum animæ à qua illud malum depelleretur, tum ad Esse promoveretur, quæ est Beneficentia DEI: & quidem ad Esse adeo Nobile, quæ est Liberalitas DEI. *Queritur*: Hujus misericordiæ, beneficentiæ, liberalitatis quæ causa? *Respondetur*: Amor DEI benevolus erga animam huius hominis. *Queritur*: Amor DEI hic unde? *Respondetur*: Oritur ex Bonitate seu Benignitate DEI seu propensione ad miserendum, & benefaciendum idque liberaliter isti humanæ creaturæ ex possibilibus in sua specie. *Queritur*: Benignitas DEI hæc in actu secundo unde? *Respondetur*: Emanat ex summa Bonitate seu perfectione Naturæ Divinæ diffusiva seu communicativa sui in propria imagine ad extra humanæ creaturæ. Restat quærare, hæc emannatio Benignitatis DEI in actu secundo ad extra terminata v.g. ad Petrum seu hunc hominem juxta quam fit ideam? *Respondetur*: Fit ad ideam repræsentatam in Verbo. Et hic jam sistitur processus quæstionis à Sapientia supernaturali de anima v.g. Petri daturque per multas inferiores Rationes Divinas, ac tandem per ultimum resolutorium, seu primum principium nempe DEUM ut est *Altissima Causa Efficiens*, nempe productionis & conservationis Esse jam producti Petri: *Formalis Causa*, id est Bonitas & perfectio Naturæ Divinæ: *Exemplaris*, scilicet Idea in Verbo Divino: *Finalis Causa* ipse DEUS & gloria sui, & suæ creaturæ *ly v.g. Petri*. Causa inquam Altissima, quæ est summum Bonum in multiplici genere causæ, communicans se suæ creaturæ. Eundem in simili forma facito processum quæstionis proportionatè de omni alia creatura irrationali, vegetabili, corporea, ac incorporea, substantiali, sive accidentali ordinis naturalis.

In Ordine verò Morali, ita à Spirituali viro in sua principia resolvitur processus quæstionis. *Queritur*: quid sit lumen rationis

nis regulativum hominis respectu honestatis vel inhonestatis? Respondetur: Esse similitudinem DEI, ut est prima Regula morum: quæ similitudo pulcherrima cedit in gloriam DEI, & ipsius hominis, ut in finem ultimum intentum ab ordine moris. Similem enim esse DEO quid gloriosius homini? & per hanc similitudinem DEUM contemplari & amare, pars beatitudinis est. Iterum DEUM in tam excellenti similitudine repræsentari, relucet excellentia Divinitatis, quæ ante nos latebat. Ulterioré & uberio rem processum quæstionis per omnia proportionatè formare potes ut supra in ordine Naturali, quousque devenias ad Altissimam Causam, ipsumque summum Bonum, principium omnis boni.

In Ordine quoque Supernaturali similiter procedendum. Queritur; quid Gratiæ sanctificans, habitusque infusi Virtutum, ac Dona Spiritus Sancti, Gratiæ actuales? Respondetur: Iis homo fit consors Naturæ Divinæ, Filius DEI, adeoque similis ei in Aseitate ac perfectionibus Divinis: ut enim Aseitas in DEO est principium stabile perfectionum Divinarum, ita & Gratiæ habitualis est in anima principium stabile perfectionum v.g. Sapientiæ, Scientiæ, aliorumque Donorum Spiritus Sancti, ac Virtutum infusarum, tum cujusdem Omnipotentis (ut Apostolus dixit: *Omnia possum in eo, qui me confortat,*) Pulchritudinis animæ, &c. Quæ similitudo in quantam gloriam DEI & hominis cedat, & in qua ac per quam homo particeps fieri possit Beatitudinis, facile est advertere, & infra fusiùs ostendetur. Processum quæstionis ulteriorem & ampliorem proportionatè facere potes, ut supra in ordine naturali. Simili modo procede & de Visione beatifica, quæ efficiemur maximè similes DEO, ipsum in nobis repræsentando intentionaliter.

Libet autem hic annectere pro confirmatione dictorum ex Divinisimo Arcopagita qui ait: *Omne datum optimum, & omne donum perfectum desursum est, descendens à Patre luminum. Quin etiam luminis, quod Patris institu ac nutu effunditur, progressus omnis, ad nos concessu ac munere DEI perveniens, rursus nos, ut vis conjungens excitando dilatat, atq; ad colligentis Spiritus, ut ita dicam, unitatem Divinamq; simplicitatem convertit. Nam & ab eo proficiuntur, & ad eundem converuntur omnia, quemadmodum Sacrosancta Scripta tradiderunt.*

Cæterum

Philip. 4.

Vide p. 3. de beatitud.

Dionys. c. 1. Hierar. c. 1.

Cæterum sic declarata Theologia Spiritualis per omnes sui Causas, fundamentalem & perfectam parit cognitionem de propriis objectis. Optima enim cognitio est, quæ per prima prædicata, vel à priori, seu per causam datur. Et Angelicus Doctor

D. Thom. I. 2. asserit dicens: *Perfecta ratio uniuscujusque rei colligitur ex omnibus causis.* 55. a. 4. *scilicet ejus:* tum etiam ex perfectione ternarii numeri, habentis prin-

V. part. ter- cipium, medium, & finem (de quo idem S. Doctor) dum scilicet
tiam quæst. 53. ratio rei reducitur ad hunc numerum, & deducitur per suum
art. 2. principium, medium, & finem. Quod ad amussim præstat hæc

Theologia Spiritualis. Nam ut incipiamus ab ipso Producto causato à causis Theologiæ iltius, usque ad supremum principium summi Boni, etsi quidem Productum hoc, qui sunt Actus supernaturales, tum Perfectio, Sanctitas, &c. non habeant principium, medium, & finem extensionis nisi virtualiter, cum sint res naturæ spirituales, habent tamen principium, medium, & finem intensio- nis, & gradualis perfectionis: unde revocantur ad triplicem Hierarchiam tum Officiorum Ecclesiasticorum, tum graduum Virtutis in mente humana, ad similitudinem actionum triplicis Hierarchiæ cælestis Angelorum; tum ad repræsentandum opera Sanctissimæ Trinitatis, ubi Pater depurat humanam mentem ab infimis, & idem cum Filio illuminat sapientiâ, & uterque cum Spiritu sancto accendit amore, hocque ipsum facit ex motivo suæ infinitæ diffusivæ Bonitatis. Porro respectu Causarum, Theologiam Spirituale certum est habere principium Causæ Efficientis per plures causas secundas usque ad Primam Causam omnium & ipsum principium Sanctissimæ Trinitatis DEUM Patrem, ex quo omnia: habere item medium Causæ Materialis, Formalis, & Exemplaris, ascendendo per causas secundas usque ad ipsam supremam formam & exemplar Verbi Divini seu Filii DEI, per quem omnia: habere item finem Causæ Finalis per causas secundas procedendo usque ad Finem seu Terminum Sanctissimæ Trinitatis, qui est Spiritus Sanctus. Deinde resolvitur ultimatè Theologia Spiritualis in Unitatem Deitatis tanquam cunctorum principium, & ultimum finem; ut ita appareat DEUM esse omnia in omnibus. Denique in dispositione hujus Theologiæ Spiritualis adumbratur mysterium Sanctissimæ Trinitatis, & unius Deitatis, sibi creata pro eorum modulo

modulo & capacitate ex immensa Bonitate assimilantis, dum scilicet in Statu vitæ supernaturalis ex hoc representatur, quod ejus perfectum actuale exercitium indivisim procedat & simul, à principio medio & fine, sicut indivisim operatur Sanctissima Trinitas, cujus principium originativum DEUS Pater, media Persona DEUS Filius, finis seu terminus Sanctissimæ Trinitatis DEUS Spiritus Sanctus. Deinde etsi partibus constet Status vitæ supernaturalis, unustamen est, figurativus inseparabilis naturæ illius Divinissimæ.

Quæ dicta coronet suo asserto sacratissimus *Areopagita S. Dionysius*. ita dicens: Hoc igitur modo scripta Divina totam Divinitatem, ut omnium Causam laudant, & appellant Unius nomine: *De Divin. Nom. cap. 13.* unusque DEUS & Pater, ac unus Dominus JESUS CHRISTUS, unusque etiam Spiritus Sanctus dicitur, ex præstanti totius Divinæ Unitatis vacuitate partium, in qua singillatim collecta & conjuncta sunt omnia præstanti modo, & ante eximie insunt. Itaque ad eam recte referuntur, ei que tribuuntur omnia, à qua, ex qua, per quam, & in qua sunt omnia, & ordine quodam disposita sunt, manentque ac continentur, & perfecta sunt, ad eamque convertuntur: nec quidquam invenire possis, quod non Uno, ex quo omnis Divinitas nominatur, & sit id quod est, & absolvatur, & custodiatur. Nos etiam debemus à multitudine ad unum Divinæ Unitatis vi conversi, conjunctè laudare totam unamque Divinitatem: & Unum illud, quod est causa omnium, quod est omni uno & multitudine, omni parte, & toto, omni termino & determinationis privatione, omni fine ac infinitate antiquius: quod ea quæ sunt omnia, atque statum ipsum determinat: quod & omnium, & totorum omnium, & simul, & ante omnia, & super omnia, & singillatim causa est, atque unum ipsum superat, idemque determinat: quandoquidem unum id, quod inest in iis quæ sunt, numeri rationem habet: numerus autem essentia est particeps. Unum verò quod essentia superius est, quodque unum est, numerum etiam omnem definit: idemque est & unius, & numeri, & omnis naturæ principium, causa, numerus, & ordo.))

Tandem ut cognitio hujus Theologiæ supernaturalizeretur, prædictas Causas & Rationes Divinas, quatenus Divinæ fidei revelatione affectas, ubi possibile, in hoc Opere proponimus.

PARS PRIMA THEOLOGIAE SPIRITUALIS.

DE CAUSA EFFICIENTE MEDIORUM
IN STATU VITAE CHRISTIANAE SUPER-
NATURALIS SEU SPIRITUALIS: AD
FINEM SUPERNATVRALEM.

ET DE EJVSDDEM CAUSAE OPPOSITO,

CAusa Prima & Universalissima effectiva omnium, adeoque & Causarum secundarum ac particularium, productivarum Mediorum seu Actuum vitae Supernaturalis, est DEUS Trinus & Unus: quippe opera Sanctissimae Trinitatis ad extra sunt indivisa. Apostolus tamen principium rerum attribuit primae Personae Trinitatis, DEO Patri dicens: *Nobis* 1. Cor. c. 8. *unus DEUS Pater, ex quo omnia.* Et S. Augustinus docet lib. 1. de Trinit. Ita Corn. à cap. 6. & ex eo pasim Doctores: Praepositio Ex appropriatur Patri, 2. ap. in Epist. eumque insinuat tanquam primum omnium principium, à quo ad Rom. cap. II. omnia promanant, & à quo omnis potestas, actio, & effectio profuit. 36.)) Potestas inquam seu potentia ac vis producendi quidquid est producibile: unde DEO Patri adscribitur potentia, quod ipse sit omnia potens, & communicans creaturis potentiam effectiois. Hoc namque denotat Causae Primae & perfectionem potentis alia facere potentia, cum ipsa sit omnium potens, & bonitatem diffusivam similitudinis suae effectricis potentiae ad creaturas. Quid autem sit haec creata effectrix potentia seu Causa efficiens; ita definitur: *Est id, à quo effectus profuit seu pendet per actionem,* Ita Suarez Metaph. disp. 27. sect. 1. n. 6. *vel Intentionalem; & sic causa effectiva erit causa Finalis: vel pro-* cedit per actionem Moralem; & ita causa efficiens erit causa Moralis: vel provenit per actionem Physicam; & sic causa efficiens erit proprie talis dicta: vel fit per actionem Formalem; & causa ejusmo-

ejusmodi effectiva erit causa Formalis. Quia verò ordo causarum initium sumit à finali, cum absque ejus motivo nulla causa prodeat in actum: omne enim agens agit propter finem, quo inclinatur & determinatur ad certos actus: Deinde quia moralis mediante physicâ & formali influit in effectum, adeoque illa præsupponitur istis: Hinc & nos juxta eundem ordinem causarum connaturalem in sequentibus procedemus: nisi quod formaliter efficientem in Medium, intentionaliter verò efficientem seu finalem causam in Finem hujus Operis coaptamus, ad ordinatè stabilendam imaginationem; quæ principia ab initio, media in medio, finalia in termino seu ultimo loco intellectui repræsentat. Et quanquam Finis sit primus in intentione, ultimus tamen est in executione; poteritque cui libuerit eundem Finem suo loco requirere. De causa igitur tantum Morali & Physica principali & instrumentali effectiva actuum Supernaturalium Vitæ Christianæ, tum suis Oppositis hac parte primâ agemus, sub benedictione PATRIS æterni, ex quo omnis paternitas (seu causalitas effectiva) in celis & in terra nominatur.

par. 3. inf. 4.

Ephes. 3.

CAPUT I.

De Causa Moraliter efficiente Mediorum seu Actuum Vitæ Christianæ Supernaturalis seu Spiritualis, ad Finem Supernaturalem.

CAusa Moralis effectiva est, quæ verè ac per se non influit in effectum, ita tamen se gerit, ut ei imputetur effectus, vel ob agentis præstitam vim, auxilium, consilium, consensum: exemplum, vel ob preces, merita, minas, promissiones, mandatum &c. Ejusmodi causæ Morales effectivæ cum homine actuum vitæ Christianæ sunt DEUS, & in communione Sanctorum Christus, Deipara, Sancti Comprehensores, & Viatores.

Vide Suarez
Metaph. disp.
17. sect. 2. n. 6.

Aa 2

SECTIO

SECTIO I.

De causalitate DEI in Actus Vitæ Christianæ
Supernaturalis.

Isai cap. 26.

Concurrere DEUM per causalitatem morales vel qualiscunque alterius efficientiæ ad Actus Vitæ Christianæ Supernaturales certum est. Ita enim Isaia universaliter dicitur: *Omnia opera nostra operatus es in nobis Domine.* Ratio est, quia in subordinatione plurium agentium, agens secundum agit in virtute primi, seu per participatam virtutem à primo agente: per participatam autem virtutem agere secundum agens nequit, nisi in sua actione ab actuali influxu virtutis primi agentis dependeat. Igitur cum creata agentia subordinentur increato Agenti, & per participatam ab ipso virtutem agant, necesse est ut cum influxu seu concursu simultaneo DEI agant.

Concurrit autem DEUS dupliciter ad Actus Supernaturales; per se, & per alios. Per se concurrit item duplici modo; nimirum mediatè, & immediatè. *Primò* concurrit DEUS mediatè quatenus creaturæ proximè agenti dat, & conservat ejus virtutem agendi. Et ideo potius est dicendus DEUS agere per creaturam, quam cum illa. Et ita cum homine concurrit DEUS mediatè ad exercendos Actus Virtutis Supernaturales, quatenus dat & conservat in homine proxima principia earundem actionum, nempe intellectum & voluntatem, habitus infusos Virtutum. *Secundo modo* concurrit DEUS immediatè; quatenus per seipsum suâ virtute & potentiâ simultaneè cum creatura veluti incidenter influit in ejus causalitatem seu actionem (quæ est tendentia ad effectum) & in ipsum effectum, qui est terminus tendentiæ seu actionis agentis. Ratio est: quia non solum effectus, sed etiam actio causæ secundæ habet rationem entitatis participatæ, hinc necessariò ejus essentia ab imparticipato Ente dependet.

Verùm hic concursus DEI generalis aliter se habet cum causis necessariis, aliter cum liberis. Nam causæ necessariae sicut à natura sua sunt determinatæ ad unum, ita etiam DEUS suâ virtute influit cum ipsis simul ad idem unum. Vti v.g. cum igne concurrit ad calorem, non verò ad frigus. Jam vero quia causæ liberae

libera sunt ex se indifferentes ad plures effectus seu actus: DEUS quoque accommodat eis suum concursum indifferentem ad agere, vel non agere, vel oppositum agere. Et ita in actibus vitæ spiritualis, & ejus oppositis; v. g. est eliciendus actus dilectionis proximi, offert DEUS ad hunc actum concursum specialem gratiæ indifferentis, tum præsto est cum concursu generali pariter indifferenti. Hinc si voluntas per gratiæ affectionem determinaverit se ad actum dilectionis eliciendum, simul DEUS eodem instanti concurrit cum voluntate tum concursu generali, tum speciali gratiæ cooperantis ad affectionem illius determinationis ad amorem. Sin verò voluntas determinaverit se ad non eliciendum amorem, similiter DEUS concurrit generali concursu ad eandem determinationem non eliciendi amoris. Vel denique si se determinaverit voluntas ad odium proximi, pariter eodem generali concursu cum peccatore DEUS influit in eandem pessimam determinationem, non tanquam volens & intendens illam determinationem (quod sufficit ad hoc ne sit DEUS author peccati) sed tanquam causa universalis quæ ad exigentiam causarum secundarum, etsi non concurrendo illarum actus potest impedire, concurrendo tamen non tenetur impedire.

Modus autem quo concurrit DEUS per alios ad actus salutares pro humano concipiendi modulo videtur esse talis. DEUS Pater in Verbo seu æterna sua Sapientia Humanitati Christi, Deiparæ, Angelis, ac Beatis pro ratione meritorum, & officii eorundem, plus vel minus tanquam in speculo voluntario repræsentat; nimirum quibus velit in triumphante ac militante Ecclesia, & quales gratias, dona, & beneficia, ac quibus mediis conferre. Inter quæ media ostendit eis promotionem & patrocinium eorundem, si videlicet suis precibus aliisque modis interverint apud DEUM pro iisdem beneficiis obtinendis. Similiter hæc eadem in militante Ecclesia per lumen aliquod supernaturale revelat.

Tum Spiritus Sanctus mover corda Electorum ad idem medium adhibendum, & quidem in viatorum cordibus, cum quid oremus sicut oportet nescimus, ipse Spiritus postulat pro nobis gemitibus inenarrabilibus.

Epist. Rom.
cap. 8.

Itaque

I. Cor. II.
 Jacob. c. 1.
 Hebr. c. 9.

Itaque Christus quæ homo suæ Matris dilectissimæ, tum Coelitum coram DEO promovet gloriam accidentalem in coelo & in terra, siquidem *Caput Christi DEUS: A quo omne datum optimum, & omne donum perfectum.* Viatorum verò gerit curam salutis eorum, cum appareat nunc vultui DEI pro nobis. Similiter Deipara Patronam agit pro accidentali gloria triumphantium in coelo, pro salute verò æterna militantium in Christi Ecclesia. Hoc quippe decet officium Martis omnium viventium, Reginae Coeli, Mediatrix DEI & hominum. Deinde sicut Viatores agunt pro cultu & gloria Comprehenforum, ita isti sunt solliciti pro salute illorum: quemadmodum & Viatores pro se invicem orant & laborant, ut salventur: quæ utique est Communio Sanctorum.

Psal. 144.

DEUS igitur positâ promotione & patrocinio præfato: si juxta Psalmistam voluntatem timentium se faciet, multò magis diligentium se: & ut omittam alia, nunc potissimum de actibus supernaturalibus Viatorum agam. Ad hos igitur actus necessarias gratias supernaturales quoad substantiam scilicet eas, quæ secundum entitatē suam sunt indebitæ ulli naturæ creatæ & creabili, solus DEUS producit & infundit menti humanæ, quales v. g. sunt actuales gratiæ illustrationum & inspirationum. Appositè Doctor Mellissius: *Quodsi dicas, inquit, posse inesse & Angelum, non inficior. Memini scriptum: & Angelus qui loquebatur in me. Atqui differentia & in hoc. Inest Angelus suggerens bona, non ingerens: inest hortans ad bonum, non bonum creans. DEUS sic inest, ut afficiat, ut infundat, vel potius ut infundatur, & participetur. Angelus cum anima, DEUS in anima. Ille contubernalis anime inest, DEUS ut vita.*

D. Bern. lib.
 5. de Consider.
 cap. 5.
 Zach. 1.

Vide Tho. à Jesu
 de Contempl.
 Divin. lib. 6.
 cap. 2.

Modus autem quo ejusmodi gratiæ actuales in intellectu & voluntate à DEO producuntur est multiplex: Vel enim DEUS tantum infundit Lumen supernaturale nullis speciebus aliter coordinatis, aut de novo infusis; Vel cum Lumine infuso simul aliter distingvit & componit species imaginativæ, aut ejusmodi species novas immittit; Vel denique novas species intelligibiles producit, quas illustrans Lumine supernaturali, homo cum ipsis elicit cogitationem supernaturalem. Quæ cogitatio una est ex operationibus intellectus; nimirum aut Apprehensio, aut judicium, sive discursus. Eaque Cogitatio vel est indeliberata &

sic

fic gratia illustrationis erit gratia præveniens, antecedens, excitans, operans, &c. Vel deliberata, & ita gratia illustrans erit comitans, cooperans, &c. Quod verò concernit Voluntatem, DEUS itidem in ipsa & cum ipsa varia operatur; nempe per gratiam illustrationis, seu per piam cogitationem intellectus representationem alicujus objecti eam movendo, modò æqualiter ad mensuram cognitionis, modò intensius supra mensuram cognitionis voluntatem afficiendo. Qui motus affectusque nempe ut à gratia & voluntate producti, dicuntur Inspiratio cordis, &c. Hæc gratia inspirationis, si est indeliberata, vocatur itidē gratia præveniens, excitans; Si deliberata, dicitur gratia comitans, cooperans, ad eum modum, sicut & gratia illustrationis dicit concretum cogitationis piæ productæ à gratia & intellectu humano. Sed de his infra. Porro Illustratio & Locutio DEI ad cor hominis coincidunt in idem. Accommodè *Card. Bona* discurrens de locutione Dei: Tertius inquit modus sublimior est, cum vox DEI loquentis in silentio ad cor Hierusalem non aure, non imaginatione, sed solo intellectu spiritualiter percipitur. Loquitur enim DEUS in apice mentis, uno simplicissimo verbo, & anima audit simplicissimo mentis intuitu. Sic Angelis & Beatis loquitur non aliquo sensibili, sed imprimendo ipsorum intellectui veritatem, quam illis manifestare decrevit: ita in parte superiori animæ verba sua profert, clarissimā quādam luce infusā, in qua sine labore & fastidio, imo cum admirabili quiete & sſavitate, multò plura brevissimo tempore docetur anima, quā posset proprio studio multis annis ediscere. Appositè ait *Gregorius Magnus*: Spiritum DEI quasi quædam nobis verba dicere & occultā vi quæ agenda sunt intimare, & cor hominis ignarum, non adhibito strepitu & tarditate sermonis, peritum repente de absconditis reddere.)) Sed hæc gratia paucorum est, nec facillè explicari potest, quomodo hæc fiant. Sic fortassis locutus est Paulò, cum audivit arcana verba, quæ non licet homini loqui. Et *Augustinus* explicans illa verba Geneseos. Cum audivissent vocem Domini DEI deambulantis in Paradiso; Fortassis ait DEUS cum illis loquebatur, sicut cum Angelis loquitur, ipsa incommutabili veritate illustrans mentem eorum.))

Cap. 3.

Card. Bona.

Discre. Spirit.

cap. 8.

Lib. 28. mor.

c. 2. ad lit. lib.

II. cap. 33.

Gen. 3. 8.

De gen. ad
lit. lib. II. c. 33.

Itaq;

Gratias verò supernaturales quoad modum, quæ scilicet non sunt supra vires naturæ exigentiales activas & passivas, sunt tamen indebitæ pro hac vel illa circumstantia, v.g. ut hic & nunc detur homini cogitatio aliqua congrua quam quidem aliquis concursus rerum v.g. Agonizatio moribundi causare naturaliter posset, ad præiens tamen nulla ejusmodi occasio movens exhibetur, sed per ministerium Angelicum homini circa aliam minùs utiliter occupato species phantasie excitantur, ut representent intellectui aliquod objectum salubre, ut sic ulterius eliciantur piæ Cogitationes. Ejusmodi inquam Gratias supernaturales quoad modum: Primò certum est eas fieri ministerio Angelorum, qui cum sint ex infima Angelorum Hierarchia, tum istas gratias, tum alia beneficia purgationis, illuminationis, perfectionis & humanæ, quam etiam propriæ, participant à Superioribus Ordinibus & Hierarchiis Angelorum. Horum verò supremi immediate à DEO perficiuntur ut *B. Dionysius in coelesti Hierarchia* variis locis insinuat: Sicut etiam quod inferiores Seraphim à superioribus Seraphim illustrentur. Porro supremi Seraphinorum sunt illi septem Spiritus Angelici, stantes in conspectu DEI, de quibus in *Apocalypsi* legitur: probatque fusè *Cornelius à Lapide* hosce septem Spiritus esse septem primarios Angelos, qui assistunt DEO quasi stipatores ac primores Regni ipsius, parati ad omne imperium DEI, vel per se, vel per alios inferiores Angelos exequendum, præsertim in cura & administratione hominum. Hi septem Principes totius Curie Coelestis ejusmodi habent nomina; *Michael* seu Quis ut DEUS, hic est primus omnium Spirituum ut *B. Laurentius Justinianus* ait *Sanctis Spiritibus prælatus est Michael, sicut Lucifer malis. Gabriel*, id est Fortitudo DEI. *Raphael* id est Medicina DEI. *Uriel*, seu Lex vel ignis DEI. *Sealthiel*, id est Oratio DEI. *Jethudiel*, id est Confessio vel Laus DEI. *Barachiel*, id est Benedictio DEI. Porro tam inferiores Angelorum, quam Superiores, etiam dictos septem Principes Seraphinorum, suam & alienam perfectionem, gratias, dona à DEO accipere per dispensationem & manus Matris Virginis, ac Sponsi ejus Sancti Josephi, infra videbimus: quandoquidem iidem altissimi Regni coelestis primates suos demittunt vultus coram Regina Universi, prout falsus est hoc ipsum Angelus *Gabriel*

V. S. Dionysius
c. 4. de coelesti
Hierarchia
& alibi.

Cap. 1. &
c. 5. Ita commentum
in Apoc.
S. Joan. c. 1.

Ibid. Vide
Cornel. in Apoc.
Justin.
Serm. de S.
Mich.

Sett. 2. Sub. 2.

briel ad B. Amadæum: *Septem Angeli sumus, qui Genitricem DEI nostri veneramus, alios omnes generis nostri præcedimus.* Cron. S. Franc. lib. 6. cap. 3.

Restat videre, quomodo sancti Angeli homines informant ad Actus salutare: nimirum id præstant duobus potissimum actibus Locutionis, & Illuminationis, ut asserunt Theologi. Locutio Angelorum cum hominibus contingit multipliciter, vel per voces sensibiles, quas in corporibus assumptis pronunciant, vel citra corporum assumptionem, per easdem voces sensibiles in aëre efformatas, vel per somnia, vel excitando phantasmata & componendo, vel stimulando, concutiendo, &c.

Illuminationem verò hominum ab Angelis procedentem diversimodè explicant Scholastici. Alii dicunt quòd sicut ex oppositione duorum speculorum, similitudines rerum, quæ sunt in uno resultant in altero: ita & ex applicatione Angeli ad mentem humanam in ea representantur species rerum, quæ sunt in Angelo. Alii docent Angelos illuminare, non per infusionem alicujus luminis, (prout quidam asserunt) aut ipsum lumen, per modum objecti, vel speculi, opponendo: Sed per modum lingvæ sermonem proferentis, adinstar Magistri, qui dicitur illuminare docendo. Denique alii sentiunt Angeli illuminationem fieri, nimirum sicut Magister rem unico conceptu intellectam, in plures dividit propositiones, illustrat similitudinibus ad captum discipulorum; ita & Angelus speciem expressam seu cognitionem universalem distingvit in plures vel pauciores conceptus pro capacitate intelligentis, tum mentem confortat, & adjuvat ad revelationum intelligentiam. Atque ex his patet modus, quo DEUS per alios ad actus vitæ Christianæ supernaturales concurrir.

Deinde DEUS concurrir causalitate Morali ad præfatos actus, eos mandando, consulendo, exemplo proprio demonstrando, aliisque modis inducendo; (uti in processu hujus Operis patet.) Tum quodam alio modo, nempe Tentando. Quæ tentatio DEI juxta D. Augustinum explicantem mox citata loca Scripturæ, non est seductionis seu inductiva ad malum, sed probationis. De tentatione Evangel. c. 30. seductionis S. Jacobus ait. *Nemo cum tentatur, dicat, quoniam à DEO tentatur, DEUS enim intentator malorum est, ipse enim neminem tentat.* De Tentatione probationis Deuter. dicitur. *Tentat vos Dominus DEUS vester, ut palam fiat, utrum diligatis eum, an non.* Hæc enim

Lib. 2. de Conf.
Jacobi c. 1.
Deut. c. 13.

tentatio DEO convenit tanquam Patri in Filios, Magistro in Discipulos, Domino in Servos; tum ut experiatur illorum affectum, ingenium, fidelitatem, tum ut incitet promoveatque ad omne bonum. Tentatur autem homo à DEO vel interius vel exterius. Interius infundendo consolationes cœlestes, an futurus sit, & ut sit, homo DEO gravior, ad profectum spirituales ferventior, humilior. Sive etiam desolationem animi immittendo, experiendo illius patientiam, & in exercitiis Virtutum constantiam. Exterius DEUS tentat, conferendo homini bona temporalia, an sit illis usus in bonum, vel in malum; sive eadem bona subtrahendo, calamitates varias, morbosque corporis permittendo; ut prober ejus patientiam, & in Divinam voluntatem resignationem; sicut fecit cum sanctis Job & Tobia, quos invenit fideles sibi in prosperis, & adversis. Vel ardua & heroica opera præcipiendo, ut tentavit DEUS Abraham in immolando filio suo Isaac, probando ejus timorem in DEUM & obedientiam. Porro DEUS tentat seu probat homines, non ideo quasi nesciret quid futurum sit, scit enim omnia, sed ut palam faciat suam Virtutem in ipsis, & nobis innotescant illorum stupenda, opera ad exemplum reprobis, qui similes occasiones à DEO accipientes in bonum finem applicandas v. g. Divitias, Honores, &c. vel etiam Adversitates; illis tamen aut non utuntur in bonum suæ salutis, proximi, gloriæ DEI, aut abutuntur in offensam DEI, perniciem æternam propriam & alienam.

Cernere demum in his omnibus est, qualiter Divinissima TRINITAS per humanam Trinitatem JESUM, MARIAM, & JOSEPH, (ita à Cancellario Parisensi appellatam) Trinam Cœlestem Hierarchiam; & per illam, Trinam Ecclesiasticam Hierarchiam; Trinis gradibus sacrorum officiorum; tum Trinis generibus bonorum supernaturalium, nempe gratiæ gratum facientis, donorum Spiritus Sancti, & gratiæ gratis datæ; nec non Trinis gradibus perfectionis Christianæ, incipientium, proficientium, & perfectorum; ac Trinâ ratione gloriæ essentialis, accidentalis communis, & accidentalis specialis; illiusque Trinis aureolis Martyrum, Doctorum, & Virginum; purgat, illuminat, & perficit; Trinum animi gradum in ratione, spiritu, mente. Eademque Divinissima TRINITAS sese Trina unione physicâ seu hypostatîcâ in

*De Nativ. V.
serm. 6. cum
illo Carthag.
lib. 4. h. 8.*

câ in Christo, morali per gratiam in iustis, intentionali per beatificam visionem in Beatis, omnibus Suis intinè communicat: & ubique ex infinita Bonitate sui in Suis repræsentans similitudinem Trinitatis, eos sibi assimilât Ter opt. max. DEUS.

SECTIO II.

De Causalitate per Communionem Sanctorum in actus vitæ Christianæ, Supernaturales.

Communio Sanctorum seu Corporis Mystici Ecclesiæ describitur à comparatione Comunione, quæ fit mutuo inter membra corporis physici. Etenim ut *Svarez* docet: *De Suffrag. disp. 48. sect. 1.* Sicut in corpore humano unumquodque membrum non in suam tantum, sed etiam aliorum utilitatem operatur; ita & in Mystico Ecclesiæ Corpore, membra quæ viva sunt, & utiliter operari possunt, non solum sibi mereri, sed etiam aliis præstare possunt auxilium.)) Quia verò communio unius membri ad alterum præstari non potest, nisi per spiritum vitalem sibi mutuo in ratione vitæ membra unientem: hinc quoque ad Communionem Sanctorum requiritur unio per Spiritum Sanctum vivificantem: de quo aptè *S. Bonaventura* referens articulum fidei in Symbolo Apostolorum, nempe Communionem Sanctorum: *Iste inquit articulus pertinet in præsentem ad Spiritum Sanctum: quia Spiritus Sanctus pertinet ad Sanctorum Communionem, id est, unionem membrorum in Corpore Ecclesiæ ad Caput; de Fide. scilicet ad Christum, & alia membra in Corpore morali, id est fidelium ad invicem. Sicut Spiritus bonus unit membra in corpore naturali: Sic Spiritus Sanctus unit membra Spiritualia scilicet fideles in Corpore mystico, quod est Ecclesia.*

Corpus itaque mysticum, in quo fit dicta Communio, est Ecclesia DEI triumphans, & militans. Hujus Corporis seu Ecclesiæ Caput est Christus, ut Apostolus ait: *Ipse est Caput Corporis Ecclesiæ, qui est principium primo genitus ex mortuis: ut sit in omnibus ipse primatum tenens. Et: Qui est Caput omnis Principatus & Potestatis. Reliqua membra hujus mystici Corporis, sunt Sancti comprehensores, & viatores: de quibus Apostolus: Vos inquit, estis Corpus Christi, & membra de membro.* *Epist. Gallos. cap. 1. Ibidem cap. 2. 1. Cor. cap. 10.*

Porro hæc Communio contingit dupliciter. *Primò Generaliter*, dum v. g. ex parte Christi fit interpellatio ad Patrem universaliter pro omnibus electis, iisque universaliter Christi merita applicantur. Item, dum à Coelitibus fit oratio generaliter pro Ecclesia militante. Item, dum ex intentione Christi & Ecclesiæ applicatur fructus generalis omnibus fidelibus ex Missæ Sacrificiis, Divinisque Officiis. Item, dum ab aliquo fidelium offeruntur preces, aliaque pia opera in salutem cunctorum. Ex parte verò Ecclesiæ militantis fit generalis Communio ad triumphantem, quando Christi Domini, Deiparæ, & Coelitarum in generali cultus, honor, gloria, variis modis promovetur. *Secundò Communio hæc accidit Particulariter*, ex quo v. g. Christus, Deipara, Coelitum unus, vel plures procurant salutem alicujus personæ in particulari, tum quando Missa &c. specialiter pro aliquo offertur, vel unus pro altero determinatè orat, sive quidpiam boni exercet. Et vice versâ dum aliquis privato nomine, Christi, Deiparæ, Coelitumque honori, & gloriæ tuendæ augendæque studet.

Possè verò unum alteri mereri dispositiones actuum supernaturalium ad gratiam non quidem merito de condigno sicut Christus, sed de congruo, certum est. Et ita unus alteri potest mereri dispositionem ad primam gratiam, ut docet *D. Thomas*. Quia sicut homo in gratia DEI constitutus implet DEI voluntatem, ita congruum est ut secundum amicitiae proportionem DEUS impleat hominis voluntatem in salvatione alterius: nisi hunc quandoque contingat habere aliquod impedimentum ex parte sua, atque ita non assequi salutem, in quo sensu dicitur Jeremiæ 15. *Si steteris Moyses & Samuel coram me, non est anima mea ad populum istum*. Deinde potest unus alteri orando impetrare apud DEUM dispositiones actuum supernaturalium tum ad primam, tum ad secundam gratiam. Prout elicitur ex verbis Apostoli monentis: *Orate pro invicem ut salvemini*. (a) Imò potest unus alteri impetrare finalem perseverantiam. Et Trigofius probat autoritate S. Augustini lib. 2. de bono perseverantiæ cap. 22: *Siqui, inquit, nondum sunt vocati, pro eis oremus ut vocentur: quia fortasse sic sunt prædestinati ut nostris orationibus concedatur, ut eandem gratiam accipiant, quâ Electi videntur, in sum, sint esse, & sint*.

Jacob. Epist.
Can. cap. 5.
(a) V. D. Tho.
lib. 2. de bono perseverantiæ cap. 22:
1.2. quest. 114.
2.7. ad 1.
Trigof. Co-
nstris orationibus concedatur, ut eandem gratiam accipiant, quâ Electi ve-
ment. in sum, sint esse, & sint.
Th. S. Bon. p. 1.
q. 18. a. 10. d. 3.

Patet

Paret igitur ex dictis quæ sit causalitas & quomodo influat per Communionem Sanctorum in Actus salutare hominis viatoris.

SUBSECTIO I.

De Causalitate Christi in actus vitæ Christianæ Supernaturales.

Christus quæ DEI Filius, idem cum Patre & Spiritu Sancto eandem causalitatem in actus Christianæ vitæ supernaturalis exercet, de qua præcedenti capite. Trinitas enim ad extra indivisim operatur. Quæ verò est Homo, ad eosdem actus supernaturalis concurret *primò*, vi meritorum suorum. Tum quia omnia principia actuum supernaturalium nobis meruit: Tum quia iisdem meritis movet DEUM ad tribuendum nobis dicta principia actuum vitæ Christianæ. Et ita Joannes dicit: *De plenitudine ejus nos omnes accepimus.* Ad Ephes. verò Apostolus: *Unicuique nostrum data est gratia secundum mensuram donationis Christi.* Ratio est, quia Christus cum sit Caput mysticum Ecclesiæ, influit moraliter in membra sua vitam gratiæ, quæ vegetentur, & ad functiones Spirituales aptificentur, sicut caput naturale influit physicè in membra corporis vitales spiritus ad actus vitæ exercendos. *Secundo.* Concurrit vi interpellationis suæ, impetrando nobis apud Patrem Virtutem & Modum supernaturaliter operandi, sicut Apostolus insinuat dicens: *CHRISTUS JESUS qui mortuus est, imò qui & resurrexit, qui est ad dexteram DEI, qui etiam interpellat pro nobis.* *Tertiò.* Trahit nos suo exemplo ad bonum: unde dicit: *Exemplum enim dedi vobis, ut quemadmodum ego feci, ita & vos faciatis.* *Quartò.* Movet ad meliora suâ Evangelicâ doctrinâ, tot signis & prodigiis confirmatâ. Nempe, *potens in opere & sermone coram DEO, & omni populo.* *Quintò.* Christus Dominus mandans, consulens, minans, promittens, aliisque modis jam per se jam per suos Electos est causa Moralitatis cujusque hominis actuum vitæ Christianæ supernaturalium, ut latius declaratur hoc in Opere. *Sextò.* Titulo Mediatoris, Advocati, aliisque innumeris nominibus Christus Dominus apud æternum Patrem, rem nostram gerit, promovet, ac necessaria vi-

Joan. c. 1.

Eph. c. 4.

Rom. c. 8.

Joan. c. 13.

Luc. c. 24.

tæ supernaturalis obtinet. Non enim nomen sine re vacuum portat. Denique ut asserunt Theologi: Quidquid in Reparata naturæ statu conducit ad gratiam & gloriam æternam, id totum dari in Nomine Christi, & ex meritis ejus; si conducit directè & per se, datur ex meritis directè; sin verò indirectè, & per accidens, datur quoque ex meritis Christi indirectè & per accidens. Et ita v.g. Si directè meruit Christus, ut baptizaretur hic infans, sequitur quod etiam indirectè meruerit ut inveniretur hic & nunc aqua ad eundem baptizandum; & sic de aliis. Similiter bona naturalia etsi remotè & indirectè conducant ad salutem, tamen eadem indirectè quoque meruit Christus: Quia si ejusmodi bona conducerent in statu puræ naturæ ad actus naturales virtutum, etiam in statu elevationis conducere possunt ad virtutem supernaturalem. Unde sic divitiæ sunt occasio ad eleemosynam faciendam; fama bona ad conversionem infidelium; probi parentes, magistri, ingenium indolesque bona, congrua cogitatio sunt magis promotiva ad salutem; quam qui iniquam haberet educationem, crassum ingenium, feramque indolem, &c. Dari autem bona naturalia ex meritis & Nomine Christi, probat tum Ecclesiæ consuetudo eadem bona petentis in Nomine Christi; tum major gloria Christi, quod ejus intuitu etiam ejusmodi bona tribuantur.

Ex dictis manet probatum intentum in titulo hujus subsectionionis positum.

Cæterum quam admirandâ sollicitudine curam gerat salutis nostræ Dominus N. JESUS CHRISTUS etiam nunc existens in Coelis; & quomodo omnia per illum in nos derivantur bona, pulcherrimis revelationibus est expressum in *Libro insinuationum Divinæ pietatis à S. Gertrude conscripto*. Quem tum propter dicta, tum propter alios indicibiles fructus spirituales congregandos, tanquam immensum thesaurum tibi comparare festina.

SUBSECTIO II.

De Causalitate Deiparæ, & S. Josephi, in actus vitæ Christianæ Supernaturales.

Post Christum quoad Communionem Sauctorum primas partes tenet ejus sanctissima Mater, Regina Coeli & terræ, tanquam

tanquam Collum sub Capite Christo ejus Corporis Mystici. Ita illam assimilat Divus Hieronymus, postquam ex Apostoli ad Ephesios 5. Christum comparaverit Capiti Ecclesiae dicens: *In Christo fuit plenitudo sicut in Capite influente, in Maria verò sicut in Collo transfundente.* Unde de Virgine ad Christum Salomon ait. *Collam tuam sicut turris eburnea: Nam sicut per collum vitales spiritus à capite descendunt in corpus, sic per Virginem à Capite Christo vitales gratiae in ejus Corpus Mysticum transfunduntur.* Serm. de Assumpt.

Modus autem quo id fiat supra tractatus, ulterius declaratur. Sect. 1. & 2. & 3.
Nimirum gratiae salutares causantur nobisque conferuntur primò, subject. 1.
 per merita Beatissimae, dum scilicet Filio praesentat sua Ubera, Filius Patri sua Vulnera, & ita inclinatur Pater Misericordiarum ad subveniendum miseris, quorum Mater cum Filio miseretur. *Secundò.*
 Per Orationes Virginis Matris gratiae & conferuntur & conferuntur. Unde Richardus ait: *Maria non solum gratiam impetrat, sed etiam impetratam conservat, & hoc est necesse, quia cito bonum perditur, quod à largiente non custoditur.* Propter quod convenit ei illud Eccles. 17. *Gratiam hominis quasi pupillam conservabit.* Tertiò. Per manus Mariae oblatae nostrae preces & pia opera gratiora sunt DEO, & nobis utiliora. Sic faciebat Henricus Suso ut ipse fatetur. Cum surgo manè, ad te primam respicit anima mea, & cum ferò dormitum abeo, te postremam contempletur, certa videlicet, quidquid purissimis manibus tuis oblatum fuerit, & commendatum, etiamsi in se ipso vile, & exiguum sit, gratum & acceptum reddi apud DEUM, idq; ob tuam DEO id exhibentis dignitatem; Neque enim rejici ullo modo potest aut respui, quidquid ipsa utpote purissima, charissimò Filio praesentaverit.)) *Quartò.* Per Exemplum Virginis Matris clarissime illustratur Ecclesia. Pulchrè D. Bonaventura dum inquit: *Maria est illuminatrix plurimorum per exempla lucidissimae vitae suae, ipsa est cujus vita gloriosa lucem dedit seculo; ipsa cujus vita inclitya cap. 3. illustrat Ecclesias: ipsa enim lucerna est Ecclesiae ad hoc illuminata à DEO, ut per ipsam contra tenebras mundi, illuminaretur Ecclesia.* *Quintò.* Per doctrinam coelestem Desparae Apostoli, & per illos Orbis terrae in supernaturalibus eruditur, ita Euseb. Emis. Omnia, inquit, verba Serm. 2.
 haec in corde suo ideo conferebat nobisq; conservabat, & memoriae mandabat, ut ipsa postea docente, ipsa narrante & nunciante scriberentur, & in universo

verso mundo predicarentur, cunctisq; nationibus nunciarentur. Ab ipsâ hæc Apostoli audierunt, & ipsâ dictante scripserunt, nobisq; legenda mandaverunt. Similia habent plures alii. *Sexto.* Titulo Mediatrix, Advocata, aliisque mille respectibus quantum prodest universo Orbi!

Additur Virgini Beatissimæ Sponsus ejus S. Joseph, tanquam manus sinistra in adiutorium dexteræ, ad dispartendas cœlestes gratias in Corpus quâ triumphantis, quâ militantis Ecclesiæ.

(a) *Vide in Hist.* Quidni? Si enim elevatus (a) supra omnes Cœlites ad latus JESU vit. S. Josephi donatus sede sinistrâ, ut Virgo Mater dexterâ (id pie asserentibus Carol. Stengel. (b) viris probatissimis) Secretarius non deberet fieri in minori plures citantē consilio promovendæ Beatitudinis Electorum, qui in terris propria sententia: tus fuit ante omnes solus conscius cum sua Consorte, & (c) solus Co-asserendi gloriæ adjutor fidelissimus illius magni consilii, & mysterii à seculo abscon-riam S. Josephi diti Incarnationis Divinæ? Quid magnum tueri, fovere, bearæ, sup: omnes SS. gratias cœlestibus Corpus Christi morale, cum multò majoris sit (b) Carthag. muneris esse tutorem nutritumque Divinissimi physici Corporis Christi? Quid mirum Josephum fieri Universi Patrem, Regem ac de S. Joseph. Dominum, & titulo & officio gubernationis ac providentiæ actum (c) D. Bern. aliter exercendo, qui ab ipso Filio DEI in similem id est providentiæ suum Patrem adscitus, ejusque regimini & dominio subditus mansit triginta annis? prout Mater & Virgo alloquitur inventum in Templo Filium: Ecce Pater tuus & ego dolentes querebamus te. Ac ibidem Evangelista de Christo asserit idicens: Et erat subditus illis: id est MARIE, & Josepho. Tum ipsa quoque Deipara jure matrimoniali Josephum agnoscebat & venerabatur ut Dominum suum. Ita testatur piissimus Gerson dum inquit: O miranda prorsus Joseph sublimitas tua! O dignitas incomparabilis! ut Mater DEI, Regina Cœli, Domina Mundi, appellare te Dominum non indignum putaverit. Unde merito Antonius de Escobar probat D. Josephum esse Principem vital. de S. Jo- mundi. Ac idem Author alibi hæc ait: Ad Patrem Josephum accurs. Paneg. I. rite, cui totum cesit Cœlestium imperium ex Custodia, ex Conjugio, & Pa-Observat. 5. ternitate. Coronet dicta clarissimo testimonio mellifluus Doctor Et Paneg. 3. sic asserens: ille Joseph (scilicet Patriarcha in Ægypto) frumentum Observ. 5. servavit non sibi sed omni populo: iste Joseph panem vivum è caelo servavit. S. Bernard. dum accepit tam sibi quam toti Mundo. Si servandum accepit, ergo & Hemil. 2. super dispensandum, sicut ille Joseph in Ægypto figura nostri sancti Jo- mis sus. seph

Serm. de Na-
tivit. Virg.

Volum. ligni
vital. de S. Jo-
seph. Paneg. I.
Observat. 5.
Et Paneg. 3.
Observ. 5.
S. Bernard.
Hemil. 2. super
dispensandum,
sicut ille Joseph
in Ægypto figura
nostri sancti Jo-
seph

seph & servavit & dispensavit frumenta toti Aegypto. Jam verò dispensare Panem vivum, quid aliud nisi dispensare dona gratiæ & gloriæ sitæ in fruitione illius Panis vivi, ex quo si quis manducaverit vivet in æternum.

Ex his facillè liquet B. Josephum cum sua Sacratissima Sponsa esse dispensatores thesaurorum coeli, per eosque uti manus Christi dexteram & sinistram largiri omnia dona & bona, derivarique in totam triumphantem ac militantem Ecclesiam. Prout manifestè Richardus à S. Victore de B. M. dixit: *Nilil à throno DEI divini muneris defluit, quod per Mariæ manus non pertranseat.*

*Ita Cit. Til-
kowski in Fi-
del. Prophet.
cap. 2. num. 9.*

SUBSECTIO III.

De Causalitate Coelitem, præcipuè Sanctorum Patronorum, & S. Angeli Tutelaris, in Actus Vitæ Christianæ Supernaturales.

OMnes Coelites, & specialiter SS. Patroni nostri sunt nobis Causæ Morales actuum supernaturalium; Primò, meritis & precibus suis, ut Magister sententiarum asserit: *Intercedunt pro nobis ad DEUM Sancti & merito, dum illorum merita suffragantur nobis, & affectu, dum vota nostra cupiunt impleri.* Et post pauca: *Quia finem eis volentibus DEUS vult, & ita fiet.* Et S. Bernardus: *Considerare debemus auxilium sancti, quia qui potens in terra, potentior est in caelis ante faciem Domini DEI sui.* Si enim dum hic viveret misertus est peccatoribus, & oravit pro eis: nunc tantò ampliùs, quantò veriùs agnoscit misérias nostras, orat pro nobis Patrem. Secundò. Ostendunt nobis viam vitæ tum exemplo suo: quia *semita justì recta est, rectus callis justì ad ambulandum.* Et S. Ambrosius inquit: *Sanctorum vita cæteris norma vivendi est.* Tum permovent nos doctrinâ suâ ad currendam viam mandatorum DEI: quia dicitur: *Verba Sapientium sicut stimuli, & quasi clavi in altum defixi, quæ per Magistrorum consilium data sunt à Patre uno.* His ampliùs Fili mi ne requiras.

Lib. 4. Sent. dist. 45. circa

Serm. in Vigilia Petri & Pauli Apost.

Isaie cap. 26.

Ex lib. de S.

Joseph.

Eccles. cap. 12.

Jam verò Sanctos Patronos, quos nimirum, specialiori cultu prosequimur specialiùs quoque concurrere ad opus salutis nostræ, indubium est. Id enim reciprocos charitatis amor, quo ipsi

erga miseros mortales fervent, ampliùs erga amatores & cultores suos, exigit: tum gratitudo in recompensam benè affecti in tuam personam & obsequium animi. Quod millenis nè dicam quotidianis patet exemplis & experiētiis, quantum est ex re salutis æternæ, habitare sub patrocinio speciali cujuspiam Sanctorum.

Porro S. Angeli præcipuè Tutelares nostri, quantum ipsi communicent suam operam, concurrantque ad salutem nostram, videndum est. *Primò.* Quia ipsi offerunt vota & preces nostras DEO, non ut ipsum doceant, sed ut ejus voluntatem super his consulant, & nobis gratias deferant. Quippè ut Apostolus loquitur: *Omnes sunt administratorii spiritus: in ministerium missi propter*

Hebr. 1. eos, qui hereditatem capiunt salutis. Et Scriptura dicens: Quoniam
Apocal. cap. 8. ascendit fumus aromatum in conspectu Domini de manu Angeli, sollicitè præmisit data ei fuisse incensa multa. Nostros enim sudores ut D. Bernardus ait, non suos, nostras non suas lachrymas offerunt DEO: nobis

Serm. 1. in quosq; ejus munera referunt, & non sua. *Secundò.* Quia ipsi intercedunt pro nobis prout videtur referre parabola de illa ficu Evangelicæ seu homine non ferente fructus virtutum tribus annis scilicet juventute, virili ætate, senectute: quare jubente Domino ut hæc infructuosa arbor succideretur per mortem, cultor illius id est S. Angelus Custos rogat, ut adhuc uno anno nempe in Senio vivere dimittatur, quatenus per ejus diligentiam circa ralem hominem is DEO fructificet, aliter succidendus & in ignem mittendus. *Tertiò.* Quia innumerabilia præstant nobis beneficia, vel removendo mala culpæ & poenæ, vel ministrando media ad bonum.

Vide Nicol. Hinc mellissius Doctor supra illum versum Psalmi:
de Lyra in caput Luc. 13. v. 4. D. Bernard. Angelis suis mandavit de te, ut custodiant te in omnibus viis tuis: *Quantum in Psalm.* Qui tibi, inquit, debet hoc verbum inferre reverentiam pro præsentia, de votio-
Serm. nem pro benevolentia, fiduciam pro custodia! Et paulo-post: In mani-
12a vers. 11. bus inquit portabunt te: In tuis quidem viis custodient te, & deducunt parvulum quâ potest parvulus ambulare. Ceterum non te patientur tentari supra quam sustinere potes, sed in manibus tollent te, ut pertrans eas offendiculum. Et infra: Spirituales sunt manus istæ & auxilia utiq; Spirituality, quæ singulis Electorum pro cujusq; discriminis modo, & objectæ difficultatis tanquam lapideæ molis quantitate, ab his qui sibi deputati sunt Angelis spiritualiter & multipliciter exhibentur.

Igitur

Igitur ex dictis videre est, quā & quali causalitate concurrunt Caelites ad actus salutare & meritorios vitæ æternæ, ab hominibus in vita præfenti eliciendos.

SUBSECTIO IV.

De Causalitate mutua Viatorum inter se in
Actus Supernaturales.

Hæ Causalitas quomodo tum in Generali tum in Particulari exerceatur inter Viatores, & quod possit unus alteri mereri ac impetrare vel dispositiones actuum supernaturalium ad gratiam, & impetrare in bono Perseverantiam supra dictum est universaliter de Causalitate per Communionem Sanctorum. Quod verò doctrinā, consilio, iussione, consensu, auxilio, & potissimum exemplo: Tum cum primis administratione Sacramentorum, & usu ac exercitio Sacramentalium possit esse unus alteri causa & occasio ad multiplex genus Virtutis, quotidianā id probatur experientiā.

Verum placet hic paulo fusiùs agere de emolumento Societatis & familiaritatis bonorum, quanti hæc referat ad Causalitatem actuum virtutis, adeoque comparandam salutem æternam.

Primò. Coronatus Propheta inquit: *Cum Sancto Sanctus eris, & cum viro innocente innocens eris: & cum electo electus eris.* Prov: *Qui cum Sapientibus graditur sapiens erit: amicus stultorum similis efficietur.* Siracides: *Cum viro sancto assiduus esto, quemcumq; cognoveris observantem timorem DEI.*

Sect. 2.

Psalm. 17.

Prov. 13.

Eccl. 37.

Secundò. S. Ambrosius ait: Sequatur conversationis electio, ut adjungamur probatissimis quibusque Senioribus. Namque ut æqualium usus dulcior, ita senum tutior est; qui magisterio quodam & ductu vitæ colorat mores adolescentium, & velut murice probitatis inficit. Namque sibi qui sunt ignari locorum, cum solerti bus viarum iter adoriri gestiunt: quanto magis adolescentes, cum senibus debent sibi novum iter aggredi, quo minus errare possint, & à vero tramite Virtutis deflectere? nihil enim pulchrius quàm eosdem & magistros vitæ & testes habere. *Et rursus:* Adolescentibus quoque utile ut claros & Sapientes vi-

S. Ambros. lib. 1. de Offic. cap. 43.

*Basil. Capita
monitoria.*

*S. Basilus
in hom.*

ros sequantur; quoniam qui congregitur Sapientibus, sapiens est: qui autem cohæret imprudentibus, imprudens agnoscitur. Et ad instructionem itaque bonis jungi plurimum proficit, & ad improbitatis testimonium: ostendunt enim adolecentes se imitatores esse, quibus adhæserint, & ea convalescit opinio, quod ab his vivendi acceperint similitudinem, cum quibus conversandi hauserint cupiditatem. *Basilus Imperator* instituens filium suum Leonem inquit: Utere medicis animorum assidue, ut ipse animo valeas: ab eis enim discere poteris, quas res expetere, & à quibus abstinere debeas: quibuscum hominibus assuescere, & à quorum consuetudine abhorre, & quomodo vitam totam dispensare oporteat, ne in frequentes morbos incidas. Si hanc institeris viam, ad solidæ germanæque Virtutis veros limites brevi per venire poteris. *S. Basilus*: Sive aromatum odora menta proprium quiddam per aërem continentem spirant, quibus præsentis recreantur; ita vir bonus toti sibi commorantium contubernio salutaris & jucundus est.))

Tertiò ab Exemplis. *S. Ambrosius* inquit: Tantus

*Ambros. 2.
Offic. 20.
Deut. 31.*

*Genes. 13. v. 1.
3. Reg. 19. v. 9.
Actor. 12. v. 25.
Actor. 15. v. 27.
Actor. 16. v. 3.
Gal. 2. v. 1.*

Jesus Nave, quod eum non solum erudiuit ad legis scientiam, Moyses copula, verum etiam sanctificavit ad gratiam. Moyses cum DEO loquebatur: Jesus pariter nube sacrâ tegebatur, &c: Unde factum est, ut qui fuerat socius conversationis, fieret successor potestatis. *Et post*: Omitto quod Abraham adhæsit Loth adolefcentulus etiam proficiscenti, ne fortè hoc propinquitatis magis fuisse existimetur, & necessaria potius quam voluntaria ad junctionis. Quid de Elia atque Elisæo loquamur? licet enim non expressè Elisæum juvenem scriptura significarit, advertimus tamen & colligimus juniorem fuisse. In actibus Apostolorum, Barnabas Marcum assumpsit, Paulus Timotheum, Paulus Titum. Sed illis Superioribus videmus divisa officia, ut Seniores consilio prævalerent, juniores ministerio.))

Genes. 39.

DEUS propter consortium bonorum malis benedicit in temporalibus. Dicitur enim; *Benedixit Dominus domui Egyptii propter Joseph, & multiplicavit eum in edibus, quàm in agris cunctam ejus substantiam.* Et quod magnâ admiratione dignissimum, DEUS amplissimis

plissimis Civitatibus, Regionibus, multis centenis millibus Populorum ipsis debitas poenas temporales & æternas, ob horrenda scelera debitas, propter paucos justos in illis locis vel populis re-
 pertos, parcere vel differre paratus est. Ut si fuissent decem justi *Genes. 12.*
 in Sodomis, propter decem minimè deleta fuisset. Quin & pro-
 pter unum Moysen, toties gravissimè exacerbatus Dominus à *Exod. & Num.*
 populo Israel, ei tamen non semel pepercit. Sed hoc prorsus ex-
 cedit omnem æstimationem bonæ Societatis, quòd DEUS propter
 boni sodalitiî charitatem, de inferni voragine ad vitam & salutem
 æternam revocet. Refert *B. Petrus Damianus*, stupendum hac in *Pet. Damian.*
 parte exemplum: In Monasterio inquit beati Sylvestri quod in Ur- *Epist. 5. ad Do-*
 binati constitutum est territorio, quidam Monachus obiit, & ab *minicum c. 7.*
 incipiente gallicini nocturnalis articulo usque ad secundam diei
 horam cadaver exanime locatum juxta morem consuetum, atque
 fratribus circumquaque psallentibus in feretro jacuit. Cumque
 transactis jam Missarum ex majori parte solenniis Agnus DEI
 juxta regulam diceretur: ecce repentè qui mortuus jacebat in
 medio, anima redeunte surrexit. Stupefacti sunt fratres & novâ
 nimis admiratione perterriti, nimirum quem funeris officium
 persolventes extulerant, nunc vitalem spiritum recepisse videbant.
 At cum propius accessissent, verbaque audire ex ore ejus avidius
 inhiarent, ah scelus! maledicta & contumelias in DEUM cœpit
 effundere, benedictum nomen Salvatoris impiè blasphemare, vi-
 vificæ Crucis signum, ut oscularetur oblatum sacrilego ore con-
 spuere, intemeratam quoque DEI Genitricem ignominiosis non
 timebat opprobriis lacerare: Quid inquires pro me psallitis, vel
 Sacrificiorum hostiâs offerre tentatis? Ego enim in ipsa flamman-
 tia tartari profunda descendi, ibique meus magister & domitius
 Lucifer me irrevocabiliter deputavit. Coronam planè suam æ-
 ream inextingvibili semper ardore candentem mihi in capite po-
 suit; ejusdem quoque metalli chlamyde, quâ induebatur, ipse me
 vestivit. Erat autem chlamys tam longa, ut talotenus flueret, &
 tam ferventer ignita, ut liquefacta guttas emittere videretur.
 Cumque fratres eum ut poenitentiam ageret, atque ut occulta sua
 in medium proferret, unanimiter hortarentur, ille anathematiza-
 bar,

bat, & blasphemabat, & non solum poenitentiae remedium, sed & omnia redemptionis nostrae mysteria ore rabido ac sacrilego condemnabat. Monachi vero semper adjutricia orationis arma pio studio recurrentes, ceperunt abjectis indumentis corpora sua scopis illidere, pugnis pectora tundere, psalmodiae atque omnium quibus valebant precum generibus insudare. Cunctis itaque fratribus in luctuosis orationibus & jejuniis constitutis, ac sub Divinae Pietatis expectatione suspensis, tandem supernae Virtutis splendor emicuit. Ecce enim desperatus ille, & voragine maris hiantis absorptus ad superficiem rediit. DEI quippe Salvatoris omnipotentiam laudat, nequissimis Sathanae ludificationibus abrenunciat, Crucem adorat, poenitentiam flagitat. Confessus est autem, quia post abrenunciationem seculi in fornicationem cecidit, quam tamen eatenus nulli penitus per confessionis iudicium patefecit. Laudans igitur & benedicens DEUM usque in diem alterum vixit, sicque Creatori suo mirabiliter restitutus, in sancta de hoc seculo confessione migravit. Sic mirum fraternae orationis fructus effloruit. Quae videlicet oratio ex ipsis gehennae visceribus, praedam rapuit, & de flammarum stipula in structura coelestis Hierusalem lapidem vivum posuit.))

Ejusmodi Incentivis animus mirum in modum accenditur ad experenda contubernia & familiaritates Proborum. Quas etiam ipso effectui venerabundus & promptus feliciter sectare.

SUBSECTIO V.

De Causalitate morali Superiorum Spiritualium,
in actus salutare suorum Inferiorum.

Non agimus hic de Superioritate Civili. Licet enim haec gubernans secundum Leges civiles, sibi subiectos, sit eis quandoque occasio ad actus salutare vitae aeternae: id tamen fit per accidens, cum jurisdictionis civilis sit proprium dirigere suos subditos ad finem temporalem, Reipublicae vel Communitati alicui bonum & convenientem, v. g. pacem, concordiam, justitiam, &c.

Ceterum

Ceterum tamen quomodo gubernaculum civile possit supernaturalizari, cedereque in meritum coram DEO Gubernatori, agitur infra sub Virtute Prudentiæ multitudinis regitivæ; tum sub iustitia, ubi de officiis Dominos inter & servos, &c.

Porro in Seculari statu, qui erudiunt & dirigunt sibi subiectos ad finem supernaturalem, quales v. g. debent esse Parentes circa filios suos, Magistri circa suos discipulos, &c. hi tantum participare habent de pertinentibus ad superioritatem spirituales, quantum proportionatur ipsorum statui.

Igitur quod concernit hanc Superioritatem Spiritualem, eius proprium & unicum munus, est conformiter ad Legem DEI & Ecclesiæ regere & dirigere suos subditos, ad consequendum finem supernaturalem gratiæ DEI, & gloriæ; in tantumque permittere, vel prohibere etiam statui seculari bona temporalia, in quantum hæc serviunt vel impediunt à consecutione prædicti finis supernaturalis.

In qua Jurisdictione spirituali supremum apicem tenet respectu totius Ecclesiæ Summus Pontifex Romanus, tanquam Vicarius Christi, & legitimus Successor Petri Principis Apostolorum, in horum locum succedunt Episcopi per suas Dioceses, sicut in locum septuaginta Discipulorum, quos Christus misit binos ante faciem suam, veniunt Prælati Episcopis inferiores respectu suarum Communitatum, quales v. g. sunt Abbates; tum Parochi ac reliqui Curati animarum in suis Beneficiis. Horum potestatem delegatam participant alii Superiores inferiores plus vel minus pro arbitrio delegantis.

Superiorem itaque Spiritualem quibus oporteat esse præditum qualitatibus, ut rectè suo fungatur officio, visum est supra, ubi de statu Ecclesiasticorum, & de vita Milita: particularius tamen hac in materia agit *Seraphicus Doctor*, Præsidem animarum efformans instar Seraphim sex præclaris dotibus, quasi *Opusc. de sex* quibusdam alis decorum, quibus tum ipse per sublimitatem vitæ, *Alis Seraphim.* contemplatione, & amore, subleventur proximè in DEUM; tum sibi subditos lumine Divinæ Scientiæ, & igne Charitatis succensos, Alisque multimodæ protectionis confortatos & tutatos, ad æterna transferat. Sed placet S. Doctorem audire, omisso tamen illius

illius fusiori discursu, quanquam ad sufficientiam propriis ejusdem verbis res ipsa panditur.

§ I.

Prima itaque Ala Rectoris animarum est *zelus justitiæ*, quâ non potest aliquid injustum, sine cordis murmure, in se & in aliis sustinere. Tantum enim quisque bonus æstimandus est, quanto plûs & purius odit malum. Quantum enim res diligitur, tantum de ejus destructione doletur. *Et post pauca..* Quantum diligis DEUM, & quæ DEI sunt purius desideras, tantum doles de offensâ DEI, ubi vides eum non agnoscî, & ideo inhonorari, ubi vides eum non amari, & ei non obediri, & ejus cultum destrui, & adversarios multiplicari, & lætificari. Et quantum diligis salutem proximi, tantum affligeris de perditione ejus & nocumento profectus ejus. Et licet hæc Charitas requiratur in omnibus amicis DEI, maximè tamen in Vicariis DEI, qui secundum cor DEI moveri debent amore justitiæ, & odio iniquitatis, juxta illud Psalmistæ: *Dilexisti justitiam*, &c. Justitia potest hic dici observantia omnium, quæ saluti vel profectui animarum necessaria sunt. *Tandem paulò post.* Principaliter igitur cavenda & dolenda est transgressio Præceptorum DEI: deinde, inviolabilium præceptorum Sanctæ Ecclesiæ: deinde illorum quæ sub Voto voluntario sibi met quisque fecit necessaria, ut regulares observantiæ, maximè quæ sub præcepto sunt statutæ: deinde omnia scandala speciem mali quamcunq̃ue habentia, nempe avaritiæ, superbiæ, invidiæ, gastrumargiæ, iracundiæ, suspectæ familiaritatis, inobedientiæ, & similium vitiorum, quæ odorem famæ Religiosorum, quo alii fideles debent ab eis ædificari, & ab eis discere quid cavere debeant & facere, foetere faciunt, ut magis per eos inficiantur scandalo, quàm reficiantur Virtutis exemplo, dicente Apostolo: *Nomen DEI per vos blasphematur inter gentes.* Facilius autem gravius peccatum occultum curatur, quàm tale scandalum; quia illud per secretam potest sanari poenitentiam, scandalum autem vix avellitur à cordibus omnium, ad quos fortè pervenit.

Psal. 44.

Rom. c. 2.

Deinde

Deinde cavenda est perturbatio Studii devotionis, ex qua fulcitur omnis vera Religio, & omne Virtutis exercitium impinguatur. Arida est omnis Religio, quæ non oleo isto saginatur. Instabilis est bonorum operum structura, quæ devotæ orationis frequentia non compaginatur, sicut paries lapidum sine cæmento. In omni Religione ubi devotionis fervor tepuerit, etiam aliarum Virtutum machina incipit deficere, & propinquare ruinæ. Lampades fatuarum Virginum sine oleo extingvuntur, ut ait *Matthæus*.

Matth. 25.

Deinde cavenda est negligentia exterioris disciplinæ, quæ pro decore Religionis, & habilitationis profectus spiritualis statuta est; cujus desertio signum est neglectæ conscientia, & interioris levitatis. Talis autem disciplinæ observantia non ita mandatur, quasi aliter non liceat vivere, sed quia sic magis convenit propter honestatis conformitatem, & uniformem Fratrum conversationem; ne pro libito quisque vivat, & faciat, unde fortè alii turbentur. In talibus autem observantiis, quæ in se indifferentes sunt, sed propter aliud statuta, ut dictum est, major est habenda diligentia, ut benè servantur, quàm scrupulosè timendum, si ex aliqua subreptione quandoque transgrediantur, nisi fortè consuetudo generaret deformitatem, & dissimulatio negligentiam nutrirer, tunc propter aliud malum consequens præcavendum, zelus disciplinæ dormire non debet.

Verus igitur justitiæ zelator primò caver, ne malum aliquo modo faciat, vel doceat. Secundò, ne licentiet, vel concedat quacunque importunitate, seu circumventionem mollitus. Tertiò, ne faveat vel diligit fieri, etiamsi eo irrequisito fiat, vel absente. Quartò, ne dissimulet & taceat quasi nesciens, cum ad eum pertineat arguere, & ostendere quantum malum, & deterrere, ne ulterius audeant familia attentare. Quintò, ne inultum esse patiat, quia aliquid bonum parit peccati calligatio, scilicet quòd ipse qui fecit, prohibetur ultra peccare, dicente Domino: *Fama noli peccare, ne deterius tibi aliquid contingat.* Item, quia purgatur à peccato, ne à DEO postea durius puniatur, ait enim Scriptura: *Tu Virgâ percuties illum, & animam illius de inferno liberabis.* Item, quia per hoc alii erudiuntur, ut caveant similia perpetrare, juxta illud: *Pestilente flagellato, sapientior erit parvulus, id est tenellus & novus*

Joan. 5.

Prov. 23.

Prov. 18.

1. Reg. 4.

Joan. 13

Gal. 6.

cautior esse discet. Item, ipse Prælatus, Vicarius superni Judicis, liberat animam suam à peccato negligentia, officium suum sic implendo: Quod quia Heli Sacerdos non fecit, mortis sententiam cum filiis peccantibus excepit: ut habetur in 1. Regum. In hoc enim differunt laudabiles Religiones, & jam dilapsæ, non quòd nullus peccans in laudabilibus reperiatur, sed quòd nullus impune peccare sinatur, & peccandi aditus studiosè præcludantur, & incorrigibiles & alios inficientes eliminantur, & boni foveantur & diligantur, ut perseverent, & in melius semper proficiant. Nam cum in conventu Angelorum ante confirmationem, & in ordine Apostolorum sub magisterio Christi reperta sit pravitas, quis ordo bonorum in terra audeat sibi arrogare hanc prærogativam, quòd peccatum in eo non sit? quia etsi plurimi per DEI gratiam immunes ibi fuerint, sed non omnes. Vos mundi estis, sed non omnes; ait Dominus. Bonis enim quamdiu sunt hic in statu merendi, expedit aliquos malos secum habere, qui eis sint majoris occasio meriti, quibus compatiantur in malis suis, contra quos zelus eorum inardescat, quos corrigere laborent, quibus similes fieri pertimescant, qui eis sint tentationis materia, à quibus etiam persecutiones sustineant, & ex quorum consideratione confusi humilientur; quia tales non sunt, admoneantur gratiarum actionis ei, qui custodit eos, ne tales efficiantur. Si autem deessent bonis prædictarum Virtutum occasiones, merita ipsorum tantò fierent etiam minora, dicente Paulo: *Que enim seminaverit homo, hæc & metet.* Nec tamen diligendi sunt mali seu fovendi, sed tolerandi: maxime quorum occulta sunt mala, & alios non inficiunt, & est spes de correctione ipsorum. Ubi verò ista defecerit, ibi sine gravi detrimento sustineri non possunt: & ideo eliminandi sunt, ne putetur eorum pravitas bonis placere. Interim etiam dum tolerantur, puniendi sunt stimulis admonitionum, correctionum, confusionum, & castigationum; ungendi etiam fomentis exhortationum, consolationum, & orationum, & promissionum; si fortè convalescant de infirmitate, & fortes fiant. Præcludenda est eis via peccandi, & tentationis aditus obstruendi; quod etiam bonis expedit, ne opportunitas mali faciat eos deteriores. Prælatus enim Vicarius DEI, cui data est potestas à Domino super familiam suam, & cui debent subditi ea de causa vice

Domini

Domini obedire, si non corrigit delinquentes, si permittit sub se vitia crescere, & consuetudines malas oriri, & jam exortas roborari & dilatarī, si videt regulares observantias dilabi, & transgressiones multiplicari, & pro posse non obviat tam præsentibus malis, quàm imminētibus triplicem DEO reddet rationem.

Primò, pro sua negligentia, quando non fecit ad quod officio tenebatur, nam ait Sapiens: *Cam essetis ministri regni illius, non recte iudicastis, nec custodistis legem iustitiæ, neq; secundum voluntatem ejus ambulastis.* Horrendè & citò apparebit vobis; quoniam iudicium durissimū his, qui præsunt, fiet, &c.

Sapient. 6

Secundò, quòd omnia peccata subditorum quæ poterat & debuerat correxisse & præcavisse, imputantur ei. Unde dicitur Ezechiel: *Si non fueris locutus, ut custodiat se impius à sua via, ipse in impietate sua morietur, sanguinem autem ejus de manu tua requiram.*

Ezech. 33.

Tertiò, pro abusione honoris & potestatis sibi collatæ, quam ad propriam gloriam & commodum retorfit, & non ad quod data est ei. Tollite ab eo talentum, ait Christus, & inutilem servum ejicite in tenebras exteriores, ibi erit fletus & stridor dentium. Ostendat ergo bonus zelator, quantum diligat DEUM, in eo quòd beneplacitum ejus in se & in aliis promoveat, nec ab hoc zelo mollescat per desidiam, ne labore lassetur, nec consiliis flectatur, nec astutiis circumveniat, nec amicitia, nec blandimentis deliniatur, nec minis terreatur, nec per diuturnæ prævæ consuetudinis præscriptionē desperet, quin suum officium exequatur.

Matth. 25.

Hec S. Bonaventura.

Ad zelum Justitiæ refertur visitatio Spiritualis Communitatis, quæ à Superioribus fit inquisitio de statu suæ Communitatis, ut semper in salvo & integro permaneat. Dicitur; à Superioribus, non quibuscunque sed supremam habentibus potestatem; quales sunt Legati Apostolici, Archiepiscopi, Episcopi, & eorum vicarii generales Visitatores. In Religionibus verò quales sunt Generales, Provinciales, Commissarii extraordinarii, Abbates denique in suis Canoniis. Dicitur; fit inquisitio de statu suæ Communitatis, scilicet de statu tam in ratione bonorum spiritualium quoad observantiam Canonum Ecclesiæ, vel Regulæ & Statutorum cujusque Religionis; quàm in ratione bonorum temporalium. Dicitur; ut semper in salvo & integro permaneat. Hic namque fi-

Collector.

nis seu scopus est visitationis, ut deprehensâ per inquisitionem labefactione vel ruinâ status bonorum spiritualium & temporalium, in pristinum vigorem restituatur, simulque provideatur in futurum indemnitati ejusdem status.

Visitatio hujusmodi alia est publica seu externa; quando, v. g. à mediato Patre seu Superiore fit visitatio, vel licet ab immediato cum solennitatibus tamen visitationis. Alia visitatio est privata & interna; dum ab immediato Superiore v. g. à suo Abbate fit inquisitio de statu Cœnobii sine solenni ritu visitationis, ad imitationem tamen ejusdem; talis visitatio solet dici Scrutinium.

Res prorsus est admiranda, & nullo non pretio æstimanda ad Statum Ecclesiasticum & Religiosum in suo flore, decore, robore, conservandum; si Visitaciones præfatæ & Scrutinia rectè instituantur. *Primò.* Quia Superiores immediati Communitatum, dum recogitant se rationem reddituros villicationis suæ Visitatori, verentur omnia opera sua, scientes quòd non parçitur delinquentibus. Cavent cum imperio & potestativè dominari in Clero, considerantes quòd qui ante modicum tempus suprapennas ventorum ferebatur, nunc per altiore Superiorem elisus, & confusus, de suo fastu stolido irridetur. Timent dissipare bona Domini in suum suorumque genium, felle & absinthio pouldè post exsolvenda. Et super omnia vigilantia solertiori præstant boni Pastoris officium super gregè Christi sibi commissum, ne probroso nomine Mercenarii notentur, aut cum Lupis dispergentibus oves Christi, ab eis per veros Pastores procul abigantur, siye in Caveam recludantur. Alioquin si non foret altior timor humanus super Superiores Communitatum immediatos, quorum nonnulli vix timent DEUM, vix reverentur homines, quid non fieret? cum etiam sub altiori Virga positi aliqui, nec sic quidem formidant, quin pro suo libitu & dominatu cuncta nihil ad rem disponant, imò quandoque susque deque omnia invertant & perdant. Audi zelosum *Trithemium*: Visitatio, inquit, si debite fiat, ordinis est reformatio, disciplinæ conservatio, pacis & concordie restauratio, & totius honestatis ac pulchritudinis consummatio. Ipsa enim collapsa erigit, dispersa congregat, dissoluta reformat, contracta reintegrat, vaga reducit, divulsa componit, quæ

sancta

Trithemius
de visitat. c. 1.

sancta & iusta sunt, opportunè custodit. Ipsa inter caput & membra Abbatem & Fratres, unitatem & pacem reformat: & inferiora Superioribus reconciliat. Visitatio si zelosè, charitativè & discretè fiat, Capitulis debitam obedientiam à subiectis exhiberi compellit. Cesser ipsa, & disciplina religionis velociter expirabit. Denique si ipsa negligatur, cito Provinciale Capitulum à suis filiis contemptum patietur. Ipsa est enim, quæ conservat obedientiam bonorum: & proterviam contumacium humiliat. Facit enim timere delinquentes: & proficientes charitatis sinu amplectitur. Pauci sunt, qui ex amore obediunt: multos timor servilis à malis coercet. Et felix necessitas, quæ ad meliora compellit. Nam sicut seta introducit filum, sic timor initialis charitatem. De poe. dis. 2. § hæc quæ antexi. Et væ ibi est ubi perit timoratus de terra. Michæ 7.))

Et hæc sunt eximia bona visitationis rite actæ: Sicut è contra visitationis imprudenter, vel perfunctoriè, vel perversè factæ mala V. Apoc. c. 22. quis explicet? Ita enim qui nocuit, nocebit adhuc: & qui in sordibus fuit, sordescet adhuc. Elevantur & triumphant mali: compressis humeris, obitupescunt afflicti boni. Laudatur peccator in desideriis anime sue, & iniquus benedicitur. (a) Locutus est superba, & iustificaverunt (a) Eccl. 13. illum: humilis deceptus est, insuper & arguitur; locutus est sensatè, & non est datus ei locus. Diffidentia, aversio animorum, suspicio, discordia, contentio, detractio, fufurratio, scandala, multà zizaniorum messe excrescunt ad ignem æternum, &c. Ut præstasset per visitationem ineptam vel iniquam malum bono loco positum non movisse, quàm motum non amovisse, olebit enim magis.

Modus & Tempus instituendæ visitationis. Quoad utrumq; sum. Theol. respectu Ecclesiasticorum vide supra. Respectu Religiosorum, hi spir. c. 6. sect. pro diversitate sui Instituti alii frequentius, alii non ita frequenter 4. § 3. med. 5. visitantur. Cæterum ubi singulis bienniis vel trienniis tantum fit visitatio, tum Superiores immediati sua Cænobia semel & iterum per annum visitent privatâ Visitatione seu Scrutinio. Quia etsi pastoralis vigilantia diu noctuque sedulam impendant curam, perversitas tamen malitiæ humanæ, & versutia diabolicæ fraudis facile novas excogitat artes, quibus effugiat vigilantem oculum Pastoris, ut grex aliquà parte sui periclitetur. Itaque medio tali

Visitationis seu Scrutinii multa mala occulta in Superioris notitiam devenient, quibus alias non obviasset: magis pernoscet statum, & inclinationes Suorum: agnosceret denique clarius profectum & defectum Suorum, ut illum amplius promoveat, isti remediis moraliter medicativis & præservativis opportunè occurrat. Porro modum seu formam rectè instituendi visitationem publicam seu privatam præscribunt cujusque Religionis propria instituta. Videatur hoc in puncto Abbas *Trithemius*, ex quo hic nonnulla pono. Et quidem ex parte Visitatorum requiritur *Primo*, ut eligantur Visitatores viri maturi, (ubi intelligo maturitatem juxta illud; *Senectus enim venerabilis est, non diuturna, neque annorum numero computata: cani autem sunt sensus hominis, et etas senectutis vita immaculata.*) in multis experti, non neophyti, magistri antequam discipuli: zelum DEI & animarum secundum scientiam habentes, docti in sacris Scripturis, periti legum Ecclesiæ, ac sui Instituti; Viri virtutis.

Secundo. Prius visitent & reforment seipsos, & sibi subjectos: ne dicatur eis illud: *Medice cura te ipsum.*

Tertio. Non sint onerosi familiæ & equitaturâ superfluâ, victuque ordinario & congruo sint contenti, paucisque diebus in visitatione morentur, omnia tamen faciant summa cum diligentia, & effectu perfecto.

Quarto. Qualiter se in Scrutinio seu inquisitionibus gerere debeant, describit *Trithemius* dicens: Sint hujus negotii (*id est visitationis*) vel in se, vel in aliis experti, ne non credenda credant temere, aut impudenter credenda disimulent. Utrumque enim malum est. Nam, *Qui citò credit levis est corde.* Eccles. 19. Et mala de aliis non citò debemus credere 86. dist. *Si quid.* Et mala de proximo prius sunt probanda, quam credenda 2. q. 1. *DEUS.* Et 3. q. 8. *Judicet.* II. q. 3. *In cunctis & c. Quamvis.* Scriptum quippe est Eccles. 19. *Non omni verbo credas.* II. q. 4. *Non solum.* per quid. At verò nulli credere velle, impudentis hominis est. Et quidem innocens semper benè credit, & benè judicat de aliis. Proverb. 14. 22. q. 4. *Innocens.* Sint itaque Visitatores discreti & prudentes: ut zelum deponentium vitam & meritum considerantes, scire possint, quibus credere debeant. Testes enim ex fide, dignitate, & morum gravitate pensandi sunt. 4. q. 3. 6. *Item in testibus.* Et ibidem, per totum.

rum. Quantum ergo fieri potest, Visitatores deponentium intentiones, motus, & causas diligenter examinare debent: ne forte non ex iusta ratione moveantur. *Et paulò post:* Nec aliquem ex sola suspitione, aut unius testis depositione condemnent. Manifesta verò accusatione non indigent. 2. q. 1. *Que Lotarius. §. in manifestis.* Et C. sequenti. Eum quoque non charitatis amatorem, sed fraudulentum, judico, qui causâ diffamationis vel vindictæ occultum Fratris crimen revelat. §. q. 5. *Qui ambulat. 6. q. 1. Summa* Crimen non solum mortale delictum, sed etiam omne veniale intelligi potest. 25. di. *Unan orarium. §. nunc autem.*

In gravibus autem negotiis & famam concernentibus, diligens inquisitio fiat: Sed ante iustam probationem, nisi in manifestis nullus iudicetur vel condemnatur. 30. q. 5. *Nullum ante veram.* Et c. se. Et in talibus duo aut tria sunt adducenda testimonia. 2. q. 5. c. 1. & c. *Placuit.* Cauti sint igitur Visitatores in talibus secretis iudicandis ad vitandum scandalum, nisi convictus quis fuerit, aut sponte confessus. 2. q. 1. *Nos verò quengam, & c. se. nomen Presbyteri & c. se.* Quod si in probatione accusator defecerit, poenâ debet puniri talionis. *Extra de calum. c. 1. 2. q. 3. Calumniator. & c. c. se. q. 8. Qui crimen. 3. q. 10. eos. & c. c. se.* Cavendum quoque est, ne ea quæ correctæ & punita sunt, denudò retractentur. *Extra de accu. c. de his. et c. 2. q. 1. Prohibentur. 23. q. 4. Si illic.* Sic etiam Patres sancti constituerunt. Caveat autem quisque ne incipiat ea retractare, quæ fuerant ante dignè correctæ & emendatæ: ne quis suggerat incomperata, ne novis suspitionibus turbet animos Fratrum aut Patrum suorum. Insuper, si quæ secreta revelata ipsis Visitatoribus fuerint, caveant ea deducere in publicum. 2. q. 1. *Si peccaverit: 6. q. 2. Episcopus si clerico. c. placuit.* Et de occultis non est nimis curiosè inquirendum. *Extra de accu. qualiter. ii.* De manifestis tamen, ut supra dixi, non est accusationis clamor necessarius: *Eo tñ. c. evidentiæ.* Si quando senserint aliqua non debite proposita faciant ut prudentes & quantum salvâ veritate fieri potest non faciliè credant, & si credendum est: ea tamen quæ quo animo fiant nescitur, in meliorem partem interpretentur: quia potius debemus præsumere bonum quàm malum. *De regul. juris. c. Estote.* Et in talibus deponentis intentio potius est pensanda, quàm verba. Nam si quis vera ex mala intentione proponat, bonum opus intentio malum facit. 23.

c. Placuit.

q. 5. Cum minister. Sint Visitatores cauti & præcipuè discreti in examinandis excessibus Prælatorum: qui cum aliorum habeant peccata corrigere, frequenter odium multorum incurrunt: & insidias patiuntur: *Extra. de accu. c. qualiter. ii.* In omnibus sic semper agant, ut charitatis & veritatis formam non amittant. Correctio enim debet pro uniuscujusque gradu, atque salvâ pace Ecclesiæ fieri. 23. q. 4. *Ecce. & c. Quisquis c. 10. Quidam. c. Cum quis. c. Ipsa pietas. c. Quid faciet. circa me.* Item Correctio debet fieri animo mendi non læviendi. 86. dist. Odio. 23. q. 4. Ita planè, *circa me.* Et non ex odio sed ex charitate. *Extra. de accusa. c. Qualiter. ii. 24. q. 3. Corripiantur.* Et plus habeat mansuetudinis interdum quàm rigoris. 45. dist. *Qui sincera. & c. Licet:* quia leniter castigatus reverentiam exhibet castiganti. *c. Cum beatus Paulus, 12. q. 2. Fraternitas. 24. q. 3. Corripiantur.* Hæc & alia Discretionis (Matris Virtutum) testimonia, Visitatores, ut dignè & justè procedant, non debent omittere. *Hæc Trithemius.*

Quintò. Puncta secundum quæ Visitator inquisitionem seu Scrutinium facere debet, sunt sumenda ex Regula, Statutis Religionis, Ordinationibusque præcedentium visitationum; & primò generaliter à singulis quærendum, an hæc observentur, vel si eis quidpiam contrarii fiat; deinde in specie alia à Senioribus, alia à junioribus proportionatè requirenda. Unde hujusmodi purgatorum formulas ad manum paratas habeat Visitator.

Sextò. *Constit. Benedicti XII.* prohibentur sub censura. *Exod. c. 23.* Visitatores munera quoquo modo per se vel per suos familiares accipere. Quippe munera etiam excæcant prudentes, & subvertunt verba iustorum. Et ne exprobetur eis illud Isaïæ: *Principes tui infideles, socii furum, omnes diligunt munera, sequuntur retributiones. Item, Qui justificatis impium pro muneribus, & justitiam justis aufertis ab eo. Propter hoc sicut devorat stipulam lingua ignis, & calor flammæ exurit; sic radix eorum quasi favilla erit, & germen eorum ut pulvis ascendet.*

Vide infra plura de Correctione fraterna. *1. 2. tra. 2. cap. 3. Sect. 14. §. 2.*

Sed quid multis? In summa principalis optimusque visitationis prodibit effectus, si per Visitatorem digni Superiores instituuntur. Quid enim à bono Rectore boni non sperandum?

ut à

Ut à malo quid mali non metuendum? Felix & beata visitatio, quæ ejusmodi optatissimum fructum reliquerit. Profectò quidquid DEUS, Ecclesia, Religio, Visitator recti voluerit constituerit, vè, præsidentibus Communitatis Superioribus probis, fiet: Sicut sub Pastore Idolo, negligente, vel improbo, Leges Divinæ humanæque pessum eunt. Et frustra Æthyops lavatur, non deponet nigredinem suam: Ita & Superior vitiosus nullis statutis, monitis, minis, mutabit consuetudinem suam. Dejiciendus ergo, & in locum ejus dignus Christi Ovilis Custos cum consilio proborum Seniorum & aliorum substituendus. Quare beatas illas Religiones dixerim, in quarum visitationibus Superiores & Officiales sua resignant officia, vel ubi mutantur singulis trienniis; magnus & multiplex ejusmodi mutationis (modo rectè fiat) fructus in Religionem redundat, quod ad oculum patet in quibusvis reformatis sacrisque Ordinibus. Sed optarem, ut Visitator mutationem seu Electionem Superiorum & Officialium faciat juxta modum su-

V. Sum. Theol.

Spirit. cap. 6.

sect. 1. subf. 2.

§ 1. med. 9.

pra à nobis porrectum. Unum denique restat, ut Commissarii extraordinarii à Generali Religionis delegantur, quorum singuli per singulas Provincias certo tempore visitent Canobias, &c. potissimum hoc duplici fine, ut quod neglectum vel malè actum fuerat à Visitatore Provinciali, suppleant & corrigant; deinde ut ipse Visitator non benè actorum reddat rationem, pœnamque subeat, quando & ubi Religio statuerit. Hæc Collector.

§ II.

Secunda Ala Ecclesiastici Seraph, est Pietas, sive fraterna compassio, ut sicut eum Charitas DEI ad zelum justitiæ inflamat, ita fraterna dilectio ad pietatem informet. Nam etsi vitis debetur Virga feriens, infirmitati tamen necessarius est baculus sustentans, dicente Propheta: Virga tua, & baculus tuus, &c. Et paulo: In virga veniam ad vos, an in charitate & spiritu mansuetudinis? Sic & ille Samaritanus vulneribus illius semivivi relictus, infudit vinum zeli ferventis, & oleum pietatis mitigantis. Alia est autem infirmitas corporis, alia mentis, & utraque indiget compassione.

S. Bonav.

Opusc. de sex

alīs seraphim.

Psalm. 22.

1. Cor. 4.

Ec

Infirmi-

Genes. 18.

Infirmiati Corporis triplici pietate subveniendum, scilicet remedii medicinalibus, si congruè potest fieri; item relaxatione rigoris in victu, vestitu, vigiliis, & huiusmodi; item exemptione laboris, in officiis, servitiis, decursibus, & huiusmodi, prout cuiusque necessitas exquirat. *Ex paulò infra.* Bonus autem Prælatus agnoscit se fratrum suorum Patrem, non dominum, & exhibet se eis medicum, non tyrannum: nec reputat eos ut iumenta sua, vel servos emptionis; sed ut filios, hereditatis supernæ confortes: & facit eis, sicut veller sibi fieri, si similiter indigeret. Sed fortes & sani non sentiunt, quod sentit æger, ideo nesciunt eis compati, scient autem postea, cum dolebunt. Quod si objiciant, quia sæpè fingunt se quidam debiliores, quàm sint, nunquid propter hoc omnes sunt hypocritæ judicandi? cum è contrario pro paucis iustis, ut habetur *in Genesi*, multis malis Dominus voluerit pepercisse.

Sed dicunt aliqui: Illis debilibus dignè subvenitur, de quibus est spes convalescentiæ, in illis verò de quibus non præsumitur, quòd aliquando convalescant, inutiliter consumuntur expensæ. Hoc rectè diceretur, si non propter meritum Charitatis, sed propter retributionem humanæ utilitatis deberet infirmis misericordia exhiberi.

1. Cor. II.

Infirmorum mente sunt tria genera. Primi, ex devotionis defectu, vel tentationis impulsu, proni sunt ad scandala & peccata, ex facili occasione vacillantes, & ad lapsum proclives, ut ait Apostolus: *Inter vos multi infirmi & imbecilles, &c.*

Rom. 15.

Secundi, qui licet bonæ voluntatis sint, & devoti; tamen ex levi correptione, vel in vectiva objurcatione effecti pusillanimes, aut concidunt in quandam desperationis diffidentiam, aut prorumpunt in gravem commotionis impatientiam, unde postmodum dolent, & cæteri quandoque turbantur. Unde Paulus: *Debemus nos firmiores imbecillitates, &c.*

Tertii sunt omnes generaliter imperfecti, qui in diversis virtutum studiis sæpè vacillant, & variis passionum febribus sentiunt se interdum, etiam reluctantes, pulsari, modò elationis, modò iræ, modò acediæ, & invidiæ, concupiscentiæ, gulæ, & aliorum vitiorum tam carnalium quàm spiritualium, qui dicere debent

cum

cum Psalmista: *Miserere mei Domine, quoniam infirmus sum, &c.* Remedia his infirmitatibus adhibenda sunt, ut subtrahatur eis occasio scandali, opportunitas peccandi, ne videant unde infirmentur, vel audiant, & ne sæpè permittantur extra domum vagari: Dina enim, ut ait Scriptura, egressa domum corrupta est: Et per exhortationes crebras exemplis patientiæ confortentur, & à duris increpationibus, donec convalescant de infirmitate, pareatur eis & aliis offensis, quibus perturbentur. Unde Apostolus: *Patres nolite ad indignationem provocare filios vestros, ut non pusillo animo fiant.* Qui enim amplius commoveret satis per se commotum, quasi provocat contra se canem latrantem, ut mordeat eum. Item æquanimiter mores, & imperfectiones eorum supportentur: nam dicit Sapiens. *Non omnes omnia possunt.* Sicut autem rudibus, & minùs peritis solent doctores eorum imperitè dicta ignoscere, cum minùs rectè sentiant; ita & virtuosi benignè supportant aliorum defectus, scientes, quòd non omnes possunt æqualiter esse perfecti, & quasi parvulis & teneris in Christo graviora, quàm valeant portare, onera non imponunt, nec ab eis exigunt ea, quæ vires ipsorum excedunt. Hinc in Genesi: *Nosti quod parvulos habeam ac teneros, & oves & boves foetas mecum, quas si plùs in ambulando fecero laborare, morientur unà die cuncti greges.* Hoc est: Qui parvulos imperfectos, & aliquam bonam habentes voluntatem, quasi fœtus in utero, plus urget in exercitio Virtutis, quàm secundùm gratiam, quam acceperunt, etiam illud quod jam habent, supra vires agitando extinguir in eis; quod prævidens Paulus ait: *Facti sumus parvuli in medio vestrum, tanquam si nutrix foveat filios suos, quòd ita humiliter & piè blanditus sum vobis, condescendens vestræ teneritudini & imperfectioni.* Quò contra de duris, & non compassivis Pastoribus conqueritur Dominus dicens: *Quod infirmum fuit non consolidastis, & quod aegrotum non sanastis, & quod fractum non alligastis, & quod perierat non quaesistis: sed cum austeritate imperastis eis, & cum potentia, &c.* Et Bernardus: *Ut quid gravatis jugum vestrum, in cervicibus discipulorum, quorum vos potiùs jugum portare debetis? Ponite onera, producite ubera, pecora lactate, quiescant.* Etsi interdum te mod. paucis severitate opus sit, paterna sit, non tyrannica, juxta illud. *Porta mutatis eos in sinu tuo, sicut portat mulier infantulum suum, & defer in terram pro qua juravi, &c.*

Psal. 6.

Genes. 34.

Colos. 2.

Eccles. I.

Genes. 33.

1. Thes. 2.

Eccles. 34.

S. Bern. Sermon.

23. in Cant. an-

Num. II.

g. III.

§ III.

Tertia Ala Ecclesiastici Seraph. est *Patientia & constans Longanimitas*. Sicut enim tectum tabernaculi, ut interiora munda manerēt & nitida, excepti in se pulveres, & imbres, & ventorum impulsus; ita Superiores qui fideliter subditos suos defendunt à turbine peccati necesse est, sæpè diversarum excipere tempestates adversitatum; sicut gallina pro pullis se obicit miluo, ut eos defendat.

Tria verò sunt inter alia, in quibus patientia ei necessaria maxime videtur. Primò propter multiplices labores, & curas, & occupationes diversimodè emergentes. Cura enim continua urget eum, tam de spiritualis providentia disciplinæ, quàm de corporalis subsidii provisione. Unde & Apostoli non solum de spiritualibus, sed & de temporalibus fidelium necessitatibus, maxime pauperum, solliciti erant, juxta illud: *Jacobus, & Joannes, & Cephas dexteræ dederunt mihi, & Barnabæ societatis, ut nos in gentes, ipsi autem in circumcissionem, scilicet Evangelii prædicationem extenderent, tantum ut pauperum Christi memores essemus: quod etiam sollicitus fui, hoc ipsum facere, &c.* Dominus quoque turbas, quas verbo salutis pavit, etiam pane corporali in deserto se sustinentes, cum aliunde non haberent, refecit. Occupationes quoque variæ tam ex domesticis curis, quàm extraneis causis frequenter emergunt, quibus cogitur aliquatenus implicari, & quomodo se de illis expediat, anxari. Ex his etiam labores plurimi crescent discursuum, vigiliarum, tractatum, & aliarum fatigationum, pro quibus omnibus patientia ei necessaria est, ita, ut Moyses mitissimus & DEO familiarissimus propter hoc in plures onus gubernationis populi sit partitus, quasi non valens tot negotia sustinere, sicut scriptum est: *Non valeo solus vestra negotia sustinere, & pondus ac jurgia, date ex vobis viros sapientes & gnaros, & quorum conversatio probata sit in tribubus vestris, & ponam vobis eos principes, &c.*

Secundò est ei patientia necessaria, pro tardo profectu illorum, in quibus continuè fatigatur. Videt enim paucos eorum proficere; videt postea, quia per multos conatus suos, ea quæ multo labore in modico jam emendari ceperant, ex facili iterum dilabuntur,

buntur, & propter plures difficultates & obstacula profectum spiritualem impediunt, quasi in desperationem tendere fructum laboris sui; Sicut qui multa seminavit, & pauca conspicit oriri. Videt etiam quandoque, quæ personaliter jubet & ordinat, negligerenter impleri & servari; & sæpè sub specie boni latenter malum subintrare, ita quod non audeat aperte ut malum redarguere, cum bonum in superficie appareat, & tamen in fine per hoc majus bonum destruitur, & apertioribus malis aditus aperitur. V. g. ut multi salventur, plures, quam opportunè tenere possumus, recipimus. Sed ipsa tandem multiplicatio, erit paupertatis nostræ obfuscatio, dum plures pluribus velint gaudere, non carere: inde sequitur frequentior discursus pro acquirendo necessaria, exquiruntur viæ insolitæ in petendo, incautiùs agitur contra regulam; vel recipiendo: quies devotionis extinguuntur, mores religiosi in dissvetudinem vertuntur, consuecunt Fratres libenter evagari, & diversa carnis commoda foris venari; familiaritates, in regula prohibitas, contrahere, munera à confitentibus quærere, ædificationes animarum pro quæstu vendere, divitibus, adulari, areas dilatare, sumptuosa Palatia exaltare, scandala non curare, & DEI honor, qui ex nostra sancta conversatione, & aliorum exinde ædificatione provenire debuerat, agendo his contraria, concutatur. Idem est de præpropere promotione juvenum, & nondum probatorum ad Ordines, & Officia confessionis, prædicationis, & prælationis. Idem de pluribus quæ coram hominibus sunt alicujus apparentiæ, sed Religionis puritatem interiùs coram DEO obscurant: & rudes in Religione, qui interna non sapiunt, putantes in his exterioribus honestatibus, totam vim spiritualis conversationis constare, magno zelo eas defendunt, & de veris virtutibus, & spiritualibus non curant. Hæc & alia plurima videns spiritualis Prælatus, qui omnia in veritate dijudicat, tabescit, & uritur, & non valens corrigere pro desiderio, in virtute patientiæ mirabiliter exercetur, & dicit cum Propheta: *Tabescere me fecit zelus meus. Zelus domus tue comedit me, &c.*

Psal. 118.

Psal. 68.

Tertiò, necessaria est ei patientia, pro ingratitude illorum, pro quibus tantâ sollicitudine laborat, scilicet quod vix unquam eis satisfacit, quin semper conquerantur, quod aliter

Phil. I.

posset eis & melius facere, si vellet: quod sæpè perplexus est, an debeatur eorum importunitatibus cedere, & acquiescere in omnibus quæ cupiunt, vel rigidè tenere, quod credit esse magis expediens, juxta illud Pauli: *Quid eligam ignoro, coarctor enim, &c.* Item, quod invertunt ei plurima quæ facit, & interpretantur ad deterius, & super his visitant eum, & murmurant, & accusant, & detrahunt ei, & sumunt inde materiam scandali, unde putabat se DEO & ipsis obsequium præstitisse; ita, quod vix in aliquo potest inveniri remedium, in hoc quod ordinat aut quod facit, quin semper aliquibus displiceat & turbentur. Item, quod etiam in faciem quidam resistunt ei, vel literis arguunt eum, & despiciunt, & concitant alios, ut se ei opponant, vel astutè impediunt, ne possit perficere, quæ debet. His & aliis adversis quibus diversimodè impeditur, triplici patientiæ scuto studeat se opponere.

Primo, ut modeste & mature & benigne ad singula respondeat, & impetum fervoris reprimat, ne in voce, aut vultu, seu moribus impatientiam ostendat. Tunc enim magis proficit per patientiam, & tandem devincit, quos imperuosè agendo amplius provocaret. Impatientia enim Prælati alios scandalizat: Reddit subditis & aliis contemptibilem: Non audent ei subditi necessitatem suam aperire: Replet domum murmure & rancore: Teneros mente fugat, & pusillanimes facit: Nemo audet eum monere de his, quæ forent emendanda.

Secundo, studeat esse pacificus, ut nec vindicet se de illatis injuriis, nec in corde oderit illos, nec curam segniùs agat: nec quærat eos à se removere, imò lubentiùs teneat eos, ut per hoc & illos & alios ædificet benefaciendo ingratis, & ut per se Virtutis exercitium in eis habeat exemplo Summi Pastoris, qui ait: Eritis filii Altissimi, quia ipse benignus est super ingratos & malos. Cum enim sit propriè officium Pastoris docere virtutes, si vitiosos removet à se, quos docebit? Si medicus fugit ægros, quos curabit?

Tertio, si patiens non minùs sit voluntarius, & studiosus ad exequenda ea, quæ officii sui sollicitudo requirit, propter tedium laboris, vel tarditatem profectus, vel importunitates subditorum, vel alia gravamina; quia sic ad alta merita pervenitur juxta illud: *Vos ergo confortamini, & non dissolvantur manus vestre, erit enim*
merces

Vide Matt. 5.
vers. 25.

2. Par. 15.

merces operi vestro. *Et inferius:* Animare etiam debet Rectorem ad laboris tolerantiam, quod non minus meretur in illis, qui deficiunt, vel modicum proficiunt, quam in his qui maximè proficiunt. Non enim dicit Apostolus: *Unusquisque propriam mercedem accipiet secundum suum profectum, sed secundum suum laborem;* DEI enim est incrementum dare. Plus enim laborat doctor in indocili, quam in docili discipulo: & ideo apud justum aestimatorem laboris, plus meretur. In terra sterili & saxosa agricola plus laborat, & si fructus paucior, sed pretium majus. Et quæ difficilius elaborantur, sæpè carius venduntur.

§ IV.

Quarta Ala est, ut sit *Exemplaris in Vita*. Ipse namque ceteris debet esse norma vivendi, ut quæ docet verbis ostendat actionum figuris; nam dicitur in Actis: *Coequit JESUS facere, & docere.* Quamvis igitur non solum præfatis sed in omnibus virtutum exemplis debeat Rector præcedere subditos, specialiter in his tribus: scilicet in communis observantiæ conformitate, in mansuetudinis humilitate, & in maturitatis honestate. Unde Apostolus: *In omnibus te ipsum præbe exemplum bonorum operum, in doctrina, in integritate, in gravitate,* Communem vitam cum ceteris observet, in victu, vestitu, & labore, ut non vacet conviviis & potationibus, cum alii sobrio cibo & potu utantur; nec sit illis dissimilis habitu, cum quibus est ei professio communis. Nec à labore ceterorum se subtrahat, qui illos jubet in eisdem laboribus exerceri. Pastor si se à grege segregat, oves infidiis luporum exponit. Sanus sit sanis, & infirmus infirmis, velut alter Paulus, qui dicebat: *Factus sum infirmis infirmus,* scilicet exemplar, ut infirmos lucraret. *Omnibus omnia factus sum, ut omnes facerem salvos.* Nam si sanus debiliter vivat, facit eos exemplo suo carnales. Si vero infirmus recusat infirmorum remedia, facit eos pusillanimes: innuens, quod aut velit eos similiter facere, aut non cupiat eis; ut melius fiat illis. Alacrius certat miles in acie, si ducem suum secum cernit laborem certaminis tolerare. Unde in Actis dicitur: *In omni tempore, quo intravit & exivit, inter nos Dominus JESUS, incipiens à baptismo Joannis, usque ad diem quâ assumptus est à nobis.* &c. hoc est à primo tempore, quo cepit habere discipulos post bapti-

1. Cor. 3.

Act. 1.

Tit. 2.

1. Cor. 2.

Act. 1.

baptismum, usquequo ascendit ad Patrem semper exemplo suo erudit nos, intrans, familiariter cum discipulis vivendo; & exiens, utiliter cum turbis, prout congruebat, conversando.

Sit etiam humilis moribus, ut mores ejus ostendant eum, non alta de se sentire, nec affectare prælationem, sed timere & contactum tenere, & magis desiderare subesse, & eos quibus præest, meliores se judicare, & eorum potius se Servum, quam magistrum vel dominum reputare. *Qui major est in vobis fiat sicut minor: & qui præcessor est sicut ministrator*, ait Dominus. *Ego autem in medio vestrum sum, sicut qui ministrat, &c.* Unde in Ecclesiastico dicitur: *Rectorem te posuerunt, &c.*

Luc. 22.

Eccles. 23.

Sit etiam humilis affabilitate, ut subditi facilem accessum ad eum habeant, & fiducialiter ei loqui, de quibus indigent, audeant, & patienter eos audiat, & benignè eis satisfaciat, & studiosè instruat, & alacriter exhortetur: studeat magis amari, quam timeri; quia lubentius obedietur ei qui diligitur, quam qui timetur. Obedientia dilectionis propriæ est voluntaria, timoris autem magis est coacta. Quanto ergo illa habet de voluntario, tantò sublimior est in merito; finis autem officii regiminis est commissos sibi ad vitam æternam dirigere, & ad similia Virtutum merita fideliter promovere.

Sit etiam humilis in usu rerum temporalium, ut nihil habeat pomposum vel diligit, sed omnia quæ habere videtur, paupertatem voluntariam demonstrent, & humilitatem ostendant, scilicet vestes, libri, cella, lectulus, utensilia, mensa, pallia, & hujusmodi, ut nihil in omnibus appareat, quod notam jactantiæ vel curiositatis habeat, nec talia fieri ab aliis patiatur. Similia etenim similibus congaudent, alta sublimibus, humilia humilibus delectando. Non est autem humilis cordis indicium curiosa quærere, pretiosa affectare, & excelsa ambire. Nam scriptum est: *Omne sublime videt, ipse est Rex super universos filios superbie.*

Job. 41.

Maturitatis honestas perpenditur in tribus, scilicet, si non sit levis in moribus videlicet in verbis, & joci scurrilibus, & irreligiosis: quæ licet in se quandoque quasi grata putentur, minus tamen reverendum faciunt, & verendum. Gregorius enim dicit: *in Ezech. ante Non facile ejus prædicatio recipitur, si levis in moribus videtur.* Nam
erhi

Greg. homil.
in Ezech. ante
med.

et si Prælati magis diligendus sit, expedit tamen, ut ab insolentibus timeatur. Ipse amor aliquomodo fravior sentitur cum reverentia mixtus. Quod patet in amore summi Conditoris; cuius quod Majestas sublimior agnoscitur, dignationis dulcedo sapidiùs amatur, sicut dicit Propheta: *Dulcis & rectus Dominus, propter hoc legem dabit, &c.*

Psal. 24.

Item, si non sit levis in affectu per privatos amores notabiles, tam ad foeminas, quam ad quaslibet leves personas. Licet enim meliores in affectu præferendi sint minoribus, & omnes propter spem salutis in Christo amplectendi sint; in actu tamen exterioris exhibitionis taliter se gerat ad omnes, ut nullus se ab eo contemni propter alios suspicetur, sed quilibet se ab eo diligere præsumat, & fiducialiter ei quasi singulari amico confidat: ne alicui indignatio & invidia in aliis nutriatur, sicut Fratres Joseph qui oderunt eum, pro eo quod à Patre singulariùs amaretur, ut dicitur in Genesi.

Genes. 37.

Item, si non est levis in proposito, & inconstans in consilio, ut quod jam placet mox displiceat, modò velit unum, modò contrarium; ubi rationabilis causa non apparet. Quis enim ejus judicio credat, vel ejus voluntati se contemperet, quem in neutro stabilem agnoscat? Ideo ejus subiecti non possunt ejus revereri prudentiam, nec sciunt se parare ad voluntatis ejus obedientiam, & in utroque non potest non esse modicum nocumentum. Propterea Paulus dicit: *Omnia probate, quod bonum est tenete, & facite, sine hæsitacione, & retractacionibus, quæcunque facitis. Ubi tamen causa rationabilis subest justæ necessitatis, vel piæ utilitatis, ut aliter & aliter aliquid fieri expediat, non est hoc levitatis, sed maturitatis: quia sicut stultum esset melius mutare in deterius; sic etiam stolidi est obstinatio, tam pertinaciter inhærere conceptis, ut pro majori bono, & aperto, ab eis flecti non possit, juxta illud: Nec putetis, si diversa jubeamus, ex animi nostri venire levitate, sed pro qualitate & necessitate temporum, ut reipublice possit utilitas ferre sententiam.* Unde & Apostolus excusat se: cum promiserit Corinthiis se venturum, quod non levitate hoc promiserit, sed pro eorum utilitate, cum dicit: *Volui priùs venire ad vos, &c.* Et in Ecclesiastico: *Secundum judicem populi, sic & ministri ejus; & qualis rector est civitatis, tales & inhabitantes in ea.*

Genes. 37.

1. Thes. 5.

Eph. 16.

2. Cor. 1.

Eccl. 10.

Boni magistri bonos discipulos facere consueverunt, ut frequentius multi fierent meliores in Religionibus & in Ecclesia, si melioris vitæ eis exempla à suis authoribus proponerentur. Negligentia verò hujusmodi ab illis, qui culpabiles sunt, districte in judicio requiretur. Nam Dominus dicit: *Ecce ego ipse super pastores, & requiram gregem meum de manu eorum.* Doctrina verborum sine exemplis operum, est sicut camentum sine calce aridum & invalidum. *Ipsi linebant parietem absq; temperamento, dic eis, quod casurus sit.* De correctis exemplaribus, correctæ scribuntur volumina, de corruptis corrupta. Tenacius inhaeret doctrina operum, quam verborum. Nam cujus vita despicitur, restat ut ejus prædicatio contemnatur. Rector enim præcipue ad hoc studere debet, ut sibi commissos faciat Christiformes, id est, ut formam vitæ ad doctrinam Christi eis imprimat, ut non solum mentem eum attendant, sed & moribus imitentur. Unde Apostolus ad Ephesios dicit: *Estote imitatores DEI sicut filii, &c.* Et ad Galatas: *Filioli mei: quos iterum parturio, donec Christus formetur in vobis.* Sed cum ex verborum doctrina minus capiant de doctrina Christi, debent etiam formam ejus visibilem in seipsis ostendere, ut eis profundius imprimatur, dicentes cum Apostolo: *Imitatores mei estote, sicut & ego Christi;* quasi dicat: Si formam Christi desideratis ad imitandum agnoscere, in meis hanc moribus considerate. Et ad Galatas: *Vivo autem jam non ego, vivit verò in me Christus.* Vicarius enim Christi, vicem Christi debet gerere, in beneplaciti ejus promotione, in potestatis ejus autoritate, & in similitudinis ejus repræsentatione; Scilicet ut ea quæ vult, promoveat in subditis, ejus autoritate illa possit quæ eis expediunt, & eum se imitabilem illis moribus, & vitâ demonstret, idem dicente Apostolo alibi: *Non enim nosmetipsos prædicamus, sed JESUM CHRISTUM Dominum nostrum, nos autem Servos vestros per JESUM.* Ille verò seipsum & non Christum prædicat, qui gloriam propriam quærit dicendo, & qui malis exemplis, se potius quam Christum ingerit subditis imitandum. Nam dicit Apostolus: *Emulantur vos non bene, sed excludere vos volunt, ut illos æmulemini, hoc est non bono zelo præsumunt vobis, qui per sua prava exempla excludunt vos ab imitatione Christi, ut mores eorum discatis & exempla sequamini.*

§ V.

Quinta Ala Ecclesiastici Seraph. est *Circumspecta discretio, & provida faciendorum consideratio.* Hinc Salomon-
pratermissis omnibus petivit Sapientiam, sine qua asse-
ruit non posse populum bene regi. Rector enim est
dux gregis sibi commissi, & si ipse erraverit, grex in dispersi-
one confusus, interibit.

3. Reg. 3.

Duplex Circumspectio Rectori est necessaria, ut sciat quid
agendum sit, & qualiter. Nam nec bonum simpliciter bonum
est, nisi benefiat, id est sicut decet. Bernardus; Tolle discretio-
nem, & virtus vitium erit. Sine ipsa zelus præcipitat: Item, com-
passio condescendit usquequaque sub specie pietatis, sicut dici-
tur in Proverbiis. *Qui parcat Virge odit filium*, hoc est qui sub spe-
cie pietatis peccantem non corrigit, animam ejus ad interitum
mittit. Item, patientia sine discretionem remissum in regiminis
vigore facit, cum sub specie humilitatis rebelles non reprimat.
Item, sine discretionem quaecunque bonum exemplum inefficax
fit ad ædificandum alios; sicut bonus cibus non est delectabilis
sine condimento salis. Bona facere non sufficit nisi discretè,
qualiter, quando, ubi, quare agendum fuerit, videatur.

S. Bern. super
Cant. serm. 49.

Proverb. 13.

Quamvis plurima sint, circa quæ oportet Rectorem esse
circumspectum, tamen quatuor videntur præcipua. Primum
est, quomodo in statu debito commissos sibi gubernet, ut boni Sui
proficiant & persistant. Secundum, quomodo lapsos & devios
corrigit, & emendet. Tertium, exteriora negotia, quæ requi-
runtur adeo congruè disponat. Quartum, quomodo se in his
custodiat & gerat. *Hæc antequam explicet S. Bona Ventura præmittit
dicens.* Ad statum debitum tenendum convenit, ut Rector omni-
um subditorum mores, conscientias, & vires perspicuè agnoscat,
ut secundum quod unicuique expedit, onus observantiæ regula-
ris imponat. Non enim omnes omnia possunt æqualiter, & unus-
quisque proprium habet donum ex DEO, alius sic, alius verò sic.

Quoad primum igitur nempe quomodo in statu debito com-
missos sibi gubernet, sic prosequitur S. Doctor: Prima inquit ob-
servantia consistit in illis, quæ sunt juxta cujusque professionis for-
nam

mam de necessitate salutis: quæ ita annexa sunt Ordini & Regulæ, ut eorum transgressio temeraria inducat mortale peccatum; ut est obedientia præcepti, voluntaria paupertas, castitas, & alia præceptorie imperata, in quibus locum non habet dispensatio Magistri, cum & ipse sit ad ea servanda ligatus. Hæc necesse est Prælatus vigilanter agnoscere, quia tenetur ea facere, ab omnibus studiosè servari, & nolentes cogere ad servandum, & pro nulla causa permittere, quantum in se fuerit, aliquem contraire, etiamsi magna propter hoc sibi & Fratribus tribulatio seu dispendium immineret.

Secunda versatur circa illa, quæ spectant exercitium altioris perfectionis, scilicet singularis patientiæ, admirandæ humilitatis, stupendæ charitatis, arduæ sobrietatis, eximiæ paupertatis, & sublimis devotionis, & similium virtutum; ad quas debet Rector commissos, exhortationibus, monitis, & exemplis efficacibus afficere, & attrahere magis, quam invitos cogere. Consilia enim perfectionis svadentur, non imperantur: præter ea, quæ in Voti emissionem exprimuntur, ut continentia. Præcipua tamen causa Monastica institutionis fuit, ut esset schola palæstralis exercitii perfectionis.

Tertia consistit in illis, quæ nec sunt de pura necessitate salutis, nec de eminentia perfectionis, sed tamen ad utriusque acquisitionem, & conservationem à sanctis Patribus aptè statuta sunt, ad exercitium bonorum operum & decorem ipsius Religionis, & ad ædificationem intuentium; ut sunt jejunia, silentium, solennitas divinatorum officiorum, & exteriores corporalium exercitationum honestates, quæ juxta Apostolum tam utiles sunt, sicut instrumenta pro artificibus, quæ possent & aliter peragi à peritis, cum prius fuerint artes quam talia instrumenta. Unde discretus Prælatus, cum necessitas exigit, vel major utilitas requirit, dispensat in causa pro talibus pro loco, & tempore, sine difficultate, cum viderit expedire. Ubi autem major utilitas, vel necessitas non exigit, studiosè faciat ea servare. In hoc indiget Prælatus non modicâ discretionem, ut sciat inter rigorem & remissionem medium tenere. Si autem nimis fuerit rigidus, & ipse minùs erit dilectus Fratribus, & illi minùs erunt voluntarii

1. Tim. 4.

ad alia quæ utiliora, & necessaria forent. Rursum, si fuerit plus quam convenit remissus in talibus, citò major dissolutio subsequetur. *Qui spernit modica, paulatim decidet*, ait Sapiens.

Quoad secundum, nimirum circa lapsorum correptionem discretio Prælati similiter vigere debet. Tria sunt genera delinquentium. Quidam enim cum deliquerunt, mox aut intus moti à Spiritu, aut foris correpti ab homine, ad poenitentiae remedium confugiunt. His cum clementiae fomentis medicus spiritualis remedia satisfactionis, sic temperata debet adhibere, quibus & satisfaciant DEO de offensis, & proximo de scandalo, ut ceteri peccare magis timeant, & tamen propter levitatem remedii ipsos non poeniteat se poenitentiae submisisse, nam dicit Paulus: *Si pre-occupatus fuerit homo in aliquo delicto, vos qui spirituales estis, subaudi medici, huiusmodi instruite in spiritu lenitatis, considerans temetipsum, &c.* id est, talem ei satisfactionem imponite, per quam cognoscat pondus reatus sui, ita tamen clementer, sicut tibi met velles alium compati, si tali peccato delinqueres. Alii cum delinquant, tegunt, palliant, defendunt, & virus interius latet. Et licet Rector ex certis indiciis deprehendat ibi sanien putridam esse collectam, tamen non ita erumpet exterius, nec per evidens testimonium, nec per voluntariam confessionem, quod possit opportunè ferro apertæ correctionis secare. Si corripit non proficit, & videtur magis vitiorum diffamator, quam vitiosorum corrector: sed movetur & dissimulat, uritur & anxiatur tam pro anima Fratris quam pro se, quia non corrigit delinquentem. Cum ergo aliud congruè facere non possit, oportet, dissimulet, patientiam suam exerceat: & quod arguendo non valet, orando laboret obtinere, ut aut DEUS citius demum corrigat, aut latentem ejus malitiam detegat, ut aliquod remedium apponatur. Sicut Dominus Judam proditorum diu tacitè toleravit, quod eum apertè non corripuit, donec in tantum ejus iniquitas crevit, quod per se patenter erupit. Quæ quamdiu latuit, licet in se lethali ter ægrotaret, tamen aliis non nocuit, & ideo irreprehensibiliter potuit tacitè tolerari. Nam dicit Domini in Matthæo: *Sinite utraq; crescere usq; ad messem*, id est zizania cum tritico. Et in Apocalypsi dicitur: *Qui in sordibus est, sordescat adhuc.* Debet tamen talibus, ubi potest, cautè cavere ab

Eccles. 19.

Gal. 6.

Matth. 13.

Apoc. ult.

Matth. 26.

Isa. 57.

Isa. 57.

Galat. 5.

1. Cor. 5.

2. Cor. 7.

Luc. 13.

Matth. 3.

Numer. 5.

Eccles. 32.

Matth. 18.

occasione peccandi; & in communi moneri debent, ut resipiscant, juxta illud: *Ve! homini illi, per quem Filius hominis tradetur.* Sed cum ad tam singulare facinus non potuisset Judas subito proruisse, nisi diu paulatim in deterius semper prolapsus, apparet eum à Domino in malo statu diu occultè toleratum. *Ego tacens, & quasi non vident.* Talis ergo dissimulatio in corde Rectoris multà discretione indiget, ut in neutro deviet à justo. Tertiū offendunt graviter apertè & non recipiunt debitam correctionem, vel fictè recipiunt, quia non emendantur, & alii ex eis fiunt deteriores: vel scandalizantur de ipsis; vel imitari eos incipiunt, si vident eos impune peccare, volentes sibi parci, sicut illis parciunt. Ubiq̃ue ergo quatuor illa conveniunt, scilicet graviter, apertè, peccare, & non esse spem correctionis propter obstinationem, seu inveteratam mali consuetudinem, & alios infici per ejus exemplum, vel scandalizari: quia talia tolerantur; quid restat, nisi ut ovis morbidè abjiciatur, & membrum putridum præcidatur, ne sana inde inficiantur, & corrumpantur? Unde dicit Apostolus: *Utinàm & absceindantur, qui vos conturbant.* Et ad Corinthios: *Auferte malum ex vobismetipsis. Quodsi infidelis discedit, discedat.* Et Lucas dicit: *Succide ergo illam, scilicet, ficum infructuosam, ut quid etiam terram occupat?* Ex Matthæus: *Omnis arbor quæ non fert fructum bonum, excidetur.* Et in Numeris: *Præcipe filiis Israel, ut ejiciant de castris omnem leprosum, & qui semine fluit, pollutusq̃ est super mortuo, ne contaminent ea, cum habitaverint vobiscum, &c.* Ad ista tamen non debent impetu ferri, sed maturo consilio prudentum, & Spiritum DEI & donum consilii habentium: *Omnia cum consilio fac, & post factum non poenitebis.* Et in Matthæo: *Qui scandalizaverit unum ex pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris:* hoc est, cujus vita in habitu Religionis magis scandalizat simplices, quàm ædificat, expedit, ut foris missus, solus damnetur, quàm per eum sacra Religio contaminetur.

Quoad Tertium, nimirum Negotia, quæ per Prælatum sunt disponenda, quorum alia expedit, ut aliis disponenda committat, alia per seipsum disponat, alia præcidat, & removeat, quantum valet. Sic CHRISTUS commisit alia Discipulis procuranda, ut

ut Judæ loculos, sibi retinuit prædicationis & curationis officium, ut patet in Luca. Requisitus enim ut inter Fratres quosdam hæreditatem divideret, respondit: *Homo, quis me constituit judicem aut divisorem inter vos?* Exteriora & temporalia corporalis necessitatis officia, si per seipsum voluerit actu disponere, impeditur ab interiorum & meliorum provisione, quia sparsus ex se mentis oculus minus videt interiora & necessaria salutis. Unde in Exodo dicitur: *Esto tu populo in his quæ sunt ad DEUM, & levius feres partem in alios onere, scilicet leviorum.* Et in Actis: *Non est æquum nos relinquere verbum DEI, & ministrare mensis, &c.* Si alios non haberet, quibus curam exteriorum committeret, potius deberet ab alio fraudem in temporalibus pati; quam ipse Prælatus in talibus occuparetur, exemplo Christi, qui sciens Judam esse furem, tamen permisit eum exteriora procurare, juxta illud: *Fur erat, & loculos habebat, & ea quæ mittebantur portabat.* Hoc est contra illos, qui facilius inveniunt, quibus curam animarum committant, quam rerum suarum temporalium: cum incomparabiliter majus sit dispendium periclitari animas, quam res perire. Spiritualia verò & quæ ad salutem necessaria sunt, & profectum virtutum, principaliter debet animarum custos & Rector sibi curanda retinere, cum hæc sint de substantia officii pastoralis, & de his maximè sit in judicio rationem Domino redditurus. Hæc sunt, qualiter regula studiosè servetur, & alia statuta, & ordinis disciplina. Item, quòd pax & dilectio sit inter Fratres. Item, ad ipsum pertinet conscientias singulorum agnoscere, de quibuslibet perplexitatibus expedire, pericula peccatorum prævidere & præcavere, monere Fratres ut proficiant, corrigere corrigenda, elucidare dubia, informare singulos, qualiter officia sibi commissæ congruè administrent, quo & Fratribus, prout convenit sufficiant, & conscientiam non offendant. Ubi verò non potest hominibus satisfieri, nisi cum offensa DEI, ibi servetur ad DEUM obedientia, & ad homines patientia, & dicamus cum Petro: *Obedire oportet DEO magis, quam hominibus.*

Prælatus gerit vicem capitis in corpore fraternitatis, ut cum alia membra debita sunt actionibus sibi competentibus, caput omnibus præsidendo provideat, quasi omnium sensuum capax,

Luc. 12.

Exod. 18.

Act. 6.

Joan. 12.

Act. 5.

Hebr. 13.

capax, & omnia regens & sensum & motum omnibus transmittens per iussiones vel concessionem sanctæ obedientiæ, quasi quorundam compaginatione nervorum: unde & caput singulari actione non occupatur, ut vacet omnium membrorum provisióni. Omnibus enim proficit, pro omnibus audit, odorat, gustat, & loquitur. Sic & Prælatus sibi commissis. *Ipsi enim pervigilant, quasi rationem pro animabus reddituri*: ait Apostolus.

Eccl. II.

Superflua verò & non necessaria salutis, vel profectui animarum negotia, expedit præcidere, & tam à se quàm à Fratribus quantum opportunè poterit, remove. Cum enim propter temporis brevitatem, & dei malitiam, vix necessariis sufficimus disponendis, si supervacuis vel alienis volumus occupari negotiis, negligimus utiliora & meliora, cum distractus animus ad plura, fit minor ad singula providè peragenda. Inde fit aliquoties, cum Prælati & Religiosi nimis se exterioribus occupationibus implicent, ædificiorum, librorum, causarum, & aliorum, quibus fructuosius carerent, ut non solum meliora interim negligant, sed etiam conscientiam sapius inquinant, & ex usu exteriorum tenebescat oculus mentis ad contemplationem spiritualium & interiorum, & tepescat ad desiderium supernorum. Sicut enim humores noxii affluunt, ubi fuerit in corpore læsio, nisi cautè removeantur, ne fiat ibi tumor vel ulcus; ita & negotia crescunt ad internectionem spiritus, qui se eis acquieverit occupari. Ideo discretio Prælati debet providè prospicere, quid ex quolibet eventu possit consequi, & quæ negotia admittere, vel quantum expediat ea exequi, circumspicere rimari. Ait enim Sapiens: *Fili, ne in multis sint actus tui.* Qui sarcinam satis gravem portat imprudens est, si adhuc onera plura sibi portanda imponit, quibus potest opportunè carere.

Matth. 26.

2. Joan.

Quod concernit Quartum, nempe quomodo se custodire & gerere debeat. S. Doctor dicit: Super omnia verò debet semper ipsum Rector circumspicere, ne aliis providens seipsum negligat: ne alios salvans, seipsum in periculum demergat. *Quid enim prodest homini, si mundum universum lucretur, animæ verò suæ detrimentum patiatur?* Et Joannes: *Videte vosmetipsos, ne perdatis quæ operati estis, supple, in aliis: sed ut mercedem plenam suscipiatis.*

Una circumspectio sui versatur circa conscientiae serenitatem, ut illa semper secunda sit, & munda. Secunda sit, ut nihil velit, agat, jubeat, vel permittat illicitum & indecens, professionique suae contrarium, in quo peccatum seu scandalum deprehendatur. Munda, & de bonis quae fecit, vel promovet, gloriam ab hominibus non capiet, nec sibi in se exinde immoderate placeat, solius DEI beneplacitum in omnibus quaerens, ut quae pro eo facit, id est vice DEI, etiam pure faciat propter eum & ipsius amorem. *Si oculus tuus simplex fuerit, totum corpus tuum lucidum erit*: hoc est, si intuitus intentionis purus fuerit charitate, totum corpus bonae operationis dignum erit praemio lucis aeternae. *Si autem nequam fuerit, &c.* Scrutetur ergo conscientiam suam sollicitè dijudicans quid egerit, quid omiserit de agendis, & quo fine bona fecerit, & de malis doleat, & confiteatur, & corrigit, & caveat: de bonis verò non in se, sed in Domino gloriatur cum Apostolo; qui ait: *Si nosmetipsos dijudicemus, non utique judicemur.* Qui pulverem ab aliis detergit, vix potest transire, nisi & ipse pulvere respergatur, quem etiam in se detergere necesse habet, juxta illud: *Medice cura te ipsum.* De bonis verò quae facit sic letetur, ut inde non extollatur, aestimans quòd non propter se, sed propter alios, quibus praestit, DEUS dederit ei bene facere, vel dicere, vel sentire.

Alia circumspectio sui versatur circa exteriores mores & verba, quibus oportet eum aliis magis quam sibi in se deservire. Qui enim pluribus cogitur vivere ad exemplum, & satisfacere singulis & omnibus placere, multà indiget discretionem, ut medium valeat tenere, ne sit nimis tristis vel hilaris, nimis severus vel lenis, nimis socialis vel alienus, nimis tacitus vel verborum, nimis dure loquens vel blandè, nimis rigidus vel remissus, nimis saepe cum hospitibus vel raro, nimis lautè reficiens vel tenuiter, nimis facta Fratrum observans vel dissimulans, nimis fovens aliquos vel aliorum parvipendens, & similia. Cum ergo non possit semper rectè, quod de omnibus placeat; minus tamen deviat, si ad lenitatis partem plus declinat, per quam redditur subditis magis amabilis, ob quam libentius obtemperant, & audacius ad eum recurrunt, in quibus indigent, & alacrius imitantur. Ipsa enim potestatis auctoritas facit eum satis timendum subditis, & si huic jun-

Matth. 6.

I. Cor. II.

Luc. 4.

Ezech. 34.

Eccles. 4.

gitur austeritatis severitas, pavidis fit mentibus onerosa. Vos autem cum austeritate imperabatis eis, & cum potentia, & disperse sunt oves mee, dicit Dominus. Et in Ecclesiastico: Noli esse quasi Leo in domo tua, subvertens domesticos tuos. Hinc est, quod ipse summus Princeps pastorum Dominus JESUS tantam nobis benignitatis charitatem exhibuit, ut se nobis faceret amabilem, & ita imitabilem, ut per amorem suae Humanitatis, traheret ad amorem & cognitionem suae Divinitatis, ut dum visibiliter DEUM cognoscimus, per hunc in invisibilem amorem rapiamur. Sic & Vicarius Christi, Prælatus, ad hoc maximè studeat à subditis diligi, ut sic facilius trahat eos ad amorem Christi. In omni tamen dubio semper magis inclinet se ad illud, quod secundum veritatis iudicium virtuti charitatis, & humilitatis, & professæ puritati magis consonat, & Evangelicæ perfectioni.

Ultimò etiam ipsa discretio, quæ cætera omnia dijudicat, circumspiciat seipsam, ne ei contingat ut oculo corporis, qui cum alia videat, non videt seipsum: videlicet ne plùs sapiat, quàm oportet sapere, ne sibi plùs credat quàm expedit, ne sit sapiens in o-

Greg. in sen- culis suis, quia teste Beato Gregorio: Sicut subditorum tentatio est, su lib. 26. Mor. reprehendere in Prælati, quòd in multis non rectè agant; ita Prælatorum cap. 14. cir. fin. tentatio est, quòd de cæteris sapientiores se estimant. Unde dicitur: Proverb. 26. Vidisti hominem sapientem sibi videri, magis illo spem habebit stultus. Stultus enim sibimet non confidens, quærit consilium à sapientibus, ne decipiatur: Ille autem dum de se plùs quàm debet præsumit, etiam ubi errat, rectè se plerumque sentire deceptus putat. Inter omnes autem tentationes videtur ista periculosior cuique Christiano, scilicet, proprio sensui nimis inniti. Cum enim nemo reperiatur ita perspicacis intelligentiæ, quin possit in aliquibus falli, qui hoc totum & solum reputat justum quod ipse senserit, astuto ad-

Psal. 9.

versario ad varias seductiones sub specie boni liberum aditum pandit. Ait enim Psalmista: Sedet in insidiis cum divitibus in oculis, ut interpiat innocentem. Ibi enim libentiùs insidiatur, ubi majores meritorum divitias cernit inquiri, ut ibi innocentem inquirat & occidat, ubi DEO magis obsequium præstari sperabat. Unde cautum est semper Rectori, consilia libenter audire, & humiliter querere. Et in hoc triplex utilitas consistit. Primò, si alii idem

idem sentiunt quod & ipse, securior est quod non decipiatur. Secundo, quidquid fecerit cum prudentium consilio, si aliquid inde evenierit contrarii, minus ei poterit imputari, quam si de suo tantum sensu id fecisset. Tertio, quod sæpe in merito humilitatis talis, DEUS dat ei agnoscere per se vel alium, quod ante non intellexit. Hinc Moyses, cui DEUS facie ad faciem loquebatur, consilium Jethro socii sui gratum habuit & servavit. Hinc Apostolus Paulus Spiritu Sancto repletus, Evangelium quod per revelationem JESU CHRISTI didicerat, ipsius instinctu ascendens Hierusalē, cum Petro, & Joanne, & Jacobo Co-Apostolis suis contulit, ut esset securior in prædicando, cum ab eis non discordaret: & exemplum per hoc daret fidelibus Prælati consilium requirendi. *Omnia cum consilio fac, & post factum non poenitebis*, ait scriptura. Aliqui verò cum ad officium regiminis assurgunt, ita se continuo repletos Spiritu scientiæ reputant, ut omnia antecessorum suorum facta stulta judicent & perversa: alii verò è contrario cum ab eodem absolvuntur officio, quæcunq; successores eorum faciunt, simili modo condemnant, non attendentes, quod sicut ipsi aliorum facta deprimunt, ita eorum facta alii possunt despiciere, hinc dicit Isaias: *Vae! qui spernis, nonne & ipse sperneris?* Nullorum enim facta tam studiosè solent ab aliis observando notari sicut illorum, qui aliorum facta severè dijudicant, si fortè in quo ipsi alios arguunt reprehensibiles, reprehendantur.

Sunt enim duo genera hominum, quorum consilia prudens Rector non facile debet recipere, scilicet adulatores, & detractores. Primi istorum seducunt eum, ut magis de se quam expedit, præsumat: juxta illud: *Qui beatum te dicunt, ipse te decipiunt*, & viam gressuum tuorum dissipant, ne de te vera sentias humilitate propriæ cognitionis. Secundi inducunt eum, ut pejus, quam habet, de aliis suspicando, sentiat, & sæpe innocentes condemnet, & priusquam veritatem rei plenè cognoscat, dicente Scriptura: *Aures Principum simplices, & ex sui natura aliud æstimantes, callidâ fraude decipiuntur; & malis quorundam suggestionibus Regum studia depravantur; ut eos qui credita sibi officia diligenter observant, & ita cuncta agunt, ut omni laude sint digni, mendaciorum cuniculis conentur subvertere, &c.* Cum autem tribus de causis soleat requiri con-

Exod. 18.

Gal. 2.

Eccle. 32.

Isa. 33.

Isa. 3.

Esth. 16.

filium, scilicet propter emendationem, ut discatur, de quo dubitatur; propter authoritatem, ut magis habeat vigoris, quod per tales consultum fuerit; & propter pacem, ne habeant aliqui occasionem murmurandi: propter primam causam, consulendi sunt prudentiores; propter secundam nominatiores; & propter tertiam omnes, ad quos negotium pertinere videtur. Sed quia singularia sine numero sunt, in quibus discretio est necessaria, non potest dari certa & communis regula, quæ valeat pro omnibus.

§ VI.

Sexta & ultima Ala est, sine qua reliquæ perfici non valent, maximè est necessaria, nimirum *Devotio ad DEUM*, per quam zelus iustitiæ accenditur, pietas compassionis infunditur, patientia roboratur, exemplum bonum conditur, discretio clarificatur. Hæc est Unctio Spiritus, docens de omnibus, quæ expediunt saluti. Unde dicit Joannes: Vos unctionem habetis à Spiritu Sancto, & nostis omnia, & non necesse habetis, ut aliquis vos doceat: sed sicut unctio ejus docet vos de omnibus. Et infra Seraphicus

2. Joan. 2.

Doctor post enumeratos mirabiles devorionis effectus (de quibus

Vide de Generatione Spiritus Sancti

alibi) ait: Præcipuè Rector animarum studiosus esse debet eam id est devotionem habere, per quam semper informetur quid faciat, adjuvetur ut possit, conservetur, ne deviet. Non enim solum pro

Psal. 126.

se orare necesse habet, sed etiam pro illis qui sibi commissi sunt, quos non sufficit sine Divino auxilio custodire. Nam, *Nisi Dominus custodierit civitatem, &c.* Est enim Prælatus mediator inter DEUM & Subditos, ut sicut negotium DEI gerit apud illos, docendo, corrigendo, sursum agendo; ita etiam negotia eorum studeat apud DEUM fideliter promovere, placando, gratiam impetrando, & conservando à malo. Unde & scriptum est: *Ego sequester & medius fui inter DEUM & vos.*

Deut. 5.

Alia autem devotio communis, alia specialis, alia assidua: communis in Divinis officiis, specialis in orationibus, assidua in omnibus agendis. Quod concernit Communem devotionem vide infra suo loco. Quod verò Specialem devotionem in oratione id est mentali & vocali attinet: Si Prælatus præpeditur variis curarum distractionibus, speciali devotione sapius intendere: saltè interdum, cum opportunè valet; quasi furtim & raptim ad orationis studium

1. 2. tra. 2. c. 6. sect. 5. subf. 1. § 1.

diū se conferat, ne omnino refrigescat, ne in desuetudinem orandi veniat, ne à DEO alienus efficiatur, ne gratia Divinæ propitiationis ei quasi insensibiliter subtrahatur. Unde Moyses cum per populi negotia exterius vexaretur, crebrò in tabernaculum fœderis ad Dominum recurrit, familiare ipsius colloquium ibi expetens, quo intrinsecus in Spiritu reficeretur. Dominus quoq; diebus prædicans turbis, noctibus in orationibus solus pernoctavit. Et licet parva detur mora Prælato orandi, tamen quia pro aliis debet ex officio orare, datur ei quandoque propter alios copiosior orandi gratia; ut quibus prodest agendo, possit etiam orando prodesse, tantum non negligat quærere, nec abiciat cum offertur, ne ex merito ingritudinis ab eo gratia elongetur.

Quod Assiduam devotionem spectat: hæc semper debet Prælato adesse, sicut & quibuslibet proficere volentibus in religionis virtute. Et ipsa triplex est: Una est jugis memoria DEI ante oculos cordis. Alia est continuum studium DEO placendi in omni actione vel locutione. Tertia est omnia agenda oratione saltem mentali prævenire, ad omnes eventus oratione se præmunire, & omnia beneficia gratiarum actione prosequi ac laude Divinâ. Et in omnibus agendis semper plus orationi fidat, quàm propriæ industriæ vel labori.

His igitur & aliis pennis Ecclesiasticus Seraph id est Prælatus Spiritualis, Domino sedenti super solium excelsum & elevatum, ornatus assistat: quarum primas duas super caput elevert, mediis duabus corpus & pedes contegat, ultimis duabus in latum & altum volet: ut zelum ejus non humanæ laudis fervor deprimat, nec compassionem ejus carnalis inclinet affectus, sed sursum recta intentio sustollat, & fraternæ charitatis pietas in altum erigat, propter retributionem supernam, juxta illud Psalmistæ: *Inclinavi cor meum ad faciendas, &c.* Patientia verò, & vita exemplaris contegant eum à perturbationum jaculis, & à nuditate inopiæ meritorum, quibus quasi armis defendatur, & quasi sacris vestibus adornetur. Unde ait Isaias: *Induere fortitudine tuâ Sion, induere vestimentis gloriæ tuæ.* Circumspectione verò ubique circumvolet, videndo quid, & qualiter sit agendum; & devotionis studio, quæ

Psal. 138.

Isa. 52.

Gg 3

sursum

furfum sunt, quærat, ubi *Christus est in dextera DEI sedens sublimi*
volatu ad ipsum accedens. Hactenus S. Bonaventura.

SUBSECTIO VI.

De Causalitate morali Magistri Spiritualis in Actus
 Salutares Discipulorum Divinæ Sapientiæ.

Magister Spiritualis Quis, Qualis, Quæ ejus necessitas &
 utilitas, & Quomodo suo officio fungi debeat, patebit
 sequentibus.

§ I.

Quod concèrnit primum punctum: Magister Spiritualis
 videtur expedire *Primò*, ne sit Superior (loquor autem,
 spectatâ calamitate præsentis temporis in paucitate di-
 gnorum Superiorum) Tum quia plerumque Superiores
 graviter distrahuntur ad Marthæ officia in cura, providentia, con-
 servatione rerum temporalium suæ Congregationis; munus verò
 Magistri Spiritualis totum sibi vendicat hominem: Tum quia Su-
 periorum est errores, abusus, culpas delinquentium privatim &
 publicè arguere, punire; quod facile in imperfectioribus Sub-
 jectis (quorum infinitus numerus) solet labefactare ad Superio-
 res Confidentiam, sine cujus medio Magister Spiritualis ne hilum
 valet: Tum quia ipse terror Superioritatis ingerit potius Subjectis
 timorem & recessum à se quàm amorem & accessum; quod à Ma-
 gistro Spiritualis summè vitandum. Si tamen Superior agat Magi-
 strum quoque spiritualem, prout revera est hæc potissima pars
 Officii superioris, videat infra, qualiter se hoc in munere gerere
 debeat.

Secundò. Magister Spiritualis procul esse debet à negotiis
 officiorum Communitatis, sive illa officia versentur circa admini-
 strationem temporalium, sive spiritualium distractivorum; ma-
 ximè in corrigendis aliis pænalter, ne quidem adsit consilio. Ho-
 rum rationes datæ immediatè.

Tertiò. Multum videtur boni importare, si Magister fuerit
 Confessarius suorum Spiritualium Discipulorum. Eò enim con-
 fidentius coram ipso extra Confessionem aperient suas tentatio-
 nes, defectus, vel profectus spirituales, &c. quò majorum secre-
 torum

torum cordis, nempe suarum culparum occultarum noverint illum esse ex confessione conscium. Ipseque Magister fundamentalius noscet conscientias suorum Discipulorum: unde & cuius proportionata magis poterit adaptare media spiritualia ad finem supernaturalem.

Quartò. Eligentes Magistrum Spiritualem, videant perspicaciter Quem seu Qualem constituent, ne si errore vincibili, aut affectu inordinato minus aptum elegerint, horrendum DEI subeant iudicium. Quippe in Magistro totum pondus profectus vel defectus spiritualis animarum, ac exinde major vel minor fructus in Ecclesiam DEI redundans, consistit. Quibus autem qualitatibus Magister Spiritusalis eligendus præditus esse debeat, sequitur.

§ II

Qualitates Magistri Spiritusalis patent proportionatè ex dictis Sectione quinta præcedenti; nimirum eum esse oportere unum de Seraphim, seu ardentem & lucentem. Ardentem *Primò* Charitate in DEUM: quia cum sit Perfectionis Christianæ Magister, perfectio verò in perfecta DEI charitate essentialiter & principaliter sistat, quomodo is docebit practicandam perfectionem, qui perfectâ seu summâ ardentissimâque charitate in DEUM caret? docere quidem ejusmodi potest, sed cum modico fructu, non enim alios ardere faciet ipse non ardens.

Ferveat *Secundò* necesse est Dilectione in Discipulos suos, sicut Pater & Mater in suos filios, quos enutriat, donec in eis *formetur Christus in virum perfectum*; imo tanquam Animam suam, quatenus membra & sanguinem Christi, suos Discipulos æstimet, amet, & curet. Appositè hic mellissimus Doctor discurret: Longè tamen graviore & periculosiori debito tenentur adstricti, qui pro multis animabus reddituri sunt rationem. Quid ego infelix, quò me vertam, si tantum thesaurum, si pretiosum depositum istud, quod sibi Christus sanguine proprio pretiosius iudicavit, contigerit negligentius custodire? Si stillantem in Cruce Domini sanguinem collegissem, essetque repositus penes me, in vase vitreo, quod & portari sapius oporteret, quid animi habiturus

Epist. Gal. 1.

4. & Eph. c. 4.

S. Bernard.

in Adv. Domini

nil serm. 3.

biturus essem in discrimine tanto? Et certè id servandum accepi, pro quo mercator non insipiens (ipsa utique Sapientia) lan-
 guinem illum dedit. Sed & habeo thesaurum istum in vasis fi-
 cilibus, & quibus multò plura quam vitreis imminere pericula
 videantur.)) Quare S. Gregorius rectè ait: *Qui caritatem erga al-*
terum non habet, prædicationis officium suscipere nullatenus debet. Et
 Petrus nonnisi trinâ interrogatione à Christo probatus de sua di-
 lectione *Petre amas me: curam pascendi gregis Dominici accepit.*
 Deinde Lucens sit humilitate & mansuetudine, aliisq; insi-
 gniis virtutum, ut possit cum Apostolo dicere. *Imitatores mei*
estote, sicut & ego Christi, sitque primò potens opere, tum sermone:
 ita enim exemplo proprio, brevi perficiet discipulos suos in sum-
 ma virtutum. Deinde quia nunquam tantâ efficacîâ Speculativus
 virtutis Doctor potest docere virtutem, nisi etiam fuerit Practicus:
 multò enim meliùs, & aliter, per experimentalē scientiam virtu-
 tis, de ea conceptus formantur, v. g. quoad arduitatem, modum,
 exercendi, &c. quàm in speculatione erant formati. Porro hu-
 militas Magistro post charitatem maximè necessaria, ne in Domo
 DEI supra candelabrum positus, tanquam omnium opinione per-
 fectissimus, à flatu superbiæ extingvatur. Mansuetudo autem, ut
 sciat alios corrigere in Spiritu lenitatis: ubi omnino caveat duri-
 orem correptionem, ne affectus imperfectiorum à se alienet. Præ-
 stat enim lenissimâ correptione longanimiter & patienter durum
 cavare ac emollire cordis lapidem, quàm in impetu Spiritus vas
 contractum irreparabiliter conterere. Semel enim perdita con-
 fidentia non tam facîle reparatur. Diffidentia verò inter Magi-
 strum & Discipulum quid afferer, nisi aversionem animi, fictio-
 nem & simulationem, nil boni, plurimâ mala? Imo, dum quispi-
 am graviùs corripitur à Superioribus, apud eosdem intercedat
 Magister, in cuius gratiam prudentes Superiores de pœna aliquid
 minuant, ut ita major concilietur animorum unio Magistrum in-
 ter & suos Discipulos. Neque unquam deferat ad Superiores vi-
 tia suorum Discipulorum in specie nisi ex consensu eorum, vel
 nonnisi in genere ut v. g. sint Vigilantiores Superiores circa talia
 Loca, vel Tempora &c. in quibus abusus aliqui contingunt. Quod si
 Magister simul sit & Superior, ne à se absterreat piam confiden-
 riam

tiam suorum discipulorum, omnimode caveat indiscretum zelum in corrigendo; vel si puniendum est, eâ industriâ utatur quod reus verè agnoscat se esse dignum poenâ, eamque ultro & libenter acceptet. Id fieri potest, si reo manifestè ostendatur privatim sua culpa, si protestetur Superior, non ex ullo odio, sed mero amore velle & debere punire publice, propter observantiam S. Regulæ, &c. ne ob impunitatem scandalizentur alii, ne tum reo tum Superiori postea exprobetur, &c. Deinde publicè & judiciariè corrigens, non nimîâ utatur autoritate in situ, vultu, oculis, voce, verbis, sed quandam mansuetudinem cum mediocri severitate, permistam habeat; neque multum perstringentia verba vibret; ipsamque poenitentiam moderetur. Denique post executionem poenitentia, ipsum consoletur privatim: & imperfectiores pusillanimes imagunculâ, vel haustulo vini, vel portione cibi lautiori, &c. exhilaret: Moneatur verò, ne Diabolo det locum, conanti ruinare confidentiam inter Superiorem & Subditum; quâ labente infinita bona impediuntur, & infinita mala exoriuntur in regimine animarum, quæ tandem simul cum suo Regente plerumque æternum percutiunt. Jam verò non tam in sua Industria, quam in ferventissima sua & suorum Oratione ad DEUM ponat fiduciam, qui omnia potens, *de lapidibus quoque suscitare filios Abrahæ* seu obstinatissimos & induratos malis facile corrigere valet. Quod etiam faciendū & circa alios Discipulos, ut capiant incrementa in profectu Divinæ Sapientiæ seu perfectionis Christianæ. Non enim id *volentis neque currentis sed miserentis est DEI*. Porro ejusmodi qualitatibus instructum Magistrum Spiritualem requirimus ad rei exigentiam; & spectato ordinario cursu providentiæ DEI. Nam extraordinariè videns DEUS vel bonam voluntatem assumentis sibi aliquem minùs aptum in Magistrum Spiritualem, vel in defectu qualificatorum, vel ratione officii Superioralis (si Superior est) vel ratione oneris Magistri Spiritualis ex obedientia suscepti; defectus, si qui reperiuntur, supplet supernaturali lumine & gratiâ extraordinariâ, ut rite possit fungi officio suo. Nihilominus tamen ejusmodi imperfectus Magister (quod & perfectissimis expedit) semper corde quandoque & ore fateatur coram suis Discipulis, indignum se esse hoc Angelico imò Divino munere ac

Matth. 3.

Rom. 9.

Vires suas excedere; altissimarum Divinisimarum, supernaturaliumque rerum esse Magistrum, facere tamen pro posse, ex intenso amore salutis & perfectionis spiritualis suorum Discipulorum; Quodvè profectus spiritualis in vita sua deest, in vita suorum Discipulorum suppleatur, gaudeatque si non de proprio, saltè de alieno fructu, &c. Tali enim actu humilitatis, majorem gratiam pro suo officio melius exequendo apud DEUM merebitur, & apud Discipulos, si quid sinistrae opinionis ex defectu quopiam ortum fuerit, facile diluetur.

§ III.

S. Doroth.
serm. 5.

Quanta sit Necessitas Magistri Spiritualis pro omnibus Vitæ Christianæ studiosis liquet. Proverb. ii. juxta 70. Interpretes dicitur: *Quibus non est gubernatio, cadunt ut folia, salus autem est in multo consilio.* Quæ explicans S. Dorothens inter cætera ait. *Monet ac cavere nos docet, ne nosmetipsos instituere & informare velimus: ne sciolos nos, prudentes atq; cordatos existimemus: nève omnino credamus posse nos ipsos regere aut gubernare.* Ubi ostendens periculum eorum, qui carent Duce Spirituali in via Domini ex similitudine foliorum ita discurrit: *Quia sicut folium initio viride & jucundum, sensim langvescit, arefcit, cadit & conculcatur, sic & Religiosus principio quidem fervorem habet quendam ad jejunia, ad vigiliis, ad quietem & silentium, ad obedientiam, & cætera ejusmodi bona. Deinde fervore illo sensim extincto, si nullum habuerit, qui moderetur eum, & fervorem illum jam extinctum excitet, accendat, foveat, & nutriat; is proculdubio ceu arefactus ac deficcatus cadit, atque in multos errores & peccata perfacile dilabitur: fitque miser captivus, & veluti mancipium ab hostibus susque deque raptatur, ludibrio exponitur, & ea deniq; fiunt in eo, quæ hostibus suis placent. De his verò, qui sua senioribus denunciant, atque aperiunt; nihilque temere, & absque consilio gerunt, dicit Scriptura: Salus autem est in multo consilio.* B. Laurentius inquit: *Cuncti indigent præceptore, quamvis non æquali. Quemadmodum verò alia sunt infantium joca, alia juvenum exercitia, alia senū instituta: Ita etiam spiritualiter, non enim incipientium, proficientium,*

B. Laurent.
lib. de Casto
Connub. c. 3.

& per-

& perfectorum similia sunt, licet finis dissimilis non sit. Primi,, circa exteriora, secundi circa interiora, circa Divina tertii exer-,, centur.)) Quia ordinariè juxta axioma receptum: Nulla ars sine Magistro discitur, suppone perfectè; Quidni ars artium Divinis-
sima, supra naturam, captum & sensum humanum, vita Spiritua-
lis absque Magistro addiscatur? Hinc *S. Bernardus*: Qui se inquit *S. Bernard.*
sibi Magistrum constituit, stulto se Discipulum subdit. Et *Cli-* *Epist. 87. ad*
machus, citatus à Gerson: Qui sibi dux esse vult, spreto duce *Oger. can.*
proprio, non jam indiget dæmone tentante, quia factus est sibi *Gerson. T. 1.*
dæmon.)) Jam vide, quid Tu ipse stultus Magister & dæmon tibi *confid. de lib.*
factus, te ipsum docere possis, nisi errores & perniciem æternam, *pag. 2.*
Ratio insuper est, summa difficultas inveniendi Mediū in exercitio
virtutum, (vel ob ignorantiam, vel etiam ob dæmonis & carnis ten-
tamenta) ne videlicet per defectum vel excessum delinquatur. Nam
ad defectum tentans dæmon, rebellis appetitus, propriusq; amor,
potentissimè & calidissimè urgent. Ad Excessum verò in virtu-
te, Angelus sathanæ transformatus in Angelum lucis sub specie
boni facilè incautos perducit, & perdit. Deinde hoc vult DEUS
(ut *S. Bernardus* inquit) ut homo per hominem doceatur. Et *Cass.* *S. Bernard.*
anus ait: Unde manifestissimè comprobatur nulli à Domino vi- *lib. de ord. vit.*
am perfectionis ostendi, qui habens unde valeat erudiri, doctri- *Cass. coll. 2.*
nam Seniorum, vel instituta contempserit.)) *S. Vincentius*: Imo plùs *cap. 15.*
dico, quod nunquam Christus suam gratiam ministrabit (sine *S. Vincent.*
quo nihil possumus) si homo habet, à quo possit instrui, ac de- *tra. de vita*
duci, & negligit, vel non curat alterius ducatum amplecti, credens *spirit. c. 4.*
se sibi sufficere, & per se posse investigare, & invenire; quæ sunt
utilia ad salutem.)) Neque dicas aliquos immediatè edoctos
à DEO, vel à SS. Angelis, sine visibili Magistro; nam *S. Bonavent.* *S. Bonav. l.*
tura ait: Quia verò tales difficile est reperiri, ideo paucis conve- *de sex alis se-*
nit vivere absque obedientiæ iugo. Ideo & qui aliis præsunt, ut *raphim. c. 2.*
melius & cautius agant, necesse aliis subesse, à quibus regantur,
usque ad summum omnium Pontificem, qui vice Christi Caput
est totius Ecclesiæ militantis.)) Itane etiam ipsis Superioribus,
etiam Senioribus, quamvis perfectis, sanctis, doctis, discretis, pru-
dentibus, magnæque sint experientiæ opus est Magistro quamvis
juniore, minus perfecto & erudito? Ita equidem *S. Chrysostomus* as- *S. Chrysost.*
serit *boni.*

hom. 22. in serit dicens: Consiliariis omnes opus habent, etiam si Moyfi (qui Epist. ad Rom. licet cum DEO sepius loquens facie ad faciem, optimum tamen Consilium Jethronis Madianitæ acceptavit) conferri possint: Multa enim sunt quæ magni & admirabiles viri ignorant, quæ tamen parvi abjectique scire solent.)) Hinc S. Franciscus Seraphicus non erubescere à minoribus parva quærere verus Minor; qui magna didicerat à

S. Bonavent. Magistro supremo. Studio namque præcipuo solitus erat exquirere, quali viâ, qualive modo, DEO posset secundum ejus beneplacitum perfectius deservire. Hæc summa ejus Philosophia, hoc summum ejus desiderium extitit, quoad vixit, ut quæreret à sapientibus & simplicibus, perfectis & imperfectis, parvulis & grandævis, qualiter ad perfectionis culmen virtuosus pervenire valeret.)) Accedit quod DEUS lumen majus tribuit Superioribus, vel Magistris Spiritualibus licet minùs doctis & perfectis, illud denegans aliis. Quia juxta Angelicum Doctorem DEUS ad officium, rite peragendum, ad quod aliquis à DEO assumitur, proportionata tribuit gratiæ auxilia. Deinde juxta Theologos Superiores speciales sui muneris habent Angelos præter personæ propriæ SS. Custodes, à quibus in suis officiis rectè administrandis doceantur. Quare sapiens monet: *Ne imitaris prudentiæ tuæ,*

Prov. 23.

Prov. 35.

ne sis sapiens apud te ipsum. Sed ut alibi idem ait: *Omnia fac cum consilio, & post factum non poenitebis.* Igitur omnibus necessarius est Magister Spiritualis, Incipientibus ut proficiant; Proficientibus ut se perficiant; Perfectis ne deficiant, sed ad perfectiora amplius proficiant. Quippe viatores sumus, & ad terminum Patriæ celestis non progredi est regredi, non proficere semper, est deficere; ut axioma spiritualium fert. Imo signum est illum esse eò perfectiorem, quò magis se indigere Magistro arbitratur; minùs perfectum quò in oculis suis prudentior & ferventior sine alieno Magisterio sibimet apparet. Major enim Humilitas amplioris quoque perfectionis & sanctitatis signum est. Unde ille planè juxta Apocalypsim est miser & miserabilis, & pauper, & cæcus, & nudus, (in gratia Dei & virtute) qui dicit: *quod dives sum & locupletatus* (carissimis Divinis) & nullius egeo (amplioris perfectionis, consilii, auxilii que humani, &c. Porro utilitas Magistri colligitur ex illa

Apo. 6. 3.

S. Vinc. tr. de
vita spirit. c. 4

nobilissima doctrina S. Vicentii dicentis: Sciendum igitur, quòd homo

homo facilius, & in breviori tempore posset ad perfectionem per-tingere, si haberet instructorem, cujus regimine duceretur, cujus obedientia in omnibus actibus, parvis & magnis, totaliter seque- retur, quàm aliquis posset se ipsum perficere, quantumcunque, vigeat acumine intellectus, & libros habeat, in quibus videat vir- tutum omnium structuram exaratam.))

§ IV.

Modus, quo Magister Spiritualis officium proprium rite obire possit in erudiendis ad Sapientiam Divinam suis Discipulis est duplex; Primus quoad eruditionem speculativam, Secundus quoad eruditionem practicam. Quod concernit eruditionem speculativam: Multum refert ad ejus profectum, si scientia hæc (quod & de aliis intellige) proponatur ad caput & facilem intelligentiam Discipulorum; ita verò proponitur; si ad stabiliendam bonam imaginationem seu harmoniam quandam, & conceptum ordinatum rerum & materialium spiritualium in intellectu formandum accommodetur; accommodatur autem, si materiæ spirituales in serie sua ad exigentiam earum naturalem, quod una naturaliter fluat ex alia, ut dicitur, *in filo*, ordinato cursu proponantur. Quod ipsum in gratiam Magistrorum & Discipulorum Spiritualium hoc Opere Theologiæ Spiritualis an præstiterimus, altiori judicio submittimus. Prius enim in Summa seu in genere, tum in specie proportionatè ad cujusvis Christiani Statum & officium materias spirituales digessimus: deinde ad ipsas Causas Vitæ Spiritualis hoc Opus reducendo, easdem nempe Efficientem, Objectivam seu Materialem, ac Formalem, & Finalem inter se ordine tali (ut enunciantur) collocavimus: Sub ipsis quoque Capitibus, Sectionibus, Subsectionibus, Paragraphis, si materia fuerit obscurior, ejus essentiam & proprietates una definitione declaramus; Posthæc si est res practicabilis, ad eam Discipulum Christianum variis motivis incitamus: Incitatisque spiritibus & animis ad bonum, ejus praxes porrigimus. Totius verò Operis hujus coordinationem qualis est in Libro, talem & in una Tabula simul positam ereximus, ut appareat ad oculum unius cum alio ordinata combinatio, & quomodo à Primis & infimis, per Media,

ad Superiora tendendum. Igitur Magister Spiritualis eandem Tabulam delineatam exponat pro suis Discipulis in publicum, in qua processum & connexionem materiarum, quas explicat, illis facilius indigitare possit. Pro Lectione & Explicatione difficiliorum habeat quisque Discipulorum librum impressum hujus vel similis Theologiæ Spiritualis; & si quid melius vel amplius Spiritus Sanctus dictaverit Magistro, Discipuli in supplemento Theologiæ Spiritualis ad hoc confecto, calamo excipiant. Reliqua speculativæ eruditionis informativa vide supra in Præfatione, & in accessu Summæ, &c.

Quod verò Methodum practicæ eruditionis in Sapientia Divina spectat. Cumprimis Magister in id unice incumbat, ut sui Discipuli quæ didicerint, practicent, id verò infallibiliter fiet, si sub explicationis tempus, vel aliàs in publicis & privatis exhortationibus, positis à nobis motivis, sive aliunde exquisitis, ea suaviter & ardentè amplificando, suorum Discipulorum affectus efficaciter excitet ad omne virtutis genus. Tum si Discipuli fructu Lectionis vel Meditationis quotidie faciendæ in intellectu & affectu suo comparatum, coram Magistro proferant ad eum vel similem modum quem sub praxi Meditationis infra subnexuimus. Impossibile enim ut tam ab extrinseco ferventi exhortatione Magistri, quàm ab intrinseco operâ piæ Recollectionis toties potenter permoti; ut non modò timore DEI stimulentur, modò spe alluciantur, modò amore incenduntur ad diluenda peccata, eradicanda vitia, plantandasque virtutes: Unde ante omnia opus est Discipulos erudire & exercere in Timore DEI, in Spe præsentis & futuræ Beatitudinis, in Amore DEI; his enim tanquam vento prosperrimo, ultro, citò, & facillimè fertur navicula animæ nostræ per mare magnum & spaciosum mundi hujus, ad portum consummatæ virtutis; modò sit navarchus seu Magister talis, qui prudenter sciat hanc naviculam dirigere inter Syrtes & Charybdes, scopulos, procellasque multiplicis periculi, ne naufragetur.

Itaq; *Secundò*: Spectatis circumstantiis, conditionibus, &c. (de quibus fusè infra) cujusque suorum Discipulorum, eis proportionata assignet virtutum exercitia in praxim deducenda. Et quidem incipientibus in via purgativa præcipiat se exercere.

I. In

I. 2. tra 1. c. 1.
sect. 4. subf. 1.
§ 9.

I. In Resignatione voluntatis propriae in Divinam. Ubi tamen caveat eis nimis heroicis actus proponere. V. g. si DEUS vellet hominem atrocissima & ignominiosa in hoc mundo pati innocentem, uti S. Job. damna, ulcera, calumnias; vel rotas, patibula, &c. vel privari Caelo, damnari in aeternum absque peccato, &c. ipse quoque homo deberet se conformare voluntati DEI. Talibus enim imperfecti nimis terrentur, & pusillanimes fiunt; quæ perfectis exercere sunt nimis desiderabilia. II. Injungat exercitia actuum simplicis & cæcæ Obedientiæ. Omnino Magister hoc in puncto præcipiendi Antonium & Dorotheum se exhibeat, Discipuli in obediendo simplices Paulos & Dositheos. Ad quorum vitas legendas & practicandas vel formaliter, vel æquivalenter, Magistrum cum suis Discipulis remitto. III. Exerceat Magister Discipulos in Odio & Contemptu Mundi, seu in amore S. Paupertatis. IV. In Humilitate, maximè in Odio & Contemptu sui. Quarum Virtutum uti & aliarum præcipuarum Praxes sub singulis earum infra proponuntur. Porro modò specificatas virtutes Resignationis, Obedientiæ, Contemptus mundi, Humilitatis, jubeat Discipulos exercere, ex motivo Timoris DEI, Spei, ac propriis earum motivis. Tum, ut in Timore DEI & Spe amplius radificentur Discipuli: Tum, quia SS. Patres & Magistri Spirituales easdem Virtutes in specie sua denominatas præquirunt ad fundamentum seu initium Vitæ Christianæ. Exerceantur verò ex præfatis motivis dictæ Virtutes, singulæ uno Mense. Ubi Adverte 1. Siquidem præfatæ Virtutes sunt generales, & ipsa quoque humilitas ferè vagatur per omnes Virtutes, potest Magister sub prætextu unius ex sæpè dictis Virtutibus v. g. sub titulo simplicis Obedientiæ imperare pro exigentia cujusque Discipuli actus exercendos illius Virtutis, quam videt necessariam & expedire ad corrigendum aliquod prædominans vitium in singulis suorum Discipulorum; alius enim hoc, alius illo laborant defectu. Adverte 2. Non omnibus Discipulis æqualiter imponendi sunt actus dictarum Virtutum, sed ferventioribus perfectiores, & difficiliiores; minus ferventibus imperfectiores, ac faciliores, ne præ pusillanimitate spiritus deficient. Imò subinde expediet maximè imperfectioribus, quatenus rogent Scripto à Magistro actus illius

I. 2. tra. 2.

Virtutis

Virtutis (quæ est illo tempore in exercitio) cum sua licentia perficere; ita enim feligent suæ debilitati proportionatum Virtutis laborem, nec quidquam aliud causare poterunt. Exaucto autem supratæto tempore aliquot Mensium in exercitio Resignationis, Obedientiæ, Contemptus Mundi, & Humilitatis, jubeat Magister easdem Virtutes exercere, insuper ex motivis seu objectis formalibus *Poenitentiae & Mortificationis*. Jam enim præcedenti tempore dispositus animus, poterit dignos fructus *Poenitentiae* facere, nec *Mortificatio* seu Mors Spiritualis vel ipso nomine horrida, amplius amara, quin potius ipsa amaritudo dulcissima videbitur. Porro in exercitio *Poenitentiae & Mortificationis* quamdiu immorandum: Similiter in *Via Illuminativa & Unitiva* quomodo progrediendum vide *infra* 1. 2. trac. 1. cap. 1. sect. 4. subsect. 1. § 9. circumstan: Quando. Præter quoque exercendi se in præfatis virtutibus vide *ibidem* subsect. 2. & 3. & 4. Tum sub singulis ipsarum. 1. 2. tract. 2.

Tertio: Magister certis temporibus privatim cujuslibet Discipuli etiam extra Confessionem conscientiam conveniat, persvadeatque aperiri sibi cor ipsius; an scilicet v. g. aliquas, & quales, patiatu tentationes, anxietates, scrupulos, &c. quibus remedia curativa & simul ab aliis imminetibus præservativa porrigat: an assignata Virtutum exercitia juxta circumstantias. Quando & Quomodo *infra* signatas practicer, & cum quali profectu in dies, hebdomadas, menses, annos; Vel si à Virtutum quandoque praxi impediatur extra vel intra manifestet quid illud sit, ut amoveri possis. Ad quæ præstanda, omnia quæ hoc Opere continentur, facili & vario modo accommodari queunt. Deinde si Magister Spiritualis est unus de illa Communitate, de qua sunt aliqui suorum Discipulorum securè potest inquirere (in quo etiam danda est potestas Magistro ab altiori Superioritate) an aliqua videat vel audiat majoris momenti inconvenientia fieri in illa Communitate, ut impediatur; quod si fiant, tacito nomine referentis denunciaret illa Superioribus, idè ut sint vigilantiores, vel si ita expedit, ulteriori inquisitione factâ, paternè aut judiciariè corrigant delinquentes. Hoc medium infinita mala tollit de Communitatibus, cum etiam occultè commissa ferè cuncta in lucem seu notitiam Superio-

1. 2. tra. 1. c. 1.
sect. 4. subf. 1.
§ 9.

Superiorum facile revelari timeantur, aliàs in occulto mansura cum pernicie delinquentium. Tum ob negligentiam Superiorum, qui similia Scrutinia subinde in Congregationibus suis instituere deberêt, & passim negligunt. Tum ob diffidentiam suorum ad Superiores, quos licet aliqui informare vellent, quid agatur in Communitate, non audent vel ob imprudentiam Superiorum, qui absq; necessitate facillè produnt Delatores & ita scindunt Charitatem; aut contra, eisdem Delatoribus leviter credunt, & sic persequuntur innocentes, & turbant Congregationem. Deinde quis est ex inferioribus, qui delinquentem Superiorem suum corrigere audeat? Id facili negotio præstare potest Magister, referens per se vel alium Superiori hæc vel hæc N. N. de illo spargi in sua Congregatione, vel alibi; quod si vera sunt, humiliter obsecret eum amplius illa non debere committere, vel placidè Superiorem commoneat diligentia & vigilantia in suo officio, &c. juxta quod S. Basilii præscribit *Monitore* opus esse etiam Superioribus dicens: *S. Basil. Reg. Quemadmodum necessariò iis, quibus præest, omnibus in rebus, recti itineris dux esse Antistes debet: ita quoque vicissim reli-* *supra. 27.*
quorum officium est, si quæ unquam minùs laudabilis de Antisti-
te orta suspicio sit, ipsum admonere. Verùm enim ne quæ con-
stanti disciplinæ ordini injuria fiat, hujusmodi admonitio ad eos
est deleganda, qui tum ætate, tum prudentia in Societate reliquis
præstant. Ita enim fiet, ut si ve quid fuerit, quod emendatio-
nem desideret, & Fratrem ipsum nostrum juvemus, simulque
unâ atque eadem operâ nos ipsos etiam, qui videlicet ipsum
qui vitæ nostræ veluti norma sit quædam, suæque ipse rectitudi-
ne pravitate nostram arguere debeat, distortum ad rectum re-
vocemus. Quod si temere quidam secus de ipso suspicari non ni-
hil turbellæ addiderint, si cognitâ veritate corû, propter quæ in
falsam suspensionem illam venerant, certi de eo amplius jam dubi-
tare desistant. Ecce quantâ cautelâ & circumspeditione & Su-
periores & Inferiores omnes vitam suam in posterum disponent,
dum vix non penetrari arcana cordis sui à Magistro Spirituali ex-
stimabunt. Quare altiores Superiores Constitutionibus suis id
firmare expediret, debere omnes in suis Congregationibus ex-
istentes liberrimè accedere Magistrum Spiritualem, & ei referre,
quæ

quæ cedere possunt in detrimentum animarum, & bonorum temporalium illius Communitatis. Magister verò tacito nomine referentium, insinuare Superioribus, qui si se vel suos non correxerint, altiori Superioritati significare. *Æstimo non esse isto efficacius remedium ad continendum Communitates in Observantia optima legum sui Status, & ad sanctè vivendum.*

Animadvertendum quoque est, licet Magister Spiritualis non sit de gremio illius Communitatis, de qua aliquos habet Discipulos; quia tamen habet jurisdictionem quandam Superioritatis in Discipulos, licet ei omnia impedimenta refecare, quæ Discipulo obicem ponunt ad profectum in sua Scientia; Unde ac multò magis & in profectu Sapientiæ Divinæ seu Virtutis; ejus defectus in suo Discipulo complices potest requirere Magister in genere & non de nomine specificandos, nisi fortè aliquid aliud & nomen seu personam scire exigeret; planè ad eum modum quo in Confessione Sacramentali complex peccati occurrit necessariò dicendus tacito vel expresso nomine personæ. Sic enim & Superiores Religiosorum rectè scire volunt etiam de persona & nomine complices peccatorum suorum Religiosorum, etsi supra illos complices nihil jurisdictionis habeant. Præstat namque ut peccet fama, quàm anima. Attamen non licet amplius inquirere de non subjectis suo Magisterio, nisi quatenus concernit profectum & defectum virtutis sui Spiritualis Discipuli.

§ V.

PRAXIS manifestandi suum Statum Magistro Spirituali.

Sicut de ignotis non datur scientia: ita quoque impossibile est, ut Magister Spiritualis, vel Superior, convenienter possit dirigere suos Spirituales Discipulos ad finem Supernaturalem, quorum ignorat Statum internum. Esset id planè applicare medicamenta, ignorat qualitate morbi; ut non tantum quis convalescat, quin potiùs amplius detrimentum sanitatis, sive periculum mortis, incurrat. Unde maximi pretii æstiment hoc exercitium Manifestationis: ex quo totus penè profectus Spiritualis

tualis dependet; eoque velociter curritur ad perfectionem.

P. Dominicus Carmelita inquit; Superior (sive Magister) experientia doctus, quam sit necessarium pro bona pace, & interna quiete subditorum, privatum cum illis habere Communicationem, non solum benevole suscipit omnes; sed & eos sæpè interrogat, de suo ipsorum statu, tam corporali, quam Spirituali, invitans ad confidenter declarandas omnes infirmitates suas, tam corporales, quam Spirituales; Sed præsertim vult certior fieri de omnium & singulorum interiori pace, & animæ requie; & nihil tam latificat eum, quam scire, quod omnes unanimes, in bona pace, absque inquietudine & anxietate vivant. Et ideo modò hunc, modò illum paternè interrogat, quomodo se habeat tam interiùs quam exteriùs: & cum non licet ei per otium hoc facere, deputat quosdam ex perfectioribus, quibus Fratres confidentiam habeant declarandi se totaliter, ut per eos reddatur certior de omnibus. *Idem infra:* Quia autem unusquisque pro certo tenet, quod omnes gratias Spirituales, infusiones, irradiationes, quas DEUS immittit in devotorum animas, illas, inquam per ministerium dirigentis Superioris, tanquam per alveum, soleat infundere, cum nec aliud evidentius signum inveniri possit de veritate animæ benè in DEO fundatæ, quam humilis submissio, & resignatio in manus Patris Spiritualis, seu Superioris. Ob hoc, inquam, unusquisque, in quacunque sit Spiritus exercitatione, sequitur semper consilium Superioris, seu Patris Spiritualis. At ipse ubi videt in eis talem resignationem, cum magna discretione eos ad Sancti Spiritus sequendos influxus promover, nec retardat voluntates ad DEUM, sed elevat: dummodo eos videat humiles, demissos, & resignatos. *Idem paulò post:* Quos videt contemplationi deditissimos, hos fovet omnimodè, sciens certò eos esse quasi bases firmissimas Religiosæ Communitatis, & tanquam alveos, per quos in reliquum corpus gratias celestes influit Divinalargitas. Enimverò quisquis novit quantum in anima devota elevata, & verè contemplativa sibi complaceat DEUS, nosse potest, quanta per eam beneficia soleat impertiri, cum constet majora beneficia, quæ unquam DEUS communicavit, mediantibus amicis, & fidelibus servis suis esse communicata. Sed qui obsecro fideles servi, sed & amici

P. Dominicus.
à S. Alberto.
Opusc. Exerc.
Spirit. Reg.
Magist. Nov.

DEI sunt; nisi qui totâ die & totâ nocte, suspirant ad eum amoris gemitibus? qui ne tantillo temporis momento, à contemplatione vultus ejus discedunt, qui stant ad omnem nurum ejus, colloquentes cum eo in omni ferme loco, & tempore, conversantes cum illo, tanquam filius cum patre, amicus cum amico, tanquam sponsa cum unico sponso suo? *Hæc ille.*

Igitur tum ipsi Discipuli post serium examen suum manifestent, tum Magister ipse interroget quæ videt expedire pro cujusq; persona, juxta sequentia *Puncta.*

Oratio ante manifestationem Status.

Domine DEUS & Pater coelestis, qui mihi tanquam Neogenito de vero Patre providisti, in ejus persona vis à me recognosci, utpote qui Tui, Domini mei locum tenet: concede mihi gratiam, ut eidem statum meum aperire possim, ab eoq; lumen & omnem in via spirituali directionem accipere. Elide Domine omnia sathane tentamenta: ut non turbet animam meam, vel in meum detrimentum aliqua conscientie secreta aperire negligam. Hanc mihi insuper ô Virgo sacratissima gratiam impetrare digneris.

Modus examinandi Statum Discipulorum.

NE stulti pudoris aut cujuspiam alterius rationis prætextu demonium mutum obstruat os ad celandum statum suum, maximè quoad tentationes, defectus, &c. Expedit *Primo*, ut Magister Spiritualis sit Confessarius Discipulorum suorum; Ita enim extra Confessionem quoque confidentius propalabunt arcana cordis sui. *Secundo*. Dicat Magister se quoq; impugnari variis tentationibus v. g. superbix, iræ, acedia, &c. In multisq; offendere. &c. Quali industriâ S. Macarius Fratrem quendam prius celantem postea induxit ad manifestandas cogitationes suas. *Tertio*. Persuadeat esse magnum malum celare morbos animi, quibus perit æterna salus, venit perpetua mortis agonizatio in inferno.

In vita Pa-
trum.

Primum Punctum Examinis.

1. Cor. 13.

Quoniam juxta Apostolum prius quod animale, deinde quod spirituale: Igitur examinabuntur à Magistro. Quoad Corpus.
1. An sint ex integro sani; an sentiant aliquos capitis, stomachi dolores; an benè dormiant: an habeant necessaria quoad

am-

amictum, & supellectilem? 2. An particularem in tolerando labore, fame, siti, vigiliis, frigore, habeant difficultatem? &c.

Quoad Animam. 1. Quales obedientiae actus sint ipsis difficiliore? 2. An non pungantur duris verbis in correctionibus? 3. An non scandalizentur ex aliquo aliorum malo exemplo? 4. An non molestum sit ipsis servare solitudinem, silentium, &c.

Quoad Tentationes, Passiones, & Inquietudines. 1. Circa castitatem quos motus sentiant, & quam circa illos adhibuerint remedia? 2. An desiderent reverti ad saeculum, cogitent de mundo, parentibus suis? 3. An inveniant se pusillanimes & dejectos, desperantes posse unquam assequi perfectionem? 4. An dum correcti à Superiore, vel propter aliquam mortificationem impositam contristati sint? 5. An habeant contra alios aversiones naturæ, displicentias, & quædam vindictæ desideria? 6. Denique an suos defectus per quosdam falsos prætexus tegere soleant? &c.

Quoad Orationem. 1. An se fideliter præparent? 2. Quæ materiæ congruant? 3. Quam ipsis magis arrideant? 4. An facilitatem in materia meditando habeant? 5. An distractionibus perturbentur? 6. An faciles sint in commovendo? 7. An potissimum in affectibus partem consumant? 8. Quos ordinariè soleant habere affectus? 9. An devotionem sensibilem requirant; an delectentur in illa; an illam non habentes fiant impatientes; quomodo se in ariditate gerant? &c.

Quoad præsentiam DEI, & memoriam Divinorum. 1. Quam habeant in elevanda mente ad DEUM facilitatem? 2. An hæc elevatio sit violenta, svavis, libera, & gaudiosa? 3. An actus illi fiant cum impetu, capitis dolore & intensione, vel moderatione, svavitate, & tranquillitate? 4. An sibi sint attenti in practicandis occasionibus virtutum, humilitatis, paupertatis, charitatis erga fratres &c. 5. An in omnibus rebus Divinis & Spiritualibus gerant se cum alacritate vel tædio? &c.

Quoad Officium Divinum, & SS. Communionem. 1. An Divinum Officium magis faciant? 2. An Cantus & Ceremoniæ placeant? 3. An gerant se cum devotione & attentione? 4. An aliquos in Psalmorum vel Officii decursu experiantur motus internos? 5. Qualem in Cõmunionem præponant præparationem? & qualem experiantur

antur fructum: & an ad illam famescant; illam appetient; an libenter ministrent ad Missas? &c.

Quoad Mortificationem tam internam quam externam. I. An laborent sedulo in eradicandis imperfectionibus? 2. Quem inde fructum reportent? 3. An aliquid singulariter appetant; an generose superent & mortificent se? 4. An desiderent sapius officia mutari? 5. An laborent in sensibus externis componendis, & Religiosa modestia conservanda? 6. An ex subreptione committant suos defectus, vel per advertentiam? 7. An profectum aliquem ex lapsibus cognoscant? &c.

Secundum Punctum Examinis.

EXaminabunt se, vel examinabuntur à Magistro. I. An Exercitia Spiritualia peragant juxta rationem seu Ordinem Prioris, & Posterioris; Omnis, & Alicujus; Determinati, & Indeterminati temporis? De quo vide infra i. 2. tr. i. cap. i. sect. 4. subsect. l. §. 9. sub circumstant: Quando. II. An eadem exercitia spiritualia conentur peragere omni meliori modo & perfectione? De qua i. 2. tr. i. cap. i. sect. 2. fuse per sequentes §§. An cum perfectionibus antecedentibus, comitantibus, subsequenter praxim virtutum, v. g. præfigendo rectas, heroicas, & DEIformes intentiones; ex quibus motus an timoris DEI, spei, vel amoris, vel honestatis ipsius virtutis &c.? De qua i. 2. tr. i. cap. i. sect. 4. subsect. i. 2. 3. III. An impedimenta & perturbationes animi à dæmone vel aliunde illatas circa exercitia spiritualia experiantur. Et an illa patienter ferant, nec deficient in proposito & conatu exercitii seu virtutis omni meliori modo perficiendæ. An illum conatum in profectu Spirituali, & tribulationes circa illum obortas offerant DEO, enitanturque suaviter expedire se ab ejusmodi impedimentis & angustiis per datas informationes à Magistro Spirituali, & maxime per orationem ad DEUM? IV. An nunc sint in exercitio seu decursu virtutum vitæ activæ, vel contemplativæ, vel mixtæ: idque in via purgativa, vel illuminativa, vel unitiva: & quanam illæ sint virtutes, vel virtus: quantum in illa profecisse sibi aliquis videtur: quamdiu in ea se exerceat, & quomodo? V. Quibus vitiis magis impugnantur, quibusve virtutibus magis opus esse illis videtur?

Tertium

Tertium Punctum Examinis.

1. **A**N sint contenti Religione, vel suâ sorte vocationis. An magni faciant suam vocationem, an non multum curent, si illam perderent? 2. An majus desiderium benefaciendi habeant quàm ante, & quare, id est an novos ad id à DEO motus acceperint? 3. An immisi à DEO motus tempore Orationis, Communionis, Lectionis Spiritualis, in cella, in mensa, & quasi ex improvise veniant? 4. An impetuosè, & magno fervore, vel cum quadam animi tranquillitate, suavitate, & dulcedine? 5. An cum magna intellectus extensione, ita ut tantam veritatum multitudinem detegant, ut eas discernere possint: vel utrum non cogantur inhaerere veritati alicui particulari? 6. Qualem exinde praxim fecerint, sicut & ex aliis luminibus, quæ antea receperunt?

Vide quoq; formulas Examinis *infra* 1. 2. tra. 1. cap. 1. sect. 4. subsect. 3. Et hic proportionatè applica; & alia quæ Spiritus S. suggererit.

§ VI.

P R A X I S

Circa particularia exercendi Discipulos in
Christiana Sapientia.

QUoniam prudentia in agilibus circa singularia versatur: Igitur Magister Spiritualis, ne circa methodum exercendi Discipulos suos in particularibus actibus virtutum impingat, placuit aliquid luminis hoc in passu præferre, nonnullis prius suppositis.

I. Certum est. exiguum posse profectum in via Spirituali fieri. *Primò*. Si quis solis internis intendat actibus Virtutis exercendis, & rarò externis. Experientiâ enim teste, parùm profunt verba, ubi defunt opera; & plurimi verbotenus veletiam in corde infra pedes omnium se abjiciunt, qui exterius ne verbum asperius pati possunt. *Secundò*. Si externi actus absque internis exerceantur, quid sunt? Nihil, imò quandoque obsunt. Tota enim perfectio actus exterioris ab interiori provenit. Quare utrumque genus actuum interiorum & exteriorum virtutis conjungendum, & sæpè practicandum.

II. Cer-

II. Certum est, citius quis duce Magistro ad perfectionem alicujus artis, vel scientiæ, pervenit, quam ex propria industria, nisi per ingentes labores, & errores, & hoc rarissimè. Ita & in via Spirituali velociori cursu quisque terminum viæ Spirituales, seu finem perfectionis & sanctitatis attingit directore Magistro, quam sine eo. Unde apud antiquos Patres non modò Tyrones Spirituales, sed & Veterani, ex mandato suorum Superiorum in particularibus actibus virtutum exercebantur, & probabantur. In qua materia S. Climacus præclara refert exempla dicens: In quodam Monasterio latro conversionis gratiâ veniens, post aliquot dies, jussus est à Superiore omnia sua peccata in præsentia 230. Fratrum confiteri, quod & fecit cilicio indutus, cum horrore ingenti; omnia singulatim confessus est, quæ audiens omnis cætus penitus exhorreret. Non tantum quæ per corpus præter naturam, ac secundum naturam in irrationabilibus & mutis animantibus deliquerat, verum etiam veneficia, & homicidia, &c. quæ audire, aut scripturæ tradere, fas non est. Omnino nihil reticens. Confessum igitur, statim tonderi, fratribusque aggregari permisit. Ego verò Sancti illius (i.e. Superioris) admiratus sapientiam, seorsum interrogavi illum secretius. Cujus rei gratiâ tam peregrinam judicii formam exhibuisset? Ille autem ut verus medicus, inquit, duarum rerum gratiâ. Primum quidem, ut confessionem per præsentem temporalemque confusionem æternâ confusionem liberarem, quod & factum est. Neque enim ex pavimento surrexit ô Joannes, quin peccatorum omnium remissionem potitus est. Neque ullo hujus rei scrupulo velim movearis. Nam unus ex Fratribus qui illic aderant, mihi procerum quendam ac terribilem se vidisse asseveravit, conscriptam chartam & calamum tenentem, & cum Frater ille prostratus humi peccatum confitens pronuntiaret, hoc ille calamo delebat; & meritò sanè: Dixi, inquit, pronuntiabo adversum me iniquitatem meam Domino, & tu remisisti impietatem cordis mei. Secundò sanè, quia habeo nonnullos, qui peccata quidem necdum confessi sunt. Quocirca jam & illos ad confessionem hoc exemplo provoco, sine qua nullus remissione potietur.))

S. Clim. Sca-
le parad. de
obed. gra. 40

V. Psal. 31. v. 5.

Aliud.

Vir quidam Isidorus nomine, Alexandria civitatis primæ

primarius, in ipso cænobio ante hos annos sæculo abrenunciavit, quem & ipse illic videre merui. Hunc Pastor ille mirabilis *Ibidem apud Climacũ Scal. para. de obed. grad. 4.* suscipiens: aspectumque ex ipso asperum quendam & intrabilem, superbumque ac sæculi dignitate tumidum, conjiciens, humanâ arte dæmonum fastum sapientissimè deiecit; aitque ad Isidorum: Si revera Christi jugum tollere decrevisti, volo ut ante omnia te obedientiæ laboribus exerceas. Cui ille; sicut, inquit, fabro ferrum subjectum est: ita & ego ô sanctissime me ipsum obedientiæ expono. Quo ille responso gratissimoque exemplo exhilaratus, continuò Isidoro exercitii manus admovit ut ferro: volens, inquiens, Frater ante Monasterij januam existas, omniumque ingredientium & egredientium provolutis genibus dicas; Ora pro me Pater, quoniam peccator sum. Sic autem ille obedivit sicut Angelus Domino. Itaque cum septem annos illic peregisset atque ad profundissimam humilitatem, compunctionemque pervenisset: voluit Pater post incomparabilem viri tolerantiam, cujus superiori tempore aptum documentum dederat, hunc fratribus connumerare. Et ut revera dignissimum, etiam Ordinatione honorare. Verùm illo plurimis multorum & mei ipsius precibus apud Patrem egit, ut ibidem illum sineret, sicut hactenus fecerat degere, cursumque suum perficere: intelligens, neque obscure his verbis significans, finem suum jam ac vocationis diem imminere. Quod & factum est. Nam cum in ipso ordine illum permanere magister permisisset: post decimũ diem, per abjectionem & ignominiam gloriosissimè migravit ad Christum. Interrogavi ego (cum adhuc superesset) magnum hunc & præclarum virum, quam exercitationem mens ejus habuisset, cum ad portam moraretur. Neque abscondit à me cum prodesse mihi cuperet, memorabilis ille ac dulcissimus Pater; Initio, inquit, hoc existimabam, quod pro peccatis meis essem venditus. Unde cum amaritudine summa violentia & sanguine provolvebar omnium pedibus: impleveram vix annum, cum sine mænore jam ac tristitia id faciebam, mercedem à DEO tolerantiae expectans. Impleto autem rursus anno alio, toto affectu cordis indignum me ipsum existimare capi conversatione monasterii, Patrumque aspectu & contubernio, Divinorumque participatione Sacramentorum; indignum item, qui in

alicujus faciem intenderem. Quocirca defixis in terram luminibus, nec ab oculis disceptante animo, intrantes atque exeuntes ut prome orarent, deprecabar.))

Ibidem.

Aliud. Admirabar ego illic praesens, noviter ex seculo venientium fidem & tolerantiam, atque in ignominiiis & contumeliis, & aliquando etiam persecutionibus insuperabilem patientiam, quas non tantum ab Abbate, sed ab iis quoque qui longè inferiores erant, perpetiebantur. Itaque aedificationis gratia quendam ex Fratribus sciscitatus sum, qui annos quindecim in Monasterio egerat, Abbacyrum nomine, quem maxime affici injuriis ferè ab omnibus videbam: Nonnunquam verò etiam à ministris ex mensa fugari. Erat enim Frater ille naturaliter lingua aliquantulum incontinens; dicebam itaque ad illum; Quid est frater Abbacyre, quòd te quotidie à mensa expelli video? ac nonnunquam dormire incanatum? Qui ad hæc ita respondit: Crede mihi Pater, probant me Patres mei, utrum monachus esse cupiam, non autem verè id faciunt. Quam ego Patrum aliorumque intentionem non ignorans, levisimè & sine ulla molestia omnia tolero. Et ecce jam decimum quintum annum ago istud cogitans, sicut & ipsi, quando Monasterium intravi, dixerunt mihi, quòd usque ad trigessimum annum renunciantes probare solent. Et rectè quidem Pater Joannes. Sine probatione enim aurum non perficitur. Hic igitur egregius Abbacyrus secundo anno postquam adveneram, migravit ad Dominum, in Monasterio hoc, Patribus cum deficeret, dicens: Gratias ago Domino, & vobis Patres, quòd me ad salutem meam tentastis jugiter; hac enim ex causa immunis à tentatione daemonum hæcenus mansi. Quem etiam tanquam Confessorem, & cum his qui illic obierant Sanctis dignissimè æquisimus Pastor sepeliri iussit.))

Ibidem.

Aliud. Cùm ad mensam aliquando confedissemus, summus ille Magister inclinans suum sanctum os in aurem meam; Vis, inquit, tibi ostendam in extrema profunda que canicie Divinum sensum, atque prudentiam? Cùmque id summis precibus orarem. Advocat ex proxima mensa quendam Laurentium nomine, qui quadraginta ferè & octo annos in Monasterio degerat, sedensque erat sacrarii Presbyter. Qui cùm venisset, atque Ab-

bati

bati flexis genibus adstaret, ab illo quidem benedicitur. Sed cum surrexisset, nihil illi penitus dixit, sed sic ante mensam sine cibo stare permisit; erat autem tunc prandii initium. Itaque prolixam horam atque fortasse duas immobilis stetit, adeo ut ipse quoque erubescerem. Neque in illius faciem intueri præ verecundia possem. Erat enim canus totus octogesimumque jam agebat ætatis annum. Mansit autem sine responso ullo usque ad refectiois finem. A qua cum surgeremus mittitur jam à sancto illo, ut memorato Isidoro diceret trigésimi noni Psalmi initium. Non omisi ego, ut sum versutissimus, quin senem illum tentarem. Itaque cum eum postea interrogarem, quid adstans cogitasset? Christi, inquit, imaginem Pastori imposui, neque enim ab illo hoc penitus præceptum exisse, sed à DEO, existimavi. Quare ô Pater Johannes non coram mensa hominum, sed coram Altari Divino ad stare me putans, orabam; nullamque penitus malignam cogitationem adversum Pastorem admittebam, pro sincera in illum fide mea, & charitate: dictum est enim; Charitas non cogitat malum. Sed & illud scito Pater, quod cum quis innocentiae ac simplicitati se omninò dediderit, nullum jam maligno contra se aut tempus aut locum dabit.))

Aliud. Qualis erat ille justus, rationabilium pecorum Pater ac per DEUM Pastor, talem etiam habebat à DEO sibi traditum Monasterii dispensatorem pudicum & moderatum, ut quis alius: mitem verò, ut admodum pauci. In hunc aliquando ad cæterorum utilitatem magnus ille investus est absque ulla causa: iussitque de Ecclesia projici: intempestivè sanè. Ego cum scirem eum ejus criminis, quod sibi Pater objecerat, infontem, seorsum Magno illi dispensatoris commendabam innocentiam. Ad quod & ille sapientissimè: scio inquit Pater, sed sicut crudele est ex ore famelici infantis panem rapere, ita & seipsum & operarium lædit, qui animas suscepit regendas, nisi illi Coronas quantas illum sustinere posse novit, horis singulis providere satagit, sive per contumelias, sive per ignominias, sive per objectiones, sive per ludibria. Tria enim maximè cavenda committit. Primum, quod ipse increpationis mercede privatur; Secundum, quod aliis ex alterius virtute prodesse posset, id agere omisit. Tertium ve-

Ibidem.

rò, quod est gravissimum, quod ii nonnunquam qui videntur esse probatissimi, & laboris patientissimi, si ad tempus negligentur, atque jam ut virtutibus præditi à Prælato non corripiantur, sive probris atque injuriis afficiantur, eâ, quæ in eis inerant modestia ac tolerantia, destituentur. Nam etsi bona & frugifera pingvisq; terra est, consuevit tamen aquæ, (id est ignominia) defectus illam infructuosam, ac sylvestrem efficere, spinasque fornicationis, & noxiæ securitatis in ea germinare: Hoc non ignorans magnus ille Apostolus Timotheo scribit: *Infra, invehis, argue illos opportune, importune.* Ego cum illi spectatissimo Duci adhuc restiterim, infirmitatemque ætatis hujus allegarem, utque plurimi ferè frustra increpati, imò & fortassè non frustra à grege abrumperentur. Ita rursus Objectioni meæ, sapientiæ domicilium occurrit. Anima, inquit, quæ propter DEUM, Pastori fide & charitate devincta est, usque ad sanguinem sustinens, nunquam recedet. Et maximè si antea ab ipso in suis vulneribus fuerit adjuta, solatioque & beneficiis affecta, memor illius qui dixit: *Neg. Angeli, neg. Principatus, neg. Virtutes, neg. creatura ulla à charitate Christi nos separare poterit.*))

1. Tim. 4.

Rom. 8.

Ibidem apud
cit. Climacii.

Aliud. Macedonium Diaconum cujusdam cænobij ex civitate Alexandria uno die tardius reversum, Abbas amovit à Monasterio, atque in ultimo incipientium constituit ordine. Suscepit bonæ patientiæ Diaconus fortissimusque tolerantia Archidiaconus Patris verbum, ac sententiam adeo absque mæore, ut quasi, non ipse, sed alius videretur increpatus. Igitur dum in tali ordine, dies quadraginta peregisset, rursus illum ad pristinum gradum reduxit sapientissimus Pater. Quem item post unum diem Archidiaconus obsecrat, ut se in eadem ignominia humilitate restituat, deliquisse se grave quoddam atque infandum, in civitate asserens. Sciens autem Sanctus hunc, non vera prosequi, sed humilitatis gratiâ hoc inquirere, cesit Pater honesto desiderio. Vidisses Caniciem venerandam degere in incipientium ordine, sincerè omnes ut pro se orarent, deprecantem. Cecidi enim aiebat in fornicationem inobedientiæ. Mihi tamen humili referavit hic magnus Macedonius, cujus rei gratiâ ad hanc propositi humilitatem ita spontè accurrisset. Nunquam enim inquit; ita me bello omni levigarum sensi, Diviniq; luminis dulcedinem in me ipso vidi.))

Aliud.

Aliud. Si quos forè Pater Sanctus ostentationi studere denotasset, cum seculares ad Monasterium veniebant, hac eos arte curabat. Contumeliis illos in conspectu adventantium afficiebat, ministeriaque illis ignobiliora injungebat: Quo illi increpationis genere ita sanabantur, ut jam si qui ex seculo ad Monasterium venissent, aspectum eorum cursu fugerent. Eratque jucundum spectaculum videre, ipsam inanem gloriam se ipsam persequentem, homines autem fugientem.))

Ibidem.

Aliud. Cassianus refert convenisse aliquando in Monasterio Abbatis Pauli infinitam Monachorum multitudinem ad celebrationem solennem depositionis anniversariæ prioris Abbatis. Itaque cum omnes in ingenti atrio subdivali per duodenarium numerum distinctis ordinibus considerent, contigit, ut Frater quidam ferculum parum tardius inferret. Quo animadverso Abbas Fratris patientiam probaturus, atque aliis demonstraturus, sub occasione istius tarditatis exerta manu, palmam eum sub omnium percussit intuitu, ita ut sonitus etiam adversorum vel longius confidentium auribus resuaret. Tantum absuit, ut Frater ob tantam confusionem ad impatientiam moveretur, ut non modò nullus fuerit ex ejus ore prolapsus sermo, vel tenuissimum murmur tacitæ laborum agitatione signatum; sed ne ipsa quidem oris modestia, atque tranquillitas, aut color saltem quantulumcunque mutatus.))

Cass. Coll.

19. cap. I.

Et hæc apud Antiquos. Verum non desunt impræsentiarum, similia heroicæ virtutis inventa in benè ordinatis Religionibus; ubi viri virtutis quid aliud agerent, quàm variis industriis & ad inventionibus divitias perfectionis ac sanctitatis in se & in suis cumularent? Porro in frequentibus *Praxibus* pleraque exercitia maximè humiliativa & afflictiva collecta sunt ex *Directorii pro Ordinibus reformatis*, & præcipue *Ordine Carmelitano*, quæ *Parisiis impressa*, & ab ipsa *Universitate approbata sunt*.

Igitur Magister spiritualis (ut ad ipsam *Praxim* accedamus) quâlibet hebdomadâ, sive mense, scribat chartulas. In prima illarum v. g. Durius & frigidius dormiet; ad imitationem Christi nati, & jacentis in feno & frigore. In secunda: Laborem quempiam duriores faciet; ad imitationem Christi laborantis cum S. Joseph.

In tertia : Silentium, & solitudinem, & abstinenciam, cum piis meditationibus, & oratione, uno die strictissimè servabit; ad imitationem Christi in deserto jejunantis & orantis. *In quarta* : Concionem vel exhortationem ad ædificationem salutis animarum faciet, pro qua calumniis & injuriis afficietur; ad imitationem Christi ratione prædicationis suæ plura patientis. *In quinta* : Osculabitur pedes Fratrum, vel pauperum; ad imitationem Christi inclinati ad lavandos pedes Discipulorum suorum. *In sexta* : v.g. Jacebit per modum crucis orans; ad imitationem Christi in horto positi in agonia. *In septima* : Jacebit in limine à Fratribus conculcandus; ad Imitationem DEI Hominis conculcati pedibus impiorum. *In octava* : Detruderetur in carcerem, vel tetrum locum aliquem; ad imitationem Christi incarcerati. *In nona* : Circuibit Fratres, obsecrans suos defectus detegi, quibus infectus esse videtur, & in quos etiam cum possibile est prolabi; ad imitationem DEI Hominis, innumeras & gravissimas calumnias patientis. *In decima* : Disciplinam ad scapulas faciet, vel accipiet; ad imitationem Christi flagellati. *In undecima* : In honoraria sella variè illudetur, deridebitur, &c. ad imitationem Christi in spinea coronatione illusi. *In duodecima* : Caputio stulti deridebitur; ad imitationem Christi veste albâ subfannati. *In decima tertia* : Jacebit in formam Crucis, paratus omne genus afflictionum, calumniarum, irrisionum, &c. sustinere: ad imitationem DEI Hominis, in patibulo Crucis crudelissimâ morte agonizantis &c.

Hæc & similia (ut expedire videbitur) scribat, quæ etiam supra apud antiquos Patres, & infra connotata apud modernas Sanctas Religiones in usu sunt: sive quæ Spiritus S. dictaverit. Deinde easdem chartulas, tum ipse Magister, tum sui Discipuli, per sortem accipiant, & perlectas, clarâ voce reddant Magistro in registerum inscribendas, ne postea negent se accepisse: Determineturque tempus & locus cuilibet ad executionem, quam ipse Magister à se incipiat, ad exemplum suorum Discipulorum. Porro executio hæc, seu exercitium fiet juxta similem methodum, quæ sepuitur.

P R A X I S

Pro Magistris Novitiorum, aliisque Superioribus,
probandi & exercendi suos Inferiores in mortifica-
tione vitiiorum, & virtutum
studio.

ANte omnia curandum est Magistro, vel Superiori, ut in curandis suorum defectibus, & ab iis praeservandis, perfecta quae sanitate stabilienda Suorum, agat instar peritissimi & prudentissimi Medici; modò acerba, modò lenia antidota spiritualia exhibendo. Persuadeat eis nihil se agere ex odio illorum, sed ex mero amore, tenerique ad id ex proprio officio; alioquin à DEO & ab altiori Superioritate culpandus & puniendus manet. Leniat mortificationis amaritudines, tum fomentis timoris DEI ex quatuor Novissimis; tum dulcedine spei obtinendi copiam gratiae DEI & futurae beatitudinis; tum nectare charitatis Divinae disfluat; roboret exemplis Christi, DEI paræ & Coelitum, &c. Deinde informet, quomodo cum devotione internisque actibus externos actus exercere debeant.

Jam verò exercendi seu probandi, hæc potissimum caveant. *Primò.* Sequentes aliosque mortificationis actus nunquam pravâ quâdam animi consuetudine ac per modum alicujus ceremoniae perficere studeant. *Secundò.* Magistrum nunquam finistrè judicent actiones illius malè interpretando. Caveant suæ innocentiae patrocinari, indeque animi exacerbationes causare, prava miscere colloquia, indignari, Magistrum indiscretum arbitrari, ad idem sentiendum alios inducere. Quod ut fructuosè præstare possint, DEUM in omnibus tanquam Patrem clementissimum, cujus Magister famulus est, adeoque eum ut idoneum ad edocendam mortificationis viam instrumentum intuebuntur: Tum ac peritum in curandis depravata & corrupta naturæ fragilitatibus medicum reverebuntur. An non fatuus ille meritò haberetur, qui medico vulnus sananti irasceretur? Ea igitur tua clementia est, dum mortis tuæ conscius, omnem tamen prorsus respuit medelam, necnon instar canis ad vomitum & pristinos mundi

mundi mores reverteris. Quare non modò oblatam curam refuge, verùm ipse ultro ad spiritualem medicum accede, supplicans hæc pharmaca mortificationum & humiliationum tibi applicari. Quod ut faciant, suis Inferioribus Superiores persuadeant, imò jubeant eos facere.

Actus interni Virtutum in exercitio Mortificationis.

1. **O** Amor Crucifixe, contempe & dolorose, mi dulcis Domine **JESU**, quidquid mihi dicitur, quidquid objicitur, ex animo patior, majora promeritus ob peccata mea: quoniam iniquitatem meam Ego cognosco & mala, quæ coram te feci.

2. O clementissime **JESU**, per amorem quo te diligo, rogo te, ut dignus inveniar perfici & proficere in imagine Humanitatis tue: in qua injurias, contumelias, opprobria, pro me nocente innocens pati dignatus es: hunc in finem præsens opprobrium & confusionem patior libentissime.

3. O Salvator amantissime, in quo tui dignus inveniar nisi in sola patientia, quæ est omnium tui imitatorum vera & unica felicitas?

4. Quidquid ò anima mea nobis evenit, suscipiamus illud corde perfecto: Suscipiamus suaviter, quidquid propinatur amaritudinis nobis. Si displicet sensualitati, placeat tuæ charitati: Calicem illum, quem **DEUS** propinat, bibamus haustu reciproco: Non vis ergo ut bibam illum?

5. Quoties inexpectata probandæ tuæ constantiæ evenire mala desiderasti, ad videndam an unica esset in te virtutis scintilla? Jam offert se occasio, præsens mortificatio tibi subministrat medium probandi virtutem. Cave ne aliqua animi pusillanimitate prosternaris: permaneas ergo in statu tuo rectus, omnia cum Jobo de manu Domini suscipiens, tanquam justam & pridem debitam peccatorum tuorum penam, & maximum adipiscendæ Coronæ meritum.

6. Volo Domine, volo, quidquid tua intendit Divina voluntas hanc virtutis occasione in me experiri. Volo irrideri, conculcari, reprobari, contemni, ut dignus efficiar Professionis meæ Christianæ vel Religiosæ, cujus munus non est delicias querere, sed pati & humiliari.

Praxis exercendi in abnegatione propriorum sensuum est. Indagare inclinationes proprias; v.g. Inclinator quis ad solitudinem, injungat Magister externa opera; Vagabundis verò injungat Magister seriam silentii observantiam & solitudinis. Et sic in aliis.

Praxis.

Praxis refranandae gulae tam in cibo quàm in potu. Notatus quispiam huic pravo deditus vitio, mortificetur; vel ut infra emendando suas portiones, vel si deprehensus furtivè aliquid extra tempus comedisse aut bibisse, potest tali modo coërceri: Capiantur aliqua partes panis (si in cibo deliquerit) vel alterius esculenti ut appédantur illi ad collum, stetq; in conspectu communitatis dicens aliquoties juxta dispositionem Magistri: Domine DEUS meus hinc sto ad summam mei confusionem, qui sicut Esau pro cibo turpiter suam vendidit primogenituram Ita ego miser statum meum vili modo prostituo, utpote qui melius in sacra Religione habeo, quàm in seculo: à te humillimè peto veniam, proponoq; veram & sinceram meae vitae emendationem. Si in potu deliquerit, potest ipsi ad collum pendi sciphus, & similem recollectionem ut supra ei injungere.

Pro negligentibus in lectione tam refectorii, quàm chori præparentur ridicula perspicilia, eisq; apponantur.

Pro immortificatione oculorum sint fasciæ quibus velentur ex toto oculi, ducantur tali modo per ministrum mensæ in refectorio.

Pro immodestis ac nimium currentibus. Apponantur certa pondera ad eorum pedes, jubeanturq; sic per aliquot dies ambulare.

Pro dissolutis manus gerentibus. Assuantur filo manus ad scapulare tempore prandii.

Pro nimium tardis in ingressu. Dentur ipsis calcaria ad pedes.

Pro pigris & somnolentis ad Officium Divinum. Jubeantur comedentibus aliis dormire in suo loco refectorii.

Pro elatis & presumptuosis hæc adhibe. Quâdam verborum acrimoniâ ac emphasi exerceatur, eidem varia exprobrando, secretissima ad majorem ejusdem confusionem aperiendo, errores aliquos defectusq; quorum tamen minimè sibi conscius est, imputando, verbis & extraordinariis exaggeret circumstantiis; aliqua tanquam ad speciem & apparentiam enormia proponendo. Sæpissimè illos tanquam supplices dedignetur aspicere, humiliantes aspernetur, genuflexos (ut in aliquibus Religionibus observatur) aliquamdiu mauditos relinquat, ac tanquam sibi infensos contemnat. Nonnunquam se benè fecisse præsumentes velut inutiles acriter corripiat, excusationem parantes à se rejiciat, eosdemq; non secus ac reos, quamvis innocentes, è conspectu suo recedere

re mandet &c. Hæc optima superbiæ curandæ antidota. Attamen debet Magister satagere, ut ea omnia eo peragantur compunctionis spiritu, quatenus Neogeniti in studio virtutis sensim & pedetentim ad voluntarium sui contemptum assuefiant. Ita ut ad hæc Religiosæ vitæ prima principia toleranda, non tantum in Confratrum suorum, sed & cuiuslibet Secularis conspectu & præsentia paratos se esse declarent.

P R A X E S

Eradicandi superbiam, & proficiendi in Humilitate aliisq; Heroicis Virtutibus.

PRAXIS I. Osculari pedes Religiosorum.

Prosterne te igitur Religiosus spiritu in DEUM elevato, omniumque pedes humillimè osculabitur, ad exemplum illius supremi Magistri nostri, qui in ultima Cæna Discipulorum suorum pedes lavare non est dedignatus: ad quod se hoc modo excitare conabitur.

Actus Interni.

1. **D**EUS meus, JESU Amor Crucifixæ, contempte, dolorose, ego indignitas & miseria, libentissimè me prosterno ante pedes hujus optimi servi tui, Fratris mei, cujus non sum dignus osculari vestigia. Prosterno me autem imitando Te mi JESU prostrate ad pedes Discipulorum suorum.

2. O mi JESU, ecce prosterno me coram uno Electorum tuorum, Ego peccator maximus, & à Divina Justitia tua reprobatione dignissimus.

3. O Mater prædilecta dulcia figens oscula infanti DEO: eodem amore membris Christi Fratribus meis ad pedes eorum, gaudeo quòd idem dignus sim facere.

4. O me infelicem! qui per peccata mea & superbiam dignus factus sum à daemonibus conculcari, utpote qui in conspectu Angelorum refugio me Fratribus meis submittere.

5. Heu me indignum, & qui tantam vilitatem meam humiliare cogor: Adjuxta me DEUS meus, qui te perfectè humiliasti propter me.

6. Eja anima mea cave in hoc vel minimant vanitatis gloriam accipari: quod facimus, id humiliter præstemus, parùm de nobis sentientes, utpote qui omni sumus vituperio digni.

7. Nol

7. Noli cogitare anima mea hunc actum cedere tibi in humilitatem: poena est, quam toties per tuam superbiam promerita fuisti.

Poterunt insuper à Magistro doceri dum osculantur pedes, imaginentur sibi virtutes illius Religiosi, ejusdem affectantes exemplum dicendo: O te felicem ac sanctum Religiosum! utinam perfectionem tuam assequi possem, illam potissimum quae in te relucet, imitando virtutem! quis me participem reddat tantae humilitatis tuae, modestiae tuae, austeritatis &c. Ideo licet indignissimus, tibi humiliter me prosterno.

PRAXIS II Supplantanda superbiae; Et eorum qui sibi nimium sapere videntur.

Curet Magister preparari Capitulum stultorum, quod induat ille Saperda vel Sciolus, & vel mensae ministret, vel circumeat refectorium, ab omnibus ludibrio habendus.

Actus Interni.

1. **D**eus meus, Amor Crucifixae, contempte, dolorose, ego indignitas & miseria tui imitator factus sum, qui pro me ludibrium patiti dignatus es: sit igitur hoc in peccatorum meorum remissionem, & acceptabile Divinae Majestati tuae holocaustum.

2. Amantissime DEUS eligo potius hic derideri, quam in tremenda illa die; ubi mihi hoc mortificationis genus in summum aeternae gloriae meritum cedit.

3. O anima mea nunquid hoc ovis debita proprietate superbiae poena? humiliare igitur sub potenti manu Altissimi.

PRAXIS III. Conculcatio à Fratribus.

Hanc mortificationem injunget Magister ut se penes portam Refectorii, vel Capituli prosternat ad latus, oculis clausis velut mortuus, manibus junctis dicens, quod ipsi impositum fuerit à superiore; deinde superaddet. *Rogo Reverendi Patres & Fratres mei charissimi supplantate superbiam, quae hactenus velut infami, inveterato, & maturo apostemate intumui.* Aliquando etiam demandabitur ipsi nihil dicere: sed solummodo jacere. In hoc actu poterit resumere praenominatos actus supra, de osculis pedum Religiosorum.

**PRAXIS IV. Petitio Revelationis Defectuum
suorum à Communitate.**

Hic actus magnæ est virtutis : qui sic fiet ; Religiosus ille cui hoc genus mortificationis impositum est , accedet ad medium refectorii , ibidem se offerens DEO hoc modo. Domine DEUS meus ego peccator maximus , in meis propriis actionibus cæcus , cupio de vita mea informari : ut hoc medio me cognoscere possim ; scio in maioribus me reum esse , quàm illi dicent ; sed ad interim hoc ad supplantandam animæ meæ superbiam , majorem Nominis tui gloriam , & animæ meæ salutem cedat. Accedat igitur ille ad primum Sacerdotem humiliter genu flexus dicens : Reverende Pater , rogo per misericordiam DEI dignetur mihi manifestare defectus meos , ut vitam propriam emendare possim. Quidquid dixerit illi , ibit ipse humiliatus ad medium refectorii dicens de seipso : Reverendi Patres , Charissimiq. Fratres. Frater Nescis talis , talia facit : dicendo de verbo ad verbum. Quo facto redibit ad veridicum suum deosculatâ terrâ dicens : DEO gratias pro vestra charitate. Et sic consequenter ad omnes. Quod si fuerit magna communitas , sufficit ad solos Sacerdotes : quibus absolutis ultimò ad ipsum Superiorem , à quo tanquam Oraculo Divino amanter audiet suos defectus.

PRAXIS V.

Si Magister per alium vitam alicujus curet legi in refectorio ipso præsentem ibidem , aggravando ejus minimos defectus , quam vitam perfectam porriget eidem asservandam.

PRAXIS VI.

Ipsi tanquam indigno reddere suas vestes seculares , mandando ut per aliquot dies , prout Magistro visum fuerit , interserviat mensæ in illis. Hic modus multum angit illos Novitios , qui de sordibus ad Religionem evecti , multa imaginantur sibi , proindeque hoc medio coërceri possunt & humiliari. Doceat autem Magister eos semper necessarium compunctionis Spiritum per actus internos supradatos simul conjungere , ut eadem exercitia fructuosius peragantur.

PRA-

PRAXIS VII. Confessio publica Defectuum.

Quæ sic fiet: Prohibet ille ad medium non ex aliqua consuetudine, sed animo contrito & mali sibi conscio, dicat publicè altâ voce, præmissa tamen illâ directione, seu intentione, quæ habetur supra de petitione defectuum. O Domine JESU Salvator & Redemptor amantissime, accuso me & commissos defectus meos coram Te & Fratribus meis publicè fateor, indignum me reputans hâc sacrâ Congregatione, utpote qui hactenus neminem edificavi. Sed Fratres meos malo & pravo exemplo destruxi per desidiam, torporem, & negligentiam meam. Accuso me petulantiae ac inobedientiae in vita Religiosa, pertinaciae & presumptionis in tam sacro Consortio: Poenitet me DEUS; capio emendare quod feci; Exemplum vitæ melioris propono imposterum, ideoq; à te peto gratiam, & à Fratribus meis veniam.

Talem Confessionem brevem esse debere & nervosam, nec de gravibus sed communibus & duntaxat ordinariis defectibus.

PRAXIS VIII Exercendæ Humilitatis & S. Paupertatis, est mendicare cibum & potum.

Praxi hæc antiquissima, devotissima, & S. Francisco communissima, quæ sic fieri solet. Cogitabit se mendicum & pauperem. Ante tempus igitur & horam prandii providebit sibi de scutellis, deinde assidentibus aliis præmittet directionem hoc modo. Domine DEUS meus ecce ego me mendicum exhibeo ad exemplum tui, qui affirmasti vulpes foveas habere, & volucres coeli nidos, Filium autem hominis non habere ubi caput suum reclinet. Item: Pauper sum ego, & in laboribus à juventute mea. Accedo igitur DEUS meus hoc sanctæ virtutis exercitium practificaturus; largire mihi gratiam, ut cedat ad majorem Nominis tui gloriam & animæ meæ salutem. Distributâ portione accedet cum scutella vacua nihil dicendo, sed inclinando, expectansque misericordiam, porriget ei, cui voluerit, quâ acceptâ gratias aget,

Notandum verò. 1. Non debere mendicare ut plus accipiat, quàm Fratres. 2. Fratres caveant ipsi dare integram portionem,

Matt. 8.

Psal. 87.

Mat. 25.

tionem, hoc enim soli reservatur Superiori. 3. Cogitent interea Fratres se non Fratri suo dare eleemosynam, sed Christo dicenti: *Quod uni ex minimis meis fecistis, mihi fecistis. Esuri vi & dedistis mihi manducare: sitivi & dedistis mihi bibere. &c.* 4. Debet omnia petere, v. g. Panem, salem, &c.

Hos interim actus poterit exercere. O Domine JESU! liceat mihi tuam imitari paupertatem. O Anima mea! recordare Regem Regum in proprio suo domicilio se dixisse mendicum. O Sanctam Paupertatem! quæ DEUM Hominem fecit, ut ex homine DEUM faceret, quæ DEUM fecit mendicum ut te divitem, DEUM miserum ut te felicem, servum ut te Regem efficeret.

PRAXIS IX faciendi Pœnitentiam regularem.

Delinquens v. g. contra modestiam cursu nimis concito, vel agitatione manuum, sive inconditâ excreatione &c. eundem actum (quo deliquit) in modestiâ in refectorio præsentibus aliis aliquot vicibus faciat v. g. currendo citius, vel insulse excreando, &c. Deinde subsistens dicat v. g. R. R. Patres, vidistis hominem morosum? En ego sum. Pudeat me: quod enim non faceret honestus secularis, hoc ego necdum didici Regularis. Verè actu & gestibus non Religiosum, sed rusticum barbarum in me expressi. Justè igitur tanta crassities & impolities punitur in bonum meum, ut discam modestiam Domini N. JESU Christi. Tandem reliquum assignatæ pœnitentiæ peragat.

Similiter insurrexit v. g. unus contra alterum verbis asperis sive contumeliosis: tum reficientibus aliis in medio stans narret factum cum suis circumstantiis, & concludens dicat: R. R. Patres audistis quomodo virus serpentis antiqui in me efferbuit? Equidem intolerabilis mihi ipsi hæc venenata malitia mea. Verè ut insana furia infernalis aut rabidus canis sum. Orate pro me precor, ut discam mansuetudinem D. N. JESU Christi. Quo dicto assignatam pœnitentiam perficiat. Et sic in aliis defectibus & pœnitentiis procedendum.

Hujusmodi praxis eximium esse fructum quis non videat? verum Magister ante omnia informet, ut non per modum cuiusdam ceremoniæ similia peragantur, sed ex vera sui ipsius cognitione, humilitate, odio & contemptu proprio, libenter propter evadendum Judicium Dei: *sic enim nosmetipsos dijudicemus, non ut iudicemur*

I. Cor. II.

caremur. Tum propter vitam æternam, sicut Christus proposito subigau-
dio sustinuit crucem confusione contemptâ. Talibus & similibus motivis
disponendi sunt Discipulorum animi, ut denique gaudeant, quod
digni habiti sint prænomine JESU contumeliâ pati, (quippe propter
nominis JESU gloriam subdiderunt colla sua iugo sanctæ Religio-
nis) licet insuper ipsorum delicta id mereantur.

Act. 5.

Monitum.

Forſitan animalis homo, inflatus ſenſu carnis ſuæ, &
ſtultâ mundi ſapienciâ inſatuatus, ignorans gloriam Crucis,
ejuſmodi exercitiis mortificationis ac humilitatis hac Præ-
xi & aliis præcedentibus datis, arbitrabitur ſe inſamari. Verum,
non habet quid timeat: Quandoquidem iſta ſunt in Commu-
nitate Fratrum, qui æqualiter ſunt ſubjecti ſtudio virtutis. Denique
ſi coram externis vel ſecularibus Superiores in aliquo ſupradictio-
rum ſuos exercitarent, debent ſupponere id fieri ad ædificati-
onem illorum, nec non honorem Religionis, cujus decus & glo-
ria eò clarior eluſcit, quò heroibus viris virtutum, tanquam
Cælum ſplendidiſſimis altris refulſerit. Ipi quoque perſonæ mor-
tificatæ vel humiliatæ ſive pro culpa ſua ſive citra culpam, virtus
humilitatis, patientiæ, & obedienciæ apud alios tum compaſſi-
onem, tum eximium addit prætium & venerationem: Omnis enim
virtutis comes gloria coram Deo & hominibus. Plura non adjicio:
ſufficit innuiſſe fidele Veritatis Divinæ teſtimonium millionibus
exemplorum probatum: Qui ſe humiliaverit, exaltabitur.

Matth. 23.

Plures actus internos & externos multiplicis mortificatio-
nis, patientiæ, humilitatis &c: vide infra l. 2. tract. 2.

§ VII.

Praxis ſuavis & efficax Reformandi mora- liter Deformatos.

Pro complemento ſupradictorum de Reformatione, tum de
officio Superioris ac Magiſtri ſpiritualis, ſubnecto hic di-
gna ſcitu de Reformatione. Igitur Reformatio moralis ſuper-
naturalis eſt vitæ chriſtianæ corruptiæ conformiter ad proprium ſtatum &
officium ſpiritualis reſtauratio. Sicut enim in Phyſicis ſubjectum tri-
plicem

plicem patitur formarum destructionem, formæ intrinsicæ substantialis, & formarum extrinsecarum qualitatis & quantitatis: ita corruptio vitæ Christianæ fit tum interna per privationem gratiæ sanctificantis, (quæ est forma & vita animæ radicalis) & actuum omnigenæ virtutis supernaturalium (quæ est vita animæ actualis:) tum externa per carentiam observantiarum Christianarum (quales v. g. in statu Religioso sunt, talis vel talis modus vivendi in frequentatione Chori, in cura solitudinis, silentii, in gestatione talis habitus, &c.) quæ vitam animæ in suo esse conservant, & exornant, sicut formæ accidentales compositum physicum. Nisi quod corruptio formæ physicæ est instantanea, ita ut materia privata unâ formâ, mox fortitur aliam: corruptio verò formæ seu vitæ supernaturalis diutius durare solet. Porro sicut in generali resurrectione mortuorum, iustorum corpora receptâ suâ formâ benè dicuntur Reformari juxta illud Apostoli: *Expectamus D. N. JESUM Christum, qui reformabit corpus humilitatis nostræ, configuratum corpori claritatis suæ.* Ita restituta formâ & vitâ animæ internâ & externâ, rectè dicitur homo supernaturaliter Reformatus secundum quod Apostolus monet: *Nolite conformari huic seculo: sed reformamini in novitate sensus vestri, ut probetis quæ sit voluntas DEI bona, & beneplacens, & perfecta.* Ecce quàm sublimiter Reformatos esse exigit Spiritus S. (loquens ex ore Doctoris gentium) omnes Christianos Seculares, quantò magis Religiosos, Ecclesiasticos, qui strictiori vinculo ad obsequium Divinæ voluntati sunt religati?

Philip. c. 3.

Rom. 12.

Motiva ad deferendam vitam Deformatam, & assumendam conservandamque Reformatam seu conformem statui Christianorum Seculari, Religioso, Ecclesiastico Vide supra fusè in Summa Theologie Spiritualis. Verùm persistendo in allata similitudine, conferas hæc duo: sicut materia prima spectata absque omni forma vocatur à Philosophis: *Fex vitæ, eo quòd sit omnium substantiarum vilissima: Et quòd deperdat formas, appellatur Noverca, Malefica, Massa informis, Turpe.* S. Augustinus 12. Confess. ait eam esse *Prope Nihil.* Ita & homo Christianus, Religiosus, Ecclesiasticus privatus formâ vitæ supernaturalis eisdem Epithetis deformatur: quæ deformitas ei sit incitamento ad recuperandam formam vitæ illius, qui est

qui est speciosus formâ præfiliis hominum. Addo unum singulariter animadvertendum: quia inter Deformatos plerumque regnat Tyrannis corporum & animorum, cum delinquentes licet flagellis, jejuniis, carceribus, excommunicationibus, aliisque poenali-
tibus torqueantur, minimè tamen proficiunt, quin potius magis deficiunt, evaduntque pejores, sicut abscisso uno capite hydræ plura in eadem renascuntur. Ratio horum est: quemadmodum enim maligno interno morbo medicamenta extrinseca (v.g. nimis frigida applicata ignitis febribus) absq; intrinsecè applicatis videntur ad modicum tempus licet molesta sunt lenimentum quoddam afferre, sed posthæc majus incurritur periculum, dum morbus ad interiora propulsus concentratur, intensiorque vi iterum erumpit & corpus perimit: Ita & Deformati Superiores tanquam imperiti medici non applicantes quasi quædam interna medicamina frequentis sacræ exhortationis, proprii boni exempli, devotæ orationis, morbidis & malignis suorum Inferiorum passionibus, sed potius eas extrinsecis poenis exasperantes, tyrannizant corpora perimunt & animas. Unde in benè ordinatis & reformatis Sacris Cœtibus de flagellis, carceribus, excommunicationibus &c. vix auditur; quia ibidem curatio spiritualis malignitatis ab intrinseco sumit initium & progressum ad perfectam sanitatem animæ absque extrinsecis torturis sive lenimentis, nisi sint talia quæ adjuvent interiorem curam non perturbent: in quo summâ opus prudentiâ medico Spirituali. Deinde sicut tormenta ita & lenimenta extrinseca uti sunt consolatiunculæ corporales concessæ à Superioribus, ut sui Deformati inferiores sint alacriores ad studia virtutis, parùm prosunt, imò sæpius obsunt præfato intento. Hircum enim licet balsamo unxeris, tamen hætebit hircum. Ab intrinseco igitur seu à Spiritu ordiendum, ad perfectionemque virtutis procedendum.

Præces Reformandi vitam ad cuiusque proprium statum copiosè sunt datæ *supra in Sum. Theol. Spirit.* Alit quia nihil ita perfectum, quod amplius perfici non possit, placet aliquod auctarium addere *supra positis in Summa Theol. Spirit.* Igitur sicut in Reformatione naturali, ita & in supernaturali tria sunt spectanda. 1. *Finis.* 2. *Media ad finem.* 3. *Modus in applicatione mediorum ad finem.*

Primò. Quod concernit *Finem*. Is in reformatione seu re-
 stauracione formæ physicae est perfectio naturalis Compositi. Qui
 finis & in Reformatione supernaturali ante omnia spectandus,
 nempe Perfectio Christiana, in quo fine intendendo & habendo
 omnes status Secularium, Religiosorum, & Ecclesiasticorum quo-
 ad essentiale Perfectionis nempe charitatem conveniunt: etsi
 in actibus aliquarum virtutum ex motivo charitatis elicienda-
 rum differant. Non enim convenit Seculari colere DEUM in
 Choro frequentando, Missas cantando, &c. Nec Religioso in Elec-
 mosynas corporales distribuendo, cum voveat ipse nihil proprii
 habere: Nec Ecclesiastico Curatori solitudinis & silentii latebras
 in assidua Contemplatione DEI licet quærere. Hinc quisque sui
 statûs, officii, instituti perfectas habeat virtutes ex charitate exer-
 cendas, tanquam finem Reformationis. Ita exempli gratiâ
 quoad Religiosos appositè R. P. Daniel à V. M. Carmel: discut-
 rit: Cum vetus ac vera paramia sit, rem omnem, ut purificetur,
 esse ad sua principia reducendam, & reformare sit formam amif-
 sam aut alteratam reparare. Religiosi reformatæ vitæ cupidi,
 ad suum identidem principium, institutionem scilicet & instituti
 sui scopum adspicere debent & collimare. Ac quemadmodum
 pictores (ea est Basilii similitudo) cum imaginem ex imagine
 pingunt, exemplar identidem respectantes, lineamenta ejus trans-
 ferre satagunt ad suum opificium: haud secus Religiosos, per-
 fectioris vitæ avidos, veluti simulachra quædam spirantia, & a-
 ctuosa, suorum Patriarcharum vitas adspicere oportet, probata-
 que opera illorum imitando, sua facere, primariumque sui Ordinis
 finem ac scopum considerare, atque ad illum collimare de-
 bent. Noster autem Princeps, Dux & institutor est S. Pater Elias.
 At cujusmodi ejus fuit conversatio? Consule, si nescis Scriptu-
 rarum oracula, & reperiēs solitudinem, silentium, orationem, ac
 cum DEO conversationem: in cujus præsentia jugiter se con-
 stitutum contemplabatur, ingeminans. *Vivit Dominus, in cujus con-*
spectu sto. Hinc etiam primarium Regulæ nostræ præscriptum
 est, ut in lege Domini semper meditantes die ac nocte: & in orationibus
 vigilantes. Vitam itaque internam velut proprium Ordinis No-
 stri nutrimentum, & spiritualem escam agnoscere, & usurpare
 necesse

Vineæ Car-
mel. p. 4. c. 6.

3. Reg. 17.

necesse est; ac proinde cavenda sollicitè nimia evagatio extracænobia, multaque cum Secularibus conversatio, illa enim animum Religiosum enervant. Et quamvis optima sint exercitia, nedum ab Instituto Nostro aliena, sed quodammodo etiam essentialia, (secundariò nempe) intendere studiis, habendis concionibus, confessionibus audiendis, visitandis infirmis, & ejusmodi, necessarium quoque sit invigilare ædificiis, vetustis quidem restaurandis, & conservandis, ac quandoque etiam novis construendis, nec non cæterarum rerum temporalium necessariorum adeptioni, seu conservationi cura sit impendenda; meminisse tamen debet Religiosus quilibet hujus Ordinis, illa duntaxat esse minus principalia, atque ideo non ita illis vacandum, ut aliud istud primum parum curetur, ne in hora obitus dolens audiat: *Frater, sollicitus fuisti circa plurima, porro unum necessarium neglexisti.* Splendet in eodem S. P. N. Elia rigor & asperitas, cujus exemplo nisi etiam poenitentia & mortificationis serii ac ferventes sectatores fuerimus, invanum operam insumimus, semperque humi repentes ad altiora non assurgemus. *Hec ille.*

Secundò. Media ad introducendam formam physicam, alia se habent *privative*, nempe expulsio contrariarum qualitatum, v. g. frigoris, vel humiditatis in ligno: Alia *positive*, nimirum introductio qualitatum, formæ introducendæ competentium, v. g. caloris, siccitatis, convenientium igni; tum denique per talia media dispositum subjectum ligni, ex eo antiqua forma ligni pellitur, nova forma ignis introducitur. Non ablimili modo & in Reformatione supernaturali procedendum. V. g. in illa Religionem, cujus finis est ex charitate DEI contemplativæ vitæ officiis incumbere adhibenda sunt media ad præfatum finem. 1. *Privativa*, (quibus contraria impedimenta charitatis tolluntur) talia sunt exacta observantia votorum Paupertatis, (quâ aufertur amor & cura terrenæ substantiæ) Castitatis, (quâ tollitur amor & cura uxoris ac liberorum,) Obedientiæ, (quâ aboletur amor & usus propriæ libertatis.) Inordinatus enim amor & cura temporalium impeditiva sunt, ne amore & curâ Divinorum cor occupetur. Porro dicta media Paupertatis, Castitatis, Obedientiæ, juxta præscriptum Regulæ Constitutionumque; & pri-

mævum fervorem ac rigorem SS. Patrum illius Religionis, quæ reformatur punctualiter observanda sunt. Ut v. g. quoad Paupertatem, non amplius quis habeat ex victu, vestitu, suppellectili, &c. quàm Regula & statuta permittunt, quod supra est, superfluum est, abjici debet. Præter hæc alia media *privativa* sunt, uti exercitium Poenitentia (quæ præterita peccata quoad culpam & poenam expiantur) & mortificationis vitiorum, (quæ imminetia peccata caventur) idque juxta Regulam & statuta Ordinis, nec non exempla SS. Patrum illius reformatæ Religionis. Ita S. Benedictus in sua Regula ponit. *Mala sua præterita cum lacrymis vel gemitu quotidie in oratione DEO confiteri: de ipsis malis de cætero emendare.* Et his mediis utendum in via Purgativa, seu incipientium.

2. Media *positiva*, quibus inducitur forma seu perfectio charitatis sunt actus virtutum vitæ Activæ, vel Contemplativæ, vel Mixtæ proportionatè ad cujusque statum, tum ipse actus charitatis frequentatus. Idque ejusmodi virtutes exercendæ sunt v. g. in Religioso statu juxta tenorem Regulæ, statutorum & exempla SS. Patrum. Item actus indifferentes uti opus manuum, refectio, recreatio, somnus &c. virtutizati per rectam intentionem & usum illorum juxta Regulam, statuta, & exempla SS. Patrum maximè tui instituti. Et hæc exercitatio est proficiendum. Sicut perfecti illi evadunt, assequunturque finem integræ Reformationis, qui ex charitate sunt prompti & faciles ad heroica virtutum opera.

Amplior informatio de iis, quæ ad media *privativa* & *positiva* Reformationis reduci possunt, habetur *supra*, & coincidunt pleraque cum illis, quæ Abbas Trithemius affert fusiùs enumerans xij: excidia observantiæ regularis sub allegoria vulpecularum demolientium vineam S. Religionis. *Prima vulpes* sine causa ruinæ observantiæ regularis est indiscreta susceptio inutilium personarum. Ista calamitas sicut in ordine est prima, ita quoque ad destructionem omnis disciplinæ fortissima &c. *Secunda vulpes* gravissimum inducens excidium, est indebita & negligens prima institutio Novitiorum. Quis hujus bestia dolos, fraudes, & mala dinumeret? Quisque enim in prima Novitiatus sui institutione neglectus fuerit, raro bonus, & perfectus monachus erit, &c.

Tertia

*In summa
Theol. Spirit.*

*V. Trithemius
Oratione 5. in
Conc. Abbat.*

Tertia vulpes est puerorum, & de proximo seu vicino susceptio &c. *Quarta vulpes* est ingredientium suscipientiumque ad ordinem non recta intentio, & propositi Sancti in aliis tam cito obli-
vio. &c. *Quinta* est studii regularis omisio. Quid est regulare
studium, nisi juxta præceptum regulælectionibus insistere scri-
pturarum? &c. *Sexta* est Monachorum de Cœnobio frequens
egressio. *Septima* clades est nimia cupiditas & sollicitudo divitia-
rum. *Octava* est inutilium promotio Prælatorum &c. *Nona* est de-
bitæ Correctionis omisio &c. *Decima* est negligens & incon-
sulta visitatio. *Undecima* Pestis quæ regularem observantiam,
nostram tandem penitus desolabit, est reformationis nostræ nimia
& inconsiderata extensio. *Duodecima vulpes* est malitia temporum,
& cœca ambitio &c. *Hec ille.*

3. Restat explicandus quidam specialis *Modus in applicatio-
ne mediæ ad finem*, qualiter nimirum in totam aliquam Religio-
nem seu Provinciæ Reformatio introduci queat, an scilicet
simul & semel in omnibus Conventibus disciplina collapsa restau-
randa sit, an verò ab uno solo incipiendum. Hoc in puncto R. P.
Daniel à V. Maria Carmelita strictioris observantiæ (in qua hoc ini-
quitatis tempore decor Carmeli reflorescens amœnas cœlo præ-
parat delicias) exemplum pariter & exemplar Provinciæ Turoniæ
statuit. Ibi pro cunabulis *inquit* introducendæ Reformationis &
strictioris observantiæ deputatus fuit Conventus Rhedonensis :
& inibi constitutus V. P. Petrus Behourtius Primus reformationis
auctor, & alii septem ejusdem cum eo propositi, quibus mox
succeduntur e seculo adolescentes bonæ voluntatis, ingenui-
tate, moribus, ingenio insignes, quibus præfectus fuit vitæ spi-
ritualis Mystagogus, à quo in orationis, meditationis, examinis
conscientiæ, mortificationis, & austeritatis exercitiis informati
fuere, & ad solitudinis ac silentii amorem incitati. Peculiariter
verò commendata illis fuit erga quæque sigillatim regularitatis
exercitia alacritas. Unde videre erat nocte mediâ ad matutinas
horas non tam diligentiam, quàm præcipationem, quasi primo
ingresso chorum esset specialis palma à DEO proposita, interim
Magistrorum advigilabat cura & prudentia, ne ultra fas & vires
efferverent. jactis sic in Tyronibus solidæ virtutis fundamentis,

*Vinæ Car-
meli p. 4. c. 9.*

appliciti ii fuere ad literarum studia, successeruntq; interim ad tyrocinium alii, & alii. Atque ita pedetentim agri istius bonus odor paulatim effusus illexit alios antiquiores Patres, ut eò transplan-
tari exoptularent. Quemadmodum verò multiplicatæ apes, ac-
cessionem novarum ad novam coloniam emittuntur, sic augescen-
te reparati Instituti germine, propagatum id fuit ad Carmelum
Andegavensem, cum autem in illo utroque numerus sufficienter
accrevisset, ad tertium est processum, ac ita consequenter ad
omnes.

Idem felici successu peractum fuit in aliis Provinciis, tum
Francia, tum Germania, tum Belgii. Interea si ex senioribus se-
riori disciplinæ infvetis, aliqui expeterent aggrega-
ri non sine delectu admittebantur, & admissi per annum pecu-
liariter exercebantur, ac probabantur. Reliqui assveto modo
suo pacificè prout antè vivere sinebantur, donec paulatim seu per
mortem, seu per migrationem, sive per accessum ad Reforma-
tos, diminutus numerus oneribus ultra impar esset; & tunc in-
troducitis Reformatis optio fiebat iis, qui idonei viderentur, &
vellent ibi manere, sed per annum probandi; aut si moribus à
Reformata vita alieni nimis viderentur, aut recusarent manere,
ad alium Conventum nondum reformatum trans mittebantur;
interea Superiorum sollicitudo invigilabat, ut hos inter & illos
charitas mutua foveretur, non læderetur, utque Reformati alios
honorarent, & isti vicissim illos non despicerent. Atque ita
svavi dispositione, sine vi, citraque tumultum Reformatio in
omnes Conventus successivè & pedetentim insinuanda. Verum
hic lentè festinandum (ut jam antè monebamus) quantumvis in-
stent & urgeant Magnates, Magistratus, amici, ut ad sua loca
citò transplantetur reformatio: præproperâ festinatione nil ma-
gis hic nocivum, fluentia divergius arcescunt: ita pessimis doce-
mur experimentis, virtutem, dum dividitur, infringi. Si præci-
pitanter hic procedatur ad alios Conventus, alterutrum, vel
utrumque incurritur incommodum. Aut namque minori, quam par est,
Thereupatarum numero disciplina langvebit, & regulares repe-
scent: cum enim tot agendis impar cæus redditur, vel moleni-
niâ pauci obruuntur, vel præpostero ordine potiorum rerum negle-
ctu, ad

Et, ad exotica miserè distrahantur. Aut certè ex antiquioribus vitæ laxiori affluetis, promiscui & minùs idonei admittuntur. Qui postmodum (quoniam in illis verusta consuetudo pro natura inolevit) ad pristinas libertates prolapsi, facile suo exemplo alios juniores pertrahunt ad similia, sicque *modicum fermenti totam massam corrumpit.*

I. Cor. 5.

Haud multùm dissimili modo DEUS olim procesit cum electo sibi populo Israël, pedetentim, non simul & semel ad terras Chananæorum, Amorrhæorum, Hethæorum, &c. introduxit; hos paulatim extingvendo, & illos successivè dilatando. Non ejiciam eos à facie tua anno uno, ne terra in solitudinem redigatur, & crescant contra te bestie. Paulatim expellam eos de conspectu tuo, donec augearis & possideas terram.

Exod. 23.

In variis Abbatibus Belgii reformandis, quibus subjacent Præposituræ, seu Prioratus, eò ablegati fuere involuntarii, & re-tenti, vel advocati cupidi prisce institutionis, quibus adjunctæ fuere novellæ plantæ, quas regularium observantiarum aquis rigabat Magistrorum selectorum cura. Ubi ea commoditas defuit, locus, (quantum fieri potuit) separatus deputatus fuit pro informanda & continenda juventute, ne cum aliis senioribus conversatione haberent, quod ceu primum, & fundamentale observandum.

Quantùm ad Monialium nostrarum Cænobia ad strictiorem inducenda observantiam, res specietenus videbatur difficili-or, quòd eæ ad alia loca ablegari nequeant: at facilitata res ex congruo procedendi modo (quem declarabimus) DEI, ut confidimus gratiâ, adspirante bonis conatibus. Sic verò in iis reformandis egimus, & agendum est. Una, alterave, aut tres, à quarum nutibus & dictis, aliæ pleræque potissimùm pendent, (quales passim in singulis Monasteriis aliquæ reperiuntur) primum informandæ leniterque urgendæ, ut & aliis persvadeant, negotium non ita arduum, uti apparet: sed umbratiles, & larvatas fore ratiunculas, quæ absterreant. Invitæ autem ad inconvetum rigidioremque vivendi modum haud cogendæ; Atsi, (ut dictum) una & altera vel tres ex præcipuis bonæ fuerint voluntatis & intentionis, persvadere poterunt, ut paulatim se jungant aliæ; si quæ pertinaciter persisterent, relinquendæ pristino vivendi modo. Deinde inchoandum, maxime à fundamentis, id est, à junioribus

nioribus, & novitiis, curandumque, ut iis præficiatur zelosa aliqua, observantiæ meliori benè addicta.

Cœterum hic maximoperè advertendum, *Antiquos mores, leniter, non asperè rescindendos*, opus, inquam, hic est lenitate & discretâ modestiâ. Nec temerè incipiendum, nec præcipitanter progrediendum, nec citò desistendum, si difficultates occurrunt, ut ferè nunquam non evenire solent. Id eleganti similitudine (in subiecto haud multum dissimili) polito, ut solet, sermone sic declarat *Adm. R. P. Leo a S. Joanne in Typo Vestis Religiosæ*. Solent, inquit fidium periti, si quando, dum musicum pulsant instrumentum nervus aliquis laxatus symphoniam auribus animisque priùs suaviter abblandientem corruperit, non quidem inconsulto impetu, aut temere violento chordam ad concentum reducere, sed manu lentâ, ac prudenti, contorto verticulo, sensum per cavam testudinæ extendere, eoque artificio fides iterum aptâ modulatione contemperant. Nec similitudine omninò dissimili, ajunt medici, referente *B. Hieronymo*, grandes morbos non esse curandos, sed dimittendos naturæ, ne medela langvorem exasperet: vel certè remedia cautè decet instillare; quò videtur allusisse pœta, nescio quis dum cecinit:

Temporibus medicina valet: data tempore profunt

Et data non apto tempore vîna nocent.

Ut exinde discamus, cum nullum animal morosius sit, nullum majori Seneca c. 17. arte tractandum, quàm homo, nulli magis parcendum, mirâ prorsus dextertate opus, moribus hominum corrigendis. Id quoque venustissimè & omninò in rem nostram expressisse videtur *D. Ambrosius* (hoc ipsum quod meditamus, licet in diversissima materiâ, tractans ex instituto.) quod erat, inquit, tunc dolendum nunc auferendum est, non asperè, sed sicut scriptum est in spiritu lenitatis, & mansuetudinis. Et lineâ ferme interjectâ: Non ergo asperè, quantum existimo, non duriter, non modo imperioso ista tolluntur, magis docendo, quàm jubendo, magis monendo, quàm minando. &c. Sic quoque pueri ad virtutem ducuntur plerumque non vi & terrore, sed lenitate ac amore. Et hæc practicanda quoque inter viros Religiosos, ut nempe Superiores, & Reformatores, cum lenitate & benignitate, prudentique moderamine procedant: debentque plena persuasione eorum esse præcepta, non timoris, idque ipsorum altè infideat animo, necesse est, ut cum

Ratione 2.
Sect. 4.

cum longanimitate jungant suavitatē, ad emolliendos, attrahendos, fovendos animos. Ea magni momenti est ratio operandi, instar Dei ipsius (& utinam inter nos usque perseveret.) forti æquanimi-
tate à fine usque ad finem. Itaque suavitati misceatur fortitudo, & quemadmodum in naturalibus præviè & pedetentim materia disponitur ad formam, quæ deinde subito, atque instantaneè introducit: atq; ut Chirurgus facturus gravem incisionem, præviis frictionibus carnem emollit, ac præparat, & tunc celeriter secat. Sic in restauranda disciplina regulari, rescindendis-
que moribus inveteratis initio maturâ discretione suaviter debent animi leniri & disponi, tandemque ea, quæ sunt præcipua, prudenti moderatâq; celeritate, ac virili fortitudine, decernenda sunt, & executioni mandanda. Pro istis verò ritè contemperandis, cum Salomone Divina frequenter est imploranda Sapientia. *Hec Carmelitanus.*

§ VIII.

Cura animarum, verè ars artium, quia ex illa æterna salus vel perditio tot millionum animarum pendet; unde quoque nunquam satis doceri vel edisci potest; ideò Curatorem Ecclesiasticum & Religiosum, (qui habet quod timeat pro pelle & anima sua) amplioris informationis, incitamenti, solatii gratiâ remitto ad huius artis peritos Magistros, quorum doctrinâ & exemplo suffultus poterit & ipse vasa captivitatis de manu Principis tenebrarum erepta, gloriosus Dux in perennem Regis Regum triumphum præsentare. Consulantur ergò & diligenter relegantur ad praxim.

I. S. Gregorij magni Liber de cura pastoralis. Item Humilis de officio seu cura pastoralis.

II. S. Chrysostomi Libri sex de Sacerdotio.

III. S. Prosperi Episcopi Rhegiensis Libri tres 1. De vita contemplativa Sacerdotum. 2. De vita activa eorundem. 3. De virtutibus & vitiis.

IV. S. Bernardi Abbatis 1. Libri quinque de Consideratione ad Eugenium III. Pontificem max. 2. De moribus & officiis Episcoporum & Prælatorum Tractatus ad Henricum Senonensem Archiepisc. 3. De vita & moribus Clericorum, seu Tractatus super Ecce nos reliquimus omnia. 4. De vita & moribus Religiosorum, seu Apologia ad Guilelmum Abbatem.

No

Hos

Hos & alios Magistros ac Patres Ecclesiæ in materia præ-
inserta in unum Librum sub titulo septem Tubarum orbis Chri-
stiani R. D. Jacobus Merlo Horstius Colonienfis colligit.
V. Trithemii Abbatis inter sua Opuscula & Orationes repe-
res, quod in dicta materia illuminet intellectum, exciter affectum
Religiosi Curatoris.

SUBSECTIO VII.

De Correlativo Magistri Spiritualis, nempe Discipulis Divinæ Sapientiæ.

Necessitas Discipulorum Sapientiæ Divinæ, seu discendæ &
practicandæ Virtutis, est tum propria cujusque, tum com-
munis Ecclesiæ salus. Propria: quia unicuique ad salutem
æternam medium est virtus supernaturaliter exercita, ut ex su-
pradictis patet, in omni genere hominum, statu, officio, patebit-
que ferè hoc toto Opere. Communis verò Ecclesiæ salus: Etenim
cum hæc sit supernaturalis & Divina, ad eam quoque opus est Me-
dio supernaturali & Divino scilicet Doctrinâ Divinâ, eam pro-
ponente in ore Prædicatoris Spiritu Sancto, & illustrante ac mo-
vente corda auditorum. Siquidem proponere doctrinam Sacræ
Scripturæ non dirigente linguam proponentis Spiritu Sancto,
etiam diabolus prævalet, & hæretici faciunt in perniciem plurimum.
Et quanquam etiam adsit recta intentio fidelis sed frigidi Præ-
dicatoris, non ignitâ Spiritu Sancto linguâ, minimè quoque ignem
sparget, quo tenebrosa & algida auditorum corda irradiaret ac-
cenderetque. Unde in signum hujus supra dimittendos ad con-
versionem orbis terrarum Discipulos Christi, Spiritus Sanctus in
igneis lingvis descendit. Et Apostolus inquit: *Sermo meus & præ-*
dicatio mea non in persuasibilibus humanæ Sapientiæ verbis, sed in ostensi-
one Spiritus & Virtutis: ut fides vestra non sit in Sapientia hominum sed in
virtute DEI. Deinde, quid prodest multum verbis intonare, si Spi-
ritus Sanctus interioris Doctor in corde auditorum non operatur?
Et quanquam hæc subtractio Spiritus Sancti frequenter accidat

1. Cor. 2.

S. Greg. 1. 8. ex culpa auditorum, non raro tamen etiam contingit ob reporem
Moral. c. 26. & imperfectionem Prædicatoris. Unde S. Gregorius: *Mens con-*
cupiscen-

cupiscentiis exterioribus occupata, Divini amoris igne non calet, & idcirco ad supernum desiderium inflammare auditores suos nequeunt verba, quæ frigido corde proferuntur. Jam verò ut concurrat Spiritus Sanctus cum Prædicatore in opus alienæ salutis, necesse est, ut ipsi dignum in se habitaculum præparet per continuum studium virtutis, sitq; perpetuus Discipulus Sapientiæ Divinæ. Ita enim fiet, quod unus Doctor vel Prædicator Sanctus plus afferet fructus in Ecclesia DEI, quàm mille Doctores vani, vel decem millia tepidorum Prædicatorum: quod revera singula Ecclesiæ Secula considerando, manifestè probant. DEUS enim & in ore Prædicatoris Sancti loquens, & cor auditorum movens, quid non efficiet? Hinc S. Leo: O quàm velox est sermo Sapientiæ, & ubi DEUS Magister est, quàm citò discitur, quod docetur. Non est adhibita interpretatio ad audiendum, non cōsultatio ad net. in Com-
sum nō tempus ad studium. Et quia nunc mēsis animarum multa, Operarii autē Sancti pauci, etsi alii sint innumeri minus perfecti, adeoq; parum utiles: Igitur ad communem Ecclesiæ salutem promovendam, sicut peritiles sunt aliæ scientiæ liberales, ita unicè est necessarium studium practicum Sapientiæ Divinæ, seu Perfectionis & Sanctitatis. Porro ad studium propriæ salutis omnes homines sunt apti, maximè fideles: quia ad hunc finem sunt à DEO creati, redempti, gratiā sanctificati, ut quisque pro modulo suo, in schola virtutis proficiens Laureos & Coronas perennes mereatur. Ad curam verò salutis alienæ illi se debent sensim disponere per sublimiora studia perfectionis propriæ, qui à DEO vocantur ad statum Ecclesiasticum, & Religiosum, vel quibus à Superioribus hæc functio demandatur.

Cæterum, Qui, & Quales, ad altiora Sapientiæ Divinæ mysteria perdiscenda requiruntur, supra visum est in Præliminariis: nunc breviter insinuandum est. *Conditio primaria* Discipuli Christiani est *Sapiens Stultitia*, juxta quod Apostolus ait: *Si quis videtur sapiens esse in hoc seculo, stultus fiat, ut sit sapiens: Sapientia enim hujus mundi stultitia est apud DEUM.* (Hanc stultam sapientiam mundi, sicut & Sanctam seu sapientem stultitiam justorum qualis sit, infra descripsimus.) Stultus igitur debet esse, id est privatus fallaci sapientiā mundi, & studiosus Sanctæ stultitiæ: Adeoque stultus apud mundanos, qui cupit ditari sapientiā verā & Divinā. Cujus

1. Cor. 2.

1. 2. tra. 1.

cap. 1. sect. 4.

subf. 4. 2. Et

tra. 2. cap. 3.

sect. 19.

Eccli. 24.

altissimam æstimationem & ferventissimum desiderium ante omnia, & Discipuli sibi, & Magister in eis comparent: (Pro quo incentiva dedimus. *In præliminaribus, sub contemplatione, & alibi passim*) ut de ipsis quoque Sapientia dicere possit: *Qui edunt me adhuc esurient, & qui bibunt me adhuc sitient.* Prælibatis quippe semel Sapientiæ deliciis, ad illas per gladios & ignes, ac quæque ardua animus continuis desideriis æstuat, & pervenire eluctatur.

Isai. 66.
Rom. 12.
Homil. 22.
Sap. cap. 1.
Matth. c. 5.

*Secunda Conditio est sincerus amor, & confidentia filialis ad Magistrum, tanquam dilectissimum Patrem suum, utpote qui totus & exemplo, & doctrinâ, & oratione, allaborat in hoc, quatenus sui Discipuli tanquam amantissimi in Christo Filii, in beata æternitate altissima dignitatis & gloriæ cœlestis culmina, immensum bonorum & deliciarum Oceanum, comparatum habeant. Quæ cerrè magna dilectio & cura Magistri seu Patris Spiritualis digna à Filiis Spiritualibus omni amore reciproco, & tenerâ confidentiâ filiali, honore, & gratitudine, in tempore ac æternitate. Et non permittant se à sathana seduci in minuenda eadem, confidentia: alioquin lamentabile, & in totam æternitatem incomparabile meritum, & quandoque totius salutis suæ detrimendum patientur. Deinde erga Magistrum omnino necessaria est cæca & perfecta Obedientia; Hinc Scriptura. *Ve! qui sapientes estis in oculis vestris, & coram vobismetipsis prudentes.* Et S. Chrysostomus. *Nihil ita à reliquis avellit & abscindit, quemadmodum, si quis se sufficere sibi ipsi putaverit. Unde & ita nos DEUS constituit, ut alter alterius operâ indigeat. Ut ut enim prudens sis, altero tamen opus habes. Quod si te nullius operâ indigere putaveris, omnibus factus es stultior & imbecillior.* Sed de hoc, præcedenti Subsectione & alibi fusiùs.*

I. 2. tra: 2.
cap. 6. sect. 5.
subsect. 8.

Sap. cap. 1.
Matth. c. 5.

Tertia Conditio est Puritas Cordis. Hinc dicitur: In male volam avimam non introibit sapientia, nec habitabit in corpore subdito peccatis. Deinde Christus: Beati mundo corde, quoniam ipsi DEUM videbunt; quæ visio seu cgnitio DEI in præsentia abstracta, vel media; & in futuro intuitiva, ac eam consequens amor DEI & gaudium, est finis sapientiæ.

Isai. c. 66.

Quarta Conditio est profundissima Humilitas. Quare DEUS per Prophetam: Ad quem respiciam (cùm Spiritus mei donis & gratis, quorum est præstantissimum donum sapientiæ, & sermo sapientiæ gra-

vix gratia gratis data:) nisi ad pauper culum, & contritum spiritum, & tremementem sermones meos?

Quinta Conditio est Oratio fervens cum fiducia. Ita Jacobus Apostolus: Si quis autem vestram indiget sapientia, postulet à DEO, qui dat omnibus affluenter, & non impropert, & dabitur ei. Postulet autem in fide nihil hæsitans: qui enim hæsitat similis est fluctui maris, qui à vento movetur & circumfertur; non ergo æstimet homo illo quod accipiat aliquid à Domino. Et non modò pro se, verum & pro Magistro Spirituali à suis Discipulis exoranda Divina Majestas: prout Doctor gentium Paulus Apostolus, idem in suis Epistolis toties à Christi fidelibus expetiit. Quippe ex Sancto & Sapiente Magistro, suorum Alumnorum tota felicitas ac beatitudo vitæ præsentis & futuræ plerumque dependet.

Sexta Conditio juxta Cornel. à Lap. est Sobrietas, quæ naturaliter confert ad scientiam. Tum quia caput facit serenum, spiritusque animales facit liberos, & puros, aptosque ad speculandum & meditandum. Tum quia anima quò minus occupatur cibo, cibi que concoctione, digestionem, egestionem, eò magis intendere potest & solet studio & contemplationi, in eamque totam vim suam exercere. Hinc Salomon: Cogitavi inquit in corde meo abstrahere à vino carnem meam, ut animam meam transferrem ad sapientiam, de vitaremque stultitiam. Et Isaïas: Quem docebit scientiam, & quem intelligere faciet auditum? ablattatos à lacte, avulsos ab uberibus. Ita abstinentes Enos, Henoch, Mathusalem, Noë sapientissimi fuerunt. Noë enim totius mundi fuit reparator, instructor & gubernator. Ita Nazaræi & Rechabitar à sapientia æquè ac abstinentia commendantur. Ita Moyses & Elias, jejunio 40. dierum sapientiam & visionem DEI meruerunt. Ita Judith, Esther, Machabæi sapientiam illam & fortitudinem, quâ Holofernem, Aman, & Antiochum prostraverunt, adepti sunt. Ita Joannes Baptista abstinentiâ quasi Angelus evasit. Ita Paulus primus Eremita, Antonius, Hilarion, & tot Anachoretarum, & Monachorum examina, vitam, quasi Angeli terrestres, in abstinentia, contemplatione, & sapientia, longævam duxerunt, vixeruntque plerique eorum centum & amplius annos. Ita Coenobitæ olim, teste S. Hieronymo, perpetuò jejunabant, aquam bibentes, & solum panem cum leguminibus &

Jacob c. 1.

Ita Corn. à Lap. in Genes. cap. 9.

Eccl. c. 2.

Isai. c. 28.

oleribus manducantes. Audi & Gentiles. Tradit Xenophon, antiquos Persas ad panem nihil nisi nasturcium adhibere solitos, tumque floruerunt sapientiâ & virtute bellicâ, orbisque imperium tenuerunt 200. annis, scilicet à Cyro ad Darium, qui per delicias & vina, imperium cum vita perdidit. Chæredemus Stoicus tradit, priscos Egypti Sacerdotes carne, vino, ovis, & lacte, semper abstinuisse, idque ut purius, intensius, acritus divinis rebus vacarent, ardoremque libidinis restringerent. Atque hi Egypti fuerunt Sapientes & Astrologi. Esseni apud Judæos vino & carne sibi interdicebant, totique orationi & studio sacrarum literarum vacabant; de quibus mira narrat Josephus, Philo, & Plinius. Quinimò Porphyrius in libro de abstinencia, ab esu animalium asserit plerosque ex eis Divino afflatos spiritu vates extitisse. Ebulus refert apud Persas tria fuisse Magorum genera, quorum primum (qui maxime sapientes & eloquentes existimabantur) præter farinam & olera nihil esitabant. Hec Cornelius.

Septima Conditio est relictis superfluis scientiis adhibere indefessam diligentiam in studio speculativo & practico hujus Divinissimæ scientiæ.

Prov. 8.

Thomas
Kemp. lib. 3.
cap. 43.
I. Cor. 4.

Hinc Sapientia inquit: Beatus homo qui audit, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem à Domino. Et magnus Magister Spiritualium in persona DEI loquens: Fili, non te moveant pulchra & subtilia hominum dicta. Non enim est regnum DEI in sermone, sed in virtute. Attende verba mea, quæ corda accendunt, & mentes illuminant, inducunt compunctionem, & variam ingerunt consolationem. Nunquam ad hoc legas verbum, ut doctior aut sapientior possis videri. Stude mortificationi vitiorum; quia hoc amplius tibi proderit, quam notitia multarum difficultium quæstionum, Cum multa legeris & cognoveris, ad unum semper oportet redire principium. Ego sum, qui doceo hominem scientiam & clariorem intelligentiam parvulis tribuo, quam ab homine possit doceri: cui ego loquor, citò sapiens erit, & multum in spiritu proficiet. Væ eis! qui multa curiosa ab hominibus inquirunt, & de via mihi serviendi parum curant. Veniet tempus, quando apparebit Magister magistrorum Christus, Dominus Angelorum, cunctorum auditurus Lectiones, hoc est singulorum examinaturus

Soph. 1
I. Cor. 1.

turus conscientias. Et tunc scrutabitur Hierusalem in lucernis, & manifesta erunt abscondita tenebrarum, tacebuntque argumenta lingvarum. Ego sum, qui humilem in puncto elevo mentem; ut plures aeternae Veritatis capiat rationes, quam si quis decem annis studuisset in scholis. Ego doceo sine strepitu verborum, sine confusione opinionum, sine fastu honoris, sine pugnatione argumentorum. Ego sum qui doceo terrena despicere, praesentia fastidire, aeterna quærere, aeterna sapere. honores fugere, scandala sufferre, omnem spem in me ponere, extra me nil cupere, & super omnia me ardentem amare. Nam qui amando me intime, didicit Divina, & loquebatur mirabilia. Plus profecit in relinquendo omnia, quam in studendo subtilia. Sed aliis loquor communia, aliis specialia, aliquibus in signis & figuris dulciter appareo, quibusdam verò in multo lumine, revelo mysteria. Una vox librorum, sed non omnes aequè informat: quia intus sum Doctor, Veritas, Scrutator cordis, cogitationum intellectus, actionum promotor, distribuens singulis, sicut dignum judicavero.

Jam verò quod concernit Methodum discendi Theologiam Spiritualem Speculative & practice, Discipulus Christianus eam ad punctum & amussim observabit, quam Magister suus Spiritualis praescripserit. In quo puncto Magister tanquam Oraculum Divinum, Interpretesque Divinae voluntatis, & vices gerens supremi Magistri, Spiritus Sancti, & Christi, exactissimam Obedientiam audiendus, & sequendus. Ita enim servatis praefatis Conditionibus, & promptissimam in omnibus obedientiam, citius quam speraverit, attinget supremum gradum Divinae Sapientiae, seu culmen Perfectionis, Sanctitatis, Beatitudinis in Via & Patria.

SUBSECTIO VIII.

De Causalitate Morali Virorum Apostolicorum seu Missionariorum in salutem

proximi.

Missio à mittendo, (de qua hic loquimur) est deputatio alicujus ab eo qui potestatem habet, ad obeundum ministerium Ecclesiae.

Laur. Beyerlinck Theatr.

vite hum. tit.

Missio

sacrum,

saisticum, ut puta predicationis Evangelicæ, administrationis Sacramentorum, &c. Eas Misſio nonnunquam Vocatio appellatur.

Ibidem.

Rom. I.

Galat. I.

Actor. 20.

Tit. I.

Misſio duplex est: alia immediata, sive extraordinaria, alia mediata sive ordinaria. Illa est quæ fit à Deo proximè: quomodo in veteri lege misſi & vocati plures: In nova Apostoli, & LXXII. Discipuli: post hos etiam Paulus vocatus, ut ipse de se fateatur *Apostolus segregatus id est à Spiritu S. electus, in Evangelium DEI*: Unde alibi dicit se *vocatum non ab hominibus, neq; per hominem &c.* Ordinaria & mediata est, quæ fit à DEO per Ordinarios Superiores & Prælatos. Et quidem de prima dicitur: *Attendite vobis & universo gregi, in quo vos posuit Spiritus S. Episcopus regere Ecclesiam DEI*: de altera verò, cum Paulus præcipit Tito Episcopo *per civitates, constituere Presbyteros*. Item cum Apostoli, qui erant variè dispersi, deputarunt variis in locis ministros verbi & Sacramentorum juxta facultatem sibi à Christo traditam: quæ usque modò in Successoribus illorum perseverat, ac veram Ecclesiam, in qua hæc viget, illustri testimonio arguit. Igitur primum Jus mittendi in Ecclesia habet summus Pontifex S. Petri Successor, & ovilis Dominici custos & rector primarius. Cum enim ille constitutus sit Pastor Christianorum omnium, neque per se omnibus adesse queat, per Episcopos suos, aliosque Ministros adest, qui accepta ab eo potestate populum sibi commissum pascant. Subordinatam & velut secundariam mittendi inferiores Ministros potestatem habent Episcopi; quia & ipsi Diocesium suarum primi & summi constituuntur Pastores, non ut sint dominantes in Cleris, sed ut forma gregis facti, ovibus sibi creditis de necessario pastu provideant ut Patres.)

*Theatr. vit.
sum: Misſio
Rom. 10.*

Motiva quibus incendantur Prælati Ecclesiæ ad procurandas Misſiones, & Mittendi ad suscipiendas. *Primum.* Quia ut ait Beyerlinck: ejusmodi Misſio est basis & fundamentum totius Christiani ædificij: Quomodo enim inquit Apostolus *invocabunt, in quem non crediderunt? aut quomodo credent ei quem non audierunt? quomodo autem audient sine predicante? quomodo verò predicabunt nisi mittantur?* Mittantur non à Rege aut civili Magistratu inquit Cornelius sed à Deo.

Secundum. Est justitiæ debitum, quo Prælati & Curati animarum

marum graviter obstringuntur ad indefessam vigilantiam & diligentiam in promovenda salute sibi commissorum. Hinc dum muneri suo satisfacere se solis convenienter nequeunt, obligantur providere viros probos & idoneos, quibus partem curæ & oneris sui committant. Alioquin severum caveant DEI judicium Pastores Christi ovium, si ille non dico gregis sui detrimentum videat, sed etiam minus utilitatis per incuriam Pastorum in eo reperiatur. Unde S. Benedictus de Abbate qualis esse debeat ait: Sciat Abbas culpæ pastoris incumbere, quicquid in ovibus Paterfamilias utilitatis minus potuerit invenire.)) Vide supradicta de statu Curatorum animarum, & de Causalitate Morali Superiorum &c.

Regu. c. 2.

Sum. Theol.

Spirit. cap. 6.

sect. 3. Et par.

I. c. I. sect. 1.

subsect. 5.

Tertium. Charitas DEI & proximi, non modò curâ animarum oneratos, verùm & alios hac curâ levigatos, urget ad juvandum proximum. Et certè si in hoc opere, vel negligentia, vel carentia legitimi Pastoris adest, vel aliquis alter idoneus minimè prodest; unde oritur periculum animarum, quisque pro possibilitate sua vi charitatis succurrere proximo suo tenetur in discrimine animæ, multò magis quàm corporis cōstituto. Hoc enim transitorium, illud æternum est; imò licet sint qui ad æternitatem in necessariis proximum juvent, tamen & alii non desint qui supererogatorio subsidio ad meliorem perennis beatitudinis proximum promoveant. Quare Prælatos, Superioresque Religiosorum hoc subsidium Charitativum tangit, ut veniant cum sibi subjectis, Viris virtutis in adjutorium Ecclesiæ DEI. Videantur suprà data de statu vitæ mixtæ, & infra de Charitate proximi, de Operibus misericordiæ Spiritualibus, de zelo. Ubi tum pro Mittentibus, tum pro Missionariis sufficientia incitamenta dantur.

Quartum ab Exemplis. I. DEUS mittens Sanctos Patriarchas, & Prophetas, deinde Apostolos tanquam fideles operarios in vineam Ecclesiæ suæ, quæ ab Abel usque ad ultimum Electorum, qui in fine mundi nascetur, extenditur, & excolitur: sicut magnus Gregorius explicat. Unde Isaias dicit: Dominus DEUS misit me & Spiritus ejus.

Greg. homil.

19. in Evang.

Isai. 48.

II. DEUS PATER misit Filium suum in mundum, ut salvetur mundus per ipsum. Unde & Christus ait se missum ad oves, quæ perierant domus Israel.

Joan. 3.

Matth. 15.

Matth. 10.
& 18.

Luc. 20.

III. CHRISTUS Dominus duodecim Apostolos misit prius quidem ad Israëliticum populum: deinde post Ascensionem suam in Cœlum etiam in Orbem universum. Et Lucas refert: Quod designavit Dominus & alios septuaginta duos, & misit illos binos ante faciem suam in omnem civitatem & locum, quod erat ipse venturus.

Beyerlinck
Theatr. vitæ
hum. tit. Mis-
sio.

IV. A Sanctis verò Apostolis usque ad præsens tempus Ordinariæ Missionis seriem facile est contexere ex Summorum Pontificum successione, gentium Annalibus, ac Provinciarum, rerumque orbe gestarum Historiis, in quibus Scriptores omniate examusim monumentis suis providè inseruerunt, quos Episcopos & Evangelii Præcones qualibet aut Regio, aut Civitas habuerit, à quo missi, quos successores numeraverint, quo tempore ibi esse desierint, ac multa his affinia. Quoad illos autem qui ab ipso Romano Pontifice immediatè missi sunt, hodièque mittuntur, non est quòd in producendis exemplis laboremus, cum omnes Episcopi à quocunque tandem cujusvis Privilegii prætextu designentur, aut nominentur, à Successore Petri confirmari & institui debeant; neque Jurisdictionem Episcopalem ab alio, quàm à Romano Pontifice valeant obtinere; infinitum foret per omnes Episcoporum Missiones, & ordiem successione decurrere.))

V. R. P. Matthias à Corona Carmelita præclaro tractatu agens de Missionibus Apostolicis (cujus pleraque dicta cum hic positis coincidunt) dum de Missionariis R.R. PP. Carmelit: Discalceatorum prosequitur, hæc (prout excerptum à viro fide digno accepi) inquit: P. Petrus à Matre DEI cum esset Concionator Clementis VIII. dictum Pontificem induxit ad fundandam Congregationem de propaganda fide. Et P. Dominicus à J. M. multa aureorum millia pro fundandis Missionum redditibus ex piorum fidelium manibus collecta, huic sacræ Congregationi contulit. Ad-
dit P. Philippus, quòd omnes Alumni Congregationis Italicæ singulis annis bis solenni ritu professionem renovantes, firmissimum addant propositum ad Terras infidelium se pro eorum conversione ituros.))

VI. Vincentius de Paul natus Anno 1576. in Pago Pouy non procul

procul à Civitatē Aquisi distante, qui ut Sacerdos instituit Congregationem pauperum Sacerdotum; quorum purum esset ministerium annunciare populo rudi & pauperi Evangelicam doctrinam. Quæ Congregatio in hunc usque diem procul dilatavit suos palmites. Etenim odore virtutis illorum allec̃ta Serenissima Regina Poloniæ Joannis Casimiri conjunx Anno 1651 in Regnum Poloniæ ipsos evocavit: ubi magnos & uberes fructus charitatis produxerunt. Hujus Congregationis alumni quamvis nullis votis asstricti sint, obligant se tamen ire quocunq̃ mittantur. Uade non pauci de illis amore Christi ad barbaras nationes destinati sunt tam Tunetum quàm Algiriam versùs, non sine lucro animarum. Agunt vitam communem, habentque instituta sanctitatem redolentia.) Utinam! Præsules Ecclesiarum ejusmodi Missionariorum Congregationes & domicilia instituerent, qui per suas Dioeceses certis temporibus discurrerent ad rudem populum in doctrina Christiana erudiendum; quantum importabile onus curæ Pastoralis eis levaretur? quot titiones ignis infernalis inter sydera empyrei Coeli attollerentur? Utinam! Prælati Religiosorum è suis Cœnobiis aliquos electos viros virtutis ad similem curam destinarent, qui pertranscentes sua & vicina Territoria, verbo & exemplo plures è barathro æternæ perditionis in Regnum perennis felicitatis secum deduceret.

*Exempla Missionariorum de statu Religioso etiam
vitæ Contemplativæ.*

Sanctus Basilus in sua Religione olim Ecclesiæ Orientalis firmamentum. Quippe Ordinis sui institutum adeò dextrè concinnavit, quod Charitati DEI & proximi propria deferret officia. Et ad præsens in Græco ritu, non nisi ex Basilii Asceteriis ad infulas Episcopales sublimantur.

S. Augustinus clarissimorum Ordinum Fundator magnificus. Cui Ecclesia Occidentalis primas partes & grates refert: quippe ille primus est, qui in Latina Ecclesia ut Basilus in Græca Regulares amplificavit colonias; & ex illis usque ad præsens tempus magnum Ecclesiæ DEI præstat solatium, & auxilium.

S. Benedictus teste magno Gregorio evertens idololatriam In vita S. Be-

Beyerlinck in monte Casino, commorantem circumquaq; multitudinem prædicat. *Theatr. vit. tione continuâ ad fidem vocabat.* Et ex ejus Benedicta Religiofo-
hum. tit. Mis- rum familia D. Augustinus Monachus de licentia Pontificis B. Gre-
so. gorii ordinatus Anglorum Episcopus à Germaniæ Episcopis

Ex Brev. Pa-
tron. Reg. Pol.

Anno Christi 577. cum sociis ferè 40. in Britanniam penetravit, quo Evangelium Christi (permissu Edilberti Regis) prædicante gens Anglicana veram fidem est amplexa, testibus *Beda lib. 1. hist. Gentis Anglorum*, & ipsis Centuriatoribus hæreticis *Cent. 6. c. 9.* D. quo-
 que Bonifacius Anno Christi 719. à Rom. Pontifice Greg. II. variis Reliquiis & literis ejusdem dimissorialibus instructus, per totam Germaniam Apostolatûs & prædicandi munus est sortitus.))
 S. Adalbertus Benedictinus, Episcopus Pragensis, deinde Gne-
 snensis in Polonia, cum benedictione summi Pontificis Hungariâ in fide Christi confirmatâ, Poloniâque salutaribus præceptis copiosius instructâ, perrexit in Prusiam Idolis servientem, ubi pro fide Christi Martyr gloriosus occubuit.)) Sed quid multis exemplis, quorum pene innumera sunt, opus? Benedictinus Ordo ferè septem seculis totum sustinuit Occidentem; Imò frequens totius Ecclesiæ clavum in summis Pontificibus præclarè gubernavit. En Trithemius testis fidelis, dum ait: *A tempore S. Benedicti*
lustr. Ord. S. per multos annos Ordo noster in maxima religione viguit, & Ecclesiam Dei
Benedicti l. 1. per annos septingentos laudabiliter sustentavit: dum Fratres in eo degen-
cap. 2. tes non solum sanctitate conversationis sibi proficerent, imò etiam populis doctrinâ & librorum multiplicium editione prædicarent.

Bzovius in
Annalibus Ec-
clesiast. ad an-
num Christi
1153.

Quid sub Regula S. Benedicti militantis Sacri Ordinis Cisterciensis hoc titulo à multitudine Sanctorum, à magnitudine Sanctitatis olim insigniti, referam zelum? Fervet hic, ut alia transeam Luminaria, in rutilantissimo ejusdem Religionis jubare
 S. Bernardo: de quo ex ore viri probatissimi Bzovii probata, clara, & nota in Ecclesia DEI accipe encomia. D. Bernardus Abbas, si quis unquam alius, magnus Ecclesiæ Pacarius, magnus Christi Apostolus, magnus hæreticorum & schismaticorum expugnator. Maximus eloquio, doctrinâ, pietate, sanctitate, religionis propagatione, miraculis factis. Maximus apud Pontifices, Imperatores, Reges, Principes, Cardinales, & omnes omnino Populos Christianos: Cujus memoria felicissima in benedictione, & sanctificatione, ad morum disciplinam, & ad condemnationem hæreti-

hereticorum in sancta Ecclesia æternum perseveret. Illo aureo seculo
florentis Cistercii felices se arbitrabantur Ecclesiæ habere Episco- *Menol. Ci-*
pos de eodem sacro Ordine. Adnecto B. Christianum ex Mona- *stercien. ad 4.*
sterio Olivæ Cisterciensi licet ferè in ultimo Orbis climate ad *Decembris &*
aquilonem sito, Apostolum designatum à Sacra Romana Sede *Monum. Oli-*
in Masoviam, Culmigeriam, Lubaviam, vicinasque Regiones *vens.*
(quæ nunc incorporatæ sunt Regno Poloniæ.) Qui præclaros
ex semine Evangelii animarum fructus retulit, & Crucigeros in
Prusiam introducens ad novellam Christianam fidem tutandam
ac propagandam, miraculis & virtutibus insignis quievit in Do-
mino.) Ecce contemplativus Ordo SS. Benedicti & Bernardi
quantum studuit & studet non modò propria sed & proximorum
æternitatis lucra curare.

S. Dominicus quid in se, quid in suæ Religionis instituto?
 Fax coelestis, incendens Orbem terrarum illo igne, quem Do-
 minus venit mittere in terram: dissipans errores infidelium:
 rutilans solis ad instar sublimitate & fulgore doctrinæ: Ecclesiam
 DEI ut vernantissimum Paradisum suarum Rosarum exhilarans
 suaveolentia & pulchritudine. Sed quid multis? Ordo Prædica-
 torum est Doctor gentium & Prædicator, magni illius Apostoli
 gentium virtute ac officio imitator, ejusque doctrinæ specialis
 venerator.

Seraphicus Franciscus quid aliud spiraret nisi flammam amo-
 ris? Viva & vera imago Filii DEI, & in suo quoque zelo ejus
 expressiva. Collectis enim duodecim suis Fratribus sub Evange-
 lii regula militantibus, misit eos in varias orbis partes prædica-
 re Evangelium Christi: ipse quoque æstuans charitate, suo san-
 gvine relingvere, ne dicam amplius inflammare cupiens, per-
 rexit ad infidelium oras. A Patre suo non degeneres Filii, ut
 fortissimæ Columnæ sustentant, ædificant, lætificant Ecclesiam DEI.

Elianus Ordo sicut omnes Religiones antiquitate præit pri-
 mus, ita zelo gloriæ DEI & salutis animarum non est postremus.
 Ille est Ordo Propheticus, qui in suo Patriarcha Elia, Eliseo, filisq;
 Prophetarum zelo zelatus pro Domino DEO Exercituum, ab Ido-
 latria populum Israël revocavit, & in obsequio veri DEI conti-
 nuit. *Reg. lib. 3. 4.*

(a) M. Ga- nuit. Ille est (a) Ordo Apostolicus propter Elpidium, aliosq; Apostolorum
briel Hernan- coadjutores; quorum voce & spiritu Fides eluxit toti mundo. Ille est Or-
dez in censu- do Essenus propter insignem Baptistam, ceterosq; Essenos. ante & post Chri-
ra Hort: Phi- sti præcones. Ille est Ordo, qui Ecclesiæ DEI magnos dedit Doctores &
lofoph: Dio- Patres, Chryostomum, utrumque Cyrillum, Damascenum, ut
nyssi Blasii. brevitatis studio pertranscam tot summos Pontifices, Patriarchas,

V. Ibidem.

Episcopos, nec commemorem Antonium, Hilarionem, aliasque
Ecclesiæ clarissimas columnas; præterquam allubet hic cernere
gloriosum Angelum Carmelitam, (b) quo Romæ viso S. Domi-
nicus S. Francisco Assisiati dixit: Hic est Angelus Hierosolymitanus,
(b) Fran- Christi & fidei Catholice defensor, & declamator ardentissimus, qui do-
ciscus Maggio Christi & fidei Catholice defensor, & declamator ardentissimus, qui do-
Cleric. Reg. trinâ & sanctitate vitæ incredibiliter Christianæ fidei profuit. Cui S. Fran-
Theat. Car- ciscus ita respondit: Hic est ille Civis coelestis, qui in Sicilia Martyrio
mel. Marian. coronabitur. Denique Angelus ad se venientes his est complexus
Epist. Dedi- verbis: Salvete maximi militiæ Christianæ Doctores. Dominice impu-
cat: gnator heresum strenuissime: & Franciscus Christi præcipue imitator, qui

(c) R.P. Phi- virtute humilitatis vera portabis stigmata Christi.) Quid? Magnum
lippus à S. Tri- Carmeli decus S. Theresia nonne coelestis doctrinæ pabulo Eccle-
nit. in 2. 2. D. siam reficit? (c) Imò Discalceatorum Carmelitarum familiam
Thom. tra. 3. ideò instituit, ut Ecclesiæ subministraret Ministros ad fidem Ca-
disp. 8. tholicam defendendam; cui & Moniales suas consecrasset, si vir-
ginitatis sexus non obstitisset. Verum ut hic contemplativorum

(d) Ex Ar- Ordo (d) eò ferventiùs & plus solito verbum DEI per mundum semina-
mol. Bostio Pa- ret, Joannes xxij. eum parificavit Prædicatoribus & Minoribus in omnibus
ter Daniel à gratis, & Clementinis, eisdem concessis. Hinc Religio Carmelitana
V. M. vine. multas facit Missiones in Asiam, Affricam, Americam. Attamen
Carm. p. 3. c. 3. si quando ejusmodi charitatis zelus patefceret, tum maximè in ex-
trema mundi nècessitate, quando antesignanus Prophetici Ordinis Elias in comitatu suæ spiritualis militiæ, cum supremo Antago-
nista Christi Antichristo ejusq; Pseudo-Prophetis ad certamē & tri-
umphum à tot seculis reservatur pro gloria Nominis Christi, ejusq;
populi Christiani subsidio & solatio in illa ultima tribulationum
tribulatione. Hec fusus pro Carmelitis, quorum principalis vita est
contemplativa, solitudo, silentium; ut appareat nil obstare contemplativis
& solitariis etiam posse in animabus fructificare Ecclesiæ DEI, quantum
illorum status permittit.

Societas JESU in terris viventis quæ? Apostoli & Discipuli JESU. Hæc Societas sub Magisterio S. Ignatii zelo DEI igne-
fcentis restaurata; Apostolicis viris replevit Orbem terrarum, &
in fines Orbis terræ verba eorum. Ad hoc speciali voto pro DEO
& proximo se obstringentes fervidi, Magni Indiarum Aposto-
li sui S. Francisci Xaverii æmulatores, ad inaccessos quoque An-
tipodas pervolare non cessant. Cuncta quippe cedunt & succe-
dunt igni charitatis in JESU Sociis.

In Praxi instituendi fructuosas Missiones in promotio- Beyerlinck
nem gloriæ DEI, & salutis animarum, hæc observanda sunt. Theatr vit.

I. *Autoritas Missionis.* Hinc Beyerlinck inquit: Ante omnia re- bum. tit. Mis-
quiritur, in eo qui ad Infidelium sive conversionem sive instru- sio.
ctionem mittitur, ut legitimè, hoc est ab habente potestatem mit-
tatur, ne aliunde, & non per ostium intrasse videatur: ideoque
missionis suæ diploma, admissus in aliquam provinciam, in qua
prius alii cum potestate ordinaria sunt, exhibeat, & cum illis jam
expertis conferat de modo & forma instituendi ministerii. Si
nulli tales fuerint, sequatur directionem sibi à mittente præscri-
ptam.))

II. *Delectus Missionariorum à virtute, à scientia, à prudentia &c:*
faciendus. Quare Beyerlinck ait: faciendus est mittenti delectus Clerico-
rum; ac singulorum inclinationes, vires, desideria, mores, eruditio
penitus investiganda, ut sint potentes exhortari in doctrina sana,
& contradicentes arguere: bene mortificati, obedientes, humiliter
de semetipsis sentientes, non vaniloqui, ebriosi, cupidi, quæren-
tes quæ sua sunt, non quæ JESU Christi: parati durissima quæ-
que pro Divini Nominis & fidei Christianæ incremento susti-
nere. Et paulò post: Denique omni virtute præluce debent gre-
gi, ad quem mittuntur, dicto superiorum obedire, operarios in-
confusibiles se exhibere, pacem cum omnibus fovere, fraterni-
tatem diligere, & ad normam prisæ vitæ Clericalis adlaborare.
Certè B. Xaverius etiam facultate Apostolici Legati munitus, ut
notat Turzell: in vita semper se loci Episcopo subjecit, ac omnibus
gratum & officiosum se præstitit.)) Imò (ut in Regul. Societat. de Mis-
sion.) & alios Ecclesiasticos præcipuè Parochos, tum Seculares
quorum autoritate & favore opus habent, sibi devincere studeat.

Ibidem.

Quod

ide ibid.

Quod verò concernit Regulares, quorum periculosior est à Monasteriis ablegatio, juxta illud Magni Arlenii; *quod piscis in arido, hoc Monachus in oppido*; diligenter attendendum, quo Spiritu ad missionem ferantur. Plures enim contingit hac ratione libertatem sectari, ut superiorum aut Regularis observantiæ jugum excutiant, & oculum quem à se projecerant olim, resumant: ut nempe vel commoditati, vel voluptatibus tutius vacent, aut opes non opus accumulent. Quo fit, ut plerique in Provinciis hæreticorum nonnunquam Divitibus se insinuent, aurem eorum caprent, ut aurum corradant, favores expectant, apud eos maneant, quod lautius habeantur, & ita lanam potius, quam oves querant. Cum tamen meminisse eos oporteret Christum Evangelizare pauperibus missum, neque personam hominum respexisse: & Apostolum Paulum omnibus omnia factum, ut omnes lucrifaceret. Dicere solebat B. Philippus Nereus: *Qui vult fructum facere in anima, contineat manum à bursa.*

Quocirca Religiosus à superiore missus in omni conversatione, doctrina, verbo, & exemplo apud infirmiores illos, Professionis suæ memor, nihil nisi quod religionem arguat, agat, ac cõmendabilem omnibus mansuetudine, benignitate, continentia, conversatione se præbeat. Ad quod vel plurimum conducet, si Religiosi ubi ad loca devenerint, in quibus Episcopi, aut Pastores seculares ordinariam Jurisdictionem habent, missionis suæ tesseram omni benevolentia & humilitate exhibeant, operam suam offerant, neque pro privilegiis suis nimium altercentur; dummodo nihil inordinatum, quodve in notabile præjudicium ipsorum vergat, ab aliis proponatur.

Deinde sua non debent immodicè jactare, & Secularium ministeria despiciere; neque solum Religionis suæ commoda sed Ecclesiæ bonum spectare. Siquidem notat Thomas à JESU lib: 4. de *Convers: gentium*, plerosque Religiosos idcirco in prædivites auro Indias perrexisse, ut temporalibus lucris inhient; & neglexisse Tartariam, Norvegiam, Moscoviam, ubi tamen summa messis, & operarii nulli, aut vix ulli.

Conveniet autem Missionarios non facile se ad illam vineæ culturam ingerere, nisi tantum profecerint in illis, quæ populo, ad quem

quem mittuntur, sunt necessaria, ut sperent se fructum aliquem adferre posse. Aliter enim cum Gentilibus, aliter cum obstinatis Hæreticis Pastori aut Sacerdoti agendum est; aliter cum Judæis, Machometanis, Idololâtris. Unde & ex diversis principiis & dogmatibus hî præ aliis instituendi; ideoq; alii libri evolvendi, aliis quoque & aliis lingvis incumbendum.

Expediet quoque ut mittendi quantum fieri potest oriundi sint ex illis Regnis & Provinciis, ad quas mittentur; illi enim facilius se amicis & notis insinuabunt, eruntque minus suspecti, aut odiosi. Quo fit, ut in Hollandia ac vicinis Provinciis, Sacerdotes seculares istius provinciæ jam annis retro actis XL. quibus hæreses dissectæ, rerum ibidem potitæ, majorem fructum fecerint, quàm omnes quotquot venerunt aliunde: quorum occasione excitatæ plerumque turbæ, disidia, æmulationes, quæ à ministris Ecclesiæ eliminari deberent. Imo quod plures ex istis, tam Religiosi quàm Seculares aliunde advenientes in apostasiam, incontinentiam, & hæresim prolapsi, cum Sacerdotum firmo velut domicilio sub Vicario suo Apostolico in Hollandia, & viciniis degentium, nè unus quidem defecisse deprehendatur proximis XXX. & XL. annis. Sunt enim viri graves, plerumque in celebri Academia ad gradus S. Theologiæ promoti, Zelosi ad se opponendum instar muri pro domo Israël, paucis contenti, divitibus non molesti, neq; cupidi; quin ex illis plures Facultatibus propriis & patrimonio erogato egenis, omnia sua Ecclesiæ gratis impendunt, ut quibus iufficiat pro Spirituali suo semine ab agris illis fidelium dignam mercedem necessariæ sustentationis, quæ nomine carnalium à Paulo vocatur, metere; ut adveniente Pastorum Principe immarcescibilem gloriæ Coronam meliori Jure adipiscantur. Operæ pretium fuerit Lectorem videre *Libellum* super hoc argumento pridem editum ab Illustrissimo D. *Philippo Roventio Archiep. Philipp. Vicar. Apost. ibidem.* Hactenus Beyerlinck.

Unusquisque plenam in his ac liberam sui dispositionem *Regulæ Superiori*, qui cum Christi loco dirigit, relinquat: poterit tamen *cietat. JESU* motus animi aut cogitationes, quæ in contrarium occurrunt, illi *in Missionibus* producere, subjiendo suum sentire, & velle ei, quod ipse in Domino judicaverit.

Ibidem. Et qui mittendus erit, plurimum conveniet, ut intelligat à Superioribus scopum suæ Missionis, & effectum, cujus gratiâ mittitur: id quod in scriptis si fieri potest habere curabit.

Beyerlinck tit. Missio. III. *Confidentia in DEUM*; quâ confidere omnes debent, qui hoc DEI opus sincerè peragere intendunt, quòd aderit laborantibus Spiritus S. Dabitque os & Sapientiam, cui non poterunt resistere omnes adversarii. Dummodo laborenc, ut eos existimet homo, ut ministros Christi, & dispensatores mysteriorum DEI.)
Regula Societatis JESU Missio. Et: Qui in Missionem superior erit, initio suscipiendorum operum, vel quando major subsidii necessitas cernitur (quòd res magni momenti sint, vel difficultates graves incidant) applicabit, curabitque applicari Missas & orationes, ut omnia cedant ad majorem DEI gloriam, & proximorum utilitatem.

Ibidem. IV. Cum eò pervenerint, ubi diutius immorari debent, prudenter ac maturè operam dabunt, ut notitiam habeant probatorum virorum, & pietate ac rebus agendis insigniorum, quorum informatione vel auxilio juvari possint ad ministeria (*Missionis*) majore cum fructu animarum exercenda.

Ibidem. Cum oppidatim missi fuerint ad fructificandum in agro Domini, dabunt operam, quoad fieri poterit, ut more pauperum Evangelium prædicent: proinde & pedites vel in toto vel in parte iter facient, si eos Superior id præstare posse judicaverit; & ex eleemosynis, vel oblatiis, vel cum ædificatione emendicatis vivant; nisi alia ipsis à Superiore sustentationis ratio sit constituta.

Ibidem. Si nullum eis à Superiore designatum fuerit hospitium, intelligant sibi ad aliquod hospitale, tanquam ad hospitium pauperum esse divertendum: si tamen honestum id sit, atque ad exercenda ex eo ministeria (*Missionis*) accommodatum: alioqui convenientius erit, ut in domum pii alicujus & exemplaris Ecclesiastici, aliumvè ejusmodi locum, se recipiant, in quo cum ædificatione manere possint.

v. Ibid. Media Spiritualia, quibus Missionarii ad beneplacitum Superioris uti poterunt, fere sunt ministerium Verbi DEI in prædicationibus, sacris lectionibus, privatisvè exhortationibus & colloquiis; Sacramentorum Confessionis & Eucharistiæ administratio; Exercitiorum Spiritualium traditio; Dissidentium reconcilia-

conciliatio; Casuum conscientiae ad Ecclesiasticos, eorumque officii magis privata explicatio; Et Christianae doctrinae ad pueros ac alios rudes publica declaratio.

Corporalibus etiam pietatis operibus quantum Spiritua- *Regul. Soc. f. in Miss.*
lia permittent & vires patientur, incumbere poterunt; ut infirmos praecipue in Xenodochiis per se vel per alios iuvando, & pauperes ac in custodiis detentos, quatenus licebit eodem modo sublevando.

Esti certus ordo in (Missionis) ministeriis exercendis praescribi non potest; plerumque tamen utilius erit & securius ab humilioribus inchoare, ut à doctrina Christiana pueris explicanda, ab aegrotis hospitalium invifendis, eorumque & aliorum magis indigentium Confessionibus audiendis. *V. Regul. Societ. in Miss.*

Juxta eam charitatis regulam, quam se Apostolus omnia omnibus faciebat, ut omnes lucrificaret, expediet nonnunquam, ut ingenio eorum cum quibus agent, initio se attemperent (quatenus ratio & virtus ferent) ita tamen, ut meminerint ad id tandem eos cum DEI gratia perducere, quod illis in Domino magis conferre iudicabunt. *Ibidem.*

Cum praeter id quod eis fuerit peculiari ratione injunctum, res aliqua Divini servitii se obtulerit, in qua possint sine detrimento suae Missionis suam operam ponere; opportunitatem quam DEUS ad eam dederit, quantum in eodem convenire iudicabunt, è manibus elabi non sinent. *Ibidem.*

Quae DEO auctore perficient, ea quantum licebit, ita constituent, ut stabilia sint, & diu durare possint. Quod facilius obtinebunt, si res convenienti ordine disponant, earumque bonum progressum iis commendent, quorum exemplo, auctoritate, studio, & diligentia facile conservari & promoveri possint. *Ibidem.*

Cum propter nullas occupationes propriae intermittendum sit perfectionis studium, diligenter animadvertant, ne praetextu procurandae aliorum salutis, propriae Perfectionis obliviscantur. ipsamque propriam salutem eadem ratione in discrimen adducant: sed saepe illud Domini mente revolvant: Quid prodest homini, si uni versus mundum lucretur, anima vero suae detrimentum patiat? Sibi quoque illud D. Pauli unusquisque dictum existimet; Attende tibi & doctrinae, inste in illis: *Regul. Soc. in Mission. Matth. 16. 26. Tim. 4. 16.*

illis : hoc enim faciens, & te ipsum saluum facies, & eos, qui te audiunt. Hanc ob rem caveant, ne consveta in Collegiis ac domibus orandi, & examinandæ conscientiæ exercitia imminuant, nisi si quando necessitas aut in eventu aliquo Charitas aliud faciendum postularet. Conversationem cum secularibus nimiam non habeant, & incautam, aut quæ secularem sapiat; sed in omnibus se integritatis & gravitatis exemplum præbeant.

Ibidem.

Præter hæc, si pro ratione diversarum Regionum & Missionum qualitate, alia quædam à Superioribus constituenda videbuntur; ea in peculiaribus instructionibus addita pari diligentia observanda erunt. *Hæc ex Regula Societatis JESU in Missionibus:* quæ alii quoque Missionarii Ecclesiastici sive Religiosi pro suo officio Missionis proportionatè adaptare possunt.

In illis Regionibus, ubi est messis multa animarum, Operarii autem pauci vel numero, vel probitate, & idoneitate ad curam animarum, Præsulibus talium Diocesum incumbit providere Missionarios, quibus quisque Antistes suam Diocesim per partes distribuat, quas scilicet decurrant catechizando, prædicando, Sacramenta ministrando. Quod si forsan aliqui Præsules Ecclesiastici hoc in puncto negligetiores fuerint, igitur saltem vos Prælati, Abbates, aliq; Superiores Religiosorum, audite vocem sanguinis JESU, qui inclamat vos, ne sit vacuum pretium ejus in tot animabus: audite lamenta parvulorum Christi in spiritu, qui moriuntur præ fame Verbi Divini: miseremini super ruina pereuntium ad inferos, mittentes ex vestris Coetibus viros virtutis, qui ignis ad instar illuminent & inflamment miseros mortales, sedentes in tenebris errorum & peccatorum, ac in umbra mortis æternæ. Si id non potest fieri continuo, si non frequentius, adminis circa festa Natalitia, Paschalia, Pentecostalia, huic Apostolico incumbatur muneri; mittantur bini & bini ante faciem Domini, & peracto opere revertantur ad sua Clausura & Collegia. Quemadmodum legitur de Cisterciensibus Congregationis Fulienfis, quomodo aliqui ipsorum diebus Festis ad Oppida, aut Castella, quinis aut senis passuum millibus à Monasterio disjuncta, Sacras conciones, unam in uno Oppido, alteram in altero habituri, excurrerant. Nec tamen quidquam cibi aut potus, vel in via, vel in illis Oppidis attingebant, sed integram famem, ad panis & oleum coenam aridam vespere aut etiam nocte reversi in Monasterium

*V. Chrys. Hen-
riq. in Menol.
Cisterc. addi-
em 28. April.*

sterinum apponendam, reservabant. Et vos quoque; Antesignani aliorum Religiosorum similiter fieri procuretis. Ita fiet, ut debito charitatis exsolvamini, alioquin illud nunquam exsoluturi in pœnis æternis: Regnum Christi ampliabitis: Illustrioremque; in perenni beatitudine Coronam accipietis modico vestro labore, pene solo verbo: *Fiat*; mittendo dignos Operarios in messem Christi. Denique vos qui à Spiritu S. ad hoc ministerium incitamini, insinuate propensionem pectoris vestri Superioribus vestris dicentes illud Isaïæ: *Ecce ego, mitte me*; scientes, quia hujus rei gratiâ æternum gloriæ pondus præparatur vobis: nec magis amoris Christi facietis satis, quàm effectivè amando eum in membris suis proximis vestris, quos suo reali corpore & sanguine videtur magis æstimasse.

V. Noverint denique Missionarii, plerumque fieri, quòd durissimis laboribus & persecutionibus ipsorum excolenda sit Vinea Christi, ut sanguine quoque subinde irrigetur, ac morte ad vitales fructus ferendos animetur. Christus Dominus, & ejus Apostoli, Apostolicique viri, quid pro sua fidelissima zelosissimaque veritatis prædicatione immensisque laboribus, pro ardentissima charitate ab ingratis hominibus receperunt? nonne mille injurias, contumelias, despectus, verbera, exilia, tormenta, cruces, amarissimas mortes? Hi proventus, hireditus illorum fuere. Libet audire unum ex illis Doctorem gentium dicentem: Puto, quòd DEUS nos Apostolos novissimos ostendit, tanquam morti destinatos: quia spectaculum facti sumus mundo, & Angelis, & hominibus. Nos stulti propter Christum &c. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur & benedicimur: persecutionem patimur, & sustinemus: blasphemamur, & obsecramus. Tanquam purgamenta hujus mundi facti sumus, omnium peripsam nos adhuc. Hinc suum discipulum monet, dicens: *Prædica Verbum*: in ista opportune, importune; argue, obsecra, increpa in omni patientia & doctrina. Nec mirum zelatores salutis animarum tanta patientia. Certamen quippe acre ineunt cum Principe tenebrarum & vasis captivitatis, ut ea diripiant ex atrio fortis armati illius. Hinc ipse & arte & marte non paveret congregari & aggredi impugnan-

Isaïa 6.

1. Cor. 4.

2. Tim. c. 4

res se, modò per homines, ipsos etiam, quorum salutis tantâ cupiditate trahuntur, detractiõibus, contumeliis, tormentis, morte ipsâ persequendo; modò per seipsum & internè variis timoribus, diffidentia, pusillanimitate, amaritudinib9, & externè verbis cruciatibusque afficiendo: modò varia impedimenta, obices, difficultates procurando: ut captis desistant. Verùm ò generosè Athleta Christi tu nè cede malis, sed contra audentior esto, præsto tibi est auxilium de cœlo: igitur per ignes, per tela rape ex ungvibus Leonis infernalis pretiosam animarum prædam, quam in triumpho cœlestis gloriæ præsentēs supremo Regi Regum, à quo pro tanta & tam pulchra victoria è potentissimo & versutissimo hoste obtenta, perennis Regni diademate & splendidissimâ Doctõratus coronaberis Aureolâ, ad majorem Gloriam Dei, T. O. M. & augmentum beatitudinis totius Curia Cœlestis.

CAPUT II.

De Causa seu Principiis Naturalibus, Physicè concurrentibus cum Principiis Supernaturalibus ad efficientiam Mediorum, seu Actuum Vitæ Christianæ Supernaturalis sive Spiritualis; ad Finem Supernaturalem.

A Moralibus ut remotioribus ad proximiora venimus, nempe principia naturalia Physicè concurrentia ad effectiõnem actuum supernaturalium. Adeoque hoc Capite agendum est prius de iisdem principiis, quàm de supernaturalibus, utpote quorum sunt illa subiectum. Hæc autem principia naturalia sunt Anima cum suis viribus seu potentiis: de quibus hic iurantium discurrere opus, inquantum se habent in ratione dicto-

rum principiorum. Necessaria autem est supernaturali vitæ dedito præfatorum principiorum notitia. Tum, ut exactam omni ex parte potiori habeat status vitæ supernaturalis scientiam: persæpè namque contingit inter alia ad elucidandum & percipiendum actum, cæteraque vitam supernaturalem concernentia, debere evocare totam œconomiam internam potentiarum & operationum, quarum notitia tunc majores offundet tenebras, quam lucem addet, si proponantur. Tum, ut ratio vitalitatis, spiritualitatis naturalis, libertatis, aliaque prædicata naturalia in actu supernaturali videantur, à quibus principiis naturalibus oriuntur.

Porro Anima rationalis definitur ab Aristotele *esse id, quo vivimus, sentimus, movemur, & intelligimus*. Hæc in ratione principii cooperativi ad actus supernaturales etsi realiter sit una eademque & indivisibilis, per rationem tamen distinguitur in triplicem sui partem, respectivè ad triplicem ordinem suarum proprietatum, & operationum, quibus concurrit ad actus supernaturales. Sicut ob eandem rationem potentias Animæ trifariam accipimus, ita ut Anima cum suis potentiis dividatur in sui infimam, mediam, & supremam partem: ut sic quoque repræsentet triplicem Hierarchiam cælestem; prout in erecto Schemate graduum status vitæ Christianæ *supra* delineavimus. Veruntamen adverte spirituales non rarò unam partem animæ, sicut & unam potentiam pro alia, accipere.

Arist. 1. 24.

V. Sum. Theol. Spirit. c. 5.

SECTIO I.

De infima parte Animæ rationalis, & suis potentiis.

§ I.

INfima pars Animæ rationalis vocatur Anima sine addito rationalitatis, vel Animalitatis. Quod hac parte per unionem sui ad Corpus, ejus organa animet seu informet vitæ vegetativâ, & sensitivâ. Non enim prius quod spirituale est, sed quod animale, deinde quod spirituale. Dicitur autem hæc pars Animæ Infima. Quia cum brutis animantibus est communis. Quanquam in externis potentiis hujus infimæ partis Animæ, dicantur nonnulla
bruta

1. Cor. c. 15.

bruta præcellere homines; uti Lynx visu, Aper auditu, Canis odoratu &c: Sicut Homo in internis propter vicinitatem rationis dirigentis cognoscitivam sensitivam, secundum eam multò præeminet brutis in multis.

§ II.

De viribus Apprehensivis Infimæ partis Animæ rationalis.

Potentia seu vis Apprehensiva alia est exterior, alia interior. Exterior in quantum viget in quinque sensibus exterioribus; nempe in Visu, qui est perceptivus lucis & colorum, ac elicitivus visionis eorundem: In Auditu, qui est perceptivus sonorum, & elicitivus auditionis eorundem: In Gustu, qui est perceptivus saporum, & elicitivus gustationis eorundem: In Olfactu, qui est perceptivus odorum, & elicitivus olfactionis eorundem: In Tactu, qui est perceptivus tangibilium, & elicitivus tactionis eorundem. Interior apprehensiva vis est, quatenus manet in quinque viribus interioribus, id est in Sensu communi, Imaginativa, Estimativa, Phantasia, & Memoria sensitiva. Sensus communis idè dictus, quia omnes sensus externi ab eo tanquam lineæ à centro suo in spheram derivantur, & similitudines suorum objectorum ad eundem referunt, à quo etiam recipiuntur, eoque mediante de proprietatibus singulorum dijudicant, v. g. Visus per hunc communem sensum discernit se hæc vel illa videre, non verò audire lucida aut colorata, idque illud esse magis lucidum objectum, quàm hoc aliud. Hæc vis manet in anteriori parte cerebri, quod conveniunt nervi sensorii quinque sensuum, qui locus est medullofus & humidus.

Imaginativa est virtus, seu vis abstrahens & recipiens imagines ac formas rerum à Communi sensu perceptarum, easque conservans etiam in absentia rerum; per quod differt à Sensu communi, qui nonnisi retinet formas rerum in præsentia earum: Hæc vis ponitur post anteriorem partem cerebri, ubi & major durities est ex frigidityte cerebri.

Estimativa est facultas formarum seu imaginum per Imaginativam repræsentatarum intentiones id est proprietates seu propensiones

siones naturales valēs cōcipere seu apprehēdere; eaq; apprehensione movere Appetitum sensitivum ad actus fugæ, vel prosecutionis. Ita ovis per æstimativam apprehendens proprium esse lupo, ut noceat sibi, movetur ad fugam ejus. Quia verò perceptio harum intentionum individualium in homine provenit ex quadam collatione, ideò potius Vis cogitativa seu Ratio particularis dicitur in homine quàm Æstimativa, ex qua in brutis ad instinctum naturæ agentibus ejusmodi intentionum fit apprehensio. Hæc vis residet in prima parte mediæ cellulæ cerebri, quæ calida est ob copiam spirituum.

Phantasia, est vis componens apprehensas imagines vel formas cum aliis formis, v. g. nigrum cum albo, ut inde resulter varium quid. Item est componens intentionum cum intentionibus, & ita ovis apprehendens sui nati intentionē & alieni, illi sua ubera porrigit, hunc rejicit. Item, est componēs imaginum cum intentionibus, ut v. g. dum ovis apprehendit propensionē lupi ad sibi nocendū. Item, per Phantasiam Anima sensibilis non modò scit præsentia, sed etiam providet sibi in futurum, v. g. Dum aves nidos procurant, &c. Item, est dividens formarum & intentionum unius ab alia. Hæc potentia in homine accipit agendi & operandi regimen à Ratione: in brutis autem regitur ad instinctum Naturæ. Ponitur verò Phantasia in medio mediæ cellulæ cerebri inter imaginativam & memorativam; respicit enim tam formas imaginativæ, quàm intentiones reservatas à memoria: & tunc easdem formas ac intentiones dividit, vel componit. Hæ vires apprehensivæ nonnunquam Ratio inferior in homine appellantur, quatenus aliquam similitudinem cum Ratione superiori participant, eiq; subjiciuntur: inferior verò ideò dicitur, quia circa objecta brutis communia versatur.

Memoria Sensitiva, est potentia conservativa intentionum formarum, per quod differt ab Imaginativa quæ est conservativa ipsarum formarum. Deinde hæc Memoria, ex quo componit expressè intentiones distinctas cum formis, differt à Reminiscencia, quæ est motus quidam discursivus ex circumstantiis loci vel temporis, deveniens in recordationem obliorum. Locum autem suum habet dicta Memoria in posteriori parte cerebri, ubi viget siccitas.

Visis, quæ nomine, quid naturæ, qualia proprietatibus sint

Epist. Rom.
cap. I. v. 20.

¶ De auxi-
liis grat. disp. I.
q. 2. a. 5. p. 4.

Principia infimæ partis Animæ quoad apprehensivas vires, an aut quomodo physicè effectivè concurrant ad actus vitæ supernaturalis restat videre. Quod, & quomodo concurrant, id suâ experienciâ negaverit Angelus, probaverit omnis homo probus. Sicut enim Angelus omnis expers sensus, dependenter ab eo non operatur: ita homo omni præditus sensu ab eo dependenter operatur etiam in Spiritualibus, saltem ordinariè. Ratio est, autoritas Scripturæ dicentis: *Invisibilia ipsius*, (id est DEI) *à creatura mundi per ea quæ facta sunt intellecta conspiciuntur*. Sed invisibilia DEI, per ea quæ facta sunt intellecta conspici nequeunt saltem ordinariè, nisi quæ facta sunt, ipsa cognoscantur; Jam verò quæ facta sunt non cognoscuntur, seu non sunt in intellectu, nisi præfuerint in sensu: Ergò à primo ad ultimum, invisibilia DEI ordinariè non cognoscuntur cognitione, sive illa sit supernaturalis, procedens ex superaddito principio supernaturali, sive naturalis, juvans tamen, vel per modum removentis prohibens cognitionem supernaturalem; nisi hæc eadem cognitio proveniat per medias vires vel potentias infimæ partis animæ rationalis. Confirmat intentum Becanus asserens; quod voluntas supernaturaliter excitatur & inclinatur ad benè operandum, non modò per cogitationes intellectûs, sed & per cogitationes interioris sensus saltem remotè.)

§ III.

De viribus Motivis Infimæ partis Animæ Rationalis.

Epist. Galat.
cap. 5. v. 17.

VIs Motiva Infimæ partis Animæ, quâ movetur homo intrinsecus ad aliquid prosequendum, vel fugiendum, est Appetitus Sensitivus, suam habens residentiam in corde. Et definitur esse inclinatio consequens apprehensionem sensitivam. Idem Appetitus Sensitivus vocatur Sensualitas: quâ appetimus sensibus convenientia, fugimus disconvenientia, quæ per sensus cognoveramus esse talia. Item, vocatur Concupiscentia in eo sensu; quo dicit Apostolus: *Caro concupiscit adversus Spiritum &c.* Dividitur Appetitus sensitivus in Concupiscibilem, quo homo inclinatur ad prosequendum sibi convenientia secundum sensum, vel fugiendum disconvenientia. Et in Irascibilem, quo re-

quo resistit impugnantibus sibi convenientia. Unde irascibilis est propugnator concupiscibilis: Quare omnes passionēs irascibilis incipiunt à passionibus concupiscibilis, cum propter has illæ exoriantur: actandem in easdem terminentur. Appetitus concupiscibilis & irascibilis obedit Rationi, quatenus natus est ab ea moveri per universales propositiones, tum particulares à vi cogitativa seu particulari Ratione in homine loco *Estimativa* posita. Ut experientia probat: proposita enim aliquā universalis propositione, ira mitigatur, vel exandescit. Deinde idem Appetitus sensitivus non movetur ad aliquid prosequendum, vel fugiendum, nisi præsupposito imperio, vel consensu Voluntatis, seu Appetitus rationalis: quia in potentiis motivis subordinatis, secundum movens non movet nisi virtute primi moventis. Quanquam ex eo, quod non despotice, sed politice Appetitus inferior subditur Superiori: potest ei non semper obedire, sicut debent alia membra corporis, v. g. pes, manus, &c. quia ille habet aliquid proprium, nempe sibi conveniens vel disconveniens objectum, quo allectus vel deterritus renititur Appetitui rationali, contrarium imperanti.

Modus autem, quo concurrit sensus appetitivus ad actus supernaturales, fit negativè, nimirum removendo prohibens, & facilitas ut secundum latitudinem suam habitus supernaturalis cum potentia operetur. Unde *Becanus* ait: Voluntas supernaturaliter ad bonum inflectitur, & à malo revocatur, etiam motionibus appetitus sentientis saltem mediatè.))

*Vide de auxilio gratie
DEI disp. l. 4.
2. art. 5. p. 4.*

SECTIO II.

De Media parte Animæ Rationalis, & suis potentiis.

S I.

Media pars Animæ vocatur Spiritus. De quo dicitur: *Revertatur pulvis in terram suam unde erat, & Spiritus redeat ad Deum, qui dedit illum.* Tum quia Anima hac parte sui unitur corpori, ut tamen potentiis suis Spiritualibus scilicet memoriâ, intellectu, & voluntate, ad suas functiones spirituales non utatur mediante corpore tanquam organo & instrumento suo,

Q q 2

prout

prout in infima parte sui facit. Tum quia per easdem potentias differt à brutis, assimilatur Spiritibus Angelicis, percipitque objecta spiritualia. Tum quia est tota Anima in toto corpore, & tota in ejus singulis partibus, tanquam subiecto & loco divisibili, qui est conceptus Spiritualitatis. Dicitur verò hæc pars Animæ Media: quia propria est hominis, qui est medius inter irrationalia animalia, & creaturam Angelicam, cum qua participat rationem Spiritus.

§ II.

Potentiarum Animæ quæ Spiritus est Apprehensivarum, prima est *Intellectus* (ab intelligere quasi intus legere seu penetrare veritates intrinsecas rerum dictus.) quod Anima rationalis apta fit ad percipiendum omne cognoscibile. Hæc potentia respectu suorum officiorum dividitur primò, in Agentem, & Passibilem seu Possibilem. *Agens* ex eo dicitur: quia species seu imagines rerum in phantasia representatas (ita sicut color ad visum representatur, & species ejus à potentia visiva abstrahitur) abstrahit irradiando easdem species in phantasia, ac ipsas deferendo ad intellectum passibilem, (sicut lux irradiat objecta, & eorum formas facit deferre per aërem ad visivam potentiam, vel ad speculum) easque ex sensibilibus intelligibiles, ex materialibus spirituales, ex particularibus universales species efformat, & sibi quæ possibili imprimit: unde dicuntur species impressæ. *Passibilis*, verò est, quatenus easdem species rerum sibi impressas recipit, cum quibus deinde efficit species expressas, seu intellectiones, sive actus intellectus, quos denuò in se recipit. Possibilis ita dictus, quia per intellectum possibilem anima omnia fieri potest, potest enim similis fieri omni rei intelligibili per ejus productam cognitionem: Unde Aristoteles ait: *Intellectus agentis est omnia facere, & intellectus passibilis est omnia fieri.* Secundò, dividitur Intellectus in speculativum, & practicum. *Speculativus* est, quatenus sistit in sola cognitione veri, nec illam cognitionem ordinat ad opus. *Practicus* verò, quatenus cognitam rationem veri ulterius dirigit in opus. Tertiò, Intellectus vocatur *Ratio*, quod vi suâ res intellectas unam cum alia conferendo vel componit per definitionem, vel distingvit per divisionem, vel unam ex alia infert

Lib. 3. de Anima cap. 6.

infert per discursum, ut tandem deveniat ex notis in ignoti notitiam. Hæc Ratio etsi una eademque sit potentia, habitibus tamen & actibus distinguitur, & vocatur primò *Ratio Superior*: dum per habitum Sapientiæ æternis conspiciendis, ea in seipsis speculando; & consulendis, intendit, eadem pro regula agendorum usurpando. Secundò vocatur *Ratio inferior*: dum ex principiis temporalium ratiocinando per habitum Scientiæ ad æterna confurgit, & dirigitur. Item alio sensu Intellectus Ratio inferior vocatur, quatenus propter amicitiam cum natura & appetitu sensitivo, patrocinando ejus inclinationibus, prorumpit in varios discursus, & ratiocinationes ad excusandas excusationes in peccatis, afferendo fuitiles rationes hic & nunc licere, quod aliàs non licet. &c.

Altera potentia apprehensiva Animæ, quæ Spiritus, est *Memoria Intellectiva*: altera inquam potentia, solo tamen officio distincta ab intellectu, cum sit eadem realiter cum ipso. Estque hæc Memoria ipse Intellectus possibilis, quatenus intellectiones seu species rerum expressas, aut cognitās in se recipiendo, eas conservat, easque dum opus fuerit intellectui repræsentat, non ut hic novas formet species, sed ut supra formatas ipsas considerando, se reflectat. Cæterum *Reminiscencia* rerum cognitarum, ut præteritarum, vel ut singularium, pertinet ad Memoriam sensitivam. Quanquam & Memoria intellectiva recordatur singularium, sed quatenus ex universalibus per ratiocinationem cognitarum. Differt autem Memoria sensitiva ab intellectiva: quia illa est conservativa cognitorum per sensum, hæc verò conservativa cognitorum per intellectum.

§ III.

Potentia Animæ quæ Spiritus, Motiva, est Appetitus rationalis seu *Voluntas*; ita dicta, quasi volitans in suum finem, sicut ignis est volitans in suum centrum. Quæ definitur ab Aristotele esse: *Appetitus boni cum ratione*. Vel: Est potentia ex prælucentia rationis inclinativa ad protectionem boni, vel fugam mali. Est autem hæc potentia libera, id est, quod suppositis omnibus prærequisitis ad agendum, possit aliquid agere, vel non agere, vel oppositum agere. Porro sicut intellectus vocatur potentia necessaria, id est ut non possit non assentiri objectæ veritati: ita voluntas est potentia libe-

ra, ut possit velle aut non velle objectum. Hoc autem inde est: Quia intellectui benè disposito dum proponitur veritas ut in se est, ita proponitur, ut nihil in illa permixtæ falsitatis appareat, alioquin esset, & non esset veritas: atque sic necessitatur intellectus ad assensum vero v.g. huic principio metaphysico; Totum est majus suâ parte. Voluntati autem dum quodcunq; proponitur bonum, ita proponitur ut appareat malo vel aliqua imperfectione permixtum. V.g. etiam in proposito summo Bono, quod etsi in se est infinitum, quia tamen voluntati proponitur cum admixtione alicujus imperfectionis nempe limitatè, confusè, &c. Ob has potest illud non amare.

Intellectus & voluntas concurrunt in ratione principii effectivi ad actus supernaturales, dando eis vitalitatem, cum eam non possint habere à gratiis supernaturalibus, utpote accidentibus: Item dando spiritualitatem naturalem, quâ ipse actus supernaturalis, quâ vitalis, est naturâ suâ spiritualis. Item voluntas dat libertatem actui supernaturali: quia non esset laudabilis & meritorius homini talis actus, si non ab homine liberè procederet.

Memoria autem intellectiva conducit ad actus spirituales, quatenus illustrationibus supernaturalibus exhibet formas rerum, ut super illas cadant, & ita supernaturalizentur. Seu etiam dum à DFO moventur aliquæ species in memoria, & repræsentantur intellectui ad cogitationem congruam; qui motus ex quo hic & nunc est indebitus naturæ, ob nullam datam occasionem naturalem, est supernaturalis.

SECTIO III.

De Suprema parte Animæ Rationalis, & suis viribus.

P. 1. q. 79.
a. 9. ad 4.

Suprema pars Animæ rationalis apud Spirituales multiplex sortitur nomen ob quandam sui inexplicabilem excellentiam. Vocatur itaque *Mens*, Angelico Doctore sic dicta à metiendo seu applicando principia certa ad examinationem propositorum. Et ordinariè *Mens* sumitur pro natura rationali humana & Angelica, tum pro potentiis, earumque actibus ejusdem

dem naturæ. A Spiritualibus autem Mens accipitur, quasi Anima hac parte sui abstracta ab omnibus sensibilibus & infimis, emineat sublimata ad Divina, illa, vertice seu apice sui Spiritus quantum fas est homini proximè attingens: Unde etiam eadem pars Animæ *Vertex* & *Apex Spiritus* dicitur; prout & *Fundus animæ*; quia sicut vas naturâ pellucidum evacuatum, soli oppositum, illum purè & lucidè in suo fundo radiantem repræsentat; ita & Anima depurata ab omni turbido & superfluo DEUM in seipsa clarissimè relucens, repræsentat, & intuetur visione tamen non intuitivâ sed aliâ, de qua infra sub Contemplatione.

Apprehensiva vis partis Supremæ in Anima rationali est *Intelligentia*, quæ à scholasticis varie accepta, modò pro substantia separata v. g. Angelo, modò pro potentia intellectiua, modò pro intellectiōe: apud spirituales vero Theologos *Intelligentia* idque cum addito *pura* & *simplex* dicitur, quando ablatis omnibus imaginibus & similitudinibus tam corporeis quàm intelligibilibus, mens DEUM in caligine seu luce inaccessibili contemplatur. Eadem intelligentia appellatur *Vertex* & *Apex intellectus seu rationis*, quòd his speciales Divinæ irradiationes desuper suscipiantur, per quas super omnia creata mens elevatur ad videndum omne Bonum, DEUM suum. Vocatur item *Synteresis*, de qua infra, & *Scintilla rationis*, lucens in tenebris errorum vitæ hujus, & indigitans rectam vivendi viam dignam homine, ad quam incedendam simul movet & incendit, quare hæc scintilla communis est cognoscitivæ & appetitivæ.

Señ. 6. §. 2.

Vis appetitiva hujus partis Animæ dicitur *Appetitus super-rationalis*, quòd nimirum supra latitudinem & altitudinem cognitionis, amor intensius & altiùs feratur in summum Bonum, adeoque ut solent Mystici dicere; *Manente foris ratione amor subintrat thalamum Sponsi*. Item dicitur *Apex voluntatis*, & *Supremus affectus*, quòd hac parte elevata mens in DEUM, eum per intimam amoris unionem in se suscipit, ejusque illapsum, & inactionem per beatissimam illam experimentalem notitiam probat, gustat, & videt, quàm dulcis est Dominus. De quo alibi *one l. 2. tra. 1. c. 1. sect. 4.*

Adverte hic Supremam istam partem Animæ potissimum elucere in perfectis, & ornatis Spiritus. S. donis, ac spirituali lumine supernaturali; maximeque servire ad actum contemplationis, amoris & fruitionis DEI, quantum datur in hac vita.

Plures

Plures nomenclaturas hujus partis Animæ suarumque virium, & an hæ sint potentia, habitus, vel actus, & quomodo unum ex his pro alio ponatur, & similia multa, quæ magis videntur confundere, quam juvare imaginativam ac memoriam, & maximè quia cum dictis hîc à nobis coincidunt magis necessaria, ultro omittimus.

Cæterum ex dictis hoc toto Capite colligitur, quâ ratione Anima secundum suas morales Partes, earumque Vires seu Potentias, causaliter influat, & concurrat physice ad Actus salutare eliciendos, ut hoc pacto eorundem Principium physice effectivum & Modus in notitiam deducatur.

C A P U T III.

De Causa seu Principiis Supernaturalibus,
Physicè concurrentibus cum Principiis
Naturalibus ad efficientiam Mediorum,
seu Actuum Vitæ Christianæ Supernatu-
ralis vel Spiritualis; ad Finem
Supernaturalem.

Quemadmodum principia naturalia concurrunt ad certa prædicata, id est vitalitatis, libertatis &c. in actum supernaturalem: ita principia supernaturalia efficiunt, ut actus elevetur supra naturam, fiatque prout oportet ad salutem. Hæc autem principia in universali accepta seu causa, est Gratia DEI supernaturalis seu per Christum: Quæ latissimè accepta describitur esse, *Donum DEI gratuitum, & nature indebitum, ac ex puro amore Divinæ benevolentie, intuitu meritorum Christi, creature concessum, ad obtinendam vitam æternam.* Dicitur: *Donum gratuitum.* Quia ut Apostolus inquit. *Si autem gratia, jam non ex operibus: alioquin gratia jam non est gratia.* Dicitur: *Nature indebitum.* Per quod differt gratia naturalis à supernaturali, quam exigere intrinsece natura non potest quasi ex intrinseca sui proportionem ad gratiam.

Gratia

Gratia DEI alia est *Increata*, nempe specialis Providentia, & concursus DEI: Alia est *Creata*; ipsa quoque dividitur in *Externam*, ad quam etiam aliquæ actuales gratiæ reducuntur; & *Internam*. Interna subdividitur in gratiam *gratum facientem*, & *Gratiam gratis datam*. Gratia *gratum faciens* adhuc distinguitur in *Actualem*, & *Habitualement* cum Habitibus virtutum infusis, ac Donis Spiritûs Sancti. Tam multiplex gratiarum distinctio cum suis classibus provenit ab uno eodemque munificentissimo Largitore omnium bonorum, qui variis ac miris modis elevat & trahit ad *rationalem Creaturam*. Disertè hac de re S. Gregorius discurret: *Quasi venas fusturri sui aperit DEUS, cum nobis latenter insinuat, quibus modis ad nostræ intelligentiæ aurem venit. Aliquando enim nos amore, aliquando terrore compungit. Aliquando præsentia, quam nulla sunt, ostendit, ad æterna diligenda desiderium erigit: aliquando prius æterna indicat, ut post temporalia vilescant. Aliquando nostra nobis mala aperit: & ad hoc nos usq; ut alienis etiam malis condelemus, extendit. Aliquando mala aliena nostris obtutibus objicit, & compunctos mirabiliter à nostra pravitate nos corrigit. Et D. Bernardinus Senensis ita: Multifariè, multisq; modis consuevit DEUS devotas mentes dirigere, erudire, & inspirare; quandoq; revelationibus manifestis, quandoq; infundendo imperceptibiliter ipsis animæ viribus fidem, spem, & charitatem: quandoq; accuendo intrinsecus intellectum, memoriam, & voluntatem respectu aliquorum objectorum, quæ utilia sunt ad salutem: quandoq; insuper flectit hominis intellectum ad aliquem servum DEI, qui potest illum dirigere & juvare. Quandoq; etiam hominem devotum & zelo accensum dirigit ad aliquem textum Scripturæ Sacre, vel ipsi occurrere facit aliquam historiam, in cujus consideratione anima ejus dirigitur, & in eo quod desiderat, consolatur.*

Lib. 5. Moral. cap. 20.

Serm. 1. art. 1. cap. 8. tom. 3.

SECTIO I.

De speciali Providentia & Concursu DEI ad Actus Vitæ Christianæ supernaturales.

SPECIALIS DEI Providentia *Increata* activè sumpta, est amor DEI benevolentia, quo vult creaturæ media proportionata & efficacia ad æternam beatitudinem: de quo amore providentiali æterno DEUS ait: *In charitate perpetua dilexi te, ideo attra-*

Jerem. 31.

xi te miserans. Providentia verò DEI specialis passivè accepta, est quid creatum, nempe ipsa DEI dona supernaturalia. Porro Providentia DEI generalis in statu præsentis elevationis est, quatenus præparat omnibus media ex se sufficientia ad finem Gloriæ supernaturalem: quibus tamen mediis plurimi non utuntur. Alia generalis DEI Providentia est bonorum naturalium; sed de hac non hic agere opus.

Jam verò specialis DEI Concurfus à generali bonorum naturalium per hoc differt: quia sicut generali DEUS concurrir cum natura ad omnes ejus naturales functiones, & actus sive Physicos sive Morales: ita speciali, cum eadem natura concurrir ad solas ejus supernaturales actiones. Unde sicut ille concurfus est debitus naturæ: sic iste indebitus; adeoque quandam specialitatem seu excellentiam respectu naturæ præferens. Deinde specialis Providentia à generali bonorum supernaturalium inde discriminatur, quod illa sit Providentia efficacium gratiarum, hæc tantum sufficientium gratiarum.

Quantum verò Primam partem Theologiæ hujus spiritualis ordiamur sub auspiciis DEI Patris primæ Personæ Sanctissimæ Trinitatis, à quo *omne datum optimum, & omne donum perfectum*, id est supernaturale seu gratiæ, ut ex *Nicolas Lyrano* colligitur: Tamen in eorundem donorum ob suam singularem præstantiam largitione, specialiter quoque memorantur & aliæ Personæ Sanctissimæ Trinitatis. Sic donum gratiæ DEI supernaturalis cum addito per Christum, à Theologis vocatur, id innuente Scripturâ, & SS. Patribus; nempe quod gratia nobis à Christo, & per merita Christi donetur. Prout Apostolus inquit: *Gratia vobis & pax à DEO Patre Nostro, & Domino JESU Christo.* Item: *Ut ostenderet* (id est DEUS) *in seculis supervenientibus abundantes divitias gratiæ suæ in bonitate super nos in Christo JESU.* Hoc est per Christum JESUM; ut *Cornelius à lapide* habet. Deinde sanctificatio per gratiam peculiari quodam modo attribuitur Spiritui S. uti dicitur de actualibus gratiis: *Spiritus ubi vult, spirat*; id est Spiritus Sanctus in quibus *vult operatur & quando* ut glossa ordinaria inquit. Et de gratia sanctificante cum suis habitibus virtutum dicitur. *Charitas DEI diffusa est in cordibus nostris per Spiritum Sanctum, qui datus est nobis.* Tum de gratiis gratis datis, quas enumerat Apostolus, adjiciens:

Hæc

In Ep. Can.
Jacobi cap. 1.
v. 17.

I. Cor. 1.

Ephef. 2.

Vide Lyran.
in 3. cap. Joan.

Ad Rom. 15.

Hæc autem omnia operatur unus atq; idem Spiritus dividens singulis, prout vult. I. Cor. 6. 12.

Nimirum Bonitas & Amor Patris & Filii est Spiritus Sanctus, qui etiam ab iisdem Divinis Personis communicatur creaturæ; Quod feliciter experiuntur iusti, uti & illi experti, de quibus dicitur: *Repleti sunt omnes Spiritu S.* Jam verò quia omnium donorum creatorum pretiosissima dona sunt gratiæ, adeòque in his maximè elucet immensa Bonitas DEI & Amor in hominem, meritò hæc insignia amoris Divini, seu quidam amor passivus creatus habet singularem connexionem cum Amore passivo increato Spiritu S. qui uterq; datur nobis per ineffabilem in nos Divinæ Bonitatis propensionem uti supra adductus Apostolus testatur: Et Christus: *Si vos cum sitis mali nostis bona data dare filiis vestris, quanto magis Pater vester de celo dabit Spiritum bonum petentibus se?*

Act. cap. 2.

Rom. 6. 5.

Luc. II.

Modus autem quo concurrit DEUS ad actus salutares jam explicatus supra: nili hic tamen aliquid breviter ex mente Theologorum dicendum. Præfatus itaque Concurfus dupliciter accipitur, in actu primo, & in actu secundo. Concurfus in actu primo, est Decretum DEI, quo applicat DEUS suam Omnipotentiam ad concurrendum. Concurfus verò in actu secundo, est ipsa actio DEI productiva cum homine actus salutaris. Uterque hic Concurfus DEI ad actus supernaturales est gratia DEI in ratione illustrationis & inspirationis. Cap. I. Sect. 1.

Vide Granado & Oviedo hic puncto 4.

SECTIO II.

De Gratia DEI externa Supernaturali.

Gratia DEI externa supernaturalis, est Donum DEI nature indebitum, eam extrinsecè afficiens. Hæc gratia divina alia se habet negativè, alia positivè. Negativè, dum DEUS occasiones peccatorum, & impedimenta bonorum operum, alias occurrura, & prævisa quæ nocitura, ex concurrentia naturalium, caufarum, submover tum in seipsis, tum in suis causis. Talia sunt v.g. impetus & tentationes dæmonum, eos coërcendo, ne noceant quantum volunt & valent, sed quantum prodesse possunt: Vigor & fervor carnis concupiscentiarum, eam v.g. infirmitate debilitando, ne insolescat corpus, vel animus: Societas hominum improborum, eam præcavendo: Divitiæ, honores, voluptates in-

abufum venturæ, ne habeantur, eas impediendo, &c. Pulchre ad horum aliqua (ex quibus fimilia conclude) alludit D. Augustinus in persona DEI loquens: *Regebam te mihi, servabam te mihi: ut adulterium non committeres, suafor defuit? ut suafor deesset, ego feci: locus & tempus defuit? ut hæc deessent, ego feci. Agnosce ergo gratiam. &c.*

Gratia DEI externa positivè se habens, est, quando nimirum aliquid tale à parte rei ponitur, (quod alias ex concursu naturali causarum secundarum non poneretur) atque seipso extrinsecè afficit hominem, inducens ad bonum. Talia sunt Prædicatione verbi Divini; Missæ Sacrificium; Sacramenta, & permximè Eucharistia, antonomasticè dicta bona gratia; Miracula, Occasiones benè operandi v. g. Orandi DEUM ex ingressu ad templum, Miserendi pauperum ex occurfu eorum & acceptione divitiarum, tum honorum unde auctoritatem habeat promovendi gloriam DEI, & salutem animarum, &c. Hæc namque & alia fimilia Objecta ac Occasiones producant sui species intentionales in sensibus exterioribus uti visu, auditu, &c. Ex quibus in sensum communem aliasque vires apprehensivas infimæ partis animæ, ac tandem per superadditum aliquod supernaturale principium v. g. Fidei, in intellectum deveniunt; & voluntatem ad aliquem virtutis supernaturalem actum feliciter perducunt. Ratio horum est, quia hæc habent se per modum supernaturalis occasionis, motivi, vel instrumenti, quo DEUS utitur ad conferendum internæ gratiæ dona. Jam verò si horum aliqua intrinsecè naturalia v. g. Possessio divitiarum, & occurfus pauperis, ex concursu naturali causarum eveniant, & sunt homini occasio actualis ad bonum, tunc purè hæc externa erunt dona naturalia, & nec quoad modum supernaturalia, etsi actum quandoque causent occasionaliter supernaturalem. Quia scilicet ordinario cursu causarum secundarum evenerunt.

S E C T I O III.

De Gratia Actuali Supernaturali.

Gratia Actualis, est qualitas interna, transiens, superaddita potentiæ cognoscenti & appetenti, iisdem indebita, data coelitus ad efficiendos actus supernaturales meritorios gratiæ sanctificantis, ac specia-

ac specialioris alterius gratiae, & gloriae: *Tunc alterius finis supernaturalis.*
 Dicitur: *qualitas*; sive sit hæc non vitalis, (ut plerique volunt prædeterminatores) sive vitalis, sita in tribus operationibus intellectus, & actibus affectibusque voluntatis; seu illustrationibus & inspirationibus vitalibus, quæ sunt piæ Cogitationes & Affectiones: prout communis decedit sententia. Dicitur: *transiens*; per quod differt à gratia habituali, quæ est qualitas permanens. Dicitur: *superaddita potentiæ cognoscenti, & appetenti.* Quia hæc sine illa superaddita, nonnisi actum naturalem producerent: cum non darent, quod non habent, nempe supernaturalitatem. Ubi Cognoscitiva non tantum intellectiva, verum & sensitiva supponitur: quia voluntas supernaturaliter inclinatur ad bonum, non solum cogitationibus intellectus, verum etiam cogitationibus interioris sensus, saltem remotè. Quod fit etiam ex parte Appetitus sensitivi, qui affectus gratiâ, conducit negativè & remotè ad amorem formalem honesti, impediendo scilicet perversos motus, & phantasmata, eaque bona excitando ad amorem honesti in seipso remanentem; qui ulterius amor per modum removens prohibens, & coadjuvantis seu facilitantis quodammodo voluntatem, ei succurrit ad promptius eliciendos actus supernaturales. Sed de hoc etiam *supra* visum fuit, ubi de partis inferioris animæ viribus. Hæc autem gratia in parte sensitiva non est quidam actus vitalis spiritualis uti est in parte rationali, sed vel est actus vitalis materialis: vel est aliqua participatio iustitiæ illius Originalis sitæ secundum Vasquez & Oviedo in externa DEI protectione, seu in Decreto DEI, non permittente motum appetitus sensitivi ante vel contra imperium voluntatis: vel appetitus sensitivus informatur aliquâ qualitate supernaturali, (ut Becanus habet) & ita frænantur ex toto, sive ex parte, motus pravi, ut non eliciantur. Dicitur: *iisdem* id est potentiis *indebita, data coelitis*, quod est prædicatum essentiale supernaturalitatis. Dicitur: *ad efficiendos actus supernaturales*, sive eosdem operando in nobis sine nobis liberè, physicè tamen & activè concurrentibus, quales actus sunt primi motus, v. g. simplices complacentiæ de bono, vel displicentiæ de malo: sive iisdem actibus jam à nobis liberè exercitis cooperando. Dicitur: *meritorios* &c. sive de congruo,

Cap. 2. Sect. I.

sive de condigno consequendi primam vel 2dam. gratiam sanctificationis: tum alias speciales gratias in presenti: gloriam verò in futuro. Tum ad attingendum aliquem alium finem supernaturalem v.g. Salutis proximorum, ¶ Gloriæ DEI & Coelitum: quia DEUS easdem gratias confert ex intentione certi finis. Aliàs daret medium sine respectu finis, quod implicat.

Eadem gratia actualis multipliciter titulatur ob sui varias proprietates & functiones. Hæc tamen omnia ad triplicem classem sequentibus trinis §§. reducimus in honorem TRINITATIS summæ DEI T. O. M. à quo omne gratiæ donum.

§ 1.

ITaque Gratia actualis prout recipitur in intellectu & voluntate, etsi in re respectu gratuiti beneficii sit eadem moralitèr, respectu tamen potentiarum quibus inest, (ut infra dicitur) est diversa uti & respectu certarum sub quibus concipitur denominationum, & officiorum, seu formatatum. Et ita eadem gratia in intellectu & voluntate nominatur gratia *Præveniens*, & *Antecedens*, ut Psaltes canit: *Prævenisti eum in benedictionibus dulcedinis*: quatenus scilicet datur ante merita nostra, præceditque actum liberum, vel tempore, vel naturâ. Item vocatur *Operans*, ex eo, quod operatur in nobis sine nobis liberè cooperantibus. Item dicitur *Excitans*, in quantum somno cuidam spiritali deditos, & minimè ex virtute, vel contra virtutem, agentes, movet, stimulat, internè inclamat juxta illud: *Hora est jam nos de somno surgere*:

Ep. ad Rom. Nunc enim propior est nostra salus, quàm cum credidimus. Et: Evigilate justì, & nolite peccare.

cap. 13.

I Cor. c. 15.

v. 34.

Hæc ipsa gratia vocatur *Tactus cordis*, quasi per modum excitationis humanæ vecordiæ, motibus piis, ut dicit Concilium Tridentinum: *Tangente DEO cor hominis per Spiritus S. illuminationem.*

Seff. 6. c. 5.

Apoc. 3.

Prov. 1.

Rom. cap. 8.

v. 14.

Lib. de Correp. & gratia cap. 2.

Item, *Pulsatio*: prout dicitur: *Ecce sto ad ostium, & pulso.* Item, *Vocatio*: ut *Vocavi, & renuistis.* Hinc à Divo Augustino appellatur *Vocatio alta & secreta.* Ab eodemque dicitur *Delectatio victrix*, ut magis delectet veritas, quàm placeat vanitas. Item, *Inactio Spiritus*, sicut habetur: *Quicumque enim Spiritu DEI aguntur, ij sunt Filii DEI.* Quod ipsum explicat B. Augustinus dicens: *Quia aguntur dilectione, delectatione, & justitiæ suavitate.* Item, *Pii motus*: quod voluntas

tas moveatur & inclinetur ad consensum in bonum. Item, Tractio: uti innuit Christus: *Nemo potest venire ad me, nisi Pater qui misit me traxerit eum: Utique illa tractione, de qua quidam ait: Trahit sua quemq; voluptas.*

Joan. 6.

Dividitur hæc gratia varionomia in SuffICIENTEM, & EFFICACEM. Sufficiens est, de qua Apostolus dicit: *Non quod sufficientes sumus cogitare aliquid ex nobis, quasi ex nobis, sed sufficientia nostra ex DEO est.* Hæc gratia alia est proximè sufficiens; nempe Auxilium, quo posito, nihil deest ex parte DEI concurrentis ad eliciendum liberè ab homine consensum, vel actum salutarem, qui si non eliciatur, imputandus est non insufficientiæ gratiæ, sed libertati humanæ DEO dissentienti, vel resistenti. Hoc ipsum colligitur ex illo Isajæ: *Quid est, quod ultra debui facere vineæ meæ, & non feci? An quod expectavi, ut faceret uvæ, & fecit labruscas?* Deinde arguuntur Judæi: *Vos semper Spiritui Sancto resististis.* Alia gratia vocatur remotè sufficiens; quatenus datur ad actus dispositivos hominis, vel imperratorios gratiæ, proximè effectivæ alicujus actus salutaris: v.g. Tribuit DEUS Peccatori gratiam ad eleemosynam, vel orationem faciendam &c. Quod si ei cooperaretur, paratus est DEUS ulterius illi conferre gratiam ad poenitentiam justificationem: quod autem tali gratiæ homo non cooperetur, sibi imputet.

2. Cor. cap. 3.

v. 5.

Isaie c. 5.

A. e. 7.

Certum autem est, omnibus hominibus dari gratiam sufficientem ad cavendum peccata, & facienda bona. Quia sine gratia DEI, hæc ad supernaturaliter exequendum sunt impossibilia. Ista autem gratia sufficiens est supernaturalis; quia datur tanquam medium proportionatum ad finem supernaturalem Salutis, cum DEUS velit omnes salvos fieri.

Gratia efficax, est auxilium DEI, ut infallibiliter inferens liberum hominis consensum. Vel clariùs loquendo in communi sententia: Gratia efficax, est auxilium DEI, dicens in recto entitatem ex se intrinsecè indifferentem ad utrumlibet, & tanquam principium agendi supernaturaliter; in obliquo autem dicit consensum hominis liberum. Ratio est quia ita concordantur maximè secum incompatibilia: Primo Gratia efficacia: Dum actualiter causat seu efficit cum libero arbitrio consensum salutarem. Secundo: Libertas arbitrii. Quando

nimirum

nimirum informatur entitate tali, quæ illud ad unum necessario non determinat, sed concurrat cum illo indifferenter, id est ad agere in actum influendo, vel non agere id est in omissionem actus non positivè influendo, alias esset gratia quandoque principians effectivè peccatum: sed quatenus permisivè se habendo, ut voluntas non agat, seu omittat actum. *Tertio*: Absoluta potestas DEI salvandi hominem vel reprobandi. Salvandi; conferendo per suam misericordiam homini gratiam talem, cum qua prævidet eum operaturum, ut homo in DEO & non in se gloriatur de sua salute. Reprobandi; conferendo ejusmodi gratiam, (quæ est ex se sufficiens ad salutem, ut non habeat unde conqueratur homo contra DEUM, sed potius imputet sibi perditionem suam, quod non cooperatus sit gratiæ DEI) cum qua prævidet hominem non cooperaturum, ac eo ipso subtrahendo gratiam cum qua prævidet cooperaturum, idque hoc ipsum exigente Justitia DEI vindicante tali subtractione præcedentia prævisa peccata, vel agente aliâ ratione abyssalium & inscrutabilium judiciorum DEI, quæ in seipsis recta & justificata sunt.

§ II.

Alia gratia actualis vocatur *Comitans*, quatenus coexistit conatui nostro, ac simul cum libero arbitrio influit in actum salutarem: undè etiam à quibusdam hæc gratia nominatur *Auxilium simultaneum*. Item, appellatur *Cooperans*, utpote quæ cum arbitrio nostro liberè operante bonum, ad illud cooperatur, seu illud coëfficit: hinc Apostolus: *DEUS est enim qui operatur in vobis & velle, & perficere pro bona voluntate*. Et D. August. inquit: *Cooperando perficit, quod operando incipit*. Item, *Adjuvans* dicitur ex hoc, quod insufficientiam liberi arbitrii adjuvat, ei vires suas supernaturales ministrando ad actum supernaturalem. Unde Apostolus: *Spiritus adjuvat infirmitatem nostram*.

Hæc gratia secundæ classis, sicut & primæ, quatenus recipitur in intellectu, vocatur *illuminatio*: quando refulgens in mente veritas aliqua supernaturaliter manifestatur, secundum illud: *Erat lux vera, quæ illuminat omnem hominem venientem in hunc mundum*. Item, *Sancta cogitatio* dicitur, quatenus fit supernaturalis apprehensio, iudicium, discursus seu ratiocinatio de re aliqua,

Philip. c. 2.

v. 13.

De gra. & lib. arbit.

cap. 10.

Ep. ad Rom.

cap. 8.

Jo. c. 1. v. 9.

aliqua, ad purè & ex virtutis norma vivendum. Item appellatur: *Cogitatio congrua*, id est quod talis cogitatio congruat seu conveniat ad salutem, tanquam medium proportionatum ad suum finè.

Quatenus autem recipitur in Appetitu rationali seu voluntate gratia actualis, nominatur *Pia affectio*, nempe in quantum excitantur affectus in voluntate, ordinati ad placita summi omnium Patris exequenda. Item, *Inspiratio*: quia sicut voluntati convenit spirare (quod etiam fit in Divinis, dum Pater & Filius per voluntatem spirant Spiritum Sanctum) ita & inspirari, vel alliciendo ad consensum bono, vel terrendo ad dissensum malo: quare de Spiritu S. dicitur: *Ubi vult, spirat*; id est inspirat.

Johani. c. 3.

§ III.

TAndem gratia actualis vocatur *Gratia subsequens*, quatenus vi meriti vel orationis inducitur, seu à DEO conceditur propter præcedentis gratiæ usum bonum, ut ita *Qui justus est justificetur adhuc* per alium & alium actum salutarem, & *qui Sanctus est sanctificetur adhuc* per incrementa gratiæ sanctificantis. *Omni enim habenti dabitur, & abundabit.*

Apoc. c. 22.

Ibidem.

Matth. c. 25.

vers. 29.

Coronet dicta in hac triplici classe de Gratia Actuali Sacrosancta Synodus Tridentina ita subscribens: *Quæ virtus (id est gratia) bonæ eorum opera semper antecedit, & comitatur, & subsequitur.*

Seff. 6. c. 16.

Aliæ Conditiones & Proprietates Gratiae Actualis.

I. **G**ratia DEI actualis in intellectu recepta, cum consistat in actibus intellectus, physice est distincta ab ea, quæ recipitur in voluntate: cum hæc gratia sita sit in actibus, affectibusque voluntatis, qui sunt distincti ab actibus intellectus. In ratione autem beneficii simul collati, hæc gratiæ moraliter inter se non distinguuntur ordinariè, sæpè tamen contingit gratiam piæ affectionis esse novum beneficium supra gratiam illustrationis: quia etsi ad gratiam illustrationis consequuntur in voluntate piæ affectiones: prout Augustinus insinuat: *Quis habet in potestate, ut vel occurrat id quod eum delectare possit, vel delectet, cum occurrerit?* Tamen in operando supernaturaliter DEUS non attendit ad exigentias naturales rerum, sed sæpè infundit magis intensam magisque suavem affectionem quam illam exigat gratia illustrationis. Quod

*Lib. 1. ad
Simplic. c. 2.*

apud Mysticos est receptissimum; qui dicunt: Non raro accidere DEUM amari intensius, quam cognoscatur.

II. *Gratia actualis supernaturalis est necessaria in natura lapsa ad actus salutes seu meritorios gratiae & gloriae.* Est de fide. Probatur & explicatur. Dicitur: *supernaturalis*, ut condistingatur à naturali gratia, quam DEUS tribuit ad actus naturales moraliter bonos, ita, ut talis actus vi illius gratiae specialiter potius sunt DEO tribuendi, quam naturae: Agnoscit D. Augustinus ejusmodi gratiam, ita dicens: *Quanto ergo tolerabilius illas, quas dicit in impiis esse virtutes, (uti quae intrinsecè naturales) Divino muneri (ecce gratiam intrinsecè naturalem) quam eorum tantum tribueres voluntati?* Quamquam ad diutius vivendum sine peccato mortali, ad superandam tentationem gravissimam, ad heroicis actus virtutum naturalium, & Amoris DEI super omnia, ad observandam totam legem naturalem, non sufficit moraliter gratia naturalis, sed requiritur supernaturalis. Ratio est quia ut S. Augustinus ait: *Liberum arbitrium sufficere de se ad malum, ad bonum autem parum valere, nisi adjuvetur ab Omnipotenti Bono.*

Contra Julianum Pelagianum c. 3.
Lib. de Cor-
rept. & gra-
tia cap. II.

Fig. 3.

Imò nec cum ordinariis auxiliis supernaturalibus possunt moraliter evitari omnia peccata venialia collectivè sumpta per longum tempus. Ratio est: Tum infirmitas rationis, non valentis continuo vigilare super se, cum ad peccatum veniale sufficiat minimus defectus circumstantiae alicujus: Tum magna pronitas hominis in bonum vetitum: Tum debilitas liberi arbitrii in resistendo: Tum frequentia occasionum peccandi venialiter, unde dicitur: *In multis offendimus omnes.* Haec gratia sive intrinsecè, sive quoad modum supernaturalis, dicitur esse necessaria in natura lapsa ad actus salutes, &c: id est ad actus, qui debent fieri prout oportet ad salutem. Actus autem ejusmodi sunt, qui vel disponunt ad salutem seu gratiam justificantem, vel eam efficienter causant. Qui proximè disponunt vocantur prima gratia actualis seu actus (prout condistinguitur ab auxilio supernaturali, quod vocatur etiam gratia actualis, & de quo hac Sectione agimus) qualis gratia in infidelibus, est actus fidei. Qui verò actus salutes efficienter causant gratiam habitualement, vel iidem actus sunt Ima gratia, qualis v.g. est in fidelibus sed peccatoribus

catoribus actus poenitentiae justificans, vel ejusmodi actus sunt
 2da gratia, quatenus causant augmentum gratiae habitualis. Do-
 cet de his Arauxic: dicens. Nos per naturae vigorem venum ad sa-
 lutem pertinens vitae aeternae cogitare aut eligere, absq. illustratione & *Conc. Arau-*
 inspiratione Spiritus S. non posse. Ratio est; quia finem inter & me- *xic. cap. 7.*
 dia debet esse proportio: igitur cum finis hominis seu salus per
 gratiam sanctificantem & gloriam sit supernaturalis, media ad eum,
 qui sunt actus, debent esse quoq; supernaturales, adeoque principiati
 à Causa supernaturali, nempe gratia actuali supernaturali. Di-
 citur: Meritorios gratiae & gloriae: quae particulae sunt explicativae
 ly salutaris. Meritum verò in actu salutari hic supponitur tum
 pro merito de congruo, tum de condigno: de congruo est, quo
 DEUS movetur ad dandam gratiam & gloriam, non ex aliquo
 debito, sed nonnisi ex aliqua decentia potius huic dandam qui
 talem actum operatur, quam alteri, qui non operatur. Et ejus-
 modi actus sunt, qui non originantur à gratia sanctificante. A
 qua procedentes actus salutare, sunt de condigno meritiivi au- *V. I. 2. tr. I. c. I.*
 gmenti gratiae & gloriae: sed de his infra. *sect. I.*

III. Gratia excitans quibusdam datur adeò vehemens &
 actuosa, ut absque laesione libertatis difficillimum ac moraliter
 impossibile sit ei ad resistendum, vocaturque Gratia specialissima,
 efficax, & praedestinationis: de qua dicitur: Quos praedestinavit, hos & *Rom. cap. 8.*
 vocavit, & quos vocavit, hos & justificavit, quos autem justificavit, *v. 30.*
 illos & glorificavit. Quanquam non semper ejusmodi potens gra-
 tia efficaciam habeat ob defectum libertatis humanae. Sicut è
 contra frequenter contingit, cum minus potente gratia homi-
 nem efficaciter operari.

SECTIO IV.

De Modo concursus gratiarum actualium ad actus salu-
 tares, & de Praxi circa easdem gratias.

VISIS quid, quotuplex, qualisve sit gratia actualis, restat vi-
 dere an, & quomodo eadē causet actus supernaturales. Ita-
 que certum est gratiam excitantem exercere causalitatem
 Moralem in actum salutarem. Nimirum per propositionem ob-
 jecti, & excitatos motus ineliberatos complacentiae, aut displi-
 centiae

centiæ, inclinando ac movendo, voluntatem ad actum bonum.

Philip. 2.

Certum item plerisque gratias actuales seu illustrationes & inspirationes, propriè Physicâ efficientiâ influere in actus salutes; sicut voluntas influit in suam volitionem. Unde dicitur: *DEUS qui operatur in vobis & velle & perficere, pro bona voluntate*: Quæ verba ut magis simpliciter accipiantur, cum nihil obstat, debent intelligi non modo de causalitate morali, verum etiam physica. Certum præterea est, illustrationes & inspirationes causalitate physicâ influere efficienter in actus salutes, non tantum in absentia habituum supernaturalium, prout contingit in peccatore, & infideli, verum etiam in præsentia eorundem habituum, puta in homine iustificato. Quia habitus supernaturalis, v. g. fidei concurret in ratione principii stabilis, ac indeterminatè ad plures actus fidei eliciendos circa omnia mysteria revelata: gratia verò actualis concurret in ratione principii transeuntis ac determinati ad hunc solummodo actum fidei, v. g. de incarnatione Verbi.

Deinde quavis gratia excitans prius naturâ concurrat ad actus salutes quam voluntas, quatenus hæc se liberè determinet, à gratia prius præmota & determinata; Similiter gratia adjuvans etsi prius naturâ concurrat, quatenus voluntas ab ea vim effectricem operandi accipiat; Attamen in productione effectus seu actus salutaris, nulla prioritas physica datur, sed simultaneo concursu influunt in actum, voluntas ei tribuendo vitalitatem, libertatem, aliaque prædicata, gratia verò supernaturalitatem. Quia causæ partiales indivisibiliter operantur effectum, alioquin pro aliquo tempore operans una sine aliis, jam non esset causa partialis, sed totalis.

*PRAXIS ad acquirendas, conservandas, augendas
Gratias actuales, efficaces & speciales.*

Prima Praxis ad acquirendas Gratias actuales est: Imò. Negativè se habens per modum removentis prohibēs. Sicut v. g. volens videre lumen solis removet clausuram oculorum impediens ne lumen videatur. De quo modo discurret S. Bonaventura dicens: Gratia non datur

datur ei, qui se non habilitat ad gratiam, & de hoc multa habes,, *S. Bonaven.*
 exempla, scilicet in illo, qui ad largitorem manum non exten-,, *Tom. 3. de O-*
 dit, quia DEUS, quantum in se est, dat omnibus affluenter. In il-,, *rig. virtutum*
 lo, qui contra lumen oculos claudit: cum DEUS faciat oriri solem,, *& gratiæ.*
 suum super bonos & malos.)) Sicut enim sol dum præsto est, sem-
 per lucet: ita & gratiæ actuales instar radorum à Patre lumi-
 num derivantur in bonos & malos semper id est singulis mo-
 mentis moraliter, seu opportunitatibus, aut occasionibus benè
 agendi ex supernaturali motivo. Et in peccatore quidem
 ac justo alligantur hæ gratiæ ad singula opera supernaturalia
 ex obligatione provenientia. Quia cum ad ea non sufficiant vires
 naturales, subministrantur vires auxilii supernaturalis: alioquin
 homo ad impossibilia obligaretur. In justo autem alligantur
 etiam gratiæ actuales ad agendum, dum non obligatur aliquid
 agere: qualia sunt opera supererogationis supernaturalia. Quia
 si in statu puræ naturæ deberentur homini cogitationes bonæ
 ad præstandos interdum actus naturales, qui sint citra obliga-
 tionem: Multo magis id debetur homini justo in statu elevatio-
 nis, ne hic status illo statu sit deterior. Quare frequentius sese
 recolligere oportet, maximè dum occasio benè agendi offertur, &
 videre; an, quid, & quomodo aliquid à se agi DEUS velit: & au-
 scultare cum Propheta: *Audiam quid loquatur in me Dominus DEUS.*
 Et currere viam mandatorum DEI juxta illud: *Ambulate dum lucem*
(gratiæ) habetis, ut non vos tenebræ (seu privatio lucis gratiæ, dum
 dilexeritis magis tenebras quàm lucem, ac per consequens privatio
 lucis æternæ gloriæ) *comprehendant. Secundò: Positivè conducentia*
ad præfatas gratias acquirendas sunt pia opera, potissimum Eleemofy-
na, & Oratio: ut in Cornelio Centurione patet.

Secunda Praxis ad conservationem Gratiarum DEI actualium est.
 Quia etsi gratiæ actuales sunt transeuntes, ut condistingvuntur
 gratiæ habituali seu permanenti, tamen & ipsæ moraliter quo-
 dammodo permanent, dum aliis transeuntibus aliæ vel mox, vel
 absque multa dilatione brevè succedunt. Igitur ad ejusmodi gra-
 tias & quidem efficaces, frequentemque Domini visitationē con-
 servandam *Primo.* Servit fuga etiam venialium peccatorum, imò &
 imperfectionum sub nulla culpa obligantium, (uti in Religionibus
 sunt leges tantummodo poenales.) *Quarum commissio privat ho-*

Pf. 84.
Johan. 12.

Act. c. 10.

Jacob. 4.
S. Bern. ser.
§4. in Cant.
Prov. 28.

V. 2. Cor. 6.
V. infra de
gratitud. &
ingratitud. 1.
2. tra. 2. c. 6.
Psf. 126.

minem specialibus gratiis ut docent Theologi. DEUS enim supererogatoriè operati, quasi supererogatorias, id est supra communes sufficientesque subministrat efficaces gratias; ne videatur superari à creatura. Sicut supererogatoria negligenti meritò subtrahit easdem. *Secundò*. Servit Timor filialis ne deferatur quandoque homo à gratia, ut sibi soli relictus quæ sua sunt, nempe nihilum, quod est peccatum, agat; tum profunda humilitas. *Humilibus enim DEUS dat gratiam*. Et Doctor mellifluus inquit: *In veritate didici, nil æquè efficax esse ad gratiam promerendam, retinendam, recuperandam, quàm si omni tempore coram DEO inveniaris non altum sapere, sed timere*. Beatus homo qui semper est pavidus. Time ergò cum arriserit gratia, time cum abierit, time cum denuò reverteretur; Et hoc est semper pavidum esse. Succedant vicissim sibi in animo isti tres timores, secundum quod gratia vel adesse dignatur, vel offensarecedere, seu iterum placata redire sentietur. Cum adest time, ne non dignè opereris ex ea. Hæc monet Apostolus: videte inquit: ne in vacuum gratiam DEI recipiatis, &c. *Tertio* Gratitudo. Ut enim ingratitudo siccat fontem misericordiæ: ita Gratitudo hunc uberius fluere facit. Vide plura de hoc suis locis. *Quartò*. Oratio fervens quatenus in nobis Deus tueatur dona sua. Nisi quippe Dominus custodierit Civitatem, frustra vigilat qui custodit eam. Quod multò magis de anima inter millenos astutissimos crudelissimos potentissimosque hostes constricta verificatur.

Tertia Praxis ad augmentum gratiarum actualium. Ubi id augmentum intelligitur tum extensivè pro frequentiori & multiplici variarum gratiarum actualium concursu; tum intensivè pro magis & magis specialioribus efficacioribusque iisdem gratiis. Tale igitur augmentum facit. *Primò*. Fuga minorum peccatorum & imperfectionum ut modò supra dictum. Addo Richardum Victorem, qui ait: *Parvæ negligentie obscurant animam, & impedimentum faciunt amplioris gratiæ*. *Secundò*. Bonus usus præcedentium gratiarum in exercitio virtutum parit amplius incrementum sequentium. Quod liquet ex Evangelio, ubi pro diligenti operatione. & facto lucro in decem talentis, ab inerti servo jubetur auferri suum talentum & dari solertiori. Additurq; *Omni enim habenti dabitur & abundabit, ei autem qui non habet, & quod videtur habere, auferetur ab eo*.

Matth. 25.

SECTIO V.

De Gratia Dei Habituali.

GRATIA Dei habitualis, est qualitas realis, spiritualis, supernaturalis, permanens, inherens animæ, ejus essentiam perficiens in ratione participationis naturæ Divinæ. Dicitur esse *qualitas*, adeoque accidens: alioquin cum gratia sit supernaturalis, id est supra omnem naturam seu substantiam creatam, si esset substantia, esset supra seipsam & non esset supra seipsam. Dicitur, *realis*: quia Concil. Trident: agit de gratia tanquā de positiva forma, eam positivis perfectionibus exprimendo, quales sunt charitas, justitia, dona, virtutes, &c. Similiter dum loquitur de reali productione & receptione ejusdem formæ, nomine infusionis, renovationis, &c. significat gratiam esse formam realem. Dicitur; *Spiritualis*, ut optimè asserit Ambrosius: *Non est Spiritus S. de substantia corporali-um, hic enim corporalibus incorpoream infundit gratiam.* Tum quia informat animam, quæ ente corporeo informari nequit. Dicitur; *Supernaturalis*: quia nulli prorsus debetur substantiæ vel naturæ ad ejus naturalem complendam perfectionem. Dicitur; *permanens*: quia DEUS sicut diligit amore naturali creaturam, dando illi Esse & bonitatem naturalem, ita diligit eandem amore gratuito seu supernaturali, dando illi Esse & bonitatem supernaturalē. Atq; hic amor Dei supernaturalis est permanēs in justis: Cum Christus dicat: *Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus.* Ergo & bonitas illa gratiæ supernaturalis, terminativa amoris DEI, debet esse permanens. Dicitur; *ejus essentiam* &c. Unde Petrus testatur: *Magna & pretiosa nobis promissa donavit, ut per hæc efficiamur Divinæ consortes naturæ.* Quod consortium seu participatio naturæ Divinæ sit per quandam similitudinem; ut quod DEUS est per naturam, id homo fiat per gratiam, repræsentans in se Divinam naturam; sicut speculum mundum repræsentat in se receptam speciem lucidissimi solis. Hinc quæ prædicata Divinæ naturæ dantur v. g. Aseitatis. Principii omnium suarum perfectionum, &c. eadem prædicata attribui debent creaturæ informatae gratiâ, quâ efficitur creatura quasi alter Deus: sicut speculū eâ parte, quâ respicit & recipit solem, efficitur quasi alter sol. Appositè quoad rationē lucis

Lib. I. de Spiritu S. c. 4.

Joan. 14.

2. Pet. 1.

1. 2. q. 110. lucis D. Thomas eandem gratiam vocat Lumen, inquit: *Lumen gratie quod est participatio Divinae naturae, est aliquid præter virtutes infusas, quæ à lumine illo derivantur & ad illud lumen ordinantur. Unde Apostolus: Eratis aliquando tenebræ, nunc autem Lux in Domino; ut filii lucis ambulate.* Atque ita gratia est participatio illius Luminis, de quo Psalmus: *Et in Lumine tuo videbimus Lumen:* Participatio inquam Increati Solis justitiæ. Quoad rationem verò participatæ Aseitatis seu Entis imparticipati per gratiam Joannes Vincentius asserit „ Gratiam gratum facientem tantæ esse excellentiæ, ut sit participatio Divinae naturæ, quatenus est ipsum Esse per Essentiam „ imparticipatum, & independens, ac præhabens omnem essendi plenitudinem, & hoc modo constituere animam Divinae naturæ consortem. Quod autem forma gratiæ sit ejusmodi participatio naturæ Divinae, idem Author probat ex proprietatibus, quas Scriptura & Patres gratiæ tribuunt, ut esse indefectibilem, æternam, immortalem, nosque per eam immortali & indefectibili vitâ donari. Dicitur autem gratiam habitualement *essentiam Animæ perficere, non potentias.* Quia gratia non est virtus sed prius quid virtute: jam verò omnis perfectio potentiæ animæ est virtus, ut D. Thomas docet. Quanquam dicta participatio naturæ Divinae allato textu S. Petri potest sumi latius, prout nimirum Divina natura includit intellectum & voluntatem, aliaque his annexa attributa Divina, quæ etiam participat creatura per infusos habitus virtutum & donorum simul cum gratia. Et ita secundum intellectum homo participat cognitionem seu Scientiam DEI per habitum fidei, & donum scientiæ, ac donum intellectus; Sapientiam DEI per donum sapientiæ; Prudentiam DEI per habitum prudentiæ. Secundum voluntatem participat Amorem DEI per charitatem; aliasque virtutes, & universaliter Sanctitatem DEI, per habitus infusos virtutum & donorum. Deinde per participationem dictorum attributorum DEI homo efficitur similis DEO non tantum in posse operari, sed etiam actu operari. V. g. non solum esse habitu sapientem, bonum, &c. sed etiam actu. Ratio horum est: quia filius debet assimilari Patri quoad essentialia Patris; alioquin in eadem specie non esset ei similis: cum careret aliquo prædicato essentiali constitutivo ejusdem spe-

Ad Eph. c. 5.
Psalm. 35. v. 10.
In Relect. de
gratia Christi
in præm.

1. 2. q. 110.
a. 4.

speciei, ac per consequens non esset ejus filius. Jam verò per gratiam sumus filii DEI: Igitur debemus assimulari DEO quoad essentialia DEI, quorum & quomodo capaces sumus, capaces verò sumus aliquorum attributorum DEI non tantum quoad representationem illorum esse, verum etiam & operationis, non enim virtutes solum habitualiter posidemus verum easdem actualiter exercere valemus. Caterum quoad alia prædicata DEI, v. g. Omnipotentia &c. qualiter ea participamus per gratiam DEI describit Suarez dicens. Perfectiones simpliciter, quæ non possunt à creatura formaliter participari, quia ita sunt in Deo formaliter ut in suo conceptu includant esse increatum, ut tale est, non possunt participari à creatura etiam inferiori modo, nisi fortè quatenus aliquo modo in creatura relucet tales proprietates Dei, vel ratione modi essendi, vel ratione alterius dependentia. Quomodo in omni esse quodammodo participatur omnipotentia DEI; quomodo etiam ad creationem cujuscunque necessaria est, & in omni esse participato relucet ens imparticipatum: quia necessariò, in illo sistendum est, ut ab illo possit participatio manare, & inchoari, & sic de aliis. Hic autem modus participationis generalis est, vixque poterit in qualitate gratia aliquid speciale in hoc considerari, nisi quod hoc ipsum cum majori perfectione habeat, quatenus est qualitas alterius, & Divini ordinis, quod est omnibus qualitatibus in entitate sua supernaturalibus commune, juxta gradum perfectionis suæ.

Ad ejusdem gratia excellentiam, proprietates, effectusque ulterius pernosceudos, placuit ejus alios hic inferere gloriosos titulos. Titulatur itaque I. Imago DEI. Unde Apostolus: *Sicut portavimus imaginem terreni (id est Adæ) portemus & imaginem coelestis: id est per vitam gratia Christo nos conformantes.* II. Similitudo DEI. Quare DEUS ait: *Faciamus hominem ad imaginem & similitudinem nostram.* Consistit hæc DEI similitudo in gratuito, & ideo in præfata. *est similitudo quedam perfectio imaginis: quia gratia perficit naturam: Quæ est imago DEI etiam secundum memoriam, intelligentiam, & voluntatem.* III. Filiatio DEI, & jus ad gloriam seu hæreditatem Regni coelestis. Hinc Suarez ait: *Habitualement gratiam intrinsecè & ex natura sua constituere hominem*

Lib. 7. de
Sanctif. homi-
nis c. 1. n. 29.

Ep. I. ad Cor.
cap. 15

Ita Lyranus
cap. 1. n. 3.

Ita Lyranus
in cap. Gene-
seos.

Lib. 7. de
Sanctif. hom.
cap. 2. n. 3.

lium DEI adoptivum, & hæredem supernaturalis beatitudinis, quantum est ex vi filiationis internæ, quam per gratiam participat. Quare Apostolus dicit; Non accepistis spiritum servitutis iterum in timore, sed accepistis spiritum adoptionis filiorum, in quo clamamus Abba Pater, ipse enim spiritus testimonium reddit spiritui nostro, quod sumus filii Dei, si autem filii & hæredes, hæredes quidem Dei, co-hæredes autem

Ita S. Chrysostomus. IV. Vita animæ. Unde Christus. Ego veni in mundum, ut vitam habeam, & alii. Cita, non qualemcumque, sed præstantem, eximiam, abundantem, novam, à Cornelio à, modum excedentem, ut scilicet abundent meam doctrinam, & gratiam lapide in c. 10., per eamque in spiritu vegeti, læti, pingves, & abundantes, vivant, Joann. v. 10., tum in hoc seculo per gratiam, tum in futuro per gloriam. V. Un-

ctio, Signum, Pignus. Idcirco. Apostolus: Unxit nos Deus, qui & Ita S. Chrysostomus. signavit nos, & dedit pignus spiritus in cordibus nostris: Id est, con-Theodor. Oec., firmavit quasi sigillo impresso promissiones suas DEUS, dan-cum, citata à, do juxta eas pignus futuræ hæreditatis scilicet gratiam, quam nos Cornelio à La-unxit, & signavit in Filios DEI, discrevitque à filiis diaboli) pide in Ep. ad VI. Vestis nuptialis. Hinc Christus dicens: Et vidit ibi hominem

Cor. c. 1. v. 22., non vestitum veste nuptiali. Vestis est gratia spiritus Sancti, & Ita S. Hilarius. candor habitus coelestis) VII. Amicitia DEI. Prout Concilium Tri-rinum cit. à Cor-dent. asserit: Per hanc gratiam nos fieri amicos DEI, & domesticos ejus. nel. à lap. in VIII. Gratia justificans. Sic Apostolus: Ut justificati gratia ipsius, lap. in Matth. hæredes simus secundum spem vite æternæ: id est peccatis expurgati, & cap. 22. v. 11. iustitia donati, non nostro merito, sed gratia ipsius, & c.) IX. Gra-

Sess. 6. c. 10. tia sanctificans; ita communiter à Theologis dicta: quia per hanc Ita Cornel. à assimulamur DEO in genere moris: decet enim filium sicut in esse lapide in Ep. ad phisico ita in esse morali similem esse Patri. X. Gratia gratum Tit. c. 3. v. 7. faciens, prout habet Apostolus: Prædestinavit nos & c. in laudem

Epist. ad E- gloriæ suæ, in qua gratificavit nos in dilecto filio suo. Unde phes. c. 1. Suarez: Gratia gratum faciens est, quæ ex vi suæ intrinsecæ na- Lib 6 de San- turæ & perfectionis essentialis, tantam confert homini dignita- Et si hominis c., tem, ut sit capax Divinæ amicitiae, & consequenter per illam con- l. n. 18. stituitur in ratione objecti amabilis à DEO veræ amicitiae amo-

re. XI. Est vinculum & unio quædam inter animam & spiri- 1. Joann. 4. tum Sanctum. Hinc dicitur: Qui manet in charitate, in DEO manet, & DEUS in eo. Ratio est; quia docente Suarez numero 12. Do-

na gra-

na gratiæ vi suâ & quasi connaturali jure postulant, realem ac,,
 personalem præsentiam DEI in anima per talia dona sanctificata :,,
 quia si per impossibile fingamus Spiritum Sanctum non esse,,
 aliàs præsentem intra animam, eo ipso, quod anima talibus do-,,
 nis afficeretur, ipsemet Spiritus Sanctus veniret ad eam per præ-,,
 sentiam personalem, & maneret quamdiu gratia in illa duraret. ,,
 XII, *Lessius* à statu peccati per statum innocentiae & statum Ange-
 licæ naturæ, ad immensam altitudinem & excellentiam statûs ado-
 ptionis per gratiam DEI progressum facit ita dicens ; Sanè ne-
 gari non potest, quin immensum sit horum statuum intervallum,
 cum gradus diversi ordinis (quorum proinde discrimen est in-
 comparabile ac immensum) sint interjecti. Nam inter statum
 peccati, & statum nudæ innocentisquæ naturæ, est quoddam in-
 tervallum infinitum; pari modo inter statum innocentis naturæ
 humanæ & felicitatis Angelicæ : denique inter statum Angeli-
 cum & Filiorum DEI. Tantum enim inter hos status est discrimen,
 ut nulla bonorum ejusdem ordinis appositione ab inferiore
 ad superiorem perveniri & ascendi possit. Qui enim est in statu
 peccati mortiferi, etsi absque fine divitiis, honoribus, imperiis
 & regnis cumuletur, miserrimus est, nec unquam ei qui in statu
 naturæ innocenter vivit, felicitate comparari poterit : peccati enim
 mortiferi malignitas nullis bonis opprimi potest, quin hominem
 vilissimum & infelicissimum faciat. Qui verò est in statu natu-
 ræ innocentis, nunquam poterit ad perfectionem Ange-
 licam pertingere, etiamsi absque fine bonis humanis, quorum
 scilicet natura illius, vi suâ est capax, ut robore, agilitate, pulchri-
 tudine, sanitate, eloquentiâ, industriâ, experienciâ rerum, artibus
 liberalibus, mechanicis, Mathefi, Astronomiâ, & omne genus
 scientiis augeatur. Tota enim humanæ naturæ perfectio ad An-
 gelicam comparata, est instar nihili, & veluti punctum ad coelo-
 rum immensitatem. Denique Angelica perfectio, etiamsi absque
 fine in suo ordine crescat, nunquam statum Filiorum DEI & glo-
 riam ipsis præparatam adæquabit. Ex quibus constat quàm im-
 mensum sit intervallum inter statum illum è quo per misericor-
 diam erepti, & illum ad quem evecti sumus; ac proinde quàm
 immensum sit beneficium istud adoptionis. *Hea Lessius.*

*De perfect.
 Divin. lib. 12.
 cap. 11.*

*Praxes pro adipiscenda, conservanda, augendaque
Gratia habituali.*

In Summa **P**rima Praxis pro adipiscenda est in parvulis Baptismus, in Adultis peccatoribus Penitentia &c. De quibus supra actum.
cap. 3.

Secunda Praxis pro conservanda gratia habituali est fuga peccati mortalis, per quod solum illa in instanti amittitur, & per venialia ad ejus amissionem homo disponitur.

1. 2. c. 1. Sect. *Tertia Praxis* pro augenda eadem gratia est quodlibet opus meritorium, quo posito & illa in sua graduali intensione
1. & sequ. crescit. Hæc omnia patent jam ex alibi dictis.

SECTIO VI

De Habitibus virtutum.

Sicut natura est principium suarum potentiarum & proprietatum, per quas operatur: ita & gratia, quæ est natura quædam supernaturalis, estque principium motus & quietis in ordine supernaturali, habet sibi superadditas potentias quasdam, perfectivas potentiarum naturalium, cum quibus simul supernaturaliter possit operari: ejusmodi autem potentia sunt *Habitus infusi virtutum*, *Dona Spiritus S.* Quanquam ex occasione horum, & de virtute naturali hic breviter attingemus, sicut & de actibus virtutum, propter connexionem earum cum suis habitibus.

§ I.

De quidditate Habitus virtutis.

Virtus prout sumitur pro perfectione superaddita potentia ad efficiendam operationem convenientem lumini naturali vel supernaturali creaturae rationalis definitur esse *Habitus bonus*, perfectiens potentiam rationalem, ad eliciendam consummatam operationem, naturæ consentaneam. Philosophus autem definit: *Virtus est dispositio* (seu habitus disponens) *perfecti*, (id est subjecti in sua natura perfecti) *ad optimum*, id est ad optimam operationem, tum ad optimum, quod est Bonum beatificum. Porro D. Augustinus ita definit: *Virtus est habitus bonus, modo & ratione naturæ consentaneus.* Hæ definitiones competunt virtuti naturali & supernaturali, cum horum terminorum subintellectione & apta additione.

Dicatur

Dicitur autem in nostra definitione; *Habitus bonus*: quia Philosophus postquam ostenderit Virtutem non esse actum, nec potentiam, tandem ita concludit: *Si ergo virtutes neque affectus sunt* Lib. 2. E-
(id est actus seu affectiones) neque facultates (id est potentiae) habi- tunc, cap. 5.
tus necessario sunt. Et quidem Boni, id est benè afficientes poten-
 tiam, eamque convenienter disponentes ad actum bonum. Di-
 citur: *perficiens potentiam*, non essentiam animæ: quia essentia, tum
 in se est completa, tum non est principium proximè operativum,
 sicut sunt potentiae, in quo conveniunt cum habitibus. Deinde,
 ideo perficitur habitu potentia: quia cum illa ob insufficientiam
 suam difficulter & imperfectè sit elicitiva actuum maximè laudè
 dignorum, complent hanc insufficientiam habitus ad suaviter &
 consummatè producendos actus. Insuper, ut indeterminata po-
 tentia ad plura, ad certos actus liberos per habitum determi-
 nentur. Dicitur: *potentiam rationalem*: Non autem corpus, aut po-
 tentias animæ vegetativæ: quia hæ aut non parent rationi, aut
 quæ potentiae parent v. g. potentia loco motiva, parent necessa-
 riò, nec libere, adeoque non laudabiliter. Porro potentia ra-
 tionalis intelligitur hic non modò absolutè talis, qualis est Intel-
 lectus & Voluntas; sed etiam quæ est secundum quid rationalis
 per aliquam participationem & connexionem cum ratione: talis
 est Appetitus sensitivus. Habitus autem perficientes potentias
 sensitivas, uti apprehensivam interiorem qualis est imaginati-
 va, & memoria, non sunt virtutes: quia ordinantur ad intel-
 lectus operationem tanquam in terminum: cum tamen de ratione
 virtutis sit, ut cum potentia terminetur in suum actum perfe-
 ctum & consummatum, & non dirigatur ulterius ad alterius po-
 tentiæ actum tanquam terminum. Unde dicitur: *Ad eliciendam*
consummatè operationem, naturæ consentaneam: Ubi nomine naturæ
 intelligitur & natura humana sine alio addito, & natura super-
 naturalis seu gratia habitualis. Ad huic igitur utriusque naturæ
 proportionaliter operationem consentaneam, seu ad utriusque
 naturæ in suo ordine bonum & perfectionem est habitus virtu-
 tis elicitivus operationum. Tum quia potentia etiam remota quæ est
 natura, intantum est saltem remotè perfecta, inquantum est in a-
 ctu, quem remotè principiat: tum quia per rectam operationem

conservatur rectus usus luminis naturalis, vel supernaturalis. Hæc autem perfectio & bonitas habituum virtutis in sensu morali accipienda: Nam in sensu physico habitus virtutum etsi non exeant in actum, sunt tamen physice perfecti & boni. Deinde dicta operatio naturæ consentanea intelligitur non tantum actus virtutis, cuius bonitas in se spectata omnibus convenit virtutibus, sed etiam bonitas in ratione medii ad finem beatitudinis, quæ bonitas aliquibus tantum convenit virtutibus: tum denique bonitas ipsius beatitudinis, quæ similiter in aliquibus virtutibus essentialiter consistit, uti in contemplatione & amore, refertur ad substantiam virtutis.

§ II.

De Divisione Virtutis.

Virtus universaliter ex parte Causæ efficientis dividitur in Naturalem, Acquisitam, & Infusam. *Naturalis* est, quàm à DEO ut Authore naturæ simul cum natura ei inditam accepimus. Dicunturque Naturales tum ex parte Naturæ specificæ quatenus universim omnibus hominibus sunt communes. Tum naturales dicuntur ex parte individui, quatenus pro diversitate complexionis alius est alio aptior ad hanc vel illam virtutem exercendam, Et quidem quoad intellectivam potentiam, ei insita est quædam virtus, seu unicus specie habitus primorum principiorum vocatus *Intellectus*, quo benè disponitur anima ad rectam cognitionem & assensum primis principiis, seu per se notis; per quod differt hic habitus ab intellectu prout est potentia, quæ est principium simpliciter actuum cognitionis: sive realiter sive tantum formaliter idem habitus à potentia intellectus distingvatur pro diversitate sententiarum. Est verò idem habitus intellectus naturalis in intellectu tantum quoad substantiam & inchoationem, non verò quoad usum. Id est quod ex se solus non potest procedere in actum nisi juvetur speciebus intelligibilibus per sensus acquisitis: quæ species non sunt homini congenitæ. Cæterum dictus habitus Intellectus est speculativus, & quæ practicus vocatur *Synderesis* eam definiente D. Thoma, quod sit habitus quidam naturalis principiorum operabilium. Unde *Synderesis* dicitur instigare ad bonum

bonum, & murmurare de malo: in quantum per prima principia procedimus ad inveniendum, & judicamus inventa.

Quod verò alias virtutes naturales concernit, hæc in potentia apprehensiva, & appetitiva, non habent se per modum habituum, sed sunt quasi quædam semina & primordia actuum virtutum, cum ipsis potentiis eadem realiter, quibus potentiæ, seu potius seipsis potentiæ inclinatur per operationem rectam in sua objecta sibi proposita, ac tandem per frequentationem actuum alios habitus acquirunt virtutum. Ita advertit Philosophus dicens: Cum idonei ad virtutes suscipiendas naturâ simus, assuetudine perficimur. Unde D. Thomas concludit ex Philosopho virtutes naturales esse in nobis à natura aptitudinaliter & inclinativè, non verò secundum perfectionem))

Lib. 2. Ethic.

cap. I.

I. 2. quæst.

63. art. 1.

Acquisita virtus, est habitus ex frequentatione actuum productus, benè & facile operativus. Hæc virtus Acquisita alia est supernaturaliter seu per actus supernaturales acquisita; quia talis habitus cum habitu infuso dat actui supernaturali facile posse: cum habitus infusus eidem actui det simpliciter posse, ut communiter docetur; non tamen dicitur ejusmodi habitus acquisitus supernaturalis: quia ut optimè Valentia cum communi asserit, vel talis habitus cum infuso esset ejusdem speciei, vel diversæ; diversæ nequit esse, cum per actus nonnisi producantur habitus similes actibus; ejusdem quoque speciei non; quia cum sufficiat unus habitus ad præstandum aliquid, non requiruntur plures; & deinde daretur processus in infinitum. Hæc quoque ratio militat, cur habitus acquisitus non augeat alium habitum.

In I. 2. D. Tho.

disp. 4. q. 3.

punc. 4.

Porro habitus virtutis acquisitus ab infuso per hoc differt; quòd acquisitus producat per operationes bonas & rectas juxta dictamen rationis, vel legis naturalis directas: infusus autem non habet in mente creata ejusmodi regulam directivam (utpote viribus luminis naturalis incognoscibilem) secundum quam per actus sua ratio & modus multò altioris & nobilioris ordinis quàm est naturalis, inducatur, sed potius habet pro sua regula dictamen & legem Sapientiæ Divinæ, secundum quam sua ratio & modus excedens naturam determinatur, ac in natura à DEO producit seu infunditur. Acquisita virtus pro diversifi-

veritate subjecti subdividitur in intellectualem, quæ est in parte apprehensiva: Et in moralem, quæ est in parte appetitiva.

Ethic. 6.

Intellectualis virtus ut sic, est *Habitus comparativus cognitionis rectæ seu veræ circa objectum intelligibile*. Ejusmodi autem species virtutum intellectualium acquiratarum enumerat Philosophus quinque, ubi dicit: *Ea quibus anima affirmando aut negando verum dicit, numero sunt quinque: Hæc vero sunt: Ars, scientia, prudentia, sapientia, intellectus*. *Ars*, est habitus cum ratione recta effectivus. *Scientia*, est habitus demonstrativus circa rem necessariam, quæ non potest aliter se habere. *Prudentia*, est habitus cum vera ratione activus circa ea, quæ & bona & mala homini sunt. *Sapientia*, est habitus cognoscitivus per altissimas causas, & de principiis aliarum scientiarum judicativus. *Intellectus*, est habitus cognoscitivus primorum principiorum, seu per se notorum. Hæc virtus quatenus necdum prodiens in usum cognitionis est virtus naturalis, quatenus per usum cognitionis est perfectus, accipit insuper rationem virtutis acquiratæ.

Virtus moralis acquirata, est habitus inclinans potentiam appetitivam ad actum bonum circa operationes, vel passiones. Dicitur; *Habitus inclinans*: quia hic communiter sumitur Mos pro inclinatione naturali, vel quasi naturali ad aliquid agendum. Unde & consuetudo inclinativa ad aliquid dicitur mos, & quasi altera natura. Dicitur: *potentiam appetitivam*: quia appetitivæ potentiæ propriè convenit inclinari ad actum, ejusque est munus omnes alias potentiâs inclinare seu movere ad agendum. Dicitur; *ad actum circa operationes, vel passiones*. Ubi nomine Operationum intelliguntur actus tam potentiæ volitivæ, quam aliarum potentialium externarum, quibus homo primariò & per se disponitur erga alterum: Nomine verò Passionum intelliguntur affectus appetitus concupiscibilis & irascibilis, quibus primariò aliquis secundum se disponitur. Igitur circa ejusmodi operationes, vel passiones, actus virtutum potentiæ appetitivæ versantur, tanquam circa sua proxima objecta. Et ita iustitia cum suis participibus subjectivis & potentialibus (quæ est in appetitu rationali) versatur primariò & directè circa operationes ad alterum, indirectè circa passiones. Temperantia autem (quæ est in appetitu concu-

concupiscibili) & Fortitudo (quæ est in appetitu irascibili) versantur directè circa passiones, indirectè circa operationes. Ratio horum est: Quia virtus ad hoc instituta est, ut superet difficultatem annexam actui honesto, qui etiam est proximum objectum virtutis. Unde quælibet virtus primariò & directè respicit sui objecti seu actus difficultatem evincendam: indirectè verò aliarum virtutum in objectis spectat difficultatem superandam. Jam verò quia operationes, quæ sunt ad alterum, habent difficultatem distinctam ab ea, quæ provenit ex rebellionem passionum: nam ampliari terminos sui juris & libertatis cum injuria alterius, fuit etiam in malis Angelis, qui carebant passionibus: sequitur operationes ad alterum debere habere distinctam virtutem (quæ est justitia) à virtutibus superativis passionum nempe fortitudine, & temperantia: istasque virtutes primariò & directè sua objecta respicere, indirectè non propria.

Virtus infusa ut nobis à DEO quæ Auctore supernaturali, datur est bona qualitas seu habitus mentis, quæ rectè vivitur, & quæ nullus malè utitur, & quam DEUS in nobis, sine nobis operatur. Ita D. Thomas ex Augustino. Dicitur; *quæ rectè vivitur*, ut discernatur virtus ab habitibus vitiosis, qui semper se habent ad malum. *art. 4.* Dicitur; *quæ nemo malè utitur*, ut discernatur virtus ab illis habitibus, qui modò se habent ad bonum, modò ad malum, sicut se habet opinio ad verum & falsum. Dicitur; *quam DEUS in nobis sine nobis* (id est activè operantibus; quamvis tamen passivè & receptivè cooperantibus) *operatur.* *1. 2. quest. 55.*

Dari autem habitus infusos virtutum, & esse de fide probabilius tenet sententia. Etenim Trident. asserit in justificatione hominis *infundi* divinitus *Justitiam* nempe ut ibidem dicitur, *Charitatem, Spem, & Fidem*: quæ infusio melius de permanentia, adeòque habitu, quàm de auxiliis, vel donis actualibus transeuntibus earundem virtutum, intelligitur. *sess. 6. c. 7.*

Porro habitus infusi, *alii sunt per se infusi*, nempe illi qui hominem disponunt circa & ad finem supernaturalem; quivè nullâ vi naturali acquiri possunt: *alii per accidens infusi*, qui possunt quidem aliàs operâ & studio hominis acquiri, defacto tamen sine activitate humana quandoque divinitus infunduntur, prout

tur, prout Apostolis infusa fuit scientia scripturarum, & omnium linguarum, quam homines consuetudine vel studio acquirere possunt, non tamen ita perfectè.

Deinde virtus infusa pro diversitate objecti formalis subdividitur in *virtutem Theologicam*, quæ versatur circa ipsum ultimum finem, nempe DEUM; & *virtutem moralem infusam*, quæ versatur circa media ad eundem finem. Itaque *virtus Theologica, est habitus à DEO infusus, attingens DEUM, ut finem ultimum*. Et per hanc infusionem sui differt à Fide, Spe, & Charitate in DEVM naturali. Sunt autem virtutes Theologicæ tres, Fides, Spes, & Charitas: de quibus Apostolus: *Nunc autem manent fides, spes, charitas, tria hæc*: Et D. August. inquit: *Homo fide, spe, charitate innixus, eaq; inconcusse retinens, non indiget scripturis, nisi ad alios instruendos*. Idem alibi affirmat: *His tribus virtutibus contineri totius religionis summam*. Ratio est: quia sicut circa finem seu beatitudinem naturalem rectè homo disponitur per virtutem naturalem; ita circa finem beatitudinis supernaturalem, excedentem vires naturæ non potest disponi nisi per virtutes suam naturam excedentes.

Habitus fidei, spei, & charitatis ordinariè simul cum gratia infunduntur: Per accidens tamen contingere potest, ut solum infundantur fides, & spes, sine charitate v. g. in Adulto baptisimum suscipiente, & affecto ad peccatum aliquod. Similiter in fidei per peccatum mortale amissâ charitate tamen manent fides & spes.

Virtus infusa Moralis seu Cardinalis (ita dicta quòd in ejusmodi virtutibus tanquam cardinibus vita hominis sustinetur & rectè vertitur) *est habitus à DEO infusus, attingens media, quæ sunt ad ultimum finem*. Sunt autem quatuor, de quibus Sapientia cap. 8. *Sobrietatem enim (id est Temperantiam) & sapientiam (id est Prudentiam) docet, & justitiam, & virtutem, (id est Fortitudinem) quibus utilius nihil est in vita hominibus*. Quas virtutes dari patet: Quia sicut ad perfectionem hominis in ordine naturali spectat, ut non tantum sit dispositus circa finem ultimum naturalem, sed etiam circa media ad ipsum: ita ad perfectionem hominis in ordine supernaturali spectabit non modò perfici virtutibus Theologicis circa finem ultimum supernaturalem, verum etiam Moralibus infusis

1. Cor. 13.
Lib. 1. de doctrina
Christiana c. 39.
In Enchirid.
c. 3. & 4.

infusis circa media seu materiam, quatenus ad eundem finem conducit. Perfecta enim DEI sunt opera non minus in ordine naturali, quam supernaturali.

Distingvuntur autem acquisitæ ab infusis moralibus per hoc. Etenim virtus acquisita v. g. Temperantiæ habet pro fine bonum naturæ, nempe juvandi rectum usum rationis, bonam valetudinem, &c. pro objecto verò formali habet honestatem, actus intrinsecam, quæ est in conformitate actus ad dictamen practicum rationis, live illa proponat Regulam Divinam, ut DEUS Auctor naturalis est, live non. Temperantia autem ut virtus infusa est, habet pro fine gratiam & gloriam supernaturalem, fide cognitam: pro objecto verò formali habet actus honestatem fide Divinâ cognitam, vel beneplacitum DEI consulentis aut præcipientis, cui obediat &c. *Idem sensus esto de aliis virtutibus infusis moralibus.*

§ III.

De Proprietatibus seu Conditionibus virtutum.

Prima Conditio est, Medium virtutis. Quod dari docent communiter. Nam Isaias inquit: *Hæc est via, ambulate in ea & non declinetis neq. ad dexteram, neq. ad sinistram.* Et Philosophus ait: *Vitia alia deficiunt ab eo, quod fieri debet, alia exuperant. Virtus verò medium invenit, & eligit.* Medium aliud est rei, aliud rationis. Medium rei dicitur, quod non est in commensuratione ad rationem, sed potius in æqua commensuratione rei ad jus alterius. Et hoc medium respicit virtus justitiæ. Medium verò rationis est commensuratio aut conformitas rei seu objecti virtutis ad regulam rectæ rationis, versans inter excessum & defectum ab eadem regula. Ubi dupliciter potest contingere hæc conformitas objecti cum recta ratione. Primò, dum medium rei seu objecti virtutis quæ tale positum in natura sua invenit ratio, fitque inter rationem & objectum conformitas. Secundò, dum medium rei positum in natura sua non invenit ratio, prudenter tamen hic & nunc spectatis circumstantiis medium tale rei esse positum ex natura sua judicat. Neque opus est ad rationem virtutis, ut hæc attingat medium in indivisibili, prout volebant Stoici: sed sufficit

1sa. cap. 30.

2. Et hic. c. 6.

Vide D. Thom.

1. 2. q. 64.

1. 2. *quest.*
66. a. l.

esse prope medium, ut cum Philosopho sentit D. Thomas. Unde illa perfectior vel imperfectior erit virtus, quæ magis vel minus distabit ab extremis vitiosis, adeoque magis vel minus approximabit ad medium.

Secunda Conditio est, Connexio virtutū. Intellectuales virtutes sine se, excepto habitu principiorum, tum demptâ prudentiâ, posse esse, tum sine moralibus; & has sine intellectuales exceptâ prudentiâ, & habitu principiorum: vel ipsa experientia probat rerum magistra.

Deindè easdem virtutes acquisitas posse subsistere sine infusis docet Apostolus: *Si habuero prophetiam, & noverim mysteria omnia, & omnem scientiam &c.* Et *si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest*: Nempe in sensu Theologico, per ordinem ad finem supernaturalem; in quo etiam sensu aliqui SS. Patres acquisitas virtutes, veras esse negant: Non tamen in sensu Philosophico.

Charitatem non posse disconnecti à fide, & spe; Spem à fide; fidem verò posse disconnecti à spe, & spem à charitate, suis locis videbimus. Porro virtutes morales infusas coherere cum charitate, non vero cum fide, & spe, inde est: quia morales infusæ solis tribuuntur iustis.

Quod attinet virtutes morales acquisitas cum Prudentia, has inter se esse connexas asserit probabilior sententia. Unde D. Ambrosius: *Connexæ inquit sibi sunt concatenatæque virtutes.* Non quidem ita connexæ, quasi in sua essentia una ab altera dependeat: Sed ita, quòd nulla virtus sine aliis queat habere suum perfectum statum virtutis. Qui status perfectionis in eo situs est, ut quælibet virtus in materia tum propria tum aliena ex motivo suo formali sit expedita in omni casu vincere difficultatem, & suorum actuum exercitio fungi. V. g. perfecta Castitas ex suo motivo formali non modò debet esse victrix actus turpis (contra quem directè pugnat) sed etiam metus mortis (quem Fortitudo contemnit) si ad iacturam Castitatis incutitur. Alioquin cedens ob metum à Castitate, & contra Fortitudinem, & contra Temperantiam peccare censebitur.

Tertia

Vide Valentia in 1. 2. D.
Thom. disp. 5.
q. 7. pun. 2.
sit autem plures.
Lib. 5. in Lucam.

Tertia Conditio est, Aequalitas, & Inaequalitas virtutum.

Virtutum quoad suam excellentiam inaequalitas non est cognitu facilis, ut rectè Gregorius Nazian: *Nequaquam inquit, inventu facile est, quenam ex virtutibus excellat, ut ei palma victoriæ tribuatur: Quemadmodum nec in prato odorifero, ac variis floribus distincto Rosculum discernere pulcherrimum & fragrantissimum, cum aliis alio aspectum & odoratum ad se rapiat, atq; ut primum decerpatur, suadeat.* Veruntamen duplici ratione possunt inter se virtutes comparari; Nempe & secundum suam essentialē, & secundum accidentalem perfectionem: secundum essentialē perfectionem, sicut intellectuales sunt perfectiores moralibus; quia intellectuales habent objectum universale ratione potentiæ cognoscitivæ respiciente objectum tale; morales verò habent objectum particulare, in quod solet appetitiva tendere: Ita ex altera parte, morales sunt perfectiores intellectualibus saltem secundum quid: quia morales efficiunt, ut sui actus accipiant bonitatem suam non modò ex motivo formali, verum & ex bono usu voluntatis, principii eorundem actuum: intellectuales verò actus tantum boni sunt ex suo objecto. Itaque ex intellectualibus præcellit Sapientia ob nobilissimum objectum: Ex moralibus vero Justitia, tum Fortitudo, tum denique Temperantia. Utraque superant morales infusæ, has Theologicae, inter quas arcem tenet Charitas. Porro secundum accidentalem perfectionem, primò virtus moralis *extensivè* spectata, id est quatenus se extendit ad omnia objecta intra suam sphaeram v. g. qui habet Temperantiam, habet illam, quantum ad omnia, ad quæ se Temperantia extendit. Itaque modo tali virtus moralis nunquam est una major altera. Quod contrarium evenit in virtutibus intellectualibus: Non enim quicumque est Theologus scit exactè omnia, quæ sunt Theologiae. Quare Stoici benè affirmarunt, quòd virtus non recipiat magis nec minùs: sicut Scientia, & Ars: eò, quod ratio virtutis consistit in maximo. Secundò, Virtus moralis *intensivè* accepta, potest esse perfectior una quàm altera, sive in diversis hominibus, sive in eodem homine diversis temporibus. Quia unus homo altero, vel etiam idem alio & alio tempore melius est dispositus ad attingendum promptius & propinquius medium virtutis ex

majori assuetudine, vel meliori dispositione naturæ, vel perspicaciori iudicio, vel denique ampliori dono gratiæ.

Lib. 2. E-
thic. cap. I.

Quarta Conditio est, Acquisitio, Augmentum, Corruptio, Duratio habituum virtutis. Quoad *Acquisitionem* certum est *Primò*. Habitus virtutum per actus acquiri. Unde acquisiti habitus vocantur, ut opponuntur à DEO infusis. Ita asserit Philosophus: *Sicut citharæ canendo citharædi efficiuntur; ita quoque iusta agendo iusti, temperantia temperantes, fortia fortes, evadimus.* Ratio est; quia actus non tantum producantur à potentia, verum in eadem recipiuntur: quia actus passivè recepti sive per se sive per productam à se aliam qualitatem, faciunt potentiam ad similes actus efficiendos: & hæc facultas facilitans dicitur *Habitus*. Certum *Secundò*. In potentia appetitiva habitus virtutum non posse comparari uno actu sed multo & frequenti. Quia cum habitus virtutis sit *prompta facultas operandi bene in quovis casu*: in pluribus autem casibus pro diversitate circumstantiarum novæ & novæ difficultates superandæ obveniant; sequitur non uno, sed pluribus ejusmodi actibus superativis, produci habitum. Frequentes autem isti actus esse debent, (spectatâ occasione, & naturâ materiæ virtutis) id est non interrupti identidem æque vel magis pluribus actibus contrarii vitii, sed quasi moraliter continuati. Quia quem habitum ædificat pluribus actibus virtutis, hunc denuò destruit itidem interruptis actibus vitii. In potentia autem intellectiva posse acquiri habitum unico actu v. g. Scientificum habitum per universalem demonstrationem unicam: Ex qua cum potentia de pluribus facillè inferat scientificas conclusiones. *Tertiò*. Modus quo generatur habitus virtutis. Aliqui dicunt illum produci additione unius partis substantiæ habitus ad aliam per singulos actus. Alii docent priores actus disponere tantummodo potentiam in eum finem, ut per ultimum actum tandem inducatur habitus quoad suam substantiam. Quando autem & quis hic ultimus actus fiat, quo demum producat habitus, non facile discernitur. Sufficit autem scire tum se acquisivisse habitum virtutis, cum per ejus frequens exercitium aptatus, senserit se esse expeditum & promptum ad victoriam difficultatum in materia illius virtutis. *Quartò*. Habitus infusi nequeunt per actus acquiri, nisi

ri, nisi à solo DEO producantur. Quia cum dicti habitus, dentur in præmium, sequitur hoc debere dari ab alio id est à DEO, ne dicatur homo seipsum præmiare.

Quod concernit *Augmentum*. Similiter aliqui putant augeri habitus nempe per additionem partialium qualitatum ad præsuppositum habitum, & ita gradatim intensivè crescere habitum. Alii autem posse quidem augeri habitus per additionem secundum se non, quoad suam entitatem, sed tantum quoad usum, quatenus plures & plures producant actus. Quoad verò sui intensiorem non augeri per additionem, sed eatenus augeri, quatenus magis ac magis forma seu habitus sibi subdit subjectum, illudque perfectius & perfectius actuatur. *Secundò*. Actus intensior habitu (ista enim major intensio potest provenire à potentia, etsi non ab habitu) vel æque intensus ac habitus, semper auget habitum, vel certè disponit potentiam ad ejus augmentum. Quia actus eliciti à potentia nuda non statim producant habitum, sed adeum disponunt; ita & producti à potentia simul cum habitu quandoque non statim eum augent, sed nonnisi disponunt ad augmentum. Etiam per actum remissionem habitum, augetur habitus, vel statim, vel dispositivè. Quia sicut potentia naturalis in virtute suæ substantiæ potest producere aliam substantiam, quæ est quid perfectius potentiâ: ita & actus potest augere habitum, etsi eo actus sit imperfectior, sed augere in virtute potentiæ, cui inest. *Tertiò*. Habitus quoque infusus augeri certum est. Id verò augmentum fit intensivè per additionem unius gradus ad alterum, uti augentur qualitates naturalis caloris vel frigoris, vel lucis. Unde dicitur: *Iustorum semita quasi lux splendens procedit, & crescit usque ad perfectam diem*. Deinde per omnes & solos actus hominis iusti, cujuscunque sint virtutis, intensiorem, & remissionem, sicut augetur gratia sanctificans, ita æqualiter & habitus infusus virtutum augentur. Ratio prioris est: quia istud augmentum datur à DEO in præmium meritorum etiam exigui momenti v. g. porrectionis calicis aquæ frigidae indigenti, propter Christum. Ratio posterioris est: quia perfectiori naturæ commensurantur perfectiores proprietates: ergo & perfectiori naturæ supernaturali seu gratiæ convenire & commensurari debent suæ perfectiores proprietates, quæ sunt habitus virtutum.

Proverb. 4.

v. 18.

Vide Matth.

cap. 10. v. 42.

Quod

Quod spectat ad Corruptionem habituum virtutis. Hæc potest dupliciter contingere; vel per se, nempe à suo contrario; vel per accidens ex corruptione subiecti. Contrarium autem, hic sumitur non tantum propriè, sicut superbia est contraria humilitati, sed & impropriè pro disparatis actibus, quales sunt v. g. actus indifferentes, vel alterius virtutis, non è diametro pugnantes cum humilitate. Quia cum facilitas sit de ratione habitus ad operari, hæc verò dependeat in esse & conservari à frequentatione actus, frequentatio autem actus diversorum habituum simul & semel, vel saltè[m] successivè sæpius fieri nequeat ob limitatam perfectionem potentiæ: sequitur etiam disparatos actus diminuere facilitatem exercitii habitus acquisiti. Diminutio itaq[ue] eorundem habituum fit opposito modo, quo & augmentum: sed augmentum habituum tum extensivè tum intensivè spectat, fit actibus similibus: ergo & diminutio habituum extensivè & intensivè accepta, fit dissimilibus, vel contrariis actibus. Dissimilibus autem & disparatis actibus diminuitur & corrumpitur habitus propter cessationem actus similis habitui. Quia experienciâ constat, intermissione multâ actuum v. g. habituum existentium in appetitiva, consurgere vim contrariam passionum ex variis circumstantiis, & objectis commotarum, quæ impetunt habitus, eosque sensim debilitant, ac tandem corrumpunt. Similiter habitus intellectivi nisi exerceantur, obruuntur multiplicitate imaginationum, ratiocinationum alienarum, quandoque contrariarum, atque ita intereunt. Deinde etiam remissior actus habitus, cum disponit per accidens ad sui diminutionem tum nimirum, quando insurgunt passiones, fiuntque actus contrarii majoris intensificationis, diminuentes habitum. Sicut & aqua tepida facile se reducit ad frigus, si non conservetur calore intensiori, sed remisso. Porro actus diminuentes habitum, cum sint qualitates immanentes potentiæ, eandem ad hunc effectum sensim disponunt, ut postquam habitus totaliter eliminatus fuerit, suus contrarius quo ad suum totum esse introducatur. Deniq[ue] habitus infusi virtutum eo instanti pereunt, quo lethalis culpa committitur. Quia pereunte naturâ, etiam suæ proprietates pereunt: accessorium enim sequitur suum principale: Atqui gratia, quæ natura supernaturalis est, per peccatum perit: Ergo & habitus qui sunt ejus proprietates

Quod

Quod contingit *Durationem*. In præsentī vita tamdiu durant virtutes, quamdiu earum habitus non corrumpuntur. In futura autem vita *Primò* Intellectuales virtutes quoad habitus ipsos, & species intelligibiles in mente permanebunt. Modus autem operandi earum non erit idem, nempe quoad usum phantasie, à quo in præsentī vita operatio virtutum intellectualium dependet. *Secundò*. Morales virtutes, tum acquisitæ tum infusæ perseverabunt in anima post separationem à corpore quoad habitum, illæ quæ subiectantur in voluntate, uti iustitia &c. quæ verò in appetitu sensitivo sunt, in anima separata tanquam in sua radice remanebunt, quousque in resurrectione mortuorum resumpto corpore adeoque & appetitu sensitivo, in suam formam redibunt. Quia pertinebit ad augmentum gloriæ Beatorum, ejusmodi quoque ornatu & perfectione virtutum decorari, quamvis deerit materia, circa quam exerceantur. Porro quod concernit Actus dictarum virtutum, hi tales formaliter non erunt in futura vita, quales in præsentī, sed quandam similitudinem eorum referent ut S. Thomas ex D. Augustino insinuat, nempe; *Quod prudentia ibi erit sine ullo periculo erroris, fortitudo sine molestia tolerandorum malorum, temperantia sine repugnatione libidinum: ut prudentiæ sit nullum bonum DEO præponere, vel æquare; fortitudinis eiffirmissime inherere: temperantiæ nullo defectu noxio delectari. Iustitiæ verò actus ibi erit esse subditum DEO; quia actus iustitiæ etiam in hac vita est, esse subditum Superiori. Tertiò*. Virtutes Theologicas, id est fidem, & spem, quoad habitum, & actum, non manere in futura vita, charitatem verò manere. Quia fides est credere, quod non vides ut S. August. ait. Sed in beata vita videbunt id, quo beatificantur: Ergò amplius non credent. De spe quoque eadem ratio militat ex Apost. *Quod videt quis quid sperat?* Porro de charitate idem Apost. insinuat: *Charitas nunquam excidit.*

Proprium quoque est virtutibus, ut actus posteriores virtutis non procedant ab habitu virtutis, nisi per actum priorem: inde est: quod virtus non definitur nec denominatur nisi ab actu priori, quamvis etiam alii actus ab ea consequantur.

Deinde etiam proprium est, quòd uni virtuti multa vitia opponantur secundum diversos actus ejus. Et secundum hoc v. g. Charitati

1. 2. q. 67.

a. 1.

Serm. 27. de

verb. Apost.

Ad Rom 8.

1. Cor. 13.

D. Thom.

22. q. 28. art.

4.

D. Thom. 22. non solum opponitur edium ratione actus dilectionis, sed etiam acedia, vel

q. 29. Art. 4. invidia, ratione gaudii, & dissensio ratione pacis.

ad 3.

SECTIO VII.

De Donis Spiritûs Sancti.

Dona Septem Spiritûs S. (quæ communiter ita appellantur) sunt habitus à DEO infusi, disponentes potentiam intellectivam, & appetitivam ad hoc, ut motionem Spiritûs Sancti homo promptè sequatur ad exercenda opera heroica. Dicitur; habitus infusi à DEO. Quia ita in Christo (cum quo eadem dona participamus) non dicuntur se habere transeuntèr, sed permanentèr uti Isai: insinuat. Dicitur; disponentes potentiam. Quia in hoc conveniunt cum virtutibus infusis, perficientibus potentiam ad supernaturaliter & promptè operari. Dicitur; intellectivam, & appetitivam. Et quidem potentiam intellectivam perficiunt sequentia quatuor: *Donum Intellectus*, ut Divinitûs revelata subtiliter penetrentur, & speciali perspicaciâ capiantur. *Donum Sapientiæ*, ut de Divinis intellectis secundum regulas & rationes Divinas rectum habeatur iudicium, & æstimatio eis inhaerendi, & ab eorum oppositis recedendi. *Donum Scientiæ*, ut de creaturis per altissimam Causam formetur iudicium. *Donum Consilii*, quo ex iudicio Sapientiæ, aut Scientiæ, fit recta determinatio, quid in particulari sit agendum. Potentiam verò appetitus rationalis perficit *Donum Pietatis*, quatenus filiali quodam affectu exhibeamus debitum cultum DEO omnium Patri. Deniq; *Donum Timoris & Fortitudinis* perficiunt potentiam appetitus sensitivi. Et quidem donû timoris Domini partem concupiscibilem in suis inordinatis & ardentissimis cupiditatibus frænât, ne prorumpat in malum. Ut Psal: precatur: *Confi-*

Psal. 118.

2. Moral.
cap. 36.

ge timore tuo carnes meas. Et D. Gregor. dicit: Dari donum timoris contra superbiam, quæ opponitur humilitati, hæc autem subiectatur in appetitu concupiscibili. *Donum verò fortitudinis* partem irascibilem perficit, ut per ardua quæque audeat heroica & præclara. Dicitur; ut motionem Spiritûs Sancti &c. Ubi duobus modis differunt dona à virtutibus: nempe per singularem motionem Spiritûs S. & per exercitium actuum heroicorum. Per motionem quidem: Quia mobile per sui dispositionem debet proportio-

nari

nari suo motori : hinc quod est altior motor, eò perfectiori dispositione indiget mobile ad hoc, ut benè moveatur ; sicut intellectus majori opus habet dispositione ad subtilissima perspicenda proposita à Doctore, quàm ad rudiora proposita à Ludimagistro. Jam verò cum homo duplex habeat suæ motionis principium, & interius Rationem, & exterius DEUM ; Deinde cum virtutes perficiant hominem, in quantum hic natus est moveri à Ratione in his, quæ ei sunt agenda interius & exterius : sequitur debere disponi hominem altioribus perfectionibus (quæ sunt dona Spiritus S.) quatenus efficiatur aptus moveri à DEO ad aliqua præstanda. Et quamvis etiam DEUS per illustrationes & inspirationes supernaturales cum ratione hominis ad eum movendum secundum virtutes concurrat, tamen specialissimè & quasi antonomasticè dicitur DEUS concurrere (etsi hic quoque non fit absque concursu rationis humanæ) per inspirationes ad movendum hominem secundum Dona. Quia circa virtutes ita DEUS cum ratione concurrat, ut ipsa etiam activè operetur, ratiocinando, consulendo, &c. Horum verò circa dona Ratio vix aliquid agit, sed ferè se passivè habet, recipiendo habitus donorum, ex eisquæ à DEO in Ratione productos actus : qui in intellectu gerunt vices quasi actualium gratiarum, quibus appetitiva potenter movetur ad suorum donorum exercitium ita, ut moraliter, etsi non physicè impossibile sit, ut non agat. Hinc de talibus propriissimè dicitur : *Quicumque Spiritu DEI aguntur, ii sunt Filii DEI.* Hæc verò actio DEI operans in intellectu & voluntate minimè ejus præjudicat libertati. Unde Isaias dicit : *Dominus aperuit mihi aurem, ego autem non contradico, retrorsum non abiit.* Deinde hæc dona non sub nomine donorum, sed spirituum, in scriptura intitulantur, uti : *Requiescet super eum Spiritus Sapientiae, &c.* Et hoc propter specialem modum illustrationis & inspirationis, quæ per hæc dona movet Spiritus S. hominem. Philosophus quoque hic citatus à D. Thoma dicit de bona fortuna : *Quod his qui moventur per instinctum Divinum, non expedit consiliari secundum rationem humanam, sed quod sequantur interiorem instinctum, quia moventur à meliori principio, quàm sit ratio humana.* Altera differentia donorum à virtutibus est, quod dona ad præcellentissimas

Ep. Roman.

cap. 8.

Isai. c. 50.

v. 5.

Isai. cap. II.

Lib. 7. Eudemio. moral.

c. 18.

12. q. 68. a. 1.

7. Ethic.

quasdam & heroicæ actiones eliciendas hominem moveant, & juvent. Quare D. Thomas cum aliis ita ait: *Et hoc est quod quidam dicunt, quod dona perficiant hominem ad altiores actus, quam sint actus virtutum.* Et Phil. supra virtutem communem ponit quandam virtutem heroicam vel Divinam, secundum quam dicuntur aliqui Divini viri.

Et sicut Dona præcellunt alias virtutes ob rationes datas, ita Theologicæ Donis præferuntur: quia per illas Spiritui S. moventi homo unitur: & ab illis Dona regulantur.

SECTIO VIII.

De Causalitate Gratiæ habitualis, Habituum virtutis, ac Donorum Spiritus S. in actus salutares.

1. 2. quæst.
HO. Art. 2.

GRATIAM habitualement, habitus infusos virtutum, ac donorum Spiritus S. esse causas seu principia intrinseca actuum supernaturalium certum pater ex Angelico Doctore ita probante: „ Quia non est conveniens quòd DEUS minus provideat his, „ quos diligit ad supernaturale bonum habendum, quàm creaturis, „ quas diligit ad bonum naturale habendum. Creaturis „ autem naturalibus sic provider, ut non solum moveat eas ad „ actus naturales, sed etiam largiatur eis formas, & virtutes „ quasdam, quæ sunt principia actuum, ut secundum seipsas inclinentur ad huiusmodi motus. Et sic motus quibus à DEO „ moventur, fiunt creaturis connaturales & faciles, secundum „ illud Sapientiæ 8. *Et disponit omnia suaviter.* Multò igitur magis illis, quos movet ad consequendum bonum supernaturale „ æternum, infundit aliquas formas, seu qualitates supernaturales, secundum quas suaviter & promptè ab ipso moveantur ad „ bonum æternum consequendum.

Porrò Gratiam habitualement mediantibus habitibus Virtutum ac Donorum Spiritus S. causalitate physica efficientiæ influere in actus salutares Probatur. Quia natura per suas potentias ita influit in suos actus naturales; Ergo & gratia, quæ est quædam supernaturalis natura per habitus infusos, gerentes vicem potentiarum supernaturalium, physicè efficit sibi proportionatos seu

tos seu supernaturales actus; adeoque talium actuum Gratia erit remotum, Habitus verò infusi proximum principium,

Cæterum Habitus virtutum Acquisiti exercent causalitatem in Actus salutare; quatenus in eos influunt facilitatem, ut promptè & expedire in actum progrediantur: Itaque Actui salutari Potentia Naturalis dat spiritualitatem, vitalitatem, libertatem; Gratia verò cum habitibus infusis dat supernaturalitatem; Habitus autem acquisiti dant facilitatem.

SECTIO IX.

De Gratiis gratis datis: & Causalitate earum in suos actus Supernaturales, ac quomodo fiant Operanti Salutares.

Post gratiam gratum facientem sequuntur gratiæ gratis datæ. Quarum notitia spirituali Theologo necessaria: Tum, ut sciat illis probè uti (si quæ concessæ fuerint) ad alienam salutem, imo & suam. Ita rectè Suarez advertit hic. Tum, quatenus videat differentiam gratiarum gratum facientium & gratis datarum, quænam magis sibi sunt exoptandæ, quæ non ita.

*De Gratia
Proleg. 3. c.
4. p. 7.*

Itaque Gratia gratis data est donum DEI supernaturale, concessum ad promovendam aliorum eternam salutem. Dicitur; donum DEI supernaturale, in quo convenit cum gratia gratum faciente. Utrumque enim genus gratiæ, est indebitum naturæ; ita tamen quòd gratia gratum faciens sit supernaturalis quoad substantiam, aliquæ verò gratiæ gratis datæ sint supernaturales quoad modum, ut videbimus. Dicitur; ad promovendam &c: per quod differt à gratia gratum faciente, quæ per se ordinatur ad cuiusque proprium bonum, & salutem spiritualem. Unde gratiæ gratis datæ concedi possunt & peccatoribus, ut videtur Apostolus insinuare: Si lingvis hominum loquar & Angelorum &c. Si habuero Prophetiam, si habuero omnem Fidem ita ut montes transferam, Charitatem autem non habuero, nihil sum. Sicut & defuncto in illa die multi dicent Christo: Domine, Domine, nonne in nomine tuo prophetavimus, & demonia ejecimus, & in nomine tuo virtutes multas fecimus? & tunc

I. Cor. c. 13.

*Matth. c. 7.
v. 22.*

confitebor illis, quia nunquam novi vos; discedite à me, qui operamini iniquitatem. Sciendum tamen, quando contingit signum aliquod vel beneficium operâ hominis peccatoris obtineri, tunc id fieri potius ex fide accedentis, quam ejus ad quem acceditur, ut vult Anastasius, Nyssenus: Ex circumstantiis itaque colligendum, cui signum illud adscribendum. Deinde nunquam permittit DEUS veris signis hypocrisim seu fictam sanctitatem, aut falsam doctrinam, vel hæresim confirmari. Quia miracula cum sint quasi quædam sigilla Divinæ locutionis, quibus DEUS dicit se dicere, aut approbare id, quod est verum; sequitur DEUM non posse veris signis confirmare falsum, alioquin mentiretur, quod est in DEO impossibile. Unde Christus Attendere jubet à falsis

Matth. c. 1.
v. 15.

Prophetis: Talesque docet esse cognoscendos ex fructibus eorum. Dum igitur signa fiunt per reprobos, aut fiunt in confirmationem veritatis, & tunc vera possunt esse, quemadmodum fuerunt in Juda Ischariothe prædicante Regnum DEI: ut refert citatus Anastasius: Aut fiunt in robur falsitatis, & tunc sunt semper apparentia & delusoria, ut contigit in signis Magorum Ægypti: possuntque naturali virtute dæmonum applicantium activa passivis ejusmodi insolita & mirabilia contingere. Quorum falsitas tandem deprehenditur, pensatis undique circumstantiis.

Cæterum ordinariè gratiæ gratis datæ justis & Sanctis conferuntur; Tum ad meliorem fructum faciendum in Ecclesia DEI: Quia propter signa insuper vita proba vi quadam potenti alios trahit ad assensum veritati, & sectandam sanctimoniam. Tum ad ostensionem excellentis virtutis Sanctorum. Ita enim

2. Cor. c. 10.

verè probatus est, quem DEUS commendat. Porro gratiæ gratis datæ à Scholasticis novem numerantur ex Apostolo in his verbis: Alii per Spiritum datur sermo sapientiæ, alii sermo scientiæ secundum eundem Spiritum, alii fides in eodem Spiritu, alii gratia sanctorum, alii operatio virtutum, alii prophetia, alii discretio Spirituum, alii genera linguarum, alii interpretatio sermonum. Hæc autem operatur unus atque idem Spiritus dividens singulis, prout vult. Harum gratiarum aptissimam divisionem describit S. Thomas.

1. 2. quest. 3.
art. 4.

Quod concernit Causalitatem gratiarum gratis datarum, hæc videnda est ex actibus earundem gratiarum. Etenim alii

sunt

sunt actus supernaturales, qui à gratiis præfatis tanquam suis immediatis principiis physice producantur, sive illi sunt actus interni, sive externi; v. g. Ad infusionem supernaturalis luminis & specierum intelligibilium, concipitur aliquid interiorius sapienter, & deinde ore edisseritur Sermo Sapientiæ &c. Ejusmodi actus extra concursum gratiæ gratum facientis & motivum aliquod supernaturale minimè conducent operanti ad salutem, etsi aliis operantur salutem. Alii actus gratiarum gratis datarum sunt, qui non solum ab iisdem gratiis principiantur tanquam suis causis effectivis: verum etiam simul producantur ex aliquo motivo supernaturali, idque concurrente gratia gratum faciente, Et tales actus gratiarum gratis datarum non tam propter se, quam propter congruitatem vel condignitatem & accepti sunt Deo in ordine ad salutem operantis. Appositè de his *Suarez* dicens: Quia dona gratiæ gratum facientis de se, & ex intentione dantis referuntur ad uniendam animam cum DEO, quod est optimum, in genere moris: gratiæ autem gratis datæ de se hoc conferunt: imò si interdum habent aliquam perfectionem moralem, est, in quantum ab aliqua virtute, vel actione gratiæ gratum facientis procedunt, vel imperantur. Sic v. g. Ulus exterior Prophetiæ propter Ecclesiæ utilitatem (idemque est de sermone scientiæ, sapientiæ) in tantum habet moralem perfectionem, in quantum ex charitate imperatur vel alia virtute moralis religionis vel misericordiæ, &c.

Prolog. 3.
de gratia cap.
4. n. 20.

CAPUT IV.

De Causa Naturali instrumentaliter concurrente ad efficientiam actuum supernaturalium.

Positâ multiplici Causâ Morali, tum Physicâ Principali Naturali & Supernaturali Intrinsecâ, restat agere, de Causâ Extrinsecâ Instrumentali actuum supernaturalium. Igitur ejusmo-

eiusmodi Causa est Corpus humanum; quod duplici modo concurrir ad actus salutare. *Primò*: Ex convenienti Organorum dispositione. Cum enim anima in operando dependeat à corpore; hinc sicut malè affectum, vel corruptum, vel ineptum corpus in organis membrorum, officit animæ ad sua munia rite obeunda, quod patet in graviter infirmis, fatuis, monstrosis; ita corporis bona aptitudo & complexio non mediocriter juvat animam gratiâ DEI instructum ad virtutis opera; juvat inquam, tum removendo prohibens salutarium actuum, tum facilitando animum ad exercitium virtutis: sunt enim nonnulli, qui ex corporis complexione horrent aliqua vitia v.g. Sanguinei oderunt fraudes, furta, &c. & naturaliter inclinantur ad virtutes quasdam v.g. affabilitatem, sinceritatem, liberalitatem, &c. Similiter Cholericis despectâ pusillanimitate sunt magnanimi &c. Nisi fortè aliundè obstat contrarium vitium. Multò magis habilitabitur ad serviendum menti corpus ex virtute mortificatum, Divinisque gratiis in sensitiva cognoscitiva, & appetitiva suffultum, (de quibus *supra*) fietque ab intrinseco aptum instrumentum, removens impedimenta functionum spirituum seu supernaturalium animi, easque ad executionem faciles reddens.

Cap. 2.

Secundò. Corpus concurrir ad actus supernaturales extrinsecos, sicut instrumentum per quod anima eosdem actus operatur. Nimirum homo constans corpore & animâ, ut utraque hæc substantia supernaturale præmium obtineat, illud utraque pro suo modulo mereri debet. Unde sicut essenziale præmium nempe visionis beatificæ ex anima derivabitur in corpus sed non nisi accidentaliter, quia oculi corporei DEUM non videbunt; ita & actus extrinseci virtutum, meritivi hujus præmii, non nisi supernaturales & liberi sunt per denominationem extrinsecam ab actu interno supernaturali & libero. Ideoque corpus ad internos actus salutare extrinsecè exercendos habet se ut Causa instrumentalis, mota à principali, nempe ab Anima.

Confirmat hæc asserta dictum Apostoli monentis: *Ne exhibeatis membra vestra arma iniquitatis peccato: sed exhibete vos DEO tanquam ex mortuis viventes: & membra vestra arma justitiæ DEO.*

Ubi

Rom. 6. 6.

v. 13.

Ubi Glossa ordin: pro exhibete ponit *habiles facite*. Et Theophyl.
 Corpus armorum hic nomine censetur: arma verò indifferentia sunt & Theophyl. ci-
 media inter vitium & virtutem. Sic militi ensis est instrumentum pro- tatus à Lyran.
 civibus, prædoni contra cives. Et Lyranus: Et membra vestra ar- in præfatum
 ma justitiæ, id est: Instrumenta ad justitiæ opera: per frequentationem text. Apost.
 enim boni operis fit impressio in membris corporis per quam redduntur prom-
 ptè mobilia ad opus bonum. Porro Cornel. à lapide dicit: Arma, Comment.
 id est instrumenta servientia peccato. Nota in anima duplex & contra- in citatum
 rium esse regnum, peccati, & justitiæ. Peccatum ad regni sui dilatationem text. Apostoli.
 nititur membris nostris quasi armis, dum manu ad verbera, lingua ad de-
 tractiones, oculis ad curiositatem abutitur. Contra fit in regno justitiæ,
 dum illa manu ad eleemosynam, lingua ad DEI laudem, oculis ad studium
 nititur: hac de causa Apostolus membra nostra vocat arma tam peccati
 quam justitiæ.

C A P U T V.

De Oppositis Causæ efficienti Actuum vitæ Christianæ supernaturalis, seu de Causa efficiente peccatorum.

HActenus egimus de Causa efficiente Mediorum in statu
 vitæ Christianæ supernaturalis seu spiritualis, ad finem
 supernaturalem: nunc restat considerandum de Opposi-
 tis eidem causæ effectivæ, seu de Causa efficiente peccatorum.
 Quoniam ut D. Thomas argumentatur; secundum Job: Nihil in 1. 2. quest. 75.
 terra sine causa fit: Sed peccatum fit: est enim dictum, factum, vel art. 1.
 concupitum contra legem DEI: Ergo peccatum habet Causam, idque Job cap. 5.
 Moralem, Physicam, & Instrumentalem.

SECTIO I.

De Causa Moraliter efficiente peccatorum.

CAusa moralis peccati alia est extrinseca; alia intrinseca. Ex-
 trinseca est dæmon: mundus seu homines mundani, & Ita D. Thom.
 mundi bona & mala. Intrinseca est, caro secundum appe- 1. 2. quest. 75.
 titum sensitivum. Appositè de his Angelicus Doctor differit dicens: 1. 2. quest. 75.
 Yy Causa art. 3.

V. Sect. 2.
Subsect. 3.

„Causa interior peccati est & voluntas ut perficiens actum pec-
 „cati, & ratio quantum ad carentiam debitæ regulæ, & appeti-
 „tus sensitivus inclinans. Sic ergo aliquid extrinsecum triplici-
 „ter posset esse causa peccati, vel quia moveret immediatè ipsam
 „voluntatem, vel quia moveret rationem, vel quia moveret ap-
 „petitum sensitivum; voluntatem autem interius movere non
 „potest nisi DEUS, qui non potest esse causa peccati, ut infra
 „ostendetur. Unde relinquitur, quod nihil exterius potest esse
 „causa peccati, nisi vel in quantum movet rationem sicut homo,
 „vel dæmon persuadens peccatum: vel sicut movens appetitum
 „sensitivum, sicut aliqua sensibilia exteriora movent appetitum
 „sensitivum. Sed neque persuasio exterior in rebus agendis ex
 „necessitate movent appetitum sensitivum, nisi fortè aliquo mo-
 „do dispositum, & tamen etiam appetitus sensitivus non ex ne-
 „cessitate movet rationem & voluntatem. Unde aliquid exte-
 „rius potest esse aliqua causa movens ad peccandum, non tamen
 „sufficiens ad peccandum inducens: sed causa sufficienter
 „complens peccatum est sola voluntas.

De hoc igitur gemino genere Causæ moraliter produ-
 ctivæ peccatorum, scilicet intrinsecæ & extrinsecæ sequentibus
 agendum.

SUBSECTIO I.

De Causalitate morali dæmonis in peccata hominis.

§ I.

Vide D. Tho-
 mas p. 3. q. 9.
 art. 7.

„Quemadmodum Christus est caput mysticum Ecclesiæ in
 „ratione vitalis influxus gratiarum, & exterioris guber-
 „nationis: ita diabolus est caput morale malorum respec-
 „tu solius exterioris gubernationis, quatenus rationalem crea-
 „turam tentando inducat ad aversionem à DEO.)) Porro ad e-
 „iusmodi aversionem seu peccatum dæmon inducit modò per se,
 „modò per alios. Per se operando circa hominem externè,
 „vel internè, Externè, dum aut per aliquos ex quinque externis
 „sensibus errores ac mortifera jacula mittit in animum; vel de-
 „terrendo

terrendo à bono, sicut per horrenda monstra, & fremitus bestiarum, avertere conabatur magnum Antonium à Sancto proposito; vel alliciendo ad malum v.g. in externa specie mulierum aut virorum, prout fecit cum S. Hilarione, & aliis, formosas eis repræsentans fœminas. Aut utendo organis membrisque corporis per modum instrumenti attrahendo animum ad peccandum, vel ostendendo se esse DEum, aut Angelum lucis, sive Sanctorum aliquem, ut decepti ejusmodi imposturis miseri mortales à veri Dei fide cultuque avertantur, sensimque in nefanda prolabantur. Ita traxit innumeram gentilitatem ad inferos; trahitque qui videntur esse spiritualiores, sed aliquâ superbiam & sui fiduciam inflatos ac curiosos. Vel aliis modis per sensus animum vexando & trahendo ad malum: Sicut S. Magdalenæ de Pazis implebat auditum detestandis blasphemis adeò importunè ut licet reluctaretur, satis timebat tamen, ne loco verborum orationis aliquod blasphemiarum verbum proferret. Vel affligendo extrinsecè in substantia quemadmodum S. Job omnibus bonis priyans, tandem damnis variis & in corpore morbis percussit saathan ulcere pessimo, ut malediceret Domino. Vel denique & potissimum alliciendo bonis mundi propositis, honoribus, divitiis, deliciis, quibus inescans perdit innumeros.

Internè dæmon operatur inducens hominem ad peccandum, nempe secundum D. Thomam commovendo in phantasia formas & similitudines rerum, seu impressiones relictas ex sensibilibus motionibus in spiritibus sensualibus conservatas, atque ita repræsentat intellectui, ut vel eum à Divinis & cogitationibus piis distrahat ad otiosa sive minus utilia, vel ad aliqua illicita pelliceat, prout S. Catharinæ Senensi abominandas impudicitias in imaginatione efformabat; vel ut à bono deterreat horrida menti proponendo v.g. umbras mortuorum, terrores noctis, tædia solitudinis, sicque ab ea ad conversationem nocivam, vel à vigiliis sacris avocet. &c. Similiter dæmon non oriatur in reliquo corpore, nempe concitat in appetitu sensitivo passiones concupiscibilis, & irascibilis, commovendo spiritus vitales, sanguinem circa cor, aliosque humores nimirum bilem, melancholicamque inflammando, unde alteratum corpus seu caro, rebel-

In vita 99.

Vide in vita
ipsius.

Job cap. 2.

V. p. I. q. III.
art. 3.

In vita 99.

1. quest. III
art. 4.

lizat Spiritui, eum secum potenter inclinans ad illicita & nefanda. Docet enim D. Thomas quod per commotionem interiorem spirituum & humorum potest Angelus (bonus malusvè) aliquid operari ad immutandam actionem potentie appetitivæ & sensitivæ, & cujuscunq; potentie corporali organo utentis.

Gen. cap. 3.

Job cap. 2.

3. Reg. 22.

Per alios dæmon seducit. Ita per Evam Adamum ad pomi vetiti esum induxit: ita Jobum per uxorem suam ad blasphemias provocabat: ita in ore pseudoprophetarum factus mendax spiritus, Achab decepit. Ita nunc Hæretici & mali Christiani, suaflores errorum & scelerum, quid nisi instrumenta diaboli?

§ II.

Cæterum dæmon inducens ad malum vocatur antono masticè Tentator, & dicta inductio Tentatio, ut habetur: *Matth. 4. Accedens Tentator dixit ei &c: Et: Ne tentet vos Sathanas.* Unde hic de Tentatione seductiva ulterius agimus; etsi hæc non semper proveniat à dæmone, sed quandoque ortum sumat ab ipso mundo, vel carne, citra cooperationem sathanæ. R. P. Bernardinus *Rosignolius* Tentationes in tres classes dividit juxta triplicem gradum vitæ Christianæ, Incipientium, Proficientium, & Perfectorum. De quibus antequam agamus cum primis advertendi sunt doli & fraudes diaboli, ut aliqua ex parte dicere possimus cum *2. Cor. 2.* Apostolo nos non ignorare cogitationes seu astutias ejus. Nam sicut prudentiæ est ad bonum finem recta consilia & media, coordinare, ita astutiæ, ad intentum scopum varias advertere, circumstantias nec non de accommodis perversis mediis providere. Itaque Sathan, antequam tentare incipiat primò considerat physicum statum hominis, nempe ejus passiones & propensiones. Hinc S. Gregorius inquit: Existunt etiam qualitates morum, quæ certis vitiis sunt vicinæ, ut mores asperi crudelitati, & superbiæ; blandi, & plusquam decet latiores, luxuriæ & dissolutioni sunt conjuncti. Intuetur ergò inimicus generis humani uniuscujusque mores, cui vitio sint propinqui, & illa opponit antè faciem, ad quæ facilius cognoscit inclinari mentem, ut blandis, ac lætis moribus sæpè luxuriam, nonnunquam vanam gloriam; asperis verò mentibus iram, superbiam, vel crudelitatem proponat.)) *Secundò.* Animadvertit constitutionem morum.

S. Gregor.

l. 14. Moral.

cap. 7.

moralem hominis, sitne ille peccator, an peccata fugiens, isque exercitator virtutis incipiens, proficiens, an perfectus. Eos enim ait S. Gregorius *pulsare negligit, quos quieto jure possidere se sentit: contra nos verò eò vehementius incitatur, quò ex corde nostro quasi ex jure propriae habitationis expellitur* Tertiò. Perpendit occasiones, tum varias circumstantias, præterita, præsentia, futura, ne cæco impetu irruens sua confundatur superbia, haud obtento effectu. *Quartò. Juxta Cassianum* maligni spiritus colligunt interiora nostra ex exterioribus signis, verbis, factis. Tum ingestas cogitationes an susceptæ, vel quomodo susceptæ sunt, ex motibus externis deprehendunt. Ut si horam meridianam curiosius inquiras, desiderium gulæ fuisse susceptum; si motus lasciviæ minùs dedigneris, vel asperius infremuisse contra adversarium adverterint, reum te immunditiæ, aut iræ dijudicant.

Idem lib. 23.

moral 6. 7.

V. Cassian.

Coll. 7. c. 15.

His animadversionibus positis tandem exerit sua jacula ille mille artifex; exerit autem diversimodè ob diversas & pene innumeras combinationes occasionum, circumstantiarum, &c. Universaliter autem tentat dæmon vel apertè, vel occultè: apertè trahendo ad consensum peccati; occultè decipiendo sub specie boni. De quo vide sub *discretione spirituum*. Porro plerosq; nec apertè nec occultè nisi rarissimè tentat; vel quia desperat de victoria quod paucissimorum est; vel quia DEUS non permittit eos tentari ob defectum virium ne succumbant, vel quia dæmon eos tanquam suos jam possidet: vel quia eos contemnit & dedignatur tentare tanquam pusillos & vecordes, possetque eos semper habere, & tales innumeri sunt.

I. 2. tr. 2.

c. 9.

§ III.

Igitur contra *Incipientes* (nempe in quibus jam est incipiens seu inchoata vel nata Charitas post factam depurationem à peccatis mediâ poenitentia Sacramentali) hostis agit. *Primo*. Aliquos tentat indiscretâ poenitentia, ut sese conficientes reddantur imbecilles ad alia magis utilia exercitia obeunda. Hinc S. Bernardus, inquit: Quoties suggesit sathanas anticipare vigilias, quo ad solemnia Fratrum illuderet dormitanti? quoties produci jejunia, & Divinis obsequiis eo inutilem reddidit, quo imbecillum?

S. Bern. in

Cant. 33.

„ quories ad opus manuum plusquam opus fuerat incitavit, &
 „ fractum viribus cæteris regularibus exercitiis invalidum red-
 didit?)) Hæc Tentatio superatur, Prudentiâ & discretione,
 1. 2. tr: 2. spirituum (de quibus alibi) & maximè humili obedientiâ
 6. 4. & 9. ad arbitrium spiritualis Magistri, qui sicut festinum discipulum
 ad ardua debet refrenare, ne offendat, ita excitare ad modera-
 tum cursum, ne in profectu langveat. Secundum Genus tenta-
 tionis est nimia anxietas conscientie seu scrupulositas: de qua
 suo loco fusiùs. Tertia tentatio est eaque communis Incipien-
 1. 2. tra: 1. tibus, quâ incitantur ad recidivandum in pristina peccata. De
 6. 2. sect. 3. qua S. Gregorius innuit dicens: Occurrit illa familiaris sua de-
 8. Greg lib. „ lectatio carnalis, quæ inveterata dudum quantò eum diutiùs te-
 24. Moral. „ nuit, tantò arctiùs adstringit, atque à se tardiùs abire permit-
 6. 7. tit. Et quis ibi mœror, quæ anxietas cordis, quando hinc spi-
 „ ritus vocat, hinc caro revocat: hinc amor novæ conversationis
 „ invitat, hinc desiderio ad coelestem Patriam flagrat: & hinc in
 semetipso carnalem concupiscentiam tolerat)) Porro ejusmodi
 tentationi facile obviatur, 1. Si occasiones peccatorum tollantur;
 2. Si exorientes cogitationes peccati mox in puncto à mente in-
 star scintillarum, ne in flammam erumpant, excutiantur, & ad
 aliquid aliud animus suaviter convertatur 3. Si perseverat fortiter
 instans tentatio, ad orationem ut tutissimum asyllum prope-
 V. de pecca-
 to in genere
 & vitiis op-
 postis virtut.
 Eccli. c. 7. randum per arduas aspirationes &c. tum recogitanda motiva ad
 fugam peccati, ut habes infra, & præcipuè quatuor novissima
 vivaciter sibi proponenda, ut Sapiens monet. In omnibus operibus
 tuis memorare novissima tua, & in æternum non peccabis; Magistro
 Spirituali propalanda tentatio, ita enim Coluber tortuosus in lu-
 cem extractus, pudefactus ocyus fugiet. Unde S. Philippus
 Neriùs ait: Dæmon utpote superbus & amator tenebrarum spiritus, nul-
 S. Phil. Ne- la alia meliùs vincitur ratione quàm vera cordis humilitate; & simplici
 reus in Do- clarâ, remoto omni velo, peccatorum suorum ac tentationum Confessario
 cument. factâ manifestatione. Quarta tentatio Tyronum Spiritualium est ti-
 S. Bernard. mor proveniens ex arduitate & difficultate vitæ Spiritualis. Hu-
 ferm. 6. in ic timori discutiendo remedia affert S. Bernardus dicens: Cami-
 Psalm Qui „ nus est timor iste, sed ut examinet non exurat, veritas facit; et
 habitat. „ ideo in Psalmo: Scuto circumdabit te veritas ejus, non timebis
 à timore

à timore nocturno. *Idem.* Nocturnus & tenebrosus timor, sed, *Idem Ibidem.*
 facile hunc radius veritatis exuperat: ingerit enim oculis cordis,,
 nunc quidem peccata quæ egimus, ut quemadmodum de se,,
 Propheta ait, & nos in flagella parati sumus, annunciantes ini-,,
 quitatem nostram, & cogitantes pro peccato nostro: nunc verò,,
 æterna supplicia quæ meruimus, ut in comparatione eorum,,
 quæ evasimus, universa quæ patimur, delicias reputemus. *Idem.* *ibidem.*
 nunc quoque ingerit cœlestia præmia, ad quæ tendimus: cre-,,
 brò videlicet memorantes, quoniam non sunt condignæ pas-,,
 siones hujus temporis ad futuram gloriam, quæ revelabitur in,,
 nobis: nunc etiam ea quæ pro nobis pertulit Christus, ut cre-,,
 bro considerantes quanta sustinuit illa Majestas pro inutilibus,,
 servis, erubescamus non sustinere vel parva pro nobis. *Quinta.*
 Tentatio pusillorum in spiritu est, quod scilicet homo, dum su-
 is serviret cupiditatibus, nunquam tot & tantas senserit infesta-
 tiones & molestias internas, ut experitur recipiens se ad melio-
 rem vitæ frugem. Sed eliditur hæc invasio inimici illo vulgari
 spiritualium proverbio: *Qui non sentit tentationes, aut Victus est, aut*
Victor; aut Sanctus, aut Nequam. Denique incipientibus pro com-
 paranda victoria tentationum illud unicè medium æstimandum
 & tenendum est, quod *S. Bernardus* insinuat dicens. *Sed quid sunt S. Bern. ser. 3.*
 venatores isti? venatores utiq; pessimi, & nequissimi, callidissimi & cru- *in Psalm. Qui*
 delissimi: venatores qui cornu non sonant, ut audiantur, sed sagittant in *habit.*
 occultis immaculatum, ipsi rectores sunt tenebrarum, astutissimi versutiâ,
 & malitiâ diabolicæ fraudis: Ita ut sicut est ante venatorem bestia, sic
 ad eorum comparationem sit quilibet astutissimus hominum: præter eos dun-
 taxat, qui cum Apostolo non ignorant cogitationes eorum, quibus in DEI
 sapientia datum est fraudes deprehendere malignorum. Obsecro vos novel-
 la plantationes DEI, vos qui nondum exercitatos habetis sensus ad discre-
 tionem boni & mali, nolite sequi cordis vestri iudicium, nolite abundare
 in sensu vestro, ne vos tanquam rudes adhuc, versutus ille venator deci-
 piat. Obsecro vos humiliamini sub potenti manu DEI Pastoris vestri, & ac-
 quiescite eorum consiliis, qui melius norunt venatoris illius versutias.

§ IV.

Proficiens Tentator aggreditur Primò ut eleganter descripsit
B. Gregorius dicens: Ecce quidam rebus contentus propriis, de-

S. Greg. lib.
crevit 33. Moral. 6.
17.

crevit nullis mundi hujus occupationibus implicari, valde formidans quietis suae commoda perdere, & valde despiciens cum peccatis lucra cumulare. Hunc callidus hostis aggreditur, subministrans utile consilium: his inquit deficientibus quid acturus es? paranda sunt quae servantur filiis: an non potest actio terrena peragi & declinari culpa? Hac interim blandiens insinuat, etiam seorsum in negotio terreno, quod providet, laqueos occultat. Alius decrevit terrenis omnibus renunciare, ut Christum sequatur expeditior. Hunc aggreditur hostis, unde haec audacia, ut credas, quod omnia relinquendo subsistas? valentiorum viribus te DEUS creasset, si te sequi sua vestigia in inopiae necessitate voluisset: quam multi mercentur coelum per bona, non deferentes sua patrimonialia? Hac blanditur, seorsum verò in iisdem rebus pestiferas delectationes abscondit. Alius non solum renunciat bonis terrenis, sed statuit etiam sibi renunciare, & voluntates suas frangere sub alterius arbitrio ad perfectionis cumulum. Ad hunc hostis mollius adhuc blandiens, ô! quanta inquit, per temetipsum miranda agere poteris, si nequaquam te iudicio alterius subdis? cur profectum tuum sub studio meliorationis imminuis? cur intentionis tuae bonum, dum ultra quam necesse est, extendere niteris, frangis? quae enim dum voluntate propria usus es, perversa perpetrasti? Seorsum autem in voluntatibus ejus propriis exercenda superbiae causas parat. Alius tractis jam voluntatibus propriis, multa veteris hominis vitia correvit: Hic zelo accenditur animas lucrandi. Hunc callidus hostis aggreditur ut dicens: quid te ad aliena curanda dilatas? utinam tua considerare valeas, dum ad aliena extenderis, ad tua minor inveniris. Sic zelum charitatis adimit, & omne bonum, quod ex charitate prodire poterat, gladio subintroducti torporis extinguit.

I. Tim. 4.

Secundò. Quidam ex instinctu daemonis adeò totos sese tradunt externae observantiae morum, & bonorum operum, ut parum cogitent de interiore cultu virtutis, cum tamen juxta Apostolum Corporalis exercitatio ad modicum utilis est, pietas autem ad omnia utilis est. Et S. Bonaventura: Cavenda est perturbatio studii devotionis, ex qua fulcitur omnis vera religio; postremò cavenda est negligentia exterioris disciplinae.)

Tertiò. Quidam è contra astu sathanæ omnem curam impendunt in excolendis animi interioribus, exiguum in observantia exteriorum actuum virtutis. Verum ejusmodi admonet

D. Ber-

D. Bernardus dicens: *Soliciti circa custodiam ordinis, ut ordo ipse custodiat vos.* S. Bernard. Epist. 321.

Quartò. Seraphicus Doctor species tentationum, quibus potissimum Proficientes pullantur, sequentes enumerat dicens: Multæ autem sunt tentationum species. I. Una est subtractio & inopia devotio-
nis. Aliæ tentationes sine ista, nullam vel minorem virtutem habent, cum ipsa sit quasi domus refugii ab omni tribulatione. Dominus mihi adiutor, & ego despiciam inimicos meos. Item. Si consistant adversum me castra, non timebit cor meum. Subtracto ergo tam singulari refugio, homo quodammodo inter-
nis expositus est hostibus tentationum: & ideo pavidus efficitur & pusillanimis, nisi fidei firmitate se muniat, & patientiâ, & humi-
litate se defendat, quæ tunc maximè habent locum exercendi se, & magnam gloriam promerendi. Fides autem probatur, si credit vera esse, quæ jam desit per gustum dulcedinis experiri. Dulcia nimis sunt omnia, quæ de DEO credimus: sed gustus eorum ideo subtrahitur bonis, ut fides magis innitatur auctoritati scripturarum quàm experientiæ propriæ, & magis ex hoc meritoria sit. Spes autem probatur, si confidat DEUM sibi esse propitium, etiam dum flagellat, & ita studiosè studeat ei servire & placere in omnibus, ac si sentiat & videat eum sibi esse placatum. Unde Abraham lauda-
tur quòd contra spem credidit Divinæ promissioni, & non hæsitavit diffidentiâ, certissimè sciens, quòd quæcunque promisit DEUS, potens est & facere. Patientia probatur si non murmuret contra DEUM, quasi sua duritiâ hominem tribulet, ut defoletur: & si longanimiter sustineat beneplacitum DEI, & non deficiat in ad-
versis. Humilitas probatur, si cogitet se dignè puniri, qui quasi indignus sit consolatione spirituali: & si iustificet DEUM, quòd iuste iudicaverit puniendo reum; & ingratum privando beneficio consolationis internæ. Tantum debet nobis DEUS placere, & tantum debemus eum diligere, quando nos punit ut purget, ac si blandiatur ut consoletur. Quis enim filius quem non corripit Pa-
ter? Ego quos amo, arguo & castigo. II. Quidam etiam tentantur ex difficultate benè operandi, & habent aliquam bonam volunta-
tem, sed non fortem: & ex difficultate obstaculum inveniunt, quasi grave saxum voluunt, & inde affliguntur tam ex remorsu conscientiæ, quæ accusat eos torporis, quàm ex dolore tardi pro-
fectus,

Rom. 4.

Hebr. 12. II.
Apoc. 3.

Rom. 7.

✱ Bernard.
Serm. 31. in
Cant.

fectus, & desiderio vitæ sanctioris. Quidam enim vellent habere bona opera, & non valent ad ea exequenda se ipsos vincere. Juxta illud Apostoli: *Velle mihi adjacet, perficere autem non invenio.* Aliqua verò possent, sed ita videntur eis arida & parva, quòd diffidunt ea placere DEO, vel alicujus meriti fore: sic utrobique neglecti sunt, & incidunt in quandam tristitiam: sicut dicit de talibus Bernardus: Sunt qui in studiis spiritualibus fatigati, & versi in torporem, ambulant tristes in viis Domini: longos dies, & longas conqueruntur noctes, frequenter murmurant, arido corde ad quælibet injuncta accedunt &c. Quidam enim horror terret eos, cum cogitant de profectu spirituali quasi dicant apud se: Bona est victoria; sed dura est pugna: Dulce proemium sed labor merendi gravis. Sic exploratores missi in terram promissionis, reversi commendabant ubertatem terræ, ostensis fructibus, sed terruerunt populum pro difficultate expugnationis hostium, & proceritate inhabitantium. Ita Religiosi quidam explorantes terram per Scripturas, magna gaudia coeli prædicant: sed pugnas tentationum, & labores spiritualium exercitiorum ita exhorrent, quòd potius in deserto mori volunt, quàm introduci in terram promissionis: hoc est, magis volunt sine opere in quodam medio statu manere inter secularem vitam & spiritualem, quasi inter Ægyptum & Terram promissionis in deserto aridæ conversationis, quàm per laborem & tribulationes pervenire ad gratiam perfectionis. Gigantes etiam terræ mirantur, & timent quasi monstra Enacim, cum magnorum Sanctorum virtutes considerant; & de propria parvitate diffidentes illorum perfectionem attingere, non ex humilitate, sed ex paviditate desperant, causantes & murmurantes contra Dominum, quòd tam dura servitia ab homine requirat; sicut illi cum educti essent de Ægypto, ad tales miseras tolerandas. Inde etiam est quòd tam pauci ad perfectionem perveniunt, sicut de omnibus supra ad pugnam numeratis, tantum duo ad terram promissionis intraverunt: quia soli illi perfecti sunt inter Religiosos, qui in pugna tentationis, & in exercitio virtutis infatigabiliter constantes fuerunt in pugna, resistendo malis, & in exercitio insistendo bonis usq; in finem. III. Ex hoc sequitur alia tentatio, scilicet fastidii. Quia fastidit homo omne bonum, tædet eum orare, legere, meditari:

III.

tari: tædet eum audire bona, vel loqui, vel operari, vel interesse Divinis etiam quæ sinè gravi labore facere posset. Et exinde, cum ad magna virtutum proemia pervenire diffidit, etiam in minoribus exerceri fastidit. Et quod hæc tentatio ex priori oriatur, ostenditur: quia statim post murmur populi pro labore, sequitur murmur pro fastidio mannæ; quod significat spiritualis refectio-
nis alimentum, sicut sunt verba sacræ Scripturæ, & bona opera, quæ pascunt animam & reficiunt conscientiam. De hoc Prophe-
ta dicit: *Omnem escam abominata est anima eorum: & appropinqua verunt usque ad portas mortis.* IV. Ad duo autem trahit ista tentatio, aut ad exte-
riores consolatiunculas, & seculares levitates: ut qui non habet in spiritualibus delectationem, saltem in carnalibus quærat & secula-
ribus nugis, quo consulat fastidio, quo vexatur. Sic & illi qui manna nauseant, carnes concupiscunt, & pepones, & porros, & cætera, id est carnalia & terrena gaudia, & sollicitudines exte-
riorum negotiorum, quæ suâ acredine quasi porri fastidientem gu-
stum mutando delectant, sed postea conscientiam amaricatam ad fletum compellunt. Aut ad nimiam tristitiam trahit hæc tenta-
tio fastidium, dum non habet in spiritualibus delectationem, & in carnalibus consolari renuit: & sic nusquam inveniens refugium magno mœrore consumitur: Solùm ergo restat, ut instanter cla-
ment ad Dominum cum tribulantur, ut de necessitatibus suis li-
berentur, & sacrificent sacrificium laudis, & annuncient opera ejus in exultatione, id est, recolant beneficia DEI: & ex illis ad laudem ejus in exultatione spiritus provocentur. V. Quæ si statim
non successerit, sequitur alia tentatio gravis impatientiæ contra
DEUM, quare tam durus & immisericors sit tribulato, quare tam
parcus in dando egeno gratiam, & tam anxie petenti, & tam im-
portunè pulsanti. Et hæc Tentatio quandoque tam valida est,
quod quasi insanit homo, & palpitat ex vehemènti mœrore: quia
ibi non invenit solatium, quod deberet ei esse unicum refugium,
scilicet in oratione, & in tanta supplicatione, cum Dominus dicat:
*Omnis qui querit, invenit. Clamo ad te, & non exaudis me; sto & non respicis me. Mutatus es mihi in crudelem: & in duritia manus tuæ adver-
saris mihi. Multitudo viscerum tuorum & miserationum tuarum, super me.* Isa. 63.
continuerunt se. Usquequo Domine clamabo, & non exaudies, vociferabor Abac. 1.

Psal. 12.

Psal. 43.

Exod. 17.

vim paciens, & non salvabis? Usquequo Domine oblivisceris me in finem, usquequo avertis faciem tuam à me? Exurge, quare obdormis Domine? exurge, & ne repellas in finem. Item illud murmur Filiorum Israel: *Est ne Deus in nobis an non?* Hæc omnia illius tentationis anxietatē exprimunt, quæ non valet melius superari, quam patienter tolerando, & humiliter expectando, donec nobis benignitatis suæ vultū dignetur ostendere, & manum largitatis aperire: ut cælum quod super nos æneum sentitur, stillas gratiæ nobis influat; & terra cordis nostri quasi ferrea, emollita fluvio benignitatis Domini fructum suum, & affectus pios, & desiderium devotionis germinet.

VI.

VI. Illa autem tentatio magis periculosa est, quæ minus molesta sentitur: quando ex longo usu subtractionis gratiæ devotionis, & post anxiam multa desideria & labores pro recuperanda gratia homo quasi lassus remittit animum ab intentione quærendi: & sub colore patientiæ desinit oculos attollere ad opes, quas habere se posse non videt: & indignanti humilitate cogitat se indignum tali gratiâ: quia forsitan aliud de illo præordinavit Dominus, ut ad exteriora conversus, multis proficit, & ideo ab interioribus sit repulsus: Vult etiam sub discretionis velamine deinceps parcere sibi, ne corpus nimis debilitetur, vel caput irrecuperabiliter destruat. Et incipit remissior esse in studio orationis, & ad confabulationes promptior, ad evagandum paratior, ad corporis commoda studiosior, ad inanes jocos promptior, ad exteriores occupationes sub specie redimendi tempus utiliter, voluntarius & intentus. Et ita paulatim subtrahitur à primo fervore, & desiderium proficiendi refrigerat, & studium langvescit, & subintrant affectiones Religiosarum foeminarum, & visitationes earum: & omnibus aliis extinctis solum remanet ei ad solatium debile, quod adhuc scit loqui de spiritualibus: per quod vel seipsum præfert multis inexpertis talium experientiarum spiritualium, vel acquirit sibi nomen apud Religiosas foeminas, quæ existimant eum loqui ex cordis abundantia, & esse bonum instructorem vitæ spiritualis, & devotionis internæ. In hujus tentationis tempestate plurimi fluctuant, & pauci enavigant: quia nec amor DEI afficit, nec desiderium trahit, nec timor stimulat, nec fervor proficiendi urget: remissi in omnibus, & si quæ bona videntur

dentur facere, ex usu quodam vel ex pudore humano faciunt, vel ex timore, ne deterius eis contingat. Unde qui hoc superare desiderat, oportet ut vim sibi met faciat tam cordi quam corpori: sicut pigrum animal quod calcaribus tunditur, flagellis agitur. VII. Quidam trahuntur impetu fervoris ad bonum. Sicut igitur illi indigent freno quo retrahantur ne præcipitentur: ita alii indigent flagello impellente, quod ad bonum quasi coacti incipientur. Misericors autem DEUS quò difficilius quis in tentationis pugna certaverit, eò majoris perfectionis ei gratiam tribuet in præsentis, & majoris gloriæ proemium in futuro. VIII. Sunt aliæ plurimæ tentationum species, quarum naturam, origines, & causas, prosequi longum est. Si enim nullus medicorum omnes morborum corporalium varietates & dolores plenè potest cognoscere; quanto minùs spirituales morbos tentationum & passionum, quæ subtiliores sunt, valet aliquis plenè discernere, nisi Spiritu Sancto plenus sive illustratus? Acerbissimæ tamen tentationes videntur, hæsitatio in fide Catholica; & desperatio de DEI misericordia; & spiritus blasphemix contra DEUM, & contra Sanctos; & tentatio sibi met injiciendi manus & se perimendi; & quædam perplexitas querulosæ conscientix medicinale consilium non admittendi.

Contra tales, (et alias) ista maximè valent Remedia. Primò ut consolentur, quòd non timeant illas tentationes: quia magis proficiunt ad meritum patienti, quàm ad detrimentum. Secundo, quòd patienter tolerant: sicut si satanas visibiliter vel sensibilibiter aliquem turbaret. Tertiò, quòd non curentur: nec ratiocinando eis resistatur: quia ex hoc magis quasi confricata inflammantur. Sed ad alia tractanda se convertat homo, quibus abstractus à se, obliviscatur passionis suæ: sicut corporali passione laborans, si habet quo occupatus obliviscatur sui, levius interim torquetur. Quartò, ut orationibus suis & aliorum bonorum hominum, misericordiæ Divinæ remedium imploret. Et alibi idem S. Doctor ait: Harum tentationum oportet nos quasdam maximè resistendo superare: ut spiritualia vitia, scilicet iram, acediam, superbiam, & invidiam: quasdam verò fugiendo melius evadimus quam pugnando: ut luxuriam, gulam, avaritiam: licet

VII.

VIII.

S. Bonavent.
ad Novit. p. 2a
cap. 2a

etiam pugna contra eas sit necessaria. Sed tamen non est tutum diu cohabitare serpenti: nam multò tutior est castitas longè à mulierum frequentia semota, quàm in media earum. Facilius etiam abstinemus à delicatis cibis & potu, vel ab eorum superfluitate, quando non videmus, nec habemus, quàm cum eis abundamus: & qui omnia reliquit propter Christum, & voluntariam paupertatem elegit, minùs infestatur à curis avaritiæ, quàm qui retinet divitias, semper anxius, quomodo eas augeat & servet. Spiritualia autem vitia etsi quandoque ex fuga videntur quasi remissiùs & rariùs infestare, dum deest occasio impugnandi: tamen postea ortà occasione duriùs ferire solent, sicut leo catenatus ampliùs fremit, cum fuerit emissus. Tentationes verò contra fidem, & de spiritu blasphemix, & similes, nec fugere possumus, nec repugnando vincere: quia quantò plùs indignamur nobis metipsis, & disputamus cum eis, tantò magis refricatur earum rabies & accenditur. Sed nec curandæ sunt nec timendæ, tantummodo non consentiatur eis, & patienter eorum infestatio quasi quoddam diabolicum susurrum supportetur, quod aliter compesci non potest. Non solent bonis periculosa esse tales cogitationes, sed sunt sæpe præfagia futuræ amplioris gratiæ, & consolationis, & vitiorum purgatrices, & magni meriti operatrices. Divinæ verò castigationes humiliter & patienter tolerandæ sunt, & iussionibus ejus devotè obtemperandum est: ut & fortes simus in fide & à mandatis ejus nunquam declinemus. Possent etiam plures tentationum species inveniri à studiosis, sed ad præfens ista sufficiant. Sunt tamen quidam, qui sibimet texunt laqueos tentationum, priusquam tentator accedat, & quodammodo procurant sibi unde tententur: ut qui sponte cogitationes pravas versant in corde. Et hæ sunt in tantum validæ, quod postmodum in delectationem versæ & roboratæ difficulter expelluntur. Item illi qui familiaritates incautas foeminarum admittunt, quarum affectus ita imprimitur cordi, ut vix postea evellatur: & ita de similibus. Aliqui sibimet assumunt materiam, unde postea occasionaliter oritur eis turbatio & tentatio periculosa. Quidam verò non habentes causam tentationis ex sola suspitione vanam somniant sibimet tentationis procellam. Et hoc fit aliquando inter imperfectè bonos, inter quos fit turbatio & contentio.

rentio; non de radice malitiæ, sed ex sola vana suspicione; dum uterque nullius odii sibi conscius est adversus alterum, nec intendit eum in aliquo lædere: sed suspicatur alterum erga se invidiâ stimulatam incedere, & ei insidiari, cum tamen hoc in nullo recolat se erga eum meruisse. Ille verò è contra nihil sibi conscius de his conqueritur, quòd iste sibi injuriatur sine causa: & incipit etiam ipse facta alterius ponderare, quasi adversarii sui: & sic uterque inflammatur odio contra alterum, cum neuter voluerit lædere; sed tantum suspicatus sit, & vanè quòd alter alterum voluerit lædere sine causa. Et ita quandoque gravis turbatio oritur de modica scintilla, diabolo eam ad magnum ignem rancoris & odii conflante. Qui ideo imperfectè boni dicuntur: quia in eo sunt aliquatenus boni, quòd non intendunt proximo suo malum facere; & in eo à bonitate deficiunt, quòd nimis proni sunt de alio malum suspicari sine causa sufficienti: & in eo efficiuntur minimè boni, quòd ex quacunq; causa ad odium contra Fratrem & proximum provocantur. *Hactenus S. Bonaventura.*

S V.

Perfectorum tentationes quandoque sunt quæ & imperfectorum *S. Greg. lib. 19. Moral. c. 6.*
 prout B. Gregorius innuit dicens: *Eis quoq; quos viros novimus fuisse virtutum, tentationes atq; certamina non defuere vitiorum.* Hinc est enim quòd ad consolationem nostram Prædicator egregius de se quædam talia prodere dignatur dicens: *Video aliam legem in membris meis repugnantem legi mentis meæ, & captivum me ducentem in lege peccati, quæ est in membris meis.* Ad ima quippe pertrahit caro, ne extollat spiritus: & ad alta sustollit spiritus, ne prosternat caro. Spiritus levat, ne jaceamus in infimis: caro aggravat, ne extollamur ex summis. Verum, maximè perfectioribus cavenda superbia nempe in judicio & contemptu imperfectiorum, tum in acriori invektiva alienorum vitiorum. Deinde curiositas & æstimatio sui ad experienda Divina arcana, solatia, visiones, raptus &c. tum ad accipiendo gratias gratis datas v.g. miraculorum. Unde S. Augustinus orat: *A te Domine DEUS meus, cui humilem famulatum ac simplicem debeo, quantis mecum suggestionum machinationibus agit inimicus, ut signum ali-, quod petam? Sic obsecro te per Regem nostrum, & patriam, Hierusa-*

Rom. 7.

S. August. lib. 10. Conf. c. 35.

„Hierusalem, simplicem, castam, ut quemadmodum longè est à
 „me ista consensio, ita sit semper longè atque longiùs. Denique
 Negligentia omnimodæ humilitatis summè & unicè cavenda:
 Subruto enim fundamento humilitatis, etiam ad nubes erecta tur-

Vide Summ. ris Sanctitatis citius corrumpit. Unde qui de culmine Perfectionis
 Theol. Spirit. ac Sanctitatis prolapsi sunt, initium adeo terribilium casuum su-
 perbia fuit, ut supra fusiùs habes.

§ VI.

S. Bonavent. **M**otiva ad ferendas patienter tentationes, eisque fortiter rési-
 de profectu stendum, S. Bonaventura affert dicens: Tentatione, pugnâ, &
 Reli. lib. 2. c. I. tribulatione probatur homo, & purgatur, & exercitatur, erudi-
 2. Tim. 2. tur, & humiliatur. Qui certat in agone, non coronabitur, nisi
 Tentatio legitime certaverit. Quidquid diu debet durare, solet probari
 probat. si durabile sit: & omne nobile & carum probatur si valeat, sicut
 debet. Ita virtus hominis quæ nobilissima est, & quæ in perpe-
 tuum durare debet, in tempore tentationis probatur, si constans
 sit: & DEUS probat amicos suos adversitate, si fideliter in ipsa
 perseverent. Vasa figuli probat fornax, & homines justos tentatio tri-
 bulationis. Quia acceptus eras DEO, necesse erat ut tentatio probaret te.
 Eccl. 27. Purgatur etiam homo à peccatis per tribulationem tentationis, ut
 Tob. 12. dignus fiat gloriæ cœlestis celeri introitu, ne post mortem indi-
 Tentatio geat gravius & diutius purgari. Purgatur etiam, ut majoris gra-
 purgat. tiæ capax fiat: sicut vitrum obscurum tergitur, ut luminis ampli-
 Tentatio us sit capax. Exercitatur item, ut agilior & promptior fiat ad o-
 exercet. pera iustitiæ, virtutum exercitia: quia in statu consolationis sola
 quies mentis & studium devotionis videbatur ei sufficere ad sum-
 mam perfectionem: quæ ideo ei ad tempus subtrahitur, ut discat
 & in aliis virtutum studiis se exercere. Sicut enim mercator non
 in uno foro, vel apotheca omnia simul invenit, quæ desiderat, sed
 in diversis diversa: ita Religiosus non tantum in quiete devotio-
 nis, & dulcedine consolationis spiritualis, sed etiam in labore cer-
 tamini, & exercitio bonæ actionis, debet quærere studium perfe-
 ctionis, & merendi occasionem. Scio & abundare, & penuriam pati:
 Philip. 4. ubiq; & in omnibus instructus sum per armâ iustitiæ à dextris & à smi-
 Cor. 2. c. 6. stris. Eruditur etiam homo tentationibus, quando discit quæ sit
 Tentatio utilitas
 erudit.

utilitas tentationis, & profectus ex eis proveniens: quia ex hoc levior fit ei tentatio, cum intelligit quare sic DEUS permiserit, & quis sibi fructus inde accrescit. *Fidelis autem DEUS, qui non patitur vos tentari supra id, quod potestis: sed faciet cum tentatione proventum, ut possitis sustinere.* Eruditur etiam, quod non tantum innitatur experientiis consolationum, quantum in fiducia ad DEUM, vel fidei certitudine. Sicut quidam rudes in via DEI, qui statim, cum subtrahi sibi sentiunt consolationis experientiam, animo concidunt, credentes, DEUM à se esse aversum per gratiam; vel etiam in fide titubare incipiunt, an vera sint quæ de DEO senserunt. Vult autem Dominus erudire nos per subtractionem consolationis, & inniti veritati Scripturæ & fidei potius, quam nostræ qualicunque experientiæ: quia fides non haberet meritum, si in sola experientia consisteret: & spes quæ jam retineretur experientiâ spes non esset. *Per patientiam autem & consolationem Scripturarum, potius quam experientiam, spem habeamus, credentes nunquam DEUM averti à nobis, quamdiu voluntas nostra à DEO non est averfa per consensum peccati, vel torporem negligentiae. Mandasti justitiam testimonia tua, & veritatem tuam nimis.* Hæc sunt vera testimonia gratiæ DEI, justitia in voluntate & operatione, & veritas DEI secundum promissiones sacræ Scripturæ, quæ promittit nobis vitam æternam, si mandata ejus observemus. *Etiamsi occiderit me, in ipso sperabo.* Noli ergo diffidere cum consolatio internæ dulcedinis tibi subtrahitur, quasi DEUS dereliquerit te, & bona opera tua non sint ei accepta: sed recurre ad illa vera testimonia, & consolare in ipsis, scilicet ut confidas veritati DEI, quod quamdiu tu non recedas ab eo per consensum, prævaricationis mandatorum ejus, quod ipse non derelinquet te per propitiationem suam. Non enim nos eligimus eum, sed ipse elegit nos, & prius dilexit nos, & non deserit se non deserentes: qui etiam dilexit nos nondum existentes, vel etiam resistentes ei per peccatum. Unde dilexit nos, & elegit nos, non propter nos, sed propter se ipsum ex sola benignitate sua: propter hoc etiam servabit nos. *Humiliat etiam nos DEUS per tentationum tribulationes, ut cognoscamus quid sumus ex nobis, ne extollamur ex eo, quod à DEO accepimus, vel accepisse putamus.* In igne probatur argentum & aurum: homines verò receptibiles in camino humiliationis.

1. Cor. 10.

Rom. 15.

Psal. 118.

Job. 13.

Tentatio
humiliat.
Eccl. 2.

Prov. 8.

Prov. 29.

Prov. 8.

Matth. 17.

Luc. 12.

Exod. 16.

Quidquid scorix vel falsitatis intus latuit, ignis tentationis prodit. De ipsis etiam bonis humiliamur, videntes quod nostra non sunt, sed DEI: qui quando & quantum voluit, dedit nobis ex gratia sua, non ex meritis nostris. Si consolatio spiritualis homini non subtraheretur aliquando, extolleretur, & gratiam perderet, & periret. Subtrahitur ergo ei ne amittat & perdat: sicut pater parvulo suo nummos negat, ne de ipsis ludat & perdat, donec & proficiat in prudentia, & sciat providè conservare. Videmus ejusmodi quosdam pueros gratiosos, nimis sibi inde placere, & gloriam humanam quærere, qui tandem evanuerunt coram DEO, & hominibus viluerunt. *Qui delicatè nutrit servum suum ab adolescentia sua, postea illum sentiet contumacem.* Benignus DEUS, cujus delicix sunt esse cum filiis hominum, libenter impartitur has delicias servis suis fidelibus ab adolescentia, id est à novitate conversionis: sed heu! postea quosdam eorum sentit contumaces, quando ex consolatione spirituali elati ceteros despiciunt, & in elationem versi dum famen laudis desiderant, jactantiæ vitio depravati, hypocritæ fiunt: & dum meliores videri laborant quam sunt, DEO se opponunt, gloriam DEI sibi temere usurpantes. Bonus autem Dominus sciens quàm utilis est homini tentatio & tribulatio, priùs ostendit ei consolationes dulcedinis, quibus postmodum in tentatione confortetur ne deficiat, & alliciatur, ut semper eas desideret, & non desistat eas acquirere, donec denuo recuperet quod amisit. Sic laborantibus in via, priùs copiosa paratur refectio, ne in labore deficiant. Sic columbæ longius emittendæ, priùs nutriuntur tritico cum melle: ut quantumcunque longè emissæ fuerint, semper illuc redire contendant, ubi delicatè se pastas esse meminerint. Sic Petrus priùs in montem excelsum seorsum ducitur, ubi gloriam transfigurationis Christi videat: ut postea à sathana expetitus, ut cribraret eum in tentatione, recoleret priorum dulcedinem, quam expertus erat, & rediret ad Dominum, quem tam amabilem senserat, ne diffidens & deficiens desperaret. Sic Filiis Israël priùs manna in deserto datur, & postea longo itinere & certamine fatigantur. *Hactenus S. Bonaventura.*

Quod concernit *Praxim* gerendi se in tentationibus, easque vincendi &c. ex præcedentibus patet, patebitque infra ubi de vi-

tutis

tiis mortificandis in generali & speciali, de discretione spirituum agitur.

SUBSECTIO II.

De Causalitate morali Mundi in peccatum hominis.

§ I.

Mundi nomine hic cumprimis intelliguntur Amatores *Lib. I de Serm.* mundi, ut habet *S. Augustinus*: qui multipliciter possunt *Do. in monte* esse Causa alteri ad peccatum, v. g. *Consulendo*: Sicut illi *cap. 6.* impii dixerunt cogitantes apud se non rectè: *Coronemus nos rosas Sap. cap. 1.* &c. *Adulando* juxta illud: *Popule meus, qui te beatum dicunt, ipsi te* *vers. 2.* *decipiunt.* *Irritando* per læsionem in honore, fama, corpore, sub- *Isa. c. 4. v. 12.* stantia. Et universaliter per *Societatem malam* & *conversationem* unus alteri est causa ruinæ. *Corrumpunt enim mores bonos colloquia* *1. Cor. c. 15. v. 33* *prava.* Et *Reprobi non attendunt documenta beatorum, quæ imitentur* *Isidorus de* *ad melius; sed proponunt sibi exempla pravorum, quæ ad suorum morum summo Bono* *lib. 2. c. 11. sc. 2.* *perverstatem imitantur ad pejus.*

Et hæc quoque convenienter serviunt, quæ contra malam societatem & familiaritatem improborum ad cavendum eam dici possunt. *Primum Motivum.* *Psal. Cum electo electus eris: &* *Psal. 17* cum perverso perverteris *Eccli. Discede ab iniquo, & deficient* mala abs te. Et: *Omnis homo simili sui sociabitur. Si commu-* *Eccli. 15.* *nicabit lupus agno aliquando sic peccator justo. Quæ commu-* *Eccli. 7. & 13.* *nicatio sancto homini ad canem. Qui tetigerit picem inquina-* *Eccli. 10.* *bitur ab ea. Et: Qui communicaverit superbo induet superbiam*)) Ergo ab omnimoda paritate, & qui communicaverit Avaro, Gulofo, Luxurioso, Furioso, &c. Similia quoque vitiorum monstra induet, quibus qualificetur ad teterrimam Societatem dæmonum. Unde *Prov. dicitur*: Noli amicus esse homini iracundo, *Prov. 22.* neque habitaveris cum viro furioso, ne forte discas vias ejus, & sumas laqueos animæ tuæ. *Apostolus*: Si is qui frater nominatur; *1. Cor. 5.* est fornicator, aut avarus, aut idolis serviens, aut maledicus, aut ebriosus, aut rapax: cum ejusmodi nec cibum sumere. *Ibidem*: Modicum fermentum totam massam corrumpit. Et: *Quæ par-* *2. Cor. 6.* *ticipatio justitiæ cum iniquitate? aut quæ societas luci ad tene-*

2. Thes. 3.

bras? Quæ autem conventio Christi ad Belial. Et: Denunciamus vobis, fratres, in nomine Domini nostri JESU CHRISTI, ut subtrahatis vos ab omni fratre ambulante inordinate.

Ambr. sup.

Luc. 14.

Gregor. in

homil. 9. sap.

Ezech.

Chrysost.

sup. Matth.

Ibidem.

Bernard. lib.

de considera-

tione.

Isidor. lib. 2.

soliloquior.

Ibidem.

S. Basil. serm.

de abdicat.

rerum.

2. Paral. 19.

Secundum Motivum. Caveamus *S. Ambrosius* ait, perfidum, caveamus proditorem, ne per unum plurimi fluctuemus. *S. Gregorius:* Tolerandi ubique sunt proximi: quia Abel fieri non valet, quem Cain malitia non exercet. Unum verò est, potentia, quâ vitari societas malorum debeat, ne si fortasse corrigi non valent, ad imitationem trahant, & cum ipsi suâ malitiâ non mutantur, eos qui sibi conjuncti fuerint, pervertant. *S. Chrysostomus:* Bonus sic malo connectitur, ut aut pares reddantur, aut cito ad invicem separentur. Amicitia enim pares aut quærunt, aut faciunt. *Idem:* Rerum natura sic est, ut quoties bonus malo conjungitur, non ex bono malus melioretur, sed ex malo bonus contaminetur: diversitas enim rerum nunquam potest habere concordiam, & multos sollicitat societas nefanda. *S. Bernardus:* Vitiolus conscientias vitiosorum non refugit, & ubi omnes sordent, unus minimè fortè sentitur. *S. Isidorus:* Ante ignem consistens etiam si ferreus sis aliquando dissolveris, proximus in periculo diu tutus non erit. Per assiduitatem citò peccat homo. Sæpe familiaritas implicavit, sæpe occasionem peccandi dedit, sæpe quod voluntas non potuit, assiduitas superavit. *Idem:* Melius est habere malorum odium, quàm consortium; Sicut bona multa habet communis vita Sanctorum, sic plurima mala societas adfert malorum. Unde in pestilentibus locis sensim attractus aer latentem corporibus morbum injicit: sic in prava consuetudine ac conversatione maxima nobis mala hauriuntur, etiam si statim incommodum non sentiat. *S. Basilus:* Juvenis sive ætate sive animo fueris, æqualium tuorum consuetudinem defugito: ab illisque te non secus, atque ab ardentissima flamma procul abducito: quandoquidem illorum operâ usus adversarius, plebrosque olim incendio dedit, & sempiterno igni cremandos addidit: Ac spiritualis videlicet primò charitatis vanâ quadam specie illectos in teterrimam postea Pentapolitarum voraginem præcipites deturbavit.

Tertium Motivum ab exemplis. Josaphat Rex Juda, ob societatem initam cum Achab Rege Israel prope interemptus

ptus fuisset. Verum & à Jeshu audivit: *Impio præbes auxilium, & his, qui oderunt Dominum amicitia jungeris: & idcirco quidem iram Domini merebaris, sed bona opera inventa sunt in te.* Aliud: Adolescens à S. Joanne Evangelista cuidam Episcopo commendatus tanquam depositum suum, perversus improborum sodalium familiaritate Princeps latronum effectus est. Aliud: Gordiana S. Gregorii magni Amita, quanquam sororibus suis Tharsillæ & Emilianæ sociata, earum sanctæ vitæ exemplis ad meliora traheretur, quia tamen laicarum puellarum plus æquo societate gaudebat tandem miserrimè prolapsa est. Aliud: S. Hieronymus ait: Scriptum est de Ezechiele: Ego eram in medio transmigrationis juxta fluvium Chobar. Separata enim erat Prophetæ conversatio, & iniquorum offendebar aspectu. Hoc idem & faciebat Moyses, procul à castris multitudinis figens tabernaculum.)) Aliud: Rex David de seipso referens ait: Facientes prævaricationes odivi, Declinantem à me malignum non cognoscebam. Detrahentem, seceretò proximo suo hunc persequer. Superbo oculo & insatiabili corde cum hoc non edebam. Non habitabit in medio domus meæ qui facit superbiam: qui loquitur iniqua non, direxit in conspectu oculorum meorum.

Ex his conclude quam infelix societas & familiaritas malorum. Unde remis velisque semper tibi fugienda.

§ II.

DEinde Mundi nomine hic supponimus, quidquid est creatum productumque in mundo, sive bonum sive malum. Et quidem Creaturæ mundi quanquam in se sunt bonæ & ordinatæ ad optimum finem, ex abusu tamen illarum, *Creaturæ DEI in odium factæ sunt, & in tentationem animabus hominum, & in mscipulam pedibus insipientium.* Hæ enim suâ bonitate convergente sensualitati, potenter alliciunt ad amorem sui, & avertunt stultum hominem à Creatore ad creaturam, à Summo & incommutabili Bono ad exiguum & commutabile, vel etiam nocumentum illatum à creatura non pro corona patientiæ sufferunt, sed per vindictam, blasphemias, & alia hujusmodi in demeritum gehennæ ignis, illud evitare, aut saltem lenire satagunt.

Cæterum in hac materia rerum mundi, & mundanorum hominum (de quibus § præcedenti) quæ propriè concernunt spirituales Theologum sufficienter alibi dicta, nimirum *supra Subsectione prima* immediatè præcedenti, de Tentationibus; tum *infra* ubi de Contemptu mundi, & de Discretionem spirituum seu Spiritus mundi agitur. Hic autem sufficiat breviter ostendisse quomodo Mundus occasionaliter sit causa moralis homini ad peccatum.

1. 2. p. Theol. spirit.

SUBSECTIO III.

De Causalitate morali Carnis in peccatum.

Carnem hic intelligimus eam partem hominis, secundum quam homo comparatus est jumentis insipientibus, & similis factus est illis: nempe secundum partem animalein, & sensitivam. In qua per sensus exteriores & interiores cognoscitivæ, apprehendens aliqua, ea proponit appetitui sensitivo tanquam sibi convenientia, vel inconvenientia. Et quidem ad convenientiam rapitur appetitus motibus prosecutionis, seu passionibus amoris, desiderii, &c. ad inconvenientiam verò recedit motibus fugæ, seu passionibus odii &c. idque cum tanto excessu, ut non modò minimè obediat Rationi dirigenti suos motus irracionales, verum etiam ipsam Rationem ad illicita inclinare & attrahere ad consensum peccati conatur, scilicet (juxta D. Thomam) voluntatem à propria functione distrabendo, vel rectum rationis judicium impediendo. Id Apostolus expertus conqueritur: *Video aliam legem in membris meis, repugnantem legi mentis meæ, & captivantem me in lege peccati, quæ est in membris meis.* Quod explicans Cornel. à Lapide eandem Epistolam ait: *Ly captivantem me non voluntatis consensione sed commotione* ait S. August. ut scilicet captivus reddar & subjiciar legi peccati, id est concupiscentiæ, ita, ut etiam invitus & reluctans vitiosas ejus inclinationes, dictamina, impulsus, sentire cogar, & ejus laqueos & motus evadere non possim.

1. 2. Quest. 77. A. 1. Rom. c. 7. v. 23. Comment. in eandem Epistolam cap. hic.

Hæc causalitas moralis carnis in peccatum, & quomodo ei obviandum fusiùs explicatur *Subsect. prima* præcedenti ubi de Tentationibus variis, agitur, tum *infra* de Mortificatione carnis, atque de Virtutibus passionem appetituum concupiscibilis & irascibilis moderantibus.

1. 2. Theol. Spiritual.

SECTIO II.

De Causa Physicè Effectiva Peccati,

Hujusmodi Causæ sunt Intellectus, & Voluntas, quoad
 Esse peccati: Tum habitus vitiorum Congeniti, & Ac-
 quisiti, quoad facilitatem peccati. Deinde hic videndum,
 quomodo DEUS causaliter concurret ad errorem & peccatum,
 & tamen non est propriè causa & Author erroris ac peccati.

SUBSECTIO I.

De Causalitate physica Intellectus & Volun-
 tatis in peccatum.

Causæ mediæ interiores actus peccati, sunt imaginatio seu apprehen-
 sio, & appetitus sensitivus: Causæ verò interiores immediatæ
 sunt Intellectus & Voluntas. De prima parte asserti hujus
 supra visum. De secunda vero sciendum est, quod in actu pec-
 cati duo reperiuntur, nempe aliquid positivum, & privativum:
 Positivum est ipse actus peccati realis, vitalis, & liber, quæ præ-
 dicata actus, non nisi elicitive, physicā efficientiā à voluntate pro-
 ducere possunt. Privativum autem est, nimirum privatio debitæ
 rectitudinis in actu peccati; quam privationem rectitudinis seu
 inordinationem actus etsi voluntas juxta D. Thomam caveat per
 accidens & præter intentionem, defectus enim ordinis in actu
 provenit ex defectu directionis in voluntate: cum tamen hic de-
 fectus directionis causatur ab intellectu, utpote non seriò pro-
 ponente voluntati Regulam rationis vel legis Divinæ, juxta quam
 voluntas dirigat & rectè ordinet actus suos, sed potius afferat
 rationes ad excusandas excusationes in peccatis: Sequitur intel-
 lectum quoque esse causam dictæ inordinationis in actu peccati.

Quomodo autem potentia intellectiva & volitiva sint re-
 formandæ, ne in peccatum, quin potius in virtutem causaliter
 concurrant, copiosè tractatur *infra* ubi de virtutis actu in genere
 & in specie.

Ita D. Tho-
 mas 1.2. quæst.
 75. a. 2.
 Cap. 2.

Vide 1. 2.
 quæst. 75. a. 1.

Vide D. Tho.
 ibidem a. 2.

1. 2. p. Theol.
 Spiritual.

SUBSE-

SUBSECTIO II.

De Causalitate physica Vitiolorum in peccatum.

Vitium est privatio debitæ perfectionis. Vel: Est habitus permanens, facile inclinativus potentie ad actum vitiosum, seu peccatum.

Dicitur: est privatio debitæ perfectionis: Etenim sunt aliqua vitia, quæ nihil positivum in suo conceptu includunt, v. g. Cæcitas mentis, ad similitudinem cæcitatæ corporalis, &c. Dicitur; habitus in quo convenit vitium cum aliis habitibus natura-

In lib. de libis: hic habitus docente D. Augustino: Est qualitas, secundum perfect. Justit. quam malus est animus. Unde hæc qualitas pro formali suo conceptu dicit privationem rectæ dispositionis, quæ convenit naturæ rationali. Siquidem S. Augustinus universaliter inquit:

Lib. 3. de lib. Quod perfectioni naturæ deesse perspexeris, id voca vitium. Quare mor- arb. cap. 14. in tale vitium juxta D. Thomam directè opponitur rationi virtutis, quæ *fine tom. I.* convenienter disponitur natura rationalis. Porro eadem qualitas

1. 2. quest. vitiosa materialiter sumpta, est quid positivum & reale, cum sit *71. art. 1.* positivè inclinativa potentie ad facilitatem actus: sicut vitia in sola privatione perfectionis sita sunt negativè facilitantia potentiam ad actum. Dicitur; *permanens*: id est non de facili mobilis, nisi per contrarios virtutis actus frequentatos, vel etiam pauciores sed intensos. Unde Congenita vitia manent quoque post baptismum: quia etsi per eum originale peccatum quoad reatum culpæ & pænæ æternæ dimittatur, non dimittitur tamen quoad reatum pænæ temporalis, quæ inter alias pænas maxima est illa spiritualis, seu corruptio moralis naturæ rationalis. Similiter Acquisita vitia manent post dimissa actualia peccata: quia siquid obstarèt habitibus vitiolorum, tum maximè obstarèt habitus infusi virtutum. Atqui hi non obstant; quia universaliter potentia v. g. ad amorem, compatitur inclinationem & facilitatem ad odium. Jam verò habitus infusi sunt quædam potentie supernaturales ad actus supernaturales, habitus verò vitiosi sunt inclinationes & facilitates ad peccata. Ergo iidem habitus sese compatiuntur. Dicitur; *facile inclinativus potentie ad actum vitiosum.* Hæc enim potissima proprietas est omnium habituum, maximè tamen vitiolorum, & habituatorum in peccatis hominum est, qui ut aquam bibunt iniquitatem, & absque ullo timore perpetrant mala filii hominum.

Hinc

Hinc simul patet quidam physicâ efficientiâ habitus vitiosi in suos actus causent, nempe facilitatem, quâ habilitatur potentia, ut prompta sit & expedita ad exercitium actus peccaminosi, cui suam essentiam dat potentia, promptitudinem verò habitus.

Vitia sive ut sunt privatio pura, sive ut sunt habitus vel qualitas, alia sunt Congenita, alia Acquisita: *Congenita seu Innata* dicuntur, quòd cum illis nascitur homo in pœnâ originalis peccati; vocaturq; corruptio seu vulnera naturæ lapsæ. *Acquisita* sunt, quæ per frequentatos actus vitiosos producuntur. *Congenita vitia* in specie hæc enumerantur. Ignorantia seu Cæcitas, & Hebetudo intellectus: Fragilitas seu debilitas voluntatis ad bonum, & Pronitas in malum, id est in superbiam, avaritiam, gulam, &c. Tum Malitia voluntatis, quæ videtur opponi Virtuti secundum quod Virtus est quædam bonitas. De quo vide D. Thomam: Tum deniq; Rebello appetitus sensitivi, quæ est Fomes peccati. Quanquam & ista Congenita vitia non eradicata per actus augentur, vel si quæ evulsa fuerint, vel saltem diminuta, denuo per actus repetitos acquiri possunt, uti & omnia alia.

1. 2. Quest.

71. art. 1.

Ejusmodi vitia Congenita et si omnibus sint communia, unus tamen magis inclinatur ad hæc, alter ad illa, ob variam dispositionem complexionis naturalis. Sic unus altero ob melius temperamentum citius intellectu capit, subtilius penetrat, tenacius memoriâ servat, adeoq; citius liberatur à Cæcitate mentis & Hebetudine. Sic Cholerici aut biliosi, ex quo calidi & sicci sunt, communiter præ aliis solent esse superbi, elati, ambitiosi, iracundi, præcipites, impetuoosi, audaces, intentum finem per quæcunq; media conantur assequi, hypocritæ, fallaces, astuti, dissimulatores, edaces quoque sunt. Porro Sanguineæ complexionis, cum sint calidi & humidi, qui apparent facie rubrâ, serenâ, & plerumq; subridenti, proni sunt ad jocos, ludos, risus, cantus, voluptates, facile suo & alieno indulgent genio, amant & amari exoptant: deniq; inconstantes, mutabiles ac parum seri sunt. Phlegmatici autem temperamento humido & frigido compositi, plerumq; solent esse corpulenti, otiosi, tepidi, tardi, somnolenti, hebetes ingenio. Deniq; Melancholici utpote frigidi & sicci, propensi sunt ad moerorem, timorem, suspiciones, silentium, capiti sunt seu proprio nimis inhaerent iudicio & sensui. Cæterum varia ejusmodi humorum temperatura, sicut & ipsa

ætas hominis, varia post se trahunt vitia. Nam Pueri & juvenes
proni fiunt ad intemperantiam; Virilis ætatis in ambitionem;
Senes in avaritiam.

1. 2. p. Theol.
Spiritual.

Porro Habitus vitiorum qualiter eliminandi sunt Modi &
Præses infra numerosè proponuntur.

SUBSECTIO III.

De Causalitate seu Concursu DEI ad errorem, &
peccatum: & quomodo non est Causa propriè
& Author erroris, ac peccati.

QUoad Errorem: Etsi Scriptura Sacra subinde insinuat DE-
UM decipere & excæcare, id tamen SS. Patres omnino expli-
cant non de Causalitate absoluta & positiva, sed de permissi-
va, prout infra ex dicendis de obcæcatione patebit.

Porro quoad peccatum, DEUS ita concurrat ad actum pec-
cati, ut non sit ejus causa per se, sed non nisi causa per accidens & permissiva.
Explicatur & probatur Prima pars: Asserti: Quia si DEUS ad pec-
catum concurreret tanquam causa illius per se, concurreret ut ad
illud ex se esset determinatus, ipsumq; determinaret, sicut facit cre-
atura peccans. Atqui DEUS quando concurrat ad peccatum, non
est ad illud ex se determinatus seu inclinatus, nec illud determinans
seu intendens voluntate beneplaciti, sed potius à creatura pro pri-
ori rationis determinatus, cum ipse potius intendat ut fiat actus bo-
nus, dando ad illum gratias sufficientes, & prohibendo ne fiat actus
malus. Hinc queritur DEUS contra peccatorem dicens: *Servire
me fecisti in peccatis tuis.* Servitus namq; propriè coactionem quan-
dam ab alio significat, & non ultroneam propensionem obsequen-

Isa. 43.

1. 2. Quest. 1. ad aliquid. Ratio autem D. Thomæ est: quia omne peccatum est
79. a. 1. Corp. per recessum ab ordine, qui est in DEUM, sicut in Finem, DEUS autem omnia
Cap. 1. de Di- inclinatur & convertit in seipsum sicut in ultimum finem: Sicut Dionysius di-
vini nom. cit: Unde impossibile est quod sit sibi vel aliis causa discedendi ab ordine, qui
est in ipsum: adeoq; ut concurrat ad peccatum quasi ad illud ex se-
ipso determinatus ipsumq; determinans. Illustratur id aptis simi-
V. 1. 2. Quest. 1. tudinibus, quarum unam affert D. Thomas de Claudicatione: Vis
79. art. 2. motiva quantum est ex se determinat ad hoc pedem, ut rectos gres-
sus faciat. Natura enim nihil intendens malum operatur, ut loquitur
axioma

axioma, quod verò pes claudicat, hoc facit tibia fracta, quæ determinat vim motivam ut influat in claudicationem. Similiter peritus Scriptor tenens manum pueri in scribendo, quantum est ex parte Scriptoris, hic inclinat puerum ad rectè formandos characteres, sed puer suâ imperfectione intorquet & determinat manum Scriptoris, ut simul utraq; manus influat in distortam scriptionem. Simili modo & DEUS videtur concurrere cum peccatore ad actum peccati distortum. Ex quibus concluditur, quod DEUS non est per se Causa & Author peccati.

Probatur Secunda pars Asserti: quod DEUS non nisi sit Causa per accidens & permissiva peccati: Quia ex suppositione Decreti DEI volentis conservare liberum arbitrium creaturæ rationalis, sequitur debere necessariò concurrere DEUM sicut cum aliis causis secundis, ita etiam cum libero arbitrio, quando ipsum sese pro prioris rationis determinaverit ad aliquod malum, illud malum quandoq; permittere. Alioquin si nunquam permetteret, ageret contra rationem Causæ universalis, & contra vim decreti sui. Dicitur autem Causa per accidens: quia non ex se determinatus concurrat ad peccatum neq; illud intendens, sicut ex se determinatus & intendens cõcurrit ad alios effectus bonos vel indifferentes creaturarum.

Quomodo autem est DEUS Causa Excæcationis, & Obdurationis, juxta illud Proph: *Excæca cor populi hujus, & aures ejus aggrava.* Et Apostolus inquit: *Cujus vult miseretur, & quem vult indurat:* Epist. ad Rom. 9. eleganter hæc declarat S. Thomas dicens: Excæcatio & obduratio duo important. Quorum unum est motus animi humani in hærentis malo, & averſi à Divino lumine, & quantum ad hoc DEUS non est causa excæcationis & obdurationis, sicut non est causa peccati. Aliud autem est subtractio gratiæ, ex qua sequitur, quod mens divinitus non illuminetur ad rectè vivendum, & quantum ad hoc DEUS est causa Excæcationis & Obdurationis. Est autem considerandum, quòd DEUS est Causa universalis illuminationis animarum secundum illud Joan. 1. Erat lux vera, quæ illuminat omnem hominem venientem in hunc mundum. Sicut sol est univèrsalis causa illuminationis corporum; aliter tamen & aliter. Nam sol agit illuminando per necessitatem naturæ: DEUS autem agit voluntariè per ordinem suæ Sapientiæ. Sol autem, licet, quantum est de se, omnia corpora illuminat; si quod tamen impedimentum inveniat

Isa. 6.

Epist. ad Rom. 9.

1. 2. Quæst.

a. 3. Corp.

Joan. 1.

inveniat in aliquo corpore, relinquit illud tenebrosū, sicut patet de domo, cujus fenestræ sunt clausæ: sed tamen illius obscuratio- nis nullo modo causa est sol: non enim suo iudicio agit ut lumen interius non imittat, sed causa ejus est solum ille qui claudit fene- stram. DEUS autem proprio iudicio lumen gratiæ non imittit il- lis, in quibus obstaculum invenit. Unde causa subtractionis gratiæ est, non solum ille, qui ponit obstaculum gratiæ, sed etiam DEUS, qui suo iudicio gratiam non apponit, & per hunc modum DEUS est Causa excæcationis, & aggravationis aurium, & obdurationis cor- dis, quæ quidem distinguuntur secundum effectus gratiæ, quæ & perficit intellectum dono sapientiæ, & affectum emollit igne cha- ritatis. Et quia ad cognitionem intellectus maximè deferviunt duo sensus, scilicet visus, & auditus, quorum unus defervit inventioni, scilicet visus, alius disciplinæ, scilicet auditus: ideo quantum ad vi- sum ponitur excæcatio, quantum ad auditum aurium aggravatio, quantum ad affectum obduratio.))

Patet ex dictis tum primitas & universalitas Causæ in Deo, ex cujus ratione necessario debet concurrere etiam ad peccatum: tum Sanctitas DEI, propter quam non potest esse Causa peccati. Quæ duo ut salventur, Modus hæc subfectione explicatur.


S E C T I O III.

De Causa Instrumentali Peccati.


Sicut Corpus habet se in ratione instrumenti, per quod ani- mus bene affectus extrinseca virtutum exercitia operatur: ita quoque est instrumentale medium quo maligna mens abu- ritur ab extra in omne nefas. Quod ita fiat, & quomodo fiat vi- sum est *supra*. Nunc verò videnda essent *motiva*, ne id fiat; tum *praxis*; quomodo id fieri non debeat; verum de his commo- *diori loco vide, ubi potissimum de vitiis Corporalibus* agit sub virtute Mortificationis & Tem- perantiæ, & alibi.

Theol. Spirit:
Parte I. cap. 4.
I. 2. Tract: 2.

Finis Primæ Partis
Theologiæ Spiritualis.




de
ur
de
er
ita
con
ma
ape
en



In Prima Secundae Pars

Fol.

160.



Quest. Lati.
No. 32